



উৎসর্গ

५

শ্রীমতী ভগবতী দেবী

কল্যানীয়াষু



স্বরপতির মানুষ হয়ে ওঠার ইতিহাসটা সুস্পষ্ট নয়। বাগানে গজায় নানা ফুল, নানান চারা, তাদের যত আছে তদ্রিধ আছে, কিন্তু এমন ফুলও রয়েছে যা বেড়ে ওঠে অলক্ষ্যে, তার দিকে কর্তৃপক্ষের ভ্রক্ষেপ নেই, নিজের প্রাণলীলায় নিজেকে সে বিকশিত করে। স্বরপতির মানুষ হয়ে ওঠা ছিল পরিবারের অগোচরে। তার প্রতি লক্ষ্যও ছিল না, অনানুষ্ঠানিক দৈখ্য যায় নি। তার সম্পর্কে আশাও যেমন কেউ করে নি, তাকে নিয়ে হতাশ হবার কারণও তেমনি ঘটল না। স্বরপতি এমনি করেই বড় হয়ে উঠল।

বেমর আর পাঁচ জন। ওপাড়া এপাড়া, এদেশ সেদেশ, যেমন জগতের অগণ্য পিতা-মাতার অসংখ্য সন্তান বেড়ে উঠেছে, স্বরপতি তাদের একজন। তার শরীর, তার মন, তার ক্রমবিকাশ, এ নিয়ে পরিবারের কোন উদ্বেগ নেই, সে যা হয়ে উঠবে তা এ তর্রাটের সবাই জানে অর্থাৎ কিছুই সে হবে না। এমন কোনো ঘটনা, কোন দৈব, কোনো বিশেষ আন্দোলন তার প্রথম জীবনটায় ঘটল না, যাতে তার ব্যক্তিত্বের ওপর ছাপ পড়ে, তার স্বাতন্ত্র্য প্রশ্নান্বিত হয়। সে যদি সংসার খেতে সারে যায় তবে গাছের একটি পাতাও নড়বে না, সকলের কাজ সমান চাবেই চলবে, তাকে খুঁজে আনার দরকার হবে না, কারণ তার নিজস্ব



## অগ্রগামী

কোন পরিচয় নেই। তার থাকা আর না-থাকা একই কথা! এমন মানুষ আছে যারা কেবলমাত্র জীব, জীবন নয়, তাদের বাঁচা ও অস্তিত্ব প্রকৃতির নিয়মেই তাদের ঘটে বিনাশ। সুরপতি পথের পাশের নামহারা মরুভূমী ফুল, তার দিকে ফিরে তাকাবার দরকার নেই।

একদা এইটেই সুরপতির কাজে লাগল। পরিবারের যে বৈরাগ্য সময় সময় তার মনকে উৎপীড়িত করেছে সেটা হোলো তার পক্ষে আশীর্বাদ। মায়-মমতার সঙ্গে তার মনের ছোঁয়াচ নেই, সে দেখলে কেবল তার জীবনটাই নয়, সামনের পথটাও তার মুক্ত। কেউ তাকে টানেনি তাই তাকেও টানতে হয়নি কাউকে, তার হৃদয়কে নির্লিপ্ত রেখেছে সবাই নির্মল আর নির্মোহ—এটা সৌভাগ্য। এমন ঘটে অনেকের জীবনে। বন্ধনার দিকটা ভাঙে, ঐশ্বর্যের দিকে গড়ে ওঠে। যদিবা কিছু অভিমান ছিল সুরপতির জীবনে, যৌবনকালের নবজাগ্রত চেতনায় আপনাকে বিস্ময়গত করে সে দেখলে, তার ভিতরের নালিশটা ধূয়ে মুছে দেউল পরিষ্কার হয়ে গেছে। ভাগ্য-দেবতা তার সুপ্রসন্ন সন্দেহ নেই।

একালবর্তী পরিবারে সুরপতি মানুষ। পরিবারের অবস্থাটা স্বচ্ছল। যেমন আর পাঁচটা ছেলেমেয়ে বসে রয়েছে—তাদের মধ্যে জীবন-সংগ্রামের বিশেষ কোন উদ্বেগ নেই, তাদের নিয়ে সমস্যাটাও জটিল নয়। মেয়েরা যথাসময়ে বাবে খুত্তর বাড়ী, ছেলেরা যথাসময়ে স্ত্রী ঘরে আনবে। সম্পত্তির দ্বায় থেকে চলবে। এইটেই তাদের আদর্শ, এইটেই লক্ষ্য। সুতরাং দ্বিধাশূন্য সবাই জানে।

জানেনা কেবল সুরপতি। জানতে গেলে তাকে অন্ধকারে হাতড়াতে হয়। একটা দুর্গম কল্পনাকে সে মনে মনে লালন করেছে, সেটা এই দ্বিধার স্বভাবধর্মবিরোধী। সুরপতির নবজাগ্রত চেতনাটা স্থবির নয়, তার জীবনটা তার কাছে ভয়। কেন ভয়, এর উত্তরটা শোনবার জন্য র প্রব্রুত উত্তর কোথাও নেই।

## অগ্রপামী

সুরপতি তাঁকে ঠিকানা খুঁজে বা'র ক'রে দিলে। 'আঃ সে আজ স্বাধীন, সে মুক্তি পেয়েছে। পথের হাওয়ায় সে একবার নিশ্বাস নিলে। তাকে কাজ করতে হবে, মাথা উঁচু ক'রে দাঁড়াতে হবে।' স্বর্ধাক্ষরকে আলিঙ্গন করতে তার ইচ্ছা হোলো।

এক সহপাঠীর সঙ্গে হঠাৎ দেখা।—কি হে সুরপতি, কোথায় চলেছ ?

আরে, অমিয় যে, ভালো ত ? এই বেরিয়েছি একটু ঘুরতে। অনেককাল পরে দেখা ! কোথায় আছো এখন ?

অতীতকালের স্মৃতিকথা নিয়ে দুই বন্ধু মুখর হয়ে উঠল।

বয়সটা হুজুরেই ভালো নয়। অমিয় জিজ্ঞাসা করলে, তারপর, বিয়ে করছ কবে ? চেষ্টা চলছে ত ?

তা চলছে বৈ কি, হলেই হোলো। বিয়ে করাই ত সব চেয়ে সহজ।

অমিয় যাবার চেষ্টায় পা বাড়িয়ে বললে, বিপদে পড়েছি, ছোট ভাইয়ের অসুখ, মেসে রয়েছে, দেখবার কেউ নেই।

— সুরপতি সাগ্রহে বললে, কি অসুখ ?

টাই-ফয়েড শুন্ছি।

সুরপতি আর তার সঙ্গে ছাড়ল না, চলতে লাগল পাশে পাশে। বলতে লাগল নানা সান্ত্বনার কথা পরম আত্মীয়ের মতো। এলো মেস পর্য্যন্ত এবং বন্ধুর সঙ্গে রোগীর ঘর অবধি গেল। রোগী বিছানায় স্তিমিত হয়ে রয়েছে।

অনেক রাতে জানা গেল, সুরপতি এখান থেকে নড়বে না, রোগীর পরিচর্যা নিয়ে থাকবে ব'সে। এটা বন্ধুত্বের আতিশয্য—অমিয় ভাবলে, বড় লোকের সখ। নৈলে কেন এতখানি ত্যাগ, এতটা আন্তরিকতা ? বড়লোকদের খেয়াল ছাড়া কি ?

আট দিন কাটল রোগীর সেবায়। তারপর রোগীকে সুস্থ দেখে বিনা নোটিশে একদিন সুরপতি মেস থেকে চ'লে গেল, আর তার থাকার কোনো দরকার নেই। পথের জীবনটা অভ্যস্ত নয়, নানা দিকে অভাব মূর্তি ধ'রে

## অগ্রগামী

বাড়ার। এদিকে মাঠ থেকে ঘাটে, এ-বাগান থেকে ও-বাগানে। কিন্তু এর মধ্যে বিশেষ একটা ভালো লাগা রয়েছে। প্রতি মূহুর্তে বেঁচে থাকাটা প্রমোদিত হয়। নিজের মনে তন্ন তন্ন করে অনুসন্ধান করে সুরপতি দেখলে বাড়ী ফিরে যাবার ইচ্ছা তার নেই, সেদিকের বন্ধন তার শেষ হয়েছে। আত্মীয়ের আকর্ষণের ভিতরে রয়েছে পাশবিক মোহ, একত্র থাকার জন্ত মনের একটা যন্ত্রণাদায়ক বাধাবাধি। এটা ছিন্ন করতে তার বেদনা নেই। মায়া যেন প্রেতের মতো তার পিছু পিছু না লেগে থাকে। মাহুঘের সকল বন্ধন তার মনে।

কিছুকাল পরে একটা কাজ পাওয়া গেল। একটা বড় কারখানার কর্মধ্যক্ষের সহকারীর কাজ। এক বিন্দু জল থেকে হয় সমুদ্র, একটি বালুকণা থেকে হয় মহাদেশ। অনেক নিচু থেকে অনেক উঁচুতে মাথা তুলতে পারাটাই পুরুষত্ব। আদর্শটা তার সুস্পষ্ট, আদর্শচ্যুত থাকাটা পাশবিক অবস্থা। সুরপতি একান্ত মনে কাজে লেগে গেল।

কাজের সঙ্গে বাসস্থানের ব্যবস্থা পাকা হোলো। কুণ্ঠিত দুঃস্থ হয়ে থাকা প্রাত্যহিক জীবন-যাত্রাটা গণতান্ত্রিক, সবাই সমপর্যায়ভুক্ত। বিশেষ ক্রটি আর বিশেষ ব্যক্তিত্বের আদর কম। আহারাদির ব্যবস্থাটা কেবল মাত্র প্রয়োজন সম্পেক্ষেপ। কিন্তু তাতে সুরপতির অসুবিধা নেই। কর্মকুশলতার জন্ত কর্মক্ষেত্রের স্নেহটা পাওয়া গেল অতি সহজে। সুরপতির দিন মন্দ কাটছে না।

এমন দিনে আবার হঠাৎ পথে দেখা হয়ে গেল হরিহরদাদার সঙ্গে। প্রথম সন্তানগেই বোঝা গেল সুরপতির গৃহত্যাগের সংবাদটা তিনি পেয়েছিলেন।

সন্নেহে কাঁধে হাত রেখে তিনি বললেন, বাড়ী থেকে চ'লে এলি কেন রে সুরপতি বললে, ভাগ্যের কষ্টপাথরে নিজেকে পরীক্ষা করতে হ'ই হরিহর-দা। বাড়ীতে সুখ ছিল, স্বস্তি ছিল না।

কিন্তু নোঙর ছিঁড়লে নৌকার অবস্থাটা কি হয়?

দুঃখই আমি নিতে চাই।

## অগ্রগামী

কার জন্তে রে?—হরিহর হাসলেন।

স্বরপতি বললে, আদর্শ! রাজপুত্র তিকার খুলি কাঁধে নিয়েছিলেন কেন হরিহর-দা?

চাকরি নিলি কেন? অর্থের কি অভাব ছিল?

না। কাজের জন্তেই চাকরি, অর্থের জন্তে নয়! এবার আর আপনাকে ছাড়ব না, ঠিকানাটা দিন। আপনি আছেন আমার জীবনে বড় উদ্বাহরণ হয়ে।

পথের মাঝখানে নানা তত্ত্ব নিয়ে আলোচনা চলতে লাগল। মানুষ বলে থাকে হরিহর কোনোদিন স্বীকার করেননি আজ সে একজন ব্যক্তি হয়ে উঠেছে! স্বরপতি বললে, নিজের জন্তে কেবল বাঁচার অধিকার নেই মানুষের, পশু কেবল বাঁচে নিজের জন্তে। চেয়ে দেখতে হবে পৃথিবীর এক বিশাল জনতা আমার প্রাণধারণের দরজায় হাত পেতে দাঁড়িয়ে রয়েছে, আমি মানুষ হয়ে না উঠলে অসীম দারিদ্র্য থেকে তাদের পরিত্ৰাণ নেই! আমি মাথা তুলতে চাই হরিহর-দা।

হরিহর বলিলেন, বাড়ী ফিরবিনে?

স্বরপতি বললে, সে দুর্ভাগ্য যদি ঘটে তবে ভগবানের কাছে ক্ষমা চাইব।

বিয়ে?

বিয়েটা স্বার্থের দাসত্ব।

হরিহর বলিলেন, কিন্তু পয়ের দাসত্ব ক'রে কি উন্নতি তোর হবে? এটাত কেবল অন্ন সংগ্রাম।

স্বরপতি হেসে বললে, আপনি পরীক্ষা করছেন জানি, তাই সামান্য বস্তুবাটা নিবেদন করব। অন্ন যদি আমার জোটে তার থেকে ভাগ দেবো অন্ধকে। আশ্রয় যদি পাই নিরাশ্রয়কে আনবো টেনে। পথ যদি খুঁজে পাই তবে পথ দেখাতে পারব অন্ধকে। এর বেশি আর আজকে আপনাকে বলব না। ফুলের কুঁড়ি জানে না তার সম্পূর্ণ আত্ম-পরিচয়! এই বলে সে হেঁট হয়ে হরিহরের পায়ে ধুলো মাথায় নিলে।

## অগ্রগামী

কিছু ঘটনাটা গেল ঘরে। একদিন কারখানার কর্তৃক সমস্ত সময়টার উদ্ধার যত্নে বড় কাকা এসে দেখা দিলেন। সুরপতির পরিচ্ছদটা ভালো ছিল না, পরণে কালিঝুলি মাথা এলোমেলো হাফপ্যান্ট, গায়ে গেঞ্জি। বড় কাকা স্তম্ভিত হ'য়ে হেসে বললেন, এ কি রে?

সুরপতি হেসে বললে, জীবন-সংগ্রাম কাকাবাবু।

যা, কাপড় ছেড়ে আয়।

ভাতুস্পত্র তাঁর হুকুম তামিল ক'রে কাছে এসে দাঁড়াল। কাকা বললেন, তুই যে বড় হয়েছিস এটা আমরা জানতে পারিনি। নে চল, সবাই কেঁদে কেটে খুন হচ্ছে। ব'লে তিনি কারখানার মালিককে ডেকে সুরপতির হয়ে কাজে জবাব দিয়ে বাইরে এসে দাঁড়ালেন।

আপনি কি আমায় বাড়ী নিয়ে যাবেন? কি করব গিয়ে?

ছেলের কথা শোনো। খাবি দাবি, বংশের নাম রাখ'বি, বিয়ে হবে, সংসার, ধর্মকর্ম...এই সব কর'বি!

যদি এ সব কিছুই না করি বড় কাকা?

তা'হলেও নালিশ নেই, আহা-নিদ্রা নিয়ে থেকো। তাই ব'লে বাড়ী ছেড়ে পালিয়ে না এলেও চলবে।

পালিয়ে আমি আসিনি, চ'লে এসেছি কাকাবাবু।

কেন?

কিছু কাজ করতে চাই।

বাড়ীতে থেকে হয় না?

না। সুরপতি একটা কথা বলতে গিয়ে থেমে গেল। সেটা এই যে, নিরাপদ আশ্রয় আর নিশ্চিন্ত অন্ন—এরা অনেক কাজেই বড় দেয়।

কাকা তার হাত ধ'রে নিয়ে চললেন। বাড়ীর দিকে চলেছে একথা সুরপতি জানে, বাড়ীতে না ফিরবার প্রতিজ্ঞাটাও তার স্পষ্ট মনে আছে। কাকা

## অগ্রগামী

বললেন, তা'হলে তুমি এখন কোথায় থাকতে চাও? দাদা আর বৌদির সঙ্গে এমন ভ্রমিমান কদ্বার কারণ ঘটল কবে বলো ত?

স্বরপতি বললে, একটুও না কাকাবাবু। আমি চুরি ক'রে আসিনি, লুকিয়েও বেড়াব না। যা ছেড়ে এসেছি তা আর গিয়ে আঁকড়ে ধরব না। এটা আমার প্রতিজ্ঞা নয় কাকাবাবু, এটা বিচার।

কাকাবাবু সবিস্ময়ে হাসলেন। এ তাঁদের বাড়ীর সেই স্বরপতি যেন নয়। হঠাৎ সে যেন নতুন ক'রে জন্মগ্রহণ করেছে।

গাড়ী ক'রে ছ'জনে বাড়ী এসে পৌঁছলেন। লোকে লোকারণ্য। হারাধনের পুনঃপ্রাপ্তি। পিতামাতা ও আত্মীয়-স্বজনের অশ্রুসিক্ত। ছেলেকে কিরে পাওয়াটাই বড় কথা, শাসনের প্রয়োজন নেই। মা আঁচল দিয়ে মুখ মুছিয়ে ঘরে তুলে নিয়ে গেলেন। চাকরি আর স্বরপতির কথা হোলো না।

বাবা শুনলেন সকল কথা। বললেন, তুমি বড় হয়েছ, তোমার কিছুতেই আর বাধা দিতে পারব না। এবার থেকে তুমি যা ভালো মনে ক'রো তাই করবে, কেবল নিরাপদে থাকবার চেষ্টা করলে আমরা খুশী হবো। তোমার কাছে কোনো কৈফিয়ৎ আর আমরা চাইব না। বাড়ীতে তুমি থাকতে চাওনা কেন? আচ্ছা থাক, আজকে উত্তর না দিলেও চলবে। ব'লে তিনি বেরিয়ে গেলেন।

প্রতিজ্ঞাটা ভাঙল কিন্তু লক্ষ্যটা স্থির হোলো এই বিদ্রোহের ভিতর দিয়ে। ঘরটা তার পথের সঙ্গে মিলেছে। অবরোধের দৈয়াল ভেঙে অন্ধকারে এসে পড়েছে বাইরের আলো, নিশ্বাস নেবার বাতাস যেখানে ছিল না, বনের হাওয়া ঢুকেছে সেখানে। বাড়ীতে সে এসে ঢুকল বটে কিন্তু পুরাতন জীবনে আর প্রবেশ করল না। যা কিছু সাধারণ তাদের পরে তার বিবদৃষ্টি মনের মধ্যে এই কথাটা পাক খেয়ে ঘুরছে, যুদ্ধের জ্ঞান প্রস্তুত হতে হবে।

যুদ্ধে সে নেমেছিল কিন্তু ফিরিয়ে আনলেন আত্মীয়রা। তার মনেও ত ছিল দুর্বলতা, পিছুটানের মোহ। নিজেকে স্বরপতি বিশ্লেষণ ক'রে দেখলে।

## অগ্রগামী

মনের অগোচর পাপ নেই। ভয় ছিল তার মনে। অন্তরমহলের দাক্ষিণ্যে সে লালিত, বহির্জগতের বঙ্কা ও দুর্ব্যোগ সঙ্ক করার শক্তি সে সক্ষম করেনি। একটি মাত্র অমরোপ তাকে আদর্শচ্যুত করে আনল। আপন সত্যের প্রতি সে বিশ্বাস নয়। সাধ আছে সাধ্য নেই। চরিত্রের দ্বন্দ্বটো লজ্জার কারণ।

এমন দিনে সূর্যগ্রহণ এলো। স্বৈচ্ছাসেবক সংগ্রহ করা হচ্ছে সুরপতি তাদের দলে গিয়ে নাম লেখালে। নদীর ধারে তাকে দাঁড়িয়ে স্নানার্থীদের বক্ষণাবেক্ষণ করতে হবে। কাজটা ভালই লাগল। কাজ একটি তার চাই।

যথাদিনে যথাস্থানে সে উপস্থিত। বিশাল জনতায় গঙ্গার ঘাটগুলি পরিপূর্ণ। দলপতির হুকুমে ভিড়ের ভিতরে তাকে দাঁড়াতে হলো। তার শারীরিক শক্তিটা পরিচয়-পত্রের কাজ দিলে! সকাল থেকে মধ্যাহ্ন পর্যন্ত তার নিশ্বাস নেবার আর সময় রইল না।

ফিরবার মুখে অকস্মাৎ দেখা গেল, এক জায়গায় হরিহর দাদা কতকগুলি লোক নিয়ে দাঁড়িয়ে। তাপরাশ দেখে সুরপতি বুঝলে তাঁরাও স্বৈচ্ছাসেবক, হরিহর দাদা তাঁদের নেতৃত্ব। সুরপতি সানন্দে এগিয়ে গেল সেদিকে।

আরে, তুই যে? ভলান্টিয়ার হয়েছিলি? হরিহর বললেন, এত বোদ্ধুরে আর ফিরে যেতে হবে না, আমাদের ওখানে খাবি চল।

তথাস্ত! সুরপতি তাঁর সঙ্গে নিলে। লোকজনেরা বিদায় সম্ভাষণ জানিয়ে সুরপতির দিকে একবার দীর্ঘনিশ্বাস দৃষ্টিতে তাকিয়ে চলে গেল। গ্রহণের যোগ তখন শেষ হয়ে গেছে।

পথে যেতে যেতে হরিহর বললেন, তোদের ওখানে গিয়েছিলুম। শুনলুম তুই আর বাধা নিষেধ কিছু মানবিনে। কি করবি বলত?

বলুন না আপনি?

বিলেত যাবি?

সুরপতি বললে, না।

## অগ্রগামী

কেন ?

আমার দেশেই অনেক কাজ আছে হরিহর-না।

হরিহর বললেন, তা সত্যি বলেছিস। তবে আপাতত একটা কাজ করবি ? আমি বললে হয়ে যেতে পারে।

কি বলুন ?

দানক ঠিক নয়, তবে মাইনে নিয়ে কাজ। এক প্রকাণ্ড জমিদারের দুটি ছেলের গৃহশিক্ষকতা। পারবি ?

পারব।

না পারার কারণ নেই, তুই গ্রাজুয়েট। কাল আমার কাছে খবর এসেছে, তাহলে কথা দেবো ত ?

হ্যাঁ দিন।

বাসা তাঁর কাছাকাছি। কথায় কথায় দুজনে এসে পৌঁছল। পাড়াটো অনেকটা হরিজনপল্লীর মতো। নিকটে কাছাকাছি কোথাও ~~অভিজ্ঞান~~ চিহ্ন নেই। ভাড়া বাড়ী, নোনাধরা দেওয়াল, প্রাচীন প্রাচীরে অশ্বখের চারা, দরজার হাদিকে বহুদিনের পরিত্যক্ত জঞ্জাল। বড় রাস্তা থেকে কিছু দূরে গলির ভিতরে, তাই জনসমাগম কম। দুই চারিটা পাথার কিচিমিচিতে রৌদ্রদীপ্ত মধ্যাহ্ন আরো যেন নিস্তব্ধ মনে হোলো। হরিহর বললেন, ভেতরে আয়।

ভিতরে গিয়ে সুরপুষ্টি দাঁড়াল। এত বড় বাড়ীতে কোথাও কেউ নেই। কালো কালো স্তম্ভের মতো ঘরগুলি অনির্দিষ্ট কালের অব্যবহৃত। ভাড়া দালান, ফাটলধরা ছাদ, উইধরা জানালা ও দরজা, কোনো কোনো ঘরের চৌকাঠ পর্য্যন্ত শেওলা উঠেছে। দিনের বেলাতেও পোকা-মাকড়ের অব্যাহত আনাগোনা। হরিহর সেইদিকে তাকিয়ে বললেন, বাড়ীখানা প'ড়ে রয়েছে, এবারের কালবৈশাখীতে আর হয়ত টেকবে না। কেই বা দেখে কেই বা তদ্বির করে। আমি ত ভবঘুরে।



## অগ্রগামী

স্বরপতি বললে, আপনি কেন সংসার করলেন না হরিহর-দা ?

তার মানে বিয়ে ? রামো ! ওকাজ কখনো করতে আছে বে ?

আপনার কি ভালো লাগে না ?

না, সহ করতে পারিনে। ওসব সুখী লোকের জন্তু ; বিয়ের জন্তে তারা জন্মায়, সন্তান রেখে তারা মরে। আর তা ছাড়া স্ত্রীলোকের বোঝা, বড় ভারি। পুরুষের জীবনে তাদের স্থানও কম, দামও অল্প। -নে চান করে, কুয়োর জলটা খুব ঠাণ্ডা। খেয়ে দেয়ে বাড়ী বাবি ত ?

তাই ত যাবার কথা।

তাই যা, কাজটা তোর হয়েই যাবে। দিন তিনেক বাদে সেখানে যাস, আমি ইতিমধ্যে ব'লে রাখব। টাকা চল্লিশেক মাইনে দেবে, আমার মনে হয়। কিন্তু বাড়ীটা যে তোকে ছাড়তে হবে স্বরপতি ? ছাত্র ছুটিকে নিয়ে সর্বক্ষণ থাকতে হবে, এই কড়ারে চাকরি পারবি ত ?

— পারব, আপনি ব'লে দেবেন।

বাড়ীর মায়া মমতা ?

ও আমার নেই।

হরিহর হাসলেন। বললেন, মায়া মমতা নেই একি কখনও হতে পারে রে ? মায়া মমতা থেকেই ত জন্ম আমাদের। তোকে আনলে কে সংসারে ? পালাবি কোথায় এদের ছেড়ে, সবদিক থেকেই যে টানছে। তোর কাজের মূলেও ত এই। নিজের জন্তে ত সামান্য, পরের জন্তেই যে সব। যাক সে কথা, চান্ করে নে ভাই। দাঁড়া কাপড় এনে দিই।

স্বরপতি স্থান করে উঠল।

হরিহর বললেন, অনেক অসুবিধে হবে কিছু মনে করিসনে। আমার যা কিছু সব দেশ বিদেশে ছাড়িয়ে আছে। পরিব্রাজকের জীবন, ছন্দ এলো না জীবনে। উপকরণ সব রয়েছে, নৈবেদ্য সাজানো হ'ল না।

কেন এমন হোলো আপনার ?

## অগ্রগামী

হবার কথা নয়, তবু হোলো সুরপতি। কৈকিয়ৎ কিছু নেই ভাগ্যের চক্রান্ত। এক একজনের এমনই হয়। আর খেয়ে আসি।

এদিকে ওদিকে কেউ কোথাও নেই। দুটি প্রাণীর গলার আওয়াজে মাঝে মাঝে এই বিশাল রহস্যপূরী ভিতরে প্রতিধ্বনিত হতে লাগল। গোটা দুই ঘর পার হয়ে তারা এলো আর একটা অন্দর মহলে। চারিদিকে জঙ্গল, ভিতরে কোথাও জন্তু জানোয়ার সাপ-ব্যাঙ লুকিয়ে থাকা বিচিত্র নয়। দিনের বেলাতেও কোথায় যেন ঝিঁঝিঁ ডাকছে। কোথাও ঝুলছে চামটিকে, কোথাও মাকড়সার জাল, দালানের কড়িকাঠের কাছে বোলতার চাক, তার পাশ দিয়ে দেওয়াল বিদীর্ণ করে অশ্বখ গাছের শিকড় দরজা পর্যন্ত নেমে এসেছে। যেন সঙ্গাসীর জটা। দুজনের পায়ের শব্দ পেয়ে একটা কালো বিড়াল পাশ দিয়ে চলে গেল।

আপনি এখানে থাকেন হরিহর-দা?

চোখে মুখে সুরপতির অদম্য কোতুহল দেখে হরিহর আবার হাসলেন বললেন, থাকিনে। মাঝে মাঝে এসে বাসা বাঁধি। স্থায়ী ত নয়, যে দিন খুসি চ'লে যাই। এইযে, এই ঘরে আর।

এ বাড়ীতে এক ঘণ্টাও যে বাস করা যায় না এই কথাটা প্রকাশ করবার আগেই যে-দৃশ্য সুরপতির চোখে পড়ল তাতে সে একেবারে স্তম্ভিত। মেঝের উপর অতি পরিচ্ছন্নভাবে অপ্রত্যাশিত আহাবের আয়োজন। এমন ~~বিভিন্ন~~ প্রকারের আহাৰ্য্য কেবল গৃহস্থ ঘরের স্নিয়স্ত্রিত বন্ধনশালাতেই সম্ভব। সুরপতি কাঠ হয়ে দাঁড়াল। এ যেন বাহুবল্লা ইঞ্জিাল। তার আর ভাববার কিছু নেই। ভাববেই বা কি? সে শিশু, অনভিজ্ঞ, অর্ধাটীন। পৃথিবীর সব কিছু তার কাছে বিচিত্র, বিষয়। তাকে এখন শিখতে হবে, জানতে হবে অনেক। আপন শক্তির সম্বন্ধে তার ছিল একটা অভিমান, অহঙ্কার সেটা তার ভাঙল। তার চেয়ে নগণ্য আর কেউ নেই, তুচ্ছ সে, অকিঞ্চন

## অগ্রগামী

সে। পরের কাজে সে বাঁচবে, কিন্তু তার আগে নিজেকে মাছুষ করা দরকার।

আহাৱাদি শেষ ক'রে উঠে হরিহর বললেন, চল তাকে একটু এগিয়ে দিয়ে আসি। এসে কাজে বসব।

কিছু দরকার নেই হরিহর-না, আপনি একটু বিশ্রাম করুন। আমি এখন বাড়ী যাব না। ক্যাম্পে গিয়ে আমাকে হাজরে দিতে হবে।

হরিহর বললেন, আমার এসব দেখে তুই যেন অবাক হয়ে গেলি মনে হচ্ছে ?

সুরপতি প্রশ্নের উত্তর না দিয়ে কেবল বললে, আবার আমি আপনার কাছে আসব। আমার কাজের জন্ত ব'লে দেবেন ত ? আমি একটু স্বার্থপর হব হরিহর-না।

৬ হরিহর হেসে বললেন তা'হলে ত ভালই হয়। আচ্ছা সেখানে এখনই একটা চিঠি লিখে দিচ্ছি। না গেলেও চলে, চিঠিতেই কাজ হবে। দিন দুই-বাদে সেখানে যাস।

সুরপতি তাঁকে প্রণাম ক'রে উঠে চলে যাবার আগে তিনি বললেন, সবাই যে পথ দিয়ে হাঁটে সে-পথে যারা চলে না তাদের কি হয় জানিস সুরপতি ? তারা যায় বিপদ থেকে বিপদে, কাঁটা থেকে কাঁটায়। তাদের ছন্দ ভাঙে, কল্জে ফাটে, নোঙড় ছেঁড়ে, জীবন বানচাল হয়—তাদের আর কিছু থাকে না। দুর্গমকে উত্তীর্ণ হবার কাজ বিধাতা সবাইকে দেন না।

সুরপতি আর একবার দাঁড়াল।

হরিহর বললেন, ফিরে যা ভাই শৃঙ্খলার জীবনে, আসিস্নে এদিক। অনেক যাবে পাবিনে কিছু, বুকের রক্ত চোখের জল হয়ে নামবে। বন্ধ-নাগ শীর্ণ হয়ে যাবি।

ধীরে ধীরে সুরপতি বাইরে বেরিয়ে এলো। মনে হতে লাগল, এক গর্জমান তরঙ্গসঙ্কুল সমুদ্র তাকে পার হতে হবে। চোখে মুখে তার অসহায়তা,—

## অগ্রগামী

কোন কর্ণধার তাকে পার ক'রে দেবে ? কি করবে নিজেকে নিয়ে ? বাবে কোন দিকে ?

দরজা থেকে নেমে দেখল পথ নির্জন ; রৌদ্রময়। বেঘনায় আর অতৃপ্তিতে তার চোখ ঘেন ভ'রে এসেছে। পা বাড়িয়ে এলোমেলো হাঁটতেই হঠাৎ পাশ থেকে মৃদুকণ্ঠের আওয়াজ এলো,—শুধুন ?

ফিরে দাঁড়াল, জানলার ধারে দাঁড়িয়ে একটি মেয়ে ব্যাকুল হয়ে তাকে ডাকছে সুরপতি সচেতন হ'য়ে বললে, আমাকে ডাকছেন ?

হ্যাঁ, একবারটি শুধুন ?

এগিয়ে গেল সুরপতি। দেখলে পাতালবাসিনী রাজকন্যা। পরণে শতছিন্ন একখানা নীলাশ্বরী, তা'তে লজ্জা ঢাকেনা, গায়ে জামা নেই। মাথার চুলের রাশ শরীরের খানিকটা° আবরু বাঁচিয়েছে। করুণ শাস্ত্র মুখশ্রী একখানা হাত খালি, আর একহাতে একগাছা কাঁচের চুড়ি। মেয়েটা উদ্বিগ্ন ও ভীতকণ্ঠে বললে, আমাকে বিপদে ফেলেছেন উনি, আপনিও বিপদে পড়বেন,—আর আসবেন না ওঁর কাছে। বুলেন, খুব সাবধান।

বিস্ময়ে বিস্ফারিত চোখ সুরপতির। এমন রূপ আর কখনো তার চোখে পড়েনি। স্বপ্নও নয়, মায়াও নয়,—ঘেন শাপভরা দেবকন্যা। সুরপতি আত্ম-সম্বরণ ক'রে বললে, হরিহর-দার কথা বলছেন ?

হ্যাঁ। মেয়েটি পুনরায় ভয়ান্ত চোখে চেয়ে বললে, মাহুষকে বিপদে ফেলা! ওঁর কাজ। আপনি কিছু জানেন না তাই সাবধান করছি। যান, আঁড়াবেন না।

মূহূর্ত্তমাত্র, তারপরেই জানলাটা নিঃশব্দে দ্রুত বন্ধ হয়ে গেল।

## দুই

কিছুকাল কাটল। সুরপতির মা গেলেন মারা। একাদশবর্ষী পরিবারের চাকর অশ্রুজ্বল ভাইবোনেরা পাক খেয়ে খেয়ে মাছুষ হতে লাগল। পিতা কিছু উদাসীন প্রকৃতির, অর্থাৎ এক হাতে ধর্ম কৰ্ম ও অল্প হাতে বিষয় সম্পত্তির তদারক—এই নিয়ে তিনি সংসারের একান্তে স'রে রইলেন।

সুরপতির মনে একটি মুক্তির স্বাদ আছে। সহসা তাকে মাতৃবৎসল পুত্র বলা কঠিন, তাকে চেনা যায় না। পিতৃপরিচয় দিয়ে সে যে কোনো সমাজে গিয়ে দাঁড়াবে এমন আশা তার সম্বন্ধে করলে সে অত্যন্ত দুঃখিত হবে। তাই মায়ের মৃত্যুর পর সে মনে করলে, তার একটা কঠিন বাধন কাটা গেল। বাষ্পের চেয়ে মায়ের আশ্রয়টা সন্তানের পক্ষে মোহিময়। সেই মোহ থেকে সহজে উত্তীর্ণ হয়েছে মনে ক'রে সুরপতি নিজের কাছেও যেন খানিকটা সহজ হয়ে দাঁড়াতে পারল। এর পরে রইল পিতাপুত্রের বোগসুত্র। কিন্তু বত্রিশ নাড়ির সম্পর্কের চেয়ে রক্তের সম্পর্কটা দুর্বল, সুতরাং পিতা যে জীবিত আছেন এ সম্বন্ধে সুরপতির বিশেষ কোনো উদ্বেগও নেই। সে গোছানিষ্কান বরণ করলে।

খুড়িমা তাকে ডাকলেন, কিন্তু সে রাজি হ'ল না। তাঁরা ভাবলেন, মায়ের মৃত্যু আর বাষ্পের বৈরাগ্য এর জন্ত সুরপতি হোলো ঘরছাড়া। ভাইবোনেরা টানতে শেখেনি, তারা প্রত্যেকেই বিছিন্ন। সুতরাং একদিকে সুরপতির অক্ষিপ করবার অবকাশ নেই। এমনি করেই সংসার ডিঙিয়ে সে একাকী জীবনের অবাধ পথে এসে দাঁড়াল। এবার একদিকে সে নিশ্চিন্ত!

গৃহশিক্ষকতাটা তার ধাতে নেই। এত বড় অহঙ্কার সে করবে না যে, সে কারো শিক্ষক হবে। হোক শিশু, শিশুকে শিক্ষা দেওয়া অতি কঠিন। কিন্তু

## অগ্রগামী

হরিহর দাদার সাহায্যটা তার কাজে লাগল। জমিদারের ছুটো ছেলেকে পড়িয়ে হাতে তার কিছু অর্থ এলো। আহার এবং বাসস্থান জমিদার প্রাসাদের একান্তে।

মাঝখানে একটা ছোট্ট ঘটনা বলব। সে এই পরিবার সংক্রান্ত। একদা স্ক্যায় বালক দুটিকে নিয়ে সুরপতি পড়াশুনায় ব্যস্ত, এমন সময় এসে ঢুকলেন চিত্রলেখা। বয়স আঠারোর বেশি নয়, কিন্তু দেখায় কুড়ি বাইশ। চিত্রলেখার সঙ্গে সুরপতির আলাপ হয়েছিল অল্পই। কিন্তু তাঁর অকারণ আনাগোনা সুরপতি ক্ষুব্ধ হোতো। সেদিন স্ক্যায় সে ফস্ ক'রে বললে, আপনি যদি গল্প করতে বসেন তবে এদের পড়া হবে না। এদের পড়ানোই আমার কাজ।

চিত্রলেখার অসম্মানিত মুখের দিকে সে চেয়ে দেখার দরকারও বোধ করলেন না। ছাত্রদুটি স্তম্ভিত শঙ্কায় মাথা হেঁট ক'রে পড়তে লাগল।

সে আমি জানি।—ব'লে চিত্রলেখা গেলেন ঘর থেকে বেরিয়ে। সেই থেকে আঘাতে সমস্ত মনটা তাঁর জ্বালা করছে। এ ঘটনাটা ঘটেছিল মাস দুই আগে।

ছপুরের দিকে সুরপতির অবকাশ। এই সময় তার ভ্রমণ, তার কল্লনা, তার দিবাস্বপ্ন। নিজের পড়াশুনো তাঁর রাত্তির দিকে। কোনো কোনোদিন তন্দ্রাও আসে চোখে।

সেদিন বাইরে থেকে দরজায় পড়ল ধাক্কা। সুরপতি এসে দরজা খুলে। খানিকটা চমক লাগল। একটি মেয়ে তাকে নমস্কার ক'রে দাঁড়াল। বললে, আমাকে চিন্তে পেরেছেন ত?

হ্যাঁ, পেরেছি। সেই হরিহর দাদার ওখানে—

আপনার কাছে এসেছি বিশেষ দরকারে। তাঁকে যখন আপনি দাদা বলেন তখন আমি একটু সহজ হয়ে কথা বলতে পারি। ভেতরে কি আমাকে বসতে দেবেন?

হ্যাঁ, আসুন!

## অগ্রগামী

চৌকিখানায় এসে বসল মেয়েটি, সুরপতি দাঁড়াল সম্মুখে ! মেয়েটি বললে, তা হবে না, বসতে হবে আপনাকে, বলব অনেক কথা ! আপনি বোধ হয় অবাক হয়ে গেছেন আমি এসেছি দেখে ?

সুরপতি একখানা চেয়ার টেনে বসল ! বললে, কি কাজে এসেছেন বলুন ?

বসবার আগে সাহস পাওয়া চাই বলতে পারি কিনা ! হয়ত আপনি বিরক্ত হবেন ! ঠিকানাটা পেয়েছিলুম তাঁর কাছে, পথে জিজ্ঞেস করে আসতে হয়েছে । সেদিন আমিই ডেকে আপনার সঙ্গে কথা বলেছিলুম । দেখে মনে হয়েছিল আপনি ওঁকে বিশেষ শ্রদ্ধা করেন !

তা করি ! উনি চিরদিন আমার কাছে বড় !

ভয় নেই আপনার, সেই শ্রদ্ধা আমি নষ্ট করতে আসিনি ।—মেয়েটি অল্প হেসে গায়ের চাদরে মুখখানা মুছে ফেললে ! রোদের তাতে সারা মুখখানায় রক্ত জমে উঠেছে !

আচ্ছা, উনি কে হন আপনার সুরপতিবাবু ?

আত্মীয়তা কিছু নেই ! সুরপতি বললে ।

আত্মীয়তা আমরাও কিছু নেই ওঁর সঙ্গে, বাক সে কথা ! আমি এসেছিলুম, —আপনি কি ওঁর কোনো খোঁজ খবর রাখেন ?

সুরপতি বললে, খোঁজ খবর রাখতে গেলেও পাওয়া যায় না ! উনি বিচিত্র ! কাজের মানুষ, কিন্তু স্বার্থলেশহীন !

কথায় বাধা ঘটল । মহিলা বলেন, এখন কোথায় আছেন বলতে পারেন ?

না ! মাস দুই আগে একবার দেখেছিলুম ! আমার চেয়ে আপনারই ত জানার কথা !

আমি জানব ? হা ভগবান ! জানবই যদি তবে আসব কেন ? এক বাড়ীতে থাকলেই কি মানুষের চরিত্র নখদর্পনে রাখা যায় ? আপনি যা জানেন আমি তাও জানিনে সুরপতিবাবু ! বিপদ আমার সেইখানে !

স্বরপতি বললে, আত্মীয়তা আপনার সঙ্গে কিছু নেই এ কেমন কথা ?  
আপনি কে তবে ?

কেউ নয় । ছিলুম গণ্ডীর মধ্যে, মায়ামুগ্ধ পিছু পিছু ছুটে এসেছি ।—বলতে  
বলতে তার চোখে অশ্রু এসে ।

এটা যেন মায়া । দুপুরের রোদ, নির্জন ঘর, নিরবচ্ছিন্ন নিঃশব্দতা, সমস্তটা  
তালগোল পাকিয়ে তরুণ স্বরপতিকে বিভ্রান্ত ক'রে তুলুলে । এমন হয়  
জীবনে । •বিশেষ দিনের বিশেষ মূহুর্তের অপ্রত্যাশিত ঘটনা সচরাচর জীবনের  
সঙ্গে সঙ্গতি রাখেনা । এর নাটকীয়তা নিজের কাছেও অবিস্মৃত । আগামী  
কাল এই ঘটনাটাই স্বপ্ন ব'লে মনে হবে । স্বরপতি নির্বাক হয়ে রইল ।

মেয়েটি আবার কথা বললে, ওই পোড়া ভূতের বাড়ীতে কাটছে দিনের পর  
দিন । কেন—এর কৈফিয়ৎ আপনার দাদার কাছে নেই । কুড়ি দিন তিনি  
•নিরুদ্দেশ । সেবার বললুম, চল্লরে কেমন ক'রে ? আমার একটা উপায় করুন ?  
—তিনি হাসতে হাসতে ব'লে গেলেন, মায়ালতা, তুমি আমাকে চিন্তে পারেনি ।

স্বরপতি বললে, আমাকে বিপদে ফেলতে পারেন একথা আপনি বলেছিলেন  
কেন ?

মায়ালতা বললে, এই তাঁর কাজ । এই তাঁর খেলা । ছেলেমেয়েদের  
জীবনে বিশৃঙ্খলা এনে দিয়ে চ'লে যাওয়াতেই তাঁর আনন্দ । দায়ে ফেলেন,  
দায়িত্ব নেন না । আপনার কাছে আমি সাহায্যের জন্ত এসেছি স্বরপতিবাবু ।

কি সাহায্য বলুন ?

অচল অবস্থায় পড়েছি । ফিরেও যেতে পারব না, এগোবারও পথ নেই ।  
আপাততঃ অন্নবস্ত্রের ব্যবস্থাটা না হ'লে আর চলছে না ।

স্বরপতি স্তম্ভিত বিস্ময়ে তার দিকে চেয়ে রইল । সেই জীর্ণ নীলাম্বরখানি  
পরণে, গায়ে বোধ করি ওখানি বিছানারই চাদর, শুষ্ক মুখ, অপরিচ্ছন্ন আকৃতি,—  
দারিদ্র্যটা যেন রূঢ় হয়ে চোখে বিঁধছে । বললে, চলুন, আপনাকে পৌছে দিয়ে  
আসি ! কোনো চিন্তা নেই, আমি আপনার অন্নবস্ত্রের ভার নিলুম ।



মায়ালাভা হেসে বললে, এত বড় অহঙ্কার আপনাকে করতে দেবো না। সাহায্য চাইব, দয়া চাইব না। ফিরিয়ে দেবার দিন যখন আসবে, অসঙ্কেচে আপনি হাত পেতে পাওনা বুঝে নেবেন এই প্রতিশ্রুতি আমাকে দিতে হবে।

আচ্ছা দিলুম।

মায়ালাভা উঠে দাঁড়াল। \*বললে, দিন টাকা।

কত?

দশ টাকা দিন।

বাক্স খুলে সুরপতি দশ টাকা মায়ালাভার হাতে দিল। তারপর বললে, দাঁড়ান, আমি ব্রাহ্মণ, অমনি মুখে আপনাকে ফিরে যেতে দেবো না। কিছু জলযোগ ক'রে যেতে হবে।

বেশ, তাই সই। আনান্।

বাঁচার মতো ক'রে বাঁচতে চেয়েছিল সুরপতি। একটি অসাধারণ পবিত্রপ্তি নিয়ে সে ঘরে ফিরে এলো। সামান্য কাজ, একটি মেয়ের কিছু সুবিধা ক'রে দেওয়া মাত্র, কিন্তু এইটুকুর ভিতর পাওয়া গেল অখণ্ড আত্মপ্রসাদ, তার সঙ্গে কিছু কৃতজ্ঞতা জড়ানো। এমন ঘটনা ঘটেনি তার জীবনে। এমন মেয়ে সে দেখেনি, যে সংসারের ছন্দ ডিঙিয়ে আত্মস্বাতন্ত্র্যের জগৎ ছুটে এসেছে। কিছুই সে দেখেনি, কিছুই জানেনি। প্রতিদিন তার নূতন জন্ম হচ্ছে, নূতন ক'রে দেখছে মানুষ, নূতন আলো এসে পড়ছে চোখে।

হরিহরদাদার সত্য চেহারাটা তার জানা ছিল না। এবার জানলে, শ্রদ্ধা বাড়ল। এই ত সকলের চেয়ে বড় কাজ—অভিজ্ঞতার দিকে ঠেলে দেওয়া, নিজের মূল্য সম্বন্ধে সচেতন করা, কঠিন পরীক্ষায় ফেলা। হরিহরের দায়িত্বজ্ঞানহীনতার ভিতরে সুরপতি এই শিক্ষাই পেলে। মায়ালাভার বিরুদ্ধ মত তার মনে প্রভাব বিস্তার করলো না।

## অগ্রগামী

দিন ফুরোলো, সন্ধ্যা হলো। ছাত্রদের ডাকতে পাঠাল কিন্তু ছাত্ররা এলো না। চাকর এসে খবর দিল, তিত্তরে আপনাকে ওঁরা একবার ডাকছেন।

সুরপতি অন্দর মহলে গিয়ে দাঁড়াল। মা দূরে বসেছিলেন, সুরপতিকে দেখে আজ আর কথা বললেন না, কেবল মাথার ঘোমটা একটু টেনে দিলেন। মেজকর্ভা ব'সে ব'সে টানছিলেন গডগড়ায় তামাক। নলটা নামিয়ে তিনি সুরপতির দিকে চেয়ে বললেন, দাঁড়িয়ে কেন, বসো বাবা।

অভ্যর্থনা হ'লেও হাওয়াটা অস্বস্তিকর মনে হোলো না। সুরপতি বললে, ছেলেরা পড়তে গেল না কেন?

চিত্রলেখা ফিস ফিস ক'রে মা'র কানে কি যেন বললে। সরকার মশাই আলোর কাছাকাছি ব'সে হিসাব দেখছিলেন, এবার মুখ তুলে বললেন, এঁরা বলছিলেন, এবার আপনার কাজে জবাব দেওয়াই ভালো।

কেন?—সুরপতি বিস্মিত হয়ে তাকালো।

বলুন না কর্তাবাবু, বলতে ত আর কোনো অপরাধ নেই। আচ্ছা আমিই বলি। দেখুন, আপনার কাছে পড়লে ছেলেদের সংশিক্ষা হবে না মাষ্টার মশাই।

সুরপতি বললে, কেমন ক'রে জানলেন?

জানতে পারা গেল বৈ কি। এই ধরুন, আজকের দুপুর বেলাকার কাণ্ডটা! চিত্রলেখা দেখতে পেয়েছিল তাই জানা গেল নৈলে দুপুর বেলা দরজা বন্ধ করে...এটা ত ভদ্রের মাষ্টার মশাই! মেয়েমানুষ নিয়ে বন্ধ ঘরের মধ্যে ঘণ্টার পর ঘণ্টা...আপনিই বলুন না!

সুরপতি কম্পিত কণ্ঠে বললে, আমি ত কোনো অশ্রায় করিনি!

সরকার মশাই উচ্চকণ্ঠে হেসে উঠলেন। সে-হাসিতে পাথরে চিড় খায়, বুকের রক্ত জ্বালা করে, বিশ্বাসের ভিত্তি ওঠে কেঁপে।

সুরপতি আপন চাঞ্চল্য সংযত ক'রে বললে, সেই ভালো। কাজে আমি জবাবই দিলুম।—ব'লে সকলের উদ্দেশে একটা নমস্কার জানিয়ে সে বেরিয়ে গেল।

বারমহলে এসে সুরপতি একবার দাঁড়াল। ঘরের মধ্যে তার নিজের সম্পত্তি বলতে কিছু নেই, কিছু আরামের উপকরণও ছিল—গ্রহণ করতেও যেমন বিধা নেই, বর্জন করতেও তেমনি বাধা নেই। ভিতরে ঢুকে টাকাকড়ি ও কাপড়চোপড় কিছু নিয়ে সে সেই সন্ধ্যাই বাড়ী ছেড়ে চ'লে গেল। সরকার মশাই পাশে এসে দাঁড়িয়েছিলেন। চিত্রলেখা উপরের জানলার দাঁড়িয়ে তার পথের দিকে চেয়ে রইল।

ঘুরন্ত ঘুরন্ত রাত্রে সুরপতি বাড়ী এসে পৌছল, চেহারাটা যেন তার বদলে গেছে। শুক কঠিন মুখখানায় বেদনাবোধের লেশমাত্র নেই। এর নাম অভিজ্ঞতা। তার বাইশ বছরটা হঠাৎ যেন তিরিশ বছর বয়সে গিয়ে দাঁড়াল। কিন্তু বাজতে লাগল মনে আজকের অকারণ অপমানটা। তার মুখে যেন কালি মাখিয়ে দাগ দেগে দিয়ে বললে, তোমার চরিত্র ভালো নয়। এ যেন একটা যড়যন্ত্র। তার কাজ নেই, তার পথ নেই। নিজের ঘরে ব'সে সমস্ত রাত সে আকাশের তারার দিকে চেয়ে রইল। ঘরের আলো জ্বালা নেই। আশেপাশে কোথাও কারো চোখে মুখে স্নেহের ইঙ্গিত নেই। সুরপতি একটা এলোমেলো বিছানায় শুয়ে ভাবতে লাগল তার ভবিষ্যৎ জীবনের অস্পষ্ট চেহারাটা। লক্ষ্যটা তার এখনও ঠিক হয়নি, কেবল মাত্র ভাঙন ধরেছে, বিদ্রোহ জেগেছে। বোকা গেল, মাথা তুলতে চাইলেই মাথা ওঠে না, বিরুদ্ধ অবস্থার ভিতর দিয়ে পথ কেটে যাওয়াটাই মানুষের এক মাত্র কাজ।

তরুণ মন, তবু আজকের ঘটনায় স্ত্রীলোক সম্বন্ধে সুরপতি সতর্ক হয়ে গেল। প্রথম অপমানের মার খেলে সে স্ত্রীলোকের স্মৃতে, স্ত্রীলোক সম্বন্ধে তাহার চক্ষু যেন সজাগ থাকে। চিত্রলেখার মতো মেয়েকে সে যেন আগে থেকেই চিনে রাখতে পারে।

সকাল বেলা উঠে সে সোজা চ'লে এলো মায়ালাতার ওখানে। পুরণো বাড়ীর দরজাটা খোলা থাকে অব্যাহত। কোনো মানুষ এ বাড়ীতে ঢুকতে

## অগ্রগামী

সাহস করে না, বিড়াল কুকুরও চোকে বিশেষ প্রয়োজনে। পায়ের শব্দ পেয়ে মায়ালাতা ভিতর থেকে বললে; আসুন, এই ঘরে।

সুরপতি একটু ইতস্ততঃ ক'রে বললে, এই বাইরেই বসা যাক্'না।

মায়ালাতা বললে, বসতে আপনাকে বলা হচ্ছে না, কাজের জ্ঞান ডাক-  
ছি। আপনার যে বয়স তা'তে মেয়ে মানুষের লুকুম তামিল করতে ভালো  
• লাগবে। আসুন।

সুরপতি হেসে বললে, সে ভালো লাগাটা কাল পর্যন্ত ছিল কিন্তু আজ  
আর নেই।

কেন? আমার জ্ঞান?

হ্যাঁ।

মায়ালাতা বাইরে এসে দাঁড়াল। বললে, ভেঙে বলুন। হয়েছে কি?

চাকরিটা আমার গেছে।

কারণ?

কারণ ঘরের দরজা বন্ধ ক'রে আপনার সঙ্গে আলাপ করেছি, কা-  
সেটা চিত্রলেখার চোখে পড়েছে।

চিত্রলেখা কে?

জমীন্দারবাবুর আদরিণী কণা।

কত বড় মেয়ে?

আপনার চেয়ে কিছু ছোট হবেন।

উদ্বিগ্ন কণ্ঠে মায়ালাতা বললে, আলাপ ছিল আপনার সঙ্গে?

সুরপতি বললে, আলাপের চেষ্টা ছিল তার পক্ষ থেকে।

বুঝতে পেরেছি।—বলে মায়ালাতা নিঃশব্দে নতশব্দকে দাঁড়াল। বেদনা  
তার মুখখানা বিবর্ণ হয়ে উঠল। না প্রকাশ করলে সহায়ভূতি,  
মুখে এলো সান্ত্বনা বাক্য। শুধু কেবল নিশ্বাস ফেলে বললে, এখন তে  
বাড়ীতেই আছেন ত?

## অগ্রগামী

আছি কিন্তু থাকব না। কাজের সন্ধানে ফিরছি। আপনাকে জানাতে এলুম যে, আপনি আর ওখানে যাবেন না। বরং আমিই আপনার এখানে—

বাইরে কড়ানাড়ার শব্দ হোলো। মায়ালাতা গেল সেদিকে দ্রুতপদে। এমনো হ'তে পারে হরিহরদাদা এসেছেন। সুরপতি উৎকর্ষ হয়ে বসে রইল।

কিছুক্ষণ পরে ফিরে এলো মায়ালাতা। সুরপতি বললে, কে?

একটি ভদ্রলোক।

আপনার আত্মীয় বুঝি?

না। এই কয়েকদিন হোলো আলাপ হয়েছে। খুব উৎসাহী আর মিতুকে। একটা কাজ আমাকে দেবার আগ্রহ করেছেন। অবশ্য এ পদ্ধতিপকারের কি হেতু তা জানিনে।

সুরপতি তার মুখের দিকে চেয়ে বললে, হরিহরদাদার অমুখতি আছে ত?

দরকার নেই। নিজের উপায়টা আমার নিজেরই হাতে। হ্যাঁ, আপনাকে ব'লে রাখি, এখানে আর আমার দেখা পাবেন না। আমি আজই চলে যাবো।

কোথায়?

সুরেশবাবু যেখানে নিয়ে যাবেন।

সুরপতি হেসে বললো, এটা কিন্তু মেয়েমানুষের মতো কথা হোলো। এই ব'লে সে উঠে দাঁড়াল। তারপর পুনরাবৃত্তি বললে, যদিও অনধিকার তাহলেও বলতে আমার বাধা নেই না যে, উৎসাহটা ঠিক, কিন্তু আগ্রহটা আপনার।

মায়ালাতা বললে, কী বলছেন আপনি?

কিছু না, আসি অজ্ঞকের মতন। এই ব'লে সুরপতি পা বাড়াল। মায়ালাতা চলল পিছনে পিছনে। দরজার কাছাকাছি এসে সুরপতি একবার মুখ ফিরিয়ে দাঁড়াল। বললে, হরিহরদাদার চরিত্র বোঝাতে

## অগ্রগামী

চেয়েছিলেন, কিন্তু তার আগে বুঝতে পারলুম আপনাকে। যাই হোক একা মানুষ একটু সাবধানে থাকবেন, এটা কলকাতা শহর।

এমন সময় একটি ভদ্রলোক দালান দিয়ে ঘুরে কাছে এসে দাঁড়ালেন। কিছু তাঁর বয়স হয়েছে, ত্রিশের কম নয়। মায়ালাতা বললে, ইনিই সুরেশবাবু, আপনাদের আলাপ করিয়ে দিই।

• সুরেশবাবু সৌখীন মানুষ। হাতে চেরীকাঠের ছড়ি, সোনার বোতাম, পরনে পাঞ্জাবী গায়ে। নমস্কার বিনিময় ক'রে হেসে তিনি বললেন, খুসি হলুম। কোথায় যেন দেখেছি মনে হচ্ছে। পুলিশ কোর্টে ওকালতি করি দরকার হ'লে যাবেন আমার কাছে।

এঁকে কি মকেল ঠাওরালেন? মায়ালাতা বললে।

নন্দ কি! শুনেছি অবস্থাপন্ন ঘরের ছেলে, দু'চারটে মামলা কি আর, ওঁর জীবনে ঘটবে না?

সুরপতি আপন উত্তেজনাকে সংবত করলে। হেসে বললে, এমন ত হতে পারে সে-মামলায় আপনি হবেন আসামী?

কি সূত্রে?

অনধিকার প্রবেশের দায়ে?

সুরেশবাবু হেসে বললেন, ওকালতিতে আমার পসার নেই বটে, কিন্তু মিথ্যা সাক্ষী আনতে পারব অগণ্য। নিশ্চিন্ত থাকুন সুরপতি বাবু, মামলায় আপনার হার হবে।

বেশ, যথাসময়ে পরীক্ষা দেওয়া যাবে।

মায়ালাতা বললে, সুরেশবাবু নানা কাজের মানুষ, নানা প্রতিষ্ঠানের সঙ্গে জড়িত। আশা করছি, ওঁর হাত থেকে একটা ভালো কাজ পাবো।

সুরপতি বললে, ম্যাপ্রেক্টিস্ খাটতে হবে না ত?

হলেও খুসি থাকব। ভবিষ্যতের আশা করব।

## অগ্রগামী

সুরেশবাবু বললেন, চোখা চোখা বাণ! সম্ভবতঃ আপনাদের মধ্যে আত্মীয়তা নেই, কেমন?

বিশেষ আত্মীয় আমার। আসুন সুরপতিবাবু, আপনার আবার বেলা হয়ে গেল।

দরজার বাইরে এসে মায়ালতা বললে, রাগ ক'রে ত গেলেন গরীবের ওপর। মুখ দেখে মনে হচ্ছে এর পর বিবাহী হবেন। কিন্তু দেনা বেখে মরণ হ'লে আমার মুখ পুড়বে না যে।

সুরপতি বললে, দশটাকার স্কে এত চিন্তা! বেশ ত; সুরেশবাবুর হাত দিয়ে টাকটা কোনো দাতব্য প্রতিষ্ঠানে পাঠিয়ে দেবেন।

এও আপনার রাগের কথা, আমাকে বিদ্রূপ করার ইঙ্গিত। একটা কথা আপনাকে বলব, আমি আপনাকে বড় ক'রে দেখতে চাই, অকারণে নিজেকে খাটো করবেন না।

সুরপতি ফস ক'রে বললে, হরিহরদাদার সঙ্গে আপনার কি সম্পর্ক?

মায়ালতা তার সঙ্গে পথে নেমে এলে। পার্শ্বে পাশে চলতে লাগল। সুরেশবাবু অপেক্ষা করবেন তার জন্ম অনির্দিষ্টকাল, এ কথা সে জানে। সেদিকে তার উদ্বেগ নেই। হেসে বললে, মাথার ঘোমটা দিয়ে যাচ্ছি কিছু মনে করবেন না।

ঘোমটা ত দেবারই কথা।

না! আমি এখনো কুমারী, মনে রাখবেন।

সুরপতি তার দিকে তাকাল। অফুট বিস্ময়ে বসলে, আপনি বিবাহিত নন? বিন্দুমাত্র নয়। ভাবছেন নিশ্চয় হরিহর বাবুর কথা। তিনি কেউ নন আমার। বন্ধু নন, আত্মীয় নন, হিতৈষী—না, তাও নন। তিনি দেখিয়ে এনেছেন, এসেছি তাঁর পিছু পিছু, কোনো লক্ষ্য ছিল না।

কেন এলেন?

সেটা শুনতে চাইবেন না। সেখানে আলোর চেয়ে ধোঁয়া বেগী।

## অগ্রগামী

আপনাদের বাড়ী কোথায় ?

দিনাজপুরে।

কে কে আছেন ?

সবাই। মা বাবা, ভাই বোন—

স্বরূপতি চলতে চলতে বললে, একটা কথা কিন্তু স্পষ্ট হোলো না। আমি সব জানতে চাই আপনার। আমার স্বার্থের চেয়ে কোতূহল বেশি। যদি বলি সবই আমার ছর্বোধ্য লাগে, কিছু মনে করবেন না! আপনি কি ইতিহাসকে ভালোবেসেছিলেন ?

মায়ালাতা হেসে বললে, মেয়েমানুষের মন নানা রঙের তুলিতে আজিওঁজি আঁকা। পছন্দ করেছিলুম তাঁকে গুরুর আসন দিয়ে, পথ দেখাবেন তিনি। তাঁর পুরুষত্বের কাছে আমার আবেদন ছিল না। কুমারী মেয়ের চোখে আদর্শটাই বড় থাকে, অসক্তি থাকে অনেক দূরে।

আপনি বিয়ে করেননি কেন ?

আপনার প্রশ্নটা এই, আমি নরকে যাইনি কেন ? সব কথা আপনি সস্তায় জানতে চান, তা হবে না। আজ্ঞা এবার আমি কিরব। আবার অবশ্যই দেখা হবে আপনার সঙ্গে। আমি খবর দেবো।

মায়ালাতা পিছন ফিরল। স্বরূপতি গেল এগিয়ে। কয়েক পা দূরে গিয়ে সে পিছন ফিরে তাকাল। দেখা গেল হাসিমুখে মায়ালাতা তার দিকে চেয়ে রয়েছে। বৌদ্রের আলায় অল্প দূরের ব্যবধানে তার সুন্দর দেহখানির দিকে স্বরূপতি অনিমেধ দৃষ্টিতে একবার চেয়ে দেখলে। রূপের তৃষ্ণা নয়, সৌন্দর্যোপলব্ধি। এমন করে স্ত্রীজাতির দিকে সে আর কেনোদিন চেয়ে দেখেনি।

ছেলেমানুষ আপনি।—বলে হেসে মায়ালাতা মুখ ফিরিয়ে দ্রুতপদ চলে গেল।



## তিন

নিজের পথটা মায়াবলতা চিন্তে পেরেছিল। পরিবারের শৃঙ্খলে যে-মেয়ে, আবদ্ধ, তার স্বকীয়তা নেই, স্বাভাব্যতা সীমাবদ্ধ। যুদ্ধে যখন সে নামল তখন সে একা। আপন কেন্দ্রে আপনাকে নিয়ে সে স্বাধীন, মুখটা দুর্বলতাকে পদে পদে জয় করে চলতে হয়। এটা ভালো কি মন্দ, নিয়ে মায়াবলতার উদ্বেগ নেই, কিন্তু এটা তার আদর্শ,—এই স্বভাব তাকে পথের ইঙ্গিত করে।

বাইবে তার একটা চাকল্য আছে, সেটা চিত্তগত নয়, শারীরিক। শরীরকে উত্তীর্ণ হয়ে মন, সেখানে তার চক্ষু সজাগ। তাকে বুঝতে পারাটা সহজ, কিন্তু বুঝিয়ে দেওয়াটা কঠিন। আধুনিক সেহের ভিতরে তার প্রাচীন মন, সে জানে সে বংশপরম্পরাগত নারী।

একদা বিধিবদ্ধ জীবনের বিরুদ্ধে সে বিদ্রোহ জাগিয়ে তুলেছিল। সে বিদ্রোহ অত্যাগের বিপক্ষে নয়, প্রচলিত প্রথাকে সে নষ্ট করতে চেয়েছে। বিবাহটা ভালো; কিন্তু বিবাহের শাসনের কাছে আত্মসমর্পণ করাটা সে গৌরব মনে করেনি। পুরুষকে সে পছন্দ করে; কিন্তু পুরুষ মাত্রই তার পছন্দ নয়। পুরুষ সম্বন্ধে নিজের আদর্শকে সে ক্ষুণ্ণ করবে না, সেটা হবে তার অপমৃত্যু। সেই পুরুষ হুল্লভ সাধনার বস্তু, যাকে সে আজো চোখে দেখে নি।

আজ রবিবার, নীচে স্কুলে মেয়েদের ভীড় নেই। উপরতলায় সকালের দিকে নিজের ঘরে মায়াবলতা একটা সেলাই নিয়ে বসেছিল। এইমাত্র স্নান করে উঠেছে, ভিজে চুলের রাশ পিঠের উপর ছড়ানো। একটা সস্তা দামের তেলের পদ্ধ ঘরের হাওয়ার মিশে রয়েছে কিন্তু চুলের গুণে সে-গন্ধটাকে মধুর

বলব। চোখে তার কোনো প্রতীক্ষা নেই, তাই পরিধানের বসন সম্বন্ধে সে সতর্ক ছিল না। কাছেই একখানা খোলা বই, মাঝে মাঝে বাতাসে পাতা ওলটানোর শব্দ হচ্ছে। কাছেই কিছু ফলমূল আর একবাটি চা, চা-টা জুড়িয়ে গেছে।

গৃহস্থালীর বর্ণনাটা অবৈধ হবে না। পুরুষের সম্পর্ক না থাকলে মেয়েদের ঘরের জঞ্জাল জমে। কিন্তু এঘর তেমন নয়। এখানে শিক্ষয়িত্রী থাকেন তাঁর প্রবল শাসন আর শৃঙ্খলা নিয়ে। সামান্য গৃহসজ্জা, কিন্তু সেগুলি সুবিশুদ্ধ। নিত্য প্রয়োজনের আসবাব ছাড়া ঐশ্বর্য্যের আবাস কোথাও কিছু নেই। কেবোসিন কাটের বাস্‌টায় চেহারা ফিরিয়ে তাকে ঘরের মধ্যে একটি প্রধান স্থান দেওয়া হয়েছে।

বাইরে পদশব্দ হোলো। সেলাইটার দিকে মনঃসংযোগ করে মায়ালাতা বললে, ক্ষেমীর মা, খাবারের খালাটা নিয়ে যাও, কাল নিমন্ত্রণ খাওয়ার জের চলছে, ও আর আমি ছোঁব না।

কিন্তু মুখ তুলে চেয়ে দেখা গেল ক্ষেমীর মা নয়, মায়ালাতা সচকিত সতর্কতায় সোজা হয়ে বসল। বললে, অমরেশবাবু, এমন সময় বে ? আস্থন—

আসন পেতে দেবার ঘটনা তার নেই। সে ইতিমধ্যেই জানতে শিখেছে পুরুষ আসন চায় না, বসতে চায়। অমরেশ ভিতরে ঢুকে মেঝের উপরেই বসল। বললে সকাল বেলা কোনোদিন আসিনে তাই বুঝি চম্কে গেছেন ?

মায়ালাতা হেসে বললে, চমকে যাই অল্প কারণে, আপনার আসার জন্তে নয়। সুরেশবাবুর খবর কি ?

তিনি বেরিয়েছেন দরিদ্র-বান্ধব-সমিতি চাঁদা আদায় করতে, যাবার পথে হয়ত আপনার এখানে হয়েই যেতে পারেন।

কোনো কাজ আছে কি ?

না, এমনি। তিনি ত ছুটির দিন আপনার এখানেই অনেকটা সময় কাটান।

## অগ্রপামী

১৬ মায়ালাভা বললে, এটা ঘটনা, ঘটনা নয়। আপনি নিজে বস্ত্তানি সময় থাকেন তিনিও তার বেশী থাকেন না। দশ মিনিটকে দশ ঘটনা বলতে বুঝি আপনাদের ভালো লাগে?

অমরেশের বয়স অল্প, মনস্তত্ত্বের গভীরতর পাঠ তার পড়া নেই। তাই কথাগুলোকে শাসন বলে সে মেনে নিলে। চুপ করে রইল। মেয়েদের কটু কথা নতমস্তকে মেনে নিলে ভবিষ্যৎটা নাকি উজ্জ্বল। মায়ালাভা বললে এতদিন আপনার সঙ্গে আলাপ হয়েছে, কিন্তু ব্যক্তিগত কথা জিজ্ঞাসা করা হয়নি। কে কে আছেন আপনার?

আছেন সবাই, তাঁরা থাকেন দেশে। আমি এই বছর দুই হোলো কলকাতায় রয়েছি।

কলেজে পড়েন?

পড়ি আর্ট স্কুলে। ওই যে কাল আপনাকে স্কাল্‌বামটা দেখতে দিয়ে গেছি—ওর ছবিগুলো সব আমারই আঁকা। ওগুলো দেখেছেন?

মায়ালাভা বললে, খুঁটিয়ে এখনো দেখিনি। আচ্ছা, আমাকে মডেল করে আপনি ছবি আঁকতে পারেন?

অমরেশ খুঁসি হয়ে হেসে বললে, আঁকতে চাই বলেই ত ঘুরে ঘুরে আসছি। আপনাকে আঁকাই আমার একমাত্র সাধ।

বলতে বলতে সে উচ্ছ্বসিত হয়ে উঠল; তার চোখে মুখে প্রাণের উল্লাস, মন্দির মোহের আবেশ। তরুণ সূন্দর মুখ, সে-মুখে রূপ-পিপাসুর ব্যাকুলতা। বললে, অনেক ধন্যবাদ আপনাকে; আমার ইচ্ছেটা এত সহজ আপনি ধরেছেন। আমার স্কাল্‌বামটা একবার দেখুন, ফিগার আঁকতে ভালোবাসি কিন্তু ব্যাকগ্রাউণ্ডের দিকে আমার বেশি ঝোঁক। তুলি আন্‌লে এখনই আঁকতুম আপনাকে। সকালের আলো এসে পড়েছে ঘরে, আকাশে মেঘের আয়োজন, জান্না দিয়ে দেখা যাচ্ছে দূরে বনাস্তরেখা ... বিশাল চালচিত্রের মতো আপনার এলোকরূপ চুল ... আমি—আমি খুব ভালো করে আপনাকে আঁকতে পারি মায়াদেবী—

## অগ্রগামী

মায়ালাতা উঠে গিয়ে ম্যাল্‌বামটা নিয়ে এলো। একে একে অনেক গুলো ছবি উল্টে দেখে বললে, এর সবই ত মেয়ের ছবি, ভুল ছবি কি আঁকতে আপনার ভালো লাগে না?

অমরেশ বললে, যাদের খানিকটা চিনি খট্টনিকটা বুঝি তাদের প্রকাশ করতে ভালো লাগে। তুলিটা হাতের, কিন্তু রঙটা মনের। নানা রসে তারা আমার কল্পনাকে অনুপ্রাণিত করে। মেয়েদের রূপের মধ্যে রয়েছে প্রকৃতির সূদূর রহস্যময়তা।

ক্ষেমীর মা দরজার কাছে এসে দাঁড়াল। বললে, উল্লু খঁরে গেছে দিদিমণি।

যাচ্ছি ক্ষেমীর মা, তুমি যাও। তারপর হেসে মায়ালাতা বললে আপনি শুধু শিল্পী নন কবিও বটে। কিন্তু কবির সংখ্যা আমাদের দেশে অনেক এটা বোধ হয় মাটির গুণ।

অমরেশ হেসে বললে আমি কবিতাও লিখি।

লেখেন? তবে ত' সোনার সোহাগা!

সলজ্জ হেসে অমরেশ বললে আপনার উপরে একটা কবিতা লিখেছি।

বেশ করেছেন। অত্যাঁ কিছু লেখেন নি ত? আমি বোধ হয় আপনার চেয়ে বয়সে বড়, এ কথাটা মনে রাখবেন।—মায়ালাতা আবার ম্যাল্‌বামটা ওল্টাতে লাগল।

অমরেশ বলতে লাগল বয়সে বড় কিনা জানিনে, কিন্তু জ্ঞানে বড়, গরিমায় বড়। আপনাকে সকল রকমে বড় করে দেখতে পারলেই আমার মন খুসী হয়। আমার ধারণাই ছিল না এত সহজে আপনাকে দেখতে পাবো।

হেসে জুরুকুন করে মায়ালাতা বললে, কি রকম?

অমরেশ বললে, খুব সত্যি কথা। অধঃপতিত জাত মেয়েদের স্বতন্ত্র করে দেখতে শেখেনি, তাদের ব্যক্তিত্বটা হারিয়ে কথ্য। এর মাঝখানে এলেন

## অগ্রগামী

আপনি। যেন প্রচলিত বিধিব্যবহার মৃতিমতী প্রতিবাদ। বিশ্বাস করতে বাধ্য না, মেয়ে শুধু মেয়ে নয়, তারা মানুষ।

এ ধারণা আপনার কেন হোলো?

কেন হোলো? আপনার মতো আছে ক'জন? ক'জন মেয়ে দাঁড়িয় রয়েছে নিজের পায়ে? এই যে সব আত্মীয় বন্ধুকে ছেড়ে এসে নিজের শক্তি আর শিকায় আপনি এত বড় কাজের ভার নিলেন এ কি কেবলমাত্র বিদ্রোহ? এই যে পরের জন্ত বাঁচতে শেখা, এত বড় আদর্শ মেয়েদের সামনে তুলে ধরা এ কি সমাজপতির রক্তচক্ষুতে কেবলমাত্র স্বৈচ্ছাচার ব'লে প্রমানিত হবে?

মায়ালাতা বললে, আপনি কবিতা লেখেন তাই আপনার কথার খানিকটা সত্য আর খানিকটা কল্পনা। আমার প্রকৃত চেহারাটা আপনার চোখে নেই, আমি যেমন হ'লে আপনার ভালে লাগে আমার সেই অবস্থাটা আপনি ভাবছেন। দেখুন অমরেশবাবু মেয়েদের বড় হবার চেয়ে চেঁচা পুরুষের কাছে শেখা, এটা ভুলবেন না। আমার এই নতুন জীবনের পেছনে রয়েছে পুরুষের সাহায্য, তাদের উদারতা। পুরুষের মমতার আশ্রয়ে মেয়েরা বাঁচবে, এতে আমাদের লজ্জার কিছু নেই। আমরা বড় হ'তে চাইনে, স্থখী হ'তে চাই। মানুষের সমাজে মাথা তুলে দাঁড়াবার কথা পুরুষের, পুরুষের সেবা ক'রে তাকে মানুষ ক'রে তুলব এ কথা মেয়ের। যেখানেই এর বিকৃতি, সেখানে অস্বাভাবিক অবস্থা।

অমরেশ বললে, আপনি যে ভাবে জীবন আরম্ভ করুলেন, এ কি তবে আপনার পছন্দ নয়?

না। মায়ালাতা বললে, এ কেবল নিজেকে খুঁজে বেড়ানো। অনেক কাজে লিপ্ত হয়েছি, কিন্তু মন-খুসী নয়। অর্থের প্রতি মেয়েমানুষের কিছু আসক্তি থাকতে পারে, কিন্তু উপার্জন ক'রে ভরণপোষণ করা মেয়েদের ছ' চোখের বিষ। এ তাদের অস্বাভাবিক আত্মদ্রোহিতা।

## অগ্রগামী

অমরেশ বললে, কিন্তু পুরুষেরা এই যে আপনাদের শৃঙ্খলাবদ্ধ করে রেখেছে—ধরুন এই বাংলাদেশেই—

রাখেনি, এটা ভুল। চোখ চেয়ে দেখুন, বন্দী আমরা নয়, বন্দী তারা।  
১. আমরাই তাদের মাথা তুলতে দিইনি, অশিক্ষা আর অস্বাস্থ্যের বোঝায় আমরাই তাদের নিয়ত অপমান করে ডুবিয়ে রেখেছি দারিদ্ৰ্যে। বেচারি বাংলাদেশের পুরুষ, জন্ম থেকে মৃত্যু পর্যন্ত মনুষ্যত্বের মহিমা থেকে তাদের বঞ্চিত করে রাখাই আমাদের একমাত্র কাজ। অপমান আর দাসত্ব আর বন্ধ্যায় তাই ঘর ভরে গেল, আমরা দিলুম না তাদের মুক্তি!

তবে আপনাদের এই অধঃপতনের জন্য দায়ী কে?

দরজার পাশে ক্ষেমীর মাকে দেখে মায়ালাতা উঠে দাঁড়াল। বললে, আমরাই, এ কথা ভুলবেন না। আমরা প্রাণহীন রক্ত মাংসের পিণ্ড, পথের বাধা। শৃঙ্খল আমাদের পায়ে নেই, আমরা নিজেরাই জানিনে চলতে। আমি নিজে যে কাজ নিয়েছি, এ কাজ পুরুষের আমি জানি, শুধু নির্বিবাদে অপহরণ করছি তাদের অন্ন। শিক্ষা-বিতরণের কাজ আমার নয়, পুরুষের। আমার স্থান সংসারে।

অমরেশ চমকে উঠে বললে, সংসারে? বলছেন কি?

ফিরে দাঁড়িয়ে মায়ালাতা বললে, অত্যন্ত প্রাচীন মত কিন্তু অত্যন্ত আধুনিক, অমরেশবাবু। সংসারের ভালমন্দ, সুখ দুঃখ ছাড়া আর কিছু জানতে আসা আমার পক্ষে অপমৃত্যু। নিজের অধিকারের বাইরে এসেছি, তাই চৌব্যবৃত্তি; পুরুষের ভিড়ের মধ্যে ঢুকে চমক দিয়ে ভাগ্য ফেরাবার তাই এত ভড়াভেড়ি।

আপনি কি মেয়েদের স্বাতন্ত্র্য পছন্দ করেন না?

স্বাতন্ত্র্যটা—কোথায়? হাটের মাঝখানে? কত বড় বিপ্লব বাধল ওদেশে বলুন ত এই স্বাতন্ত্র্যের জন্তে? ঘরের মধ্যে বাজার বসল, শ্রী গেল নষ্ট হয়ে। কেন গেল? পুরুষ পথে দাঁড়িয়েছিল বিরাট সভ্যতার তপস্রায়,

## অগ্রগামী

বিশ্বকর্মার বরলাভ করলে, সুন্দর ক'রে সাজালে পৃথিবীকে, মেয়েরা অন্দর-মহল থেকে জুগিয়েছিল শক্তি, জাগিয়েছিল মানুষের গরিম। কিন্তু চেয়ে দেখুন আজকের দিনে, সেই তপস্কার চারপাশে বাড়ল মেয়েমানুষের আনাগোনা; বললে, পুরুষের পাশে পাশে চলব। কিন্তু গারে পড়ার জাত, পাশে পাশে কি চলতে জানে? কলে ভাঙল পুরুষের তপস্কা, দেহবাদের নীচের স্তরে পুরুষের হাত ধরে সে নামাল টেনে, হাটের কোলাহলের মাঝখানে চলল ভালবাসার ব্যবসা। সোনার সংসার আসক্তির আগুন পুড়ে ছাই হলো। অমরেশবাবু, এই কি আপনার নারীস্বাতন্ত্র্যের কথা? —মায়ালাতা হেসে ঘর থেকে বেরিয়ে গেল।

নীচে গাড়ী এসে দাঁড়াল, মোটরের হর্ণ বাজল। পরিচিত আওয়াজ, মায়ালাতা একবার মাত্র জানুয়ার দিকে তাকিয়ে আবার একখানা বইয়ের মধ্যে মনঃসংযোগ করলে। জুকুপনের একটা আভাস কপালে দেখা দিয়ে আবার মিলিয়ে গেল।

জুতোর শব্দটা সিঁড়ি দিয়ে উঠে সোজা তার ঘরের দিকে এলো, তারপরেই অমরেশবাবুর প্রবেশ। অভ্যর্থনার প্রয়োজন নেই, ঘনিষ্ঠ হয়ে উঠেছেন। রান্নাঘর থেকে শোবার ঘর—সর্বত্র অবাধ গতি। স্কুল-কমিটির সেক্রেটারী, —তাঁর শাসন ও নির্দেশ সবাই মানে। মায়ালাতা তাঁর নিকট বিশেষ কৃতজ্ঞ।

বাইরে মেঘ করেছে, বাতাস বন্ধ। চৌকির বিছানার একপাশে বসে তিনি রুমাল নেড়ে হাওয়া খাচ্ছিলেন, মায়ালাতা উঠে এসে হাতপাখাটা তাঁর দিকে এগিয়ে দিল। তারপর বললে, সরবং খাবেন?

অমরেশবাবু বললেন, এই অবেলার? এ একেবারে নিভাও স্নেহহীন প্রস্তাব। খাবার কিছু রাখা হয় নি আমার জন্তে?

এক একজনের গলার আওয়াজ এমনিই, শোনামাত্র মন বিকপ হয়ে ওঠে। মায়ালাতা বললে, খাবার ত এসময়ে কিছু থাকে না, এখনো রান্না হয় নি।

রান্না হলেই বা আমার ডাক পড়ে হবে বসো! হান্সটা ইচ্ছাকৃত  
বিধাতা যেন কোথায় আমাকে বন্ধনা করেছেন। এই হান্সটা  
সকলের ভাগ্যে ঘটে না।

মায়ালাতা হেসে বললে, সোজা কথার মানুষ নন আপনি,—টা ক'রে  
দুবো, খাবেন?

কেবল চা, আর কিছু নেই?

আচ্ছা দেখি, দাঁড়ান। ব'লে মায়ালাতা ঘর থেকে বেরিয়ে গেল।

মিনিট পনেরো পরে ফিরে এলো। হাতের খালায় কাটা আম আর  
সন্দেশ। মাটিতে নামিয়ে আসন পেতে দিল, তারপর জল আনল।  
সুরেশবাবু ততক্ষণ ব'লে ম্যালবামের পাতা ওলটাইছিলেন, এবার মুখ তুলে  
বললেন, এটা কি এখনো অমরেশ নিয়ে যায়নি? ছোকরা বোধ হয় এই  
উপলক্ষ্য নিয়েই এখানে আসে, কেমন?

মায়ালাতা বললে, তা ত জানিনি।

আমরা জানতে পারি, আমরা চোখ বুজে থাকি নে।—ব'লে ম্যালবামটা  
বন্ধ ক'রে সুরেশবাবু সেটা পাশে সরিয়ে রাখলেন।

জলযোগে বসবার পর বোঝা গেল, আহায়ে কুচি তাঁর সামান্য,  
খাওয়ার জন্ত আকিঞ্চন এবং বস্তুর দিকেই তাঁর আগ্রহটা ছিল বেশি—  
সামান্য ফল আর মিষ্টান্ন মুখে দিয়ে তিনি উঠে পড়লেন। ক্রমশে মুখ  
মুছে বললেন, ভালো কাজের দিকে অমরেশের মন নেই, বেকার বসে  
থাকবে চূপচাপ। এই সব ছেলেরা সমাজের এক কড়া উপকারে আসে  
না। না জানে কাজ করতে, না জানে কোন প্রতিষ্ঠান গ'ড়ে তুলতে।

কণ্ঠ তাঁর যেমনি তিক্ত, তেমনি কর্কশ। মায়ালাতা বললে, ছেলে-মানুষ,  
এখনো তেমন জ্ঞান হয় নি।

জ্ঞান হয়নি? ছেলেমানুষ? ওর আঁকা ছবি দেখেছ? ওর পছন্দ  
ভাষা দেখেছ? ববিচাকরকেও হার মানায়।



## অগ্রপামী

মায়ালাতা চূপ ক'রে রইল। কিন্তু সুরেশবাবু থামলেন না। বললেন, মেয়েদের কাছে ব'সে আড্ডা দিতে অমরেশ ওস্তাদ! প্রশ্নই পায় তাই এখানে আসে যখন তখন। ওর মনে থাকে না যে এটা মেয়ে-ইকুল। এই সব ছবির বই কি এখানে থাকা উচিত?

হেসে মায়ালাতা বললে, ছবিতে কি দোষ হোলো?

ছবিতে যথেষ্ট দুর্নীতি, স্ত্রীলোকের নয় চিত্র এঁকে বিরংসা জাগানো! একে তুমি ভালো বলো মায়ালাতা,—আটের নামে প্রবৃত্তির স্বৈচ্ছাচার!—বলতে বলতে পকেট থেকে তিনি কতকগুলি টাকা বা'র করে বিছানার উপর রাখলেন! টাকাটা মায়ালাতার মাসিক প্রাপ্য!

মায়ালাতা একটি কথাও বললে না, কিন্তু তার মুখে বিরক্তির রেখা দেখা গেল। এমন অশ্রিয় আলোচনা শোনার তার সময়ও নেই, দরকারও নেই। কিন্তু ফল ফলল অগ্ররকম, সুরেশবাবু ধ'রে নিলেন। এব মধ্যে আছে অল্প কথা। স্ত্রীলোক লব্ধকে সন্দেহ ও অবিধাস তাঁর স্বভাবজ। নিজের দুর্বল চেহারাটা তিনি জানেন; তাই যথাসম্ভব সেই দুর্বলতাকে মধুর ক'রে তিনি বললেন, ও কি রোজ একবার ক'রে আসে?

ভদ্রকণ্ঠে মায়ালাতা বললে, যদি আসেই ত কতি কি?

কথা শুনে সুরেশবাবু স্তম্ভিত হলেন। যথাসম্ভব আত্মসংযম ক'রে বললেন, কতি আছে বৈ কি, মনে রাখতে হবে ত যে এটা মেয়েদের—

সে দায়িত্বটা আমার, সুরেশবাবু।

সুরেশবাবুর গায়ে একটা জ্বালা ধ'রেছিল,—একা তোমার নয় মায়ালাতা, দায়িত্ব আমরা কিছু আছে, আমি সেক্রেটারী।

মায়ালাতা নত মস্তকে নীরবে রইল; কিন্তু একথা প্রকাশ করা গেল না, যিনি সেক্রেটারী তাঁর পক্ষেও কিছু সতর্ক থাকা দরকার! কিন্তু যেখানে অন্তর দাসত্ব, সেখানে অনেক সত্যই চাপতে হয়। এই ভদ্রলোকটির সঙ্গে তার প্রথম পরিচয়ের স্মৃতিটা আজো মনে পড়ে, তা'তে কৌতুক ছিল, মাধুর্য্য ছিল। কিন্তু

দিনে দিনে এ'র হা'ন্ত পরিহাস মিলিয়ে গেল, নিঃস্বার্থ চেহারাটা স্বার্থের কালিতে মলিন হোলো। সতর্ক ক'রে, আগলে রেখে তিনি যেন মায়ালতাকে বশীভূত রাখতে চান। অর্থটা সুস্পষ্ট, মায়ালতা তাঁর সম্পত্তি। উপকার করেছেন  
১. অধীনতার স্বাক্ষরে বেঁধে রাখার জ্ঞান। তাঁর শাসনকে স্বীকার ক'রে না নিলে আজকে আর উপায় নেই।

ক্ষেমীর মা দরজার কাছে এসে দাঁড়াল। বললে, দিদিমণি, অমরেশবাবু ডাকছেন।

সুরেশবাবু সচকিত হয়ে মায়ালতার দিকে তাকালেন। বললেন, এমন সময় এলো যে? ওর কি আসার কথা ছিল?

মায়ালতা বললে, কই না। বোধ হয় হঠাৎ কোনো কাজ পড়েছে।

কাজ পড়লে আমারই কাছে ওর যাওয়া উচিত, এখানে আসে কেন? আচ্ছা  
ক্ষেমীর মা, তুমি ওকে বাইরে দাঁড়াতে বলো, আমি আসছি।—সুরেশবাবু দাসীকে নির্দেশ দিলেন।

ক্ষেমীর মা চলে যাচ্ছিল, মায়ালতা দিল বাধা। বললে, আপনি আছেন, স্মরণে ওঁর আসার আপত্তি নেই। ক্ষেমীর মা, তুমি ওঁকে এখানেই ডেকে দাও।

কণ্ঠের ভিতরে তার ইম্পাতের শাপিত কাঠি ছিল, সুরেশবাবু নীরব হয়ে গেলেন। কিন্তু একেবারে নীরব হয়ে যাওয়া তাঁর প্রকৃতি নয়, বললেন, আমি যত দূরে যাবো, ওকেও কি তত দূরেই যেতে হ'বে, মায়ালতা?

ক্ষতি কি! ব'লে মায়ালতা দরজার পরদা তুলে বাইরে গিয়ে দাঁড়াল।

এতটা কিন্তু ভাল নয়। ব'লে সুরেশবাবু যুদ্ধের জ্ঞান সোজা হয়ে বসলেন।

মায়ালতা ভিতরে এলো। হেসে বললে, সুরেশবাবু, আমি চাকরী করতে এ বাড়ীতে ঢুকেছি, গৃহস্থালী করতে আসিনি। ঘরের বউ নয়, আমি মাষ্টারগী। এই যে অমরেশবাবু, আসুন—

অমরেশ ঘরে ঢুকতেই সুরেশবাবুর সঙ্গে মুখোমুখি। তিনি বললেন, কি হে বেড়াতে বেরিয়েছ নাকি?

## অগ্রগামী

অমরেশ সলজ্জ হেসে বললে, ই্যা সুরেশদা, বাচ্ছিলুম এই রাস্তা দিয়ে—

এ রাস্তা দিয়ে তো অনেক সময়ই যাও। সকালের দিকে এসেছিলে নাকি এখানে?

ই্যা, এসেছিলুম।

বিকেলও এলে, কেমন? তা বেশ, উনি ধরো একলা থাকেন, তোমরা এলে তবু আলাপ আলোচনায় সময়টা কাটে।

মায়ালতা বললে, আপনার ম্যালবামটা খুঁটিয়ে দেখলুম। ছবি আমি বিশেষ বুঝিনে, তবু আপনার ছবিগুলো বেশ লাগল, অমরেশবাবু।

সুরেশবাবু বললেন, প্রাক্টিসটা রেখো, ভবিষ্যতে হাত তোমার বেশ পাকবে। ছবি দিয়ে তুমি ত কিছু রোজগার করতেও পারো হে, শুধু ব'সে না থেকে—

তাই করবো, ভাবছি।

তাই করো। শুধু ঘুরে বেড়ালে কিছু হয় না হে। মা বাপ চিরদিন থাকে না, নিজের পায়ে যদি এখন থেকেই না দাঁড়াও ... ধরো এই যে গল্প-গুজবে সময়টা বাজে খরচ হয়, এ সময়ে তুমি কাজ করতে পারতে। আমি তোমার কল্যাণের জন্তই বলছি।

মায়ালতা হাসলে। হেসে বললে, আপনারও ত তাই সুরেশবাবু, যদি এতক্ষণ মক্কেলদের নথিপত্র ঘাঁটতেন, তা'হলে মামলা সাজাতে পারতেন ভালো।

সত্যি ত, নিশ্চয় পারতুম। কিন্তু নিজের কাজটাই ত বড় নয়, স্বার্থত্যাগ করতে হবে বৈ কি! তোমার মাসিক টাকাটা দিতে এলুম—তা' ছাড়া আজ স্কুল-কমিটির মিটিং হবে প্রেসিডেন্টের ওখানে।

কখন?

এখনই, তোমারই জন্তে দেবী হচ্ছে, উঠলেই ত হয়। তোমাকে বোধ হয় কাপড় বদলাতে হবে। আচ্ছা, অমরেশ, বেশ, আবার দেখা হবে ... আমাদের আবার এক জায়গায় বেতে হবে কিনা, তুমি তা'হলে—

## অগ্রগামী

মায়ালাতা ম্যালাবামটা অমরেশের হাতে দিয়ে বললে, এটা নিয়ে যান।  
সুরেশবাবু ত' বিশেষ সময় পান না, আপনার সুবিধে হলেই জ্বাসবেন কিন্তু।  
কই যে কবিতাটা আমার ওপর লিখেছেন, সেটা আনলেন না ত ?

সুরেশবাবু বললেন, কবিতা ? তোমার ওপর লিখেছে অমরেশ ? মানে ?

অমরেশ বললে, আমার সঙ্গেই আছে।

কই, বা'র করুন।—মায়ালাতা হাত বাড়াল।

পকেট থেকে অমরেশ একখানা নীল কাগজ বার করলে; তাতে  
সোনালী কালিতে লেখা মায়ালাতার প্রতি স্তুতি-বন্দনা। মায়ালাতা বললে,  
রেখে দিলুম, রাতে শোবার সময়ে পড়ব। বা: কাগজের গন্ধটিও যে চমৎকার  
অমরেশবাবু।—এই ব'লে সে ঘর থেকে বেরিয়ে গেল।

অগ্নিস্কলিঙ্গের মতো হেসে সুরেশবাবু বললেন, অমরেশ ?

অমরেশ তাঁর মুখের দিকে সলজ্জ হেসে তাকালো। তিনি বললেন,  
দেবীপূজা ভাল কিন্তু এটা'কি ঠিক শোভন হোলো তোমার মনে হচ্ছে ?

অমরেশ চুপ ক'রে রইল। সুরেশবাবু বললেন, তোমাদের এই নির্মূল  
বন্ধুটো বাইরের লোকে বুঝবে না, তারা কি বলবে জানো ? বলবে, এই  
স্কুলটায় একজন সুন্দরী শিক্ষয়িত্রী থাকেন, একজন বেকার যুবক আসে  
কবিতা লিখে নিয়ে, ছবির বই হাতে ক'রে—দুজনের মধ্যে খুব ভাল,  
শোবার ঘরে তারা ঘণ্টার পর ঘণ্টা কাটায়, মাষ্টারগী থাকেন একলা।—  
আরো কি বলবে জানো ?

অমরেশ মুখ তুললে।

তারা আরো বলবে এতগুলো ছোট মেয়ের চরিত্র গঠন আর শিক্ষার ভার  
যাঁর ওপর সে আদর্শ নারীটি নিজের চরিত্র সম্বন্ধে ভ্রক্ষেপ করেন না। তারা  
ভাববে, অবিবাহিত স্ত্রী-পুরুষের অবাধ মেলামেশাটাই বুদ্ধি আধুনিক শিক্ষা।  
এই সব ছবি আর ওই রকম কবিতা এঁর কাছে এনে দেওয়া কি ভালো ?  
তুমিই বলো ত, অমরেশ ? ধরো, আমি কার মুখে হাত চাপা দেবো !

## অগ্রগামী

অমরেশ বললে, অতটা আমি বুঝতে পারিনি সুরেশদা, আমাকে কমা করুন। আমি তবে এখন উঠি।

তার পিঠে হাতে চাপড়ে সুরেশবাবু বললেন, খুব যুক্তিসঙ্গত কথা নয় কি, তুমিই বলো না ভাই? এতে কার ক্ষতি হবে জানো? তোমার আমার নয়, ঠরই। উনি অন্ন-সমস্তার জন্ত পথে বেরিয়েছেন, সেই অন্ন যাবে মারা, পথের লোক অপমান ক'বে যাবে। আমাদের দেশে মেয়েদের হ্রবহা কত, তা জানো?

সত্যিই আমি অজ্ঞায় কবোঁ। বলে অমরেশ উঠে বেরিয়ে চ'লে গেল। বিজয়-গর্বে সুরেশবাবু হেসে চুপ করে রইলেন।

কিছুক্ষণ পরে মায়ালাতা এসে বললে চলুন, আমার হয়েছে।

তার পরিচ্ছদে আড়ম্বর নেই, কিন্তু পরিচ্ছন্নতাটুকু দৃষ্টি এড়ায় না। সুরেশবাবু তার দিকে চাইলেন প্রশংসমান দৃষ্টিতে; হেসে বললেন বৃষ্টি এলো এদিকে তোমার প্রসাধনটা হয়ত ব্যর্থ যাবে।

প্রসাধন ত আমি করিনি।

করলে অজ্ঞায় হতো না মানিয়ে যেতো। কিন্তু আমার নিজের কথা যদি জিজ্ঞাসা করো তা'হলে বলব এই আমার ভাল লাগে। কাপড়-মোটা নহজ সরল হলেই লোকের শ্রদ্ধা আকর্ষণ করে বেশী।

মায়ালাতা বললে অমরেশ বাবু কি চ'লে গেলেন?

হ্যাঁ ছোকরাকে বুঝিয়ে দিলুম মিষ্টি কথায়। বললুম এসব ভালো না ভাই। আমাদের দেশে এক এক জাতের ছেলে আছে মায়া, মেয়েদের আঁচল ধরেই তারা জীবন কাটাতে ভালবাসে। মেয়েরা তাদের কুপা করে, কিন্তু সম্মান করে না—এ তারা বুঝতেই পারে না।

হ্যাঁ, বুঝতেই পারে না। বলে মায়ালাতা হাসলে।

সুরেশবাবু একটু দমে গেলেন; সন্দেহ চক্ষে একবার তার দিকে তাকালেন কিন্তু কোনো মন্তব্য গায়ে মাখবার লোক তিনি নন। কেবল এক দমরে গা ঝাড়া দিয়ে উঠে দাঁড়িয়ে বললেন, চলো। বৃষ্টি এসে পড়ল দেখছি।

## অগ্রগামী

কমিটির মিটিং যখন শেষ হলো রাত তখন সাড়ে আটটা বাজে। সবাই একে একে বিদায় নিলেন,—মায়ালতা এসে উঠল সুরেশবাবুর গাড়ীতে। সুরেশবাবু হেসে প্রস্তাব করলেন, মাঠের দিকে একটু ঘুরে গেলে দোষ কি? স্বাস্থ্যের পক্ষে—

মায়ালতা বললে একলা বেড়ানো কি ভাল হবে?

একলা? আমি ত' রয়েছি সঙ্গে।

আপনি রয়েছেন কিন্তু আমার সঙ্গে তো কেউ নেই। লোকের চক্ষে হয় ত' অশোভন হবে সুরেশবাবু।

সুরেশবাবু একটু আহত হয়ে বললেন লোকেরা মোটরের রাস্তায় ব'সে নেই, কেউ চেয়েও নেই। আচ্ছা তবে থাক, চলো বাসায় পৌঁছে দিয়ে আসি।

গাড়ী ছাড়ল। মায়ালতা বসে রইল এক পাশে। প্রয়োজন ছাড়া আর কিছু বলবার তার কচিও নেই শক্তিও ছিল না। বিধু সুরেশবাবু নীরবে বসেছিলেন ওপাশে। এক সময়ে বললেন, তুমি বোধ হয় আমাকে বিশ্বাস করতে পার না মায়া। কেন বলো তো আমি কি করেছি?

কষ্টস্বরের মধ্যে কারুণ্য ছিল, প্রার্থনা ছিল। কবে আপনিটা তুমি হয়েছে, মায়ালতা হয়েছে মায়া—এ মায়ালতার বেশ মনে আছে। বয়সে অবস্থা বড় তবু অনুমতিটা নেওয়া উচিত ছিল। কিন্তু সুরেশবাবুর সে ধৈর্য নেই। গায়ে-পড়া অন্তরঙ্গতায় তিনি দিব্বহস্ত।

মায়ালতা সহজে হেসে বললে, বিশ্বাস করলেই বা আপনার কি লাভ, না করলেই বা আপনার কি আসে যায়? তবে বিশ্বাস আপনাকে করি। আপনি শিক্ষিত ভদ্রলোক, অযাচিত উপকার করেছেন আমার, আমার সুখ দুঃখ হিতাহিতের প্রতি আপনার সহানুভূতি—আমি অথেষ্ট কৃতজ্ঞ।

সুরেশবাবু বললেন, এসব আমি শোনবার জন্ত ব্যগ্র নই মায়ালতা। একথা বলবার লোক আলাদা।

এ কথা আপনি শুনতে চান না?

## অগ্রগামী

না, একথা শোনবার জন্ত তোমার কিছু করি নি। উপকারের বদলে কৃতজ্ঞতা জানাবার মানুষ জগতে বহু আছে, তাদের কাছে যাব। আমি আশা করেছিলুম তুমি বলবে অজ্ঞ কথা, যা কেবল মাত্র তুমিই বলতে পার।—সুরেশ-বাবুর গলা কাঁপছিল, বলতে লাগলেন, আমার সমস্ত চেষ্টা আর পরিশ্রম দিয়ে তোমাকে বড় করে তুলতে চাই, সে কেবল আমার নিজের স্বার্থের জন্ত।

গাড়ী চলছিল, মায়ালাতা তাকালো তাঁর মুখের দিকে। সুরেশবাবু মুখ ফিরিয়ে নিলেন, মাথা হেঁট করলেন। মায়ালাতা বললে, আপনার সকল কথার উত্তর দিতে পারিনে সুরেশবাবু, আমাকে ক্ষমা করবেন।

বেশ, একদিন উত্তর দেবে সেই অপেক্ষায় থাকব।

বাইরের দিকে একবার তাকিয়ে মায়ালাতা বললে, গাড়ী কি বউবাজারের দিক দিয়ে যাবে?

সুরেশবাবু সোজা হয়ে বসলেন; গলা-পরিষ্কার ক'রে বললেন, কেন দরকার আছে তোমার? যেতে পারে বৈ কি।

হ্যাঁ, একটু দরকার আছে। বলে মায়ালাতা তাঁকে একটা ঠিকানা বলে দিল। এমন একটা রাস্তাে সময় নষ্ট করতে সুরেশবাবুর ইচ্ছা ছিল না, অনেক কথাই তাঁর বাকি রয়ে গেছে। কিন্তু বাঁধা দিতে সাহস তাঁর নেই, ক্ষতি হতে পারে। ড্রাইভারকে নির্দেশ দিয়েও তিনি একবার বললেন, আজকে না গেলেই চলে না? 'কারো সঙ্গে দেখা করবে বুঝি?

হ্যাঁ।

কে তিনি?

পরিচিত লোক। আপনার কি খুব তাড়া আছে? তা'হলে আমাকে ওখানে নামিয়ে দিয়ে যান দয়া করে।

তাড়া কিছু মাত্র নেই, গাড়ীর মধ্যেই অপেক্ষা ক'রে থাকব, তুমি গিয়ে কাজ সেয়ে এসো। নামিয়ে দিয়ে গেলে ফিরে যেতে তোমার কষ্ট হবে, মায়ালাতা।—সুরেশবাবু বললেন।

## অগ্রগামী

এত সৌজন্ম যার, মন বিকপ থাকে না তার উপর। নিজেকে মায়ালাভা যেন অপরাধী মনে করলে, যেন সে নিয়ত এই লোকটির উপরে অবিচার ক'রে চলেছে। তার দয়া হোলো।

কিছুক্ষণ পরে বহুবাজারের একটা গলির ভিতরে এক জায়গায় গাড়ী এসে দাঁড়াল। বাড়ীর সুমুখের দিকটায় অন্ধকার, ভিতরে দূরে টিপটিপ ক'রে একটা আলো জ্বলছে। মায়ালাভা সেদিকে তাকিয়ে গাড়ী থেকে নেমে বললে, হ্যাঁ, এই বাড়ী। আপনি তবে একটু অপেক্ষা করুন?

উত্তরের আগে সে ভিতরে গিয়ে ঢুকল। সুমুখে কলতলা। জলকান্দা চারিদিকে খই-খই করছে। পাশেই উপরে যাবার একটা সিঁড়ি। যেমন অপরিদর, তেমনি ব্রাহ্মশয়ী। কেরোসিনের ডিবে জ্বলছে, কিন্তু তাতে আলোর চেয়ে অন্ধকার বেশী। পাশ কাটিয়ে একটা ঘরের কাছে গিয়ে মূহু হাতে কড়া নাড়ল। ঘরটা ভিতর থেকে বন্ধ!

দরজা খুলে গেল, সুরপতিই খুলেছিল দরজা। বিস্মিত হয়ে বললে, একি, এত রাতে? এই বৃষ্টি বাদল—

মায়ালাভা ভিতরে ঢুকল, অভ্যর্থনার জন্ত তার অপেক্ষা নেই। বললে, বৃষ্টি বাদল বলেই ত এলুম, মন খারাপ হয়েছিল মশাই।

একলা?

না, সঙ্গে মোটর আছে, মোটরের মালিক আছেন। হাওয়া খেতে বেরিয়ে-ছিলুম হুঁজনে, পথে ভাবলুম পৈতেপোড়া বেস্কাচারিকে একবার দেখেই যাওয়া যাক। এই যে, বই মুখে দিয়ে ব'সে থাকা হয়েছিল দেখছি, আহা-রাদির আয়োজন কই?

সুরপতি বললে, যাঁদের কাছে এখানে থাকি তাঁরা আজ গেছেন বিয়ের নেমন্ত্নে ... আমারও আজ বিশেষ ক্ষিধে নেই।



## অগ্রগামী

এদিক্ ওদিক্ তাকিয়ে মায়ালাতা বললে, মাগো, কী ময়লা বিছানা আপনার, ঘরের ছিরি ছাথো! কাপড় চোপড়গুলো ত ধোপার বাড়ী দিলেই হয়, কী নোংরা আপনি?

সুরপতি হাসল। বললে, এত আমার চোখে পড়ে না!

তা জানি, চোখে কিই বা পড়ে আপনার? ঘরে ত বৃষ্টির জল জ'মে রয়েছে দেখছি, বিছানার অবস্থা এই, রাত কাটাবেন কেমন ক'রে? বাড়ী ছেড়ে যাদের এই অবস্থা হয়, তাদের বাড়ী না ছাড়াই উচিত।

সুরপতি বললে, মেয়েমানুষ হ'লে সুরবিধে হতো, মোটর পর্যন্ত চড়তে পেরতুম!

ওরে বাপরে; মরতে মরতেও ছোবল মারা চাই। শুধু মেয়েমানুষ হলেই হয় না, বয়স হওয়া চাই অল্প, থাকা চাই রূপ। যাক্গে নোংরা কথা। বলি, আপনার কি কাণ্ড-কারখানা শুক্লি? সেদিন এক মিনিটের জন্তে রাস্তা থেকে কথা ক'রে এলেন তারপরেই নিরুদ্দেশ? আমার খবর না হয় নাই মিলেন, দয়ামায়া আপনার নেই জানি, কিন্তু নিজের খবরটা দিলে আমার ত হুশিস্তা কমতো!

সুরপতি বললে, নানা কাজে ব্যস্ত থাকি...আর তা'ছাড়া আপনার একটা বা হোক সুরবিধে ত হয়েই গেছে, সুরেশবাবু দেখা শোনা করেন—

এইটেই আপনার চোখে পড়ল। সুরবিধে মানুষের বা হোক হয়েই যায়, ভগবানের রাজ্যে কেউ উপবাসী থাকে না। অন্তবস্ত্রের জোগাড় হয়েছে, আশ্রয় পেয়েছি, ঝি আছে, সুরেশবাবু আর অমরেশবাবুর অক্লান্ত তদারক, ইস্কুলে অখণ্ড প্রতিষ্ঠা, কথার কথার মোটর চড়া, যাচ্ছি নিটিংয়ে, আমার জুকুম তামিল করবার জন্তে লোকেরা শশব্যস্ত,—মেয়ের মধ্যে মেয়ে আমি, আমার আর ভাবনা কি।—ঝড়ের মতো মায়ালাতা কথাগুলো বলে গেল।

সুরপতি বললে, তবে ত সুরখই আছেন!

সুরখে আছি ব'লেই ত দেখতে এলুম আপনি কেমন আছেন! মন কেমন ক'রে উঠল, ভাবলুম আমার মতন সুরখ পৃথিবীতে আর কেউ নেই।

## অগ্রগামী

হাসচেন, কেমন? হ্যা, এটা আমার মনের বিলাস। এক একজন মানুষ এমন থাকে, নিজের সঙ্গে পরের তুলনা ক'রে বেড়ায়।

সুরপতি উঠে গিয়ে পিছন দিকের দরজাটা খুলে দিলে। দরজার সুরখৈ খানিকটা খোলা জায়গা। মায়ালতা উঠে গিয়ে সেখানে দাঁড়াল। দু'জনেই নীরব, এর পরে আর কোনো কথা নেই। কোনো কোনো অবস্থায় কথা না জোগালে অস্বস্তিকর হয়ে ওঠে। সুরপতি আলোটা আর একটু উজ্জ্বল ক'রে দিয়ে বললে, আমিও মন্দ নেই।

মায়ালতা উত্তর দিলে না। বলতে ইচ্ছা হোলো, এর নাম মন্দ না থাকা? কিন্তু শুনবে যে, তার যুখে ক্রেশের চিহ্নও নেই। এই দুর্বস্থা এবং দারিদ্র্য তাকে একটুও মলিন করে নি, নিরাশ করে নি। কোনো উদ্বেগ নেই, আপন ইচ্ছায় দুর্ভাগ্যকে বরণ করেছে, তার জন্ম নেই অনুশোচনা; সেই দুর্ভাগ্যকে দুই হাতে ঠেলে বাওয়াটাই যেন এর তপস্যা। এখানে নিজের প্রতি কৃপা নেই, নিজের বিরুদ্ধে অভিযোগ নেই। পুরুষের বড় হওয়ার চেষ্টার চেহারা বোধ হয় এই—এমনি বৈরাগ্য, এমনি কঠোর সংযম।

হঠাৎ মায়ালতা ক্রুদ্ধ কণ্ঠে বললে, এমন করে আপনি কতদিন থাকবেন?

সুরপতি বললে, থাকাই যাক না, কিছু কিছু কাজ নিয়ে ত আছি।

কাজ আপনার ছাই! বড়লোকের ছেলে ছিলেন, গরীবানা চালে থেকে স্থগ মেটাচ্ছেন। এ যেন আমেরিকার তরুণ সাহিত্যিকদের দারিদ্র্য-বিলাস! অভিজ্ঞতা-সঞ্চয়ের জন্ম তারা পথে গিয়ে যুমোয়, ভিক্ষে ক'রে খায়, জুয়া খেলে, নোংরা বস্তিতে গিয়ে আড্ডা জমায়, চুরি ক'রে জেলে যায়, হোটেলে গিয়ে বাসন ধোয়ার কাজ নেয়। কি জন্মে? না, ভালো গল্প আর ভালো কবিতা লিখতে হবে। দু' চোখের বিষ! মনের মধ্যে যাদের সৃষ্টি করার ঐশ্বর্য নেই, তারাই ছোট পথে-বাটে। অভিজ্ঞতার ইতিহাস লিখতে ব'সে সংবাদে কীরিস্তি আওড়ায়। ও-সব লোককে ভদ্রসমাজের ছাঁচে

## অগ্রগামী

উঠতে দিতে নেই। আপনি কি প্রৌঢ় বয়সে জনপ্রিয় ঔপন্যাসিক হবার চেষ্টা করছেন?

স্বরপতি হেসে বললে, কই তেমন কল্পনা নেই ত?

তবে বাড়ী ফিরে যান। আপনার পায়ে ধরি স্বরপতিবাবু, আপনি আমাকে আর জালাবেন না, বাড়ী যান।

স্বরপতি বিস্মিত হোলো তার কথায়। অত্যন্ত নিকটাত্মীয় মাতা মায়ালতার কথার ভঙ্গী। অপ্রত্যাশিত শুধু নয়, অকল্পিত। মেয়েরা বোধ হয় এমন করেই কথা বলে। পুরুষকে প্রতিনিয়ত কাছে টেনে আনার চেষ্টাটাই যেন তাদের প্রকৃতি। বশীভূত করে মায়াময় মমতায়।

কলতলার কাছে গলার আওয়াজ শোনা গেল। স্বরপতি বললে— এই বোধ হয় সুরেশবাবু আপনাকে ডাকছেন, এবার আপনি যান। রাত দশটা বেজে গেল।

মায়ালতা বাইরে গিয়ে দাঁড়িয়ে আন্দাজে বললে—সুরেশবাবু নাকি?

ঈষৎ ক্ষুব্ধ কণ্ঠে সুরেশবাবু অন্ধকার থেকে বললেন, রাত অনেক হয়েছে, আর ত' অপেক্ষা করা চলে না।

আমার কিন্তু এখানে একটু দেরী হবে, সুরেশবাবু।

আরো দেরি?—ব'লে সুরেশবাবু এগিয়ে এলেন। এবং অনাহত এসে ঘরের ভিতরে উঁকি মেঝে বললেন, আরো, স্বরপতি বাবুকে দেখছি যে! উনি থাকেন এখানে, কই একথা তু তখন বলো নি মায়ালতা?

মায়ালতা বললে, বলতে মনে ছিল না। ভুলেই গিয়েছিলুম যে আপনার সঙ্গে ঊঁর পরিচয় আছে।

সুরেশবাবুর মুখখানা গম্ভীর হয়ে গেল। রাগে তাঁর মুখে আর কথা ফুটল না। স্বরপতি এসে বললে, ভেতরে এসে বসুন সুরেশবাবু!

## অগ্রগামী

না ভাই, এত রাতে ব'সে আর গল্প চলবে না, আর একদিন আসব।  
—তারপর গলা নামিয়ে নিতান্ত অন্তরঙ্গতার ভঙ্গী ক'রে বললেন, তোমার সঙ্গে একটু কথা আছে মায়া, এই দিকে এক বারটি আসবে ?

মায়ালাতা তাঁর সঙ্গে এগিয়ে গেল। তিনি, অন্ধকারে গলা নামিয়ে বললেন, এমন ঘরে বেশীকণ থাকলে তোমার শরীর হয়ত খারাপ হবে, কাল থেকে আবার ইস্ত্রুল ! গাড়ী ছিল, সঙ্গে গেলেই ত হতো।

আমার এখনো কাজ শেষ হয়নি।

এখনো হর নি ? তবে আর একটু কি দাঁড়াব ?

না। আপনি বরং চ'লে যান, সুরপতিবাবুই আমাকে পৌঁছে দেবেন।

তখন কিন্তু হেঁটে যেতে হবে।

মায়ালাতা যথেষ্ট সংবত কণ্ঠে বললে, সারাদিন বসেই ছিলুম হেঁটে গেলে শরীর ভালই থাকবে।

অগত্যা সুরেশবাবুকে ফিরতে হোলো। তবু একবার, ফিরে দাঁড়িয়ে শেষবার বললেন, এত রাতে কি সুরপতির ঘরে একলা ব'সে কথা বলা ভাল দেখাবে ?

না দেখালেও আমাকে থাকতে হবে। আচ্ছা, নমস্কার। বলে মায়ালাতা নিজেই কিরে এসে ঘরের দরজাটা ভেজিয়ে দিলে। রাগে আর বিরক্তিতে তার চোখ দুটো জ্বালা করছিল।

দরজা বন্ধ করলেন কেন ?—সুরপতি বললে।

মুহূ-কঠিন কণ্ঠে মায়ালাতা বললে, ওই লোকটার সন্দেহটাকে বাড়াবার জন্তে। বিরক্ত করেছে ! প্রবৃত্তির তাড়নায় উনি পরোপকারী সেক্সে বেড়াচ্ছেন। সুরেশবাবুর একটা বিয়ে দিয়ে দিন্ ত আপনি, অনেক অসুখ সেরে যাবে।

ব্যাপার কি ?—সুরপতি হেসে বললে।

ব্যাপার গুরুতর। ছুটছেন পেছনে পেছনে, ভালবাসতে চান্! সেই যন্ত্রণায় আমার প্রাণ ওষ্ঠাগত হোলো।

## অগ্রগামী

সুরপতির জগৎটা আলাদা, তাকে আরো স্পষ্ট ক'রে না বোঝালে সে বুঝবে না। একদিন সে সুরেশবাবুকে নিয়ে মায়ালতার প্রতি বক্তোক্তি করেছিল, সেটা ব্যক্তিগত ঈর্ষা নয়—হরিহরদার সঙ্গে মায়ালতার এমনই গভীর সম্বন্ধ, যেখানে তৃতীয় ব্যক্তি সুরেশবাবুর প্রবেশটা নৈতিক চেতনায় বাধে। সে সতর্ক করেছিল, সন্দেহ করেনি। আজ সে-ভুল ভেঙেছে। হরিহরদা মায়ালতার জীবনে কোথাও নেই। নেই বলেই আজকে মায়ালতা ও সুরেশের বিরুদ্ধে তার নালিশ নেই। আপন ক্রটিতে মায়ালতা চলবে, মনে সম্পূর্ণ স্বাধীন।

পিছন দিকের খোলা জায়গাটায় এসে ছ'জনে দাঁড়াল। বৃষ্টির পরে এখন ঠাণ্ডা বাতাস বইছে। আকাশে মেঘের আয়োজন প্রচুর, তবু কোথাও 'কোথাও ছ' চারটে তারা জেগে রয়েছে।

বিদায় নেবার কোনোরূপ উদ্বেগ ও চাকল্য মায়ালতার চোখে মুখে নেই। সুরপতি তার দিকে একবার চেয়ে বললে, সুরেশবাবু আমার ওপর রাগ ক'রে গেলেন। কেমন?

মায়ালতা বললে, করুনগে, ওঁদের সবই আতিশয্য।

ওঁদের ওপর রাগ করা আপনুর অন্তায়। বে-অবস্থায় আপনি ছিলেন দেখেছি, এখন কি তার থেকে ভাল নেই?

হ্যাঁ, অনেক ভাল। যা চেয়েছিলুম তা' পেয়েছি। এত সহজে এমন ভাগ্য কিরবে, আশা করিনি। সন্দেহ নেই, এটা সুরেশবাবুর অল্পগ্রহ।

তবে?

এখন দেখি শুধু অল্পগ্রহ নয়, আরো কিছু। তাই নিজেকে সুখী বলতে বাধছে। মেয়েমানুষের পক্ষে এ বে কতখানি যত্নগা, তা আপনাকে বোঝাতে পারব না। আমার ক্রটি আছে, ভাল লাগা মন্দ লাগা আছে। ভেবে পাই নে, এবার আমি কি করব।

অনেকক্ষণ সুরপতি নীরবে দাঁড়িয়ে রইল। তার জীবনের সমস্তটা

## অগ্রগামী

এর সঙ্গে মেলে না। সে নিজের ঘর ছেড়ে বেরিয়ে এসেছে কঠিন কল্পনা নিয়ে, সেখানে সে এক। আপন জীবনের দুঃখ এবং সুখকে অতিক্রম ক'রে সে বড় হবে, মানুষ হবে। নির্দিষ্ট পথের সন্ধান তার নেই, অন্ধের মতো সে হাতড়ে চলেছে। একদিকে তার দারিদ্র্য, অল্পদিকে দুঃখ। যে আত্মীয় পরিজনদের সে ত্যাগ করেছে, আজকে তারাও গেছে দুঃখে স'রে, তাদের খোঁজ খবর নেই।

মায়ালাতা মুখ ফিরিয়ে বললে, চূপ করে আছেন যে?

স্বরপতি বললে, আপনার কথাই ভাবছি।

আমার কথা? কি ভাগ্য আমার! যে রকম বড় বড় কথা আপনি ভাবেন, আমার মতন সামান্য মানুষ কি আপনার মনে ঠাঁই পায়? কি ভাবছেন, শুনি?

বলবার আগেই আপনি এমন তিরস্কার করলেন যে, বলতে আর ভরসা হচ্ছে না।

তিরস্কার করব না কেন? সবাইকে ত্যাগ ক'রে যে নিজের পথের সন্ধানেরই ব্যস্ত, আমরা তাকে বলি স্বার্থপর। অনেক যন্ত্রাসী ভগবানের বিতৃষ্ণা লাভ করে এমন শুনতে পাই, সে সর্বত্যাগীর সম্বন্ধে আমাদের বিশেষ কোনো আগ্রহ দেখা যায় না; কিন্তু ভালবাসি তাঁকে, যিনি লোক-সমাজের মধ্যে মানুষের কাজ ক'রে মানুষের দুঃখে সেবা ক'রে বড় হয়ে উঠেছেন। কি বলছেন, বলুন।

স্বরপতি বললে, মনে হচ্ছে আপনি শেষ পর্যন্ত ওখানে টিকতে পারবেন না।

মায়ালাতা বললে, কেন?

অসন্তোষ আপনার মনে। বারুদ জমেছে, একদিন আগুন লাগবে।

যদি টিকতে না পারি, তা'হলে আমার উপায়? আবার কোথায় যাবো?

স্বরপতি বললে, আবার মনের মতন জায়গা খুঁজতে হবে।

মায়ালাতা বললে, তা'হলে বলুন এমনি করেই বেড়াব? এর নামই

## অগ্রগামী

ত মরণ! যার স্থিতি নেই, যার আশা নেই। আপনি কি বলতে চান, হাত পেতে বেড়াব দরজার দরজায়? নিজের সম্বন্ধ কি বাঁচাতে পারব?

নে ভয় যদি থাকে, তবে বাড়ী ফিরে যান। সুরপতি বললে।

চুকে দেবে না তল্লা। পথ নষ্ট করে দিয়েছেন আপনার আদর্শ গুরু হরিহরদাস। দুর্নাম রটেছে, আশ্রয় মুছে গেছে।

কিন্তু হরিহরদাস ত আপনাকে জোর করে ধরে আনেন নি, আপনি এসেছেন নিজের ইচ্ছেয়, এসেছিলেন সুন্দর জীবনের পরিকল্পনা নিয়ে। অবশ্য হরিহরদাস সাময়িক প্রভাব ছিল আপনার ওপর। আপনার সে পরিকল্পনা ভাঙল কেন?

ভাঙেনি, কিন্তু স্তান হয়েছে। স্বীকার করলে আপনি হাসবেন।—  
মায়ালাতা বললে, আপনি ভাববেন, মেয়েবা বড়ি এমনিই দুর্বল আর সঙ্কীর্ণ মন। কিন্তু তবু বলব। আমি এখন দেখছি, স্বাধীন জীবিকা অর্জন করে ঐশ্বর্যশালী হওয়াটাই আমার একমাত্র কাম্য ছিল না। আরো যে কিছু চাইবার আছে, এই কথাটা আমাকে অস্থির করে তুলেছে।—ব'লে সে মাথা হেঁট করলে।

নিম্বাস ফেলে সুরপতি বললে, এবার চলুন, আপনাকে এগিয়ে দিইগে।

কই, কিছুই ত বললেন না?

বলতে কীই বাক্যপারি? আসুন।—ব'লে সুরপতি ঘরের ভিতরে এলো।

দরজা বন্ধ করে দু'জনে পথে এসে নামল। রাত অনেক হয়েছে, লোক-সমাগম কমে গেছে। বড় রাস্তা ধরে দু'জনে চলতে লাগল। কারো মুখে কথা নেই।

পথের দুধারে দোকান-পাট অনেক বন্ধ হয়ে গেছে। যেগুলি খোলা আছে, তারাও বন্ধ করবার উপক্রম করছিল। একটা দোকানের কাছে এসে পাড়িয়ে মায়ালাতা বললে, আমি কিছু খাবার কিনব।

আপনারো কি রান্নাবান্না হয়নি?

## অগ্রগামী

হেসে মায়ালাতা বললে, না।

এক ঠোঙা খাবার কিনে আঁচলের মধ্যে নিয়ে সে আবার সুরপতির পাশে পাশে চলতে লাগল। এখান থেকে তাদের স্কুল বেশী দূর নয়।

আপনি কি তবে এই ভাবেই থাকবেন?—মায়ালাতা এক সময়ে বললে, আশুনি কি করতে চান এ কথা আমার জানা দরকার।

সুরপতি তার দিকে তাকাল। মায়ালাতা পুনরায় বললে, শরীর ক্ষয় ক'রে দিন-মজুরী করাটা আদর্শ জীবন নয়। কুলীয়া যা' করে আমরাও তাই করতে পারি, এ কথায় অহঙ্কার থাকতে পারে, কিন্তু আদর্শ নেই। আমরা আরও বেশী কিছু পারি, এই ধারণাই থাকা উচিত।

সুরপতি বললে, আমার কথা আলাদা। এই জীবনকে বদলে দেব, এই কথাই ভাবছি। আদর্শ জীবনের কথা কে বলছে? আমি চাইছি এগিয়ে যেতে নতুন জীবনে। আমি চাইছি এটাকে বদলাতে, এর ছাঁচ উল্টে দিতে। অন্ধ হ'য়ে হাতড়াচ্ছি পথ পাব ব'লে—সেই পথ, যেখানে রয়েছে অসীম প্রাণময়তা; যে-জীবনে প্রাচুর্য আছে, স্বাস্থ্য আছে, শ্রী আছে! আদর্শ জীবন মানে নৈতিক জীবন নয়, আধ্যাত্মিক বুলি আওড়াবার পেশা নয়, সন্ন্যাসীর দল গ'ড়ে নির্বীৰ্য হবার প্রচেষ্টা নয়—আমি সেই অভিনব জীবনে উত্তীর্ণ হয়ে যেতে চাই, যেখানে পাব ভোগপ্রিয় বলবান বৈরাগীর দল, যেখানে শক্তি আর প্রতিভা সহজ সুন্দর রূপ পায়! থাক্ সে কথা। আসুন, তাড়াতাড়ি যাই।

মায়ালাতার মুখে উত্তর নেই। তবু কিয়ৎক্ষণ পরে সে বললে, আমি কি করব? সে জানেন আপনি। মেয়েদের আমি বুঝি নে।

বাকি পথ নীরবে শেষ হয়ে গেল। স্কুল-বাড়ীর দরজার কাছে কেউ নেই, উপরে শোবার ঘরে কেবল একটা আলো জ্বলছিল। দরজার উপরে উঠে মায়ালাতা কড়া নাড়ল। ক্ষেমীর মা ভিতর থেকে গলার সাড়া দিয়ে বললে, যাই গো।



## অগ্রগামী

মায়ালাতা বললে, দাঁড়ান্। এই ব'লে গলার আঁচল দিয়ে হেঁট হয়ে  
অঙ্ককারে সুরপুতির পায়ের ধূলে তুলে নিলে।

এ কি করছেন ?

আমি আর আপনাকে গালু দেবো না। এই নিন, এই আপনার দক্ষিণা।

সুরপুতি ইতস্ততঃ করতেই খাবারের চৌঙাটা জোর ক'রে মায়ালাতা  
তার হাতে গুঁজে দিয়ে বললে, আপত্তি গুন্ব না, আপনার জুয়েই কিনে  
এনেছি। মাথার দিব্যি রইল, খাবেন কিন্তু, লক্ষ্মীটি। যান্ চ'লে, ফেমীর  
মা যেন দেখতে না পায়।

সুরপুতি নির্বাক্ বিষয়ে ধীরে ধীরে চলতে লাগল।

## চার

ফেমীর মা ঘরে ঢুকে বললে, দিদিমণি, বড়বাবু এসেছেন।

- মায়ালতা বললে, বড়বাবু কে ?

অবাক কল্লো ! আমাদের সুরেশবাবু গো—

দাসীর মুখের বক্রভঙ্গীটা মায়ালতার ভালো লাগল না, কচিকে আঘাত করল। ফেমীর মার কণ্ঠস্বরের ভিতরে কোথায় যেন একটা সুদূর প্রত্যাশা লুকিয়ে রয়েছে, সেটা ভাবতে গেলে খোঁচা দেয়, উৎপীড়ন করে। চোখ দুটো তার জ্বালা করে উঠল। বললে, ফেমীর মা, আমার কাছে সুরেশবাবুকে বড়বাবু বলে সম্মান দেখাবার কারণ ? বড়বাবু তিনি কবে হলেন ? এর মানে আমাকে বুঝিয়ে দাও।

অপ্রতিভ হয়ে ফেমীর মা ক্ষমাপ্রার্থনাসূচক কণ্ঠে বললে, এমনিই বলছিলুম দিদিমণি।

না, এমনিও তুমি কোনোদিন ব'লো না। এ ভাবে আমাকে খুসি করা কঠিন ফেমীর মা।

কিয়ৎক্ষণ ফেমীর মা দাঁড়িয়ে রইল নির্বোধের মতো। তারপর বললে, শুঁকে কি এখানেই ডাকব ?

মায়ালতা বললে, না, এটা অন্দরমহল। এক আধদিন বিশেষ দরকারে ভেতরে আসা চলে, সব সময় আসাটা আমার পছন্দ নয়। বলতে বলতেই মুখ ফিরিয়ে দেখা গেল সুরেশবাবু নিতান্ত অন্তরঙ্গের মতো শয়নক্ষেত্রে প্রবেশ করছেন। ফেমীর মা হুজনের দিকে একবার তাকিয়ে ভয়ে ভয়ে পাশ কাটিয়ে চ'লে গেল।

মুহূর্তের জন্ত মায়ালতা একবার দাঁড়াল। হৃদয়বৃত্তির সংস্পর্শ বিন্দুমাত্রও যেখানে নেই, মেয়েদের পক্ষে সেখানে দ্রুত বিচার করতে বাধে না।

## অগ্রগামী

সেখানে বিলম্বটা দুর্নীতি, বিবেচনাটা দুর্বলতা। দরজার কাছে গিয়ে দাঁড়িয়ে সে বললে, আপনি নীচে আপিস ঘরে আসুন সুরেশবাবু, সেখানেই কথা বলব।

চৌকির বিছানায় হেলান দিয়ে সুরেশবাবু বসে পড়েছিলেন। আদালতের ফেরৎ তিনি এখনো বাড়ী করেন নি। পরণে কালো গাউন, পায়ে মোজা জুতো। চেহারা সারাদিনের ক্লান্তির চিহ্ন কিছু ছিল। বললেন, এখানে বলতেই বা ক্ষতি কি?

ক্ষতি নয়, অসুবিধা। আসুন, নীচে যাই।—ব'লে মায়ালতা নিজেই অগ্রসর হোলো। অর্থাৎ, বিবেচনা করবার সময় আজকে আর সে দেবে না।

কিন্তু সুরেশবাবুর মন আজ ভালো ছিল না। বড় একটা মামলার পরাজয় ঘটেছে, তার জালাটা এখনো রি রি করছে। তবু তাঁকে উঠতেই হোলো,—মায়ালতার মেজাজ তিনি জ্বনেন। দিন আষ্টক আগেও এই সেদিন এই সম্পর্কে একটা তীব্র বাদানুবাদ হয়ে গেছে। তথাপি সিঁড়ি দিয়ে নামতে নামতে মনের জালাটা তাঁর বেরিয়েই পড়ল। বললেন, ওপরের ঘরে কথাটা বললে মহাভারত অন্তত হয়ে যেতো না।

হ'তো কিনা এ নিয়ে কথা কাটাকাটি নিফল, অকচিকর। ঘরে ঢুকে বসবার আগেই মায়ালতা বললে, আপনি জানেন, কেন আপনাকে ডেকে পাঠিয়েছিলুম?

ডেকে পাঠাতে হবে কেন, আমি ত প্রায় রোজই আসি। কথাটা কি, শুনি?

আপনি কি শোনেন?

কই, না?

মায়ালতার বাঁ হাতে একখানা চিঠি ছিল, সেখানা সে দ্রুত সুরেশের দিকে এগিয়ে দিয়ে বললে, পড়ুন এখান্না, প্রেসিডেন্ট আমাকে লিখেছেন।

সুরেশবাবু চিঠিখানা মনোযোগ দিয়ে পড়লেন। পড়া শেষ হ'লে মায়ালতা বললে, এবারের পরীক্ষায় রেজাল্ট ভালো হয়নি, সে দোষ

## অগ্রগামী

আমার নয়, মেয়েদের। আমার কর্তব্যের সীমা আমি জানি, আমাকে অবহিত হতে অযুৰোধ করা অনধিকার। হঠাৎ প্রেসিডেন্টের পক্ষে এটি লেখা একটু অস্বাভাবিক ঠেকছে। তিনি থাকেন দূরে, আপনি এখানে আসেন নিয়মিত, খোঁজ খবর আপনিই রাখেন। কর্তব্যে আমি অবহেলা করি কিনা সেটা তাঁর চেয়ে আপনিই ভালো জানেন। এখন বলুন, এ চিঠির রহস্য।

সুরেশবাবু বললেন, রহস্য ? কই, আমি ত এর কিছু জানিনে।

মায়ালাতা বললে, আমার গতিবিধি এবং ভিজিটারদের সম্বন্ধে আমাকে পরোক্ষভাবে এ চিঠিতে সতর্ক করা হয়েছে।

ওঃ, এইটেই আসল কথা ! সেটা কি তাঁর করবার অধিকার নেই মায়ালাতা ?

মায়ালাতা তাকালো তাঁর মুখের দিকে। সুরেশবাবু পুনরায় বললেন, ধরো, এই স্কুলের শিক্ষয়িত্রীদের জীবনে যদি নীতি আর শৃঙ্খলার অভাব ঘটে—

তার মানে ভেঙে বলুন। আপনার গলার আওয়াজ শুনে মনে হয় আপনি এ চিঠির ইতিহাসটা জানেন।—হঠাৎ মায়ালাতা হেসে আবার চুপ করে গেল।

সুরেশবাবু অপ্রতিভ হয়ে বললেন, ভেঙে বলবার আমার কিছু নেই, বলতে পারেন প্রেসিডেন্ট। তিনি হয় ত খোঁজ খবর রাখেন, তাই লিখেছেন।

আপনি ত সেক্রেটারী, আপনি রাখেন না খোঁজ-খবর ?

আমার অফিস-সংক্রান্ত কাজ নিয়ে থাকার কথা।

মায়ালাতা কিয়ৎক্ষণ নীরবে রইলো। তার পর বললে, দেখুন, ভয় আমি করিনে। অনেক বিপদ আর দুর্ভাগ্যের ভেতর দিয়ে একা মেয়েমানুষ এসেছি, ভয় আমি করিনে কিছুকেই। যেটুকু লেখাপড়া আর কাজকর্ম জানি, সেটুকু ভাঙিয়ে পেটের অন্ন আমার জুটেই যাবে। আপনাদের এই স্কুলে ভালোই ছিলুম সন্দেহ নেই, কিন্তু ছাড়তে গেলেও তুংখ আমার হবে না।

সুরেশবাবু কিছুক্ষণ নীরবে রইলেন। তারপর বললেন, তোমাকে জবাব

## অগ্রগামী

দেবার ইঙ্গিত এ-চিঠিতে নেই, তিনি একটু সতর্ক ক'রে দিয়েছেন মাত্র।  
ভদ্রভাষায় এটুকু লেখা কি নিতান্তই অসঙ্গত, মায়ালতা ?

মায়ালতা বললে, ভদ্রভাষায়, কিন্তু ভাষাটা দুর্বল নয়। এর মধ্যে প্রশংসা আছে, অনুরোধ নেই। আমি এখানে মাষ্টারী করতে এসেছি; কিন্তু আমার ওপর মাষ্টারী আমি সহিব না, সুরেশবাবু। আমার গণ্ডীর মধ্যে আপনাদের প্রবেশ নিষেধ।

আমারো ?—সুরেশবাবু কাষ্ঠহাসি হাসলেন।

প্রয়োজন হ'লে অপনারো বৈ কি।

চিঠিখানা নিয়ে নাড়াচাড়া করতে করতে সুরেশবাবু বললেন, এ মন্দ নয়।  
নিরপরাধ আমি বেচারী ধমক খেলাম। এর নাম ভাগ্যের বিক্রপ! সেক্রেটারির কাজ আর করা পোষালো না দেখছি, এবার আমি এ-স্কুলের কেরানীগিরি করব; আমাকে মানাবেও ভালো—এই বলে তিনি মুখ তুলে তাকালেন।  
দেখা গেল মায়ালতার মুখের চেহারা কিছু নরম হয়ে এসেছে।

মায়ালতা বললে, এ কাজ ছেড়ে দেওয়াই বোধ হয় আমার পক্ষে যুক্তিসঙ্গত, সুরেশবাবু।

তাই বটে। পাঁচজনে এমন উত্থাপ্ত করলে মানুষ টেকে কি ক'রে ?  
বলব গিরে আমি প্রেসিডেন্টকে ; ভয় কি, আমি এর বিহিত ক'রে দেবো, মায়া !

মায়ালতা হেসে বললে, আপনি চূপ ক'রে থাকলেই আমার উপকার হবে, কিন্তু বিহিত করতে গেলেই ব্যাপারটা হয়ে উঠবে আরও জটিল।

সুরেশবাবু বললেন, তার অর্থ ? আমার ওপর তুমি নির্ভর করতে পারো না ?

কেমন ক'রে পারব বলুন। আপনি এখানকার সেক্রেটারী, আপনাকে ডিঙিয়ে যদি প্রেসিডেন্ট মশাই ঘাস খেতে আসেন, তবে বুঝতে হবে, আপনার পদ-মর্যাদা তিনি রাখেন না। আপনার মান রইলো কোথায় ?—  
হ'লে মায়ালতা একচোট আবার হেসে নিলে।

## অগ্রগামী

সুরেশবাবু বেন হঠাৎ অত্যন্ত খাটো হয়ে গেলেন। সপ্তম বাঁচাবার জঙ্ঘ নিজের মুখের চেহারা আর দেখানো গেল না।

মায়ালতা বললে, আগামী মাস থেকে আপনারা অল্প লোকের জঙ্ঘ চেষ্টা করবেন। কলকাতায় এমন অনেক অনুথা মেয়ে পাওয়া যায়, যারা পেটের দায়ে আপনাদের নির্দেশকে হাকিমের কড়া হুকুম বলে মানবে, আমার চেয়েও যারা চরিত্রবতী, আপনাদের মন রাখার জঙ্ঘ যারা অনেক দূরে পর্যন্ত এগিয়ে যেতে পারবে।

এ সব কী কথা, মায়া?

এই কথাই বলব, আপনাদের আসল চেহারাটা আমি জানতে পেরেছি! —মায়ালতার কণ্ঠে দস্ত ও যেমন, ব্যক্তিত্বও ততখানি।

সুরেশবাবু বললেন, মেয়েরা কিন্তু এমন করে কথা বলে না, স্পষ্ট হ'লে তারা বাধা পায়। তুমি দেখছি মেয়ের মধ্যে মেয়ে। যাক সে কথা। আপাতত এই সিদ্ধান্তটা তুমি কি বদলাতে পারো না? ধরো যদি প্রেসিডেন্টের ভুল একটা হয়েই থাকে।

ভুলটা মারাত্মক, আমার ব্যক্তিগত জীবনের ওপর হস্তক্ষেপ করা। এর পর থাকতে ভালো লাগবে কেন? আপনারা নিজেদের সম্মান খোয়ালেন আমার কাছে।

অজ্ঞায় করেছেন তিনি। সত্যিই ত, এ সব ভারী অজ্ঞায়। আমি তাঁকে দিয়ে উইথড করাবো। এমন অবস্থায় আমিও কাজ ছাড়তুম।—সুরেশবাবু কথাবার্তায় আপোষ-নিষ্পত্তিটাই প্রধান ছিল।

মায়ালতা উঠে দাঁড়ালো। বললে, ধমকে আমার চরিত্রকে বদলানো যাবে না, এই কথাটা বলতে আপনাকে ডেকে পাঠিয়েছিলুম—

সুরেশবাবু উঠছিলেন, কিন্তু তখনই এক ডাকপিয়ন উঠে এলো দরজায়, অপ-রাহের ডাক এসেছে। মায়ালতা এগিয়ে এসে তার নিজের নামে চিঠি হাত পেতে নিলে। ডাকপিয়ন নিয়মিত বকশিস পায়, সুরতরাং নমস্কার জানিয়ে চলে গেল।

## অগ্রগামী

চিঠি খুলে মায়ালাতা পড়া আরম্ভ করলে, এমন সময় ক্ষেমীর মা আনলে এক বাটি চা। সুরেশবাবু তাকে অভ্যর্থনা করে বললেন, আঃ বাঁচালে ক্ষেমীর মা, পূর্বজন্মে হয়ত তুমি আমার মা ছিলে। তোমার কজীর তিরস্কারের চোটে গলার মধ্যে আমার চাতক পাখী ডাকছিল। পরের কাজে অনেক বিড়ম্বনা, অনেক লাঞ্ছনা—এর চেয়ে অখ্যাত অজ্ঞাত ঘরের কোণে স্ত্রীপুত্র-সহযোগে মৃত্যু-সাধনা করাই ছিল বাঞ্ছনীয়।—এই বলে তিনি চায়ের বাটিতে চুমুক দিলেন।

চিঠিখানা পড়া শেষ করে মায়ালাতা সেইখানই নিস্তক হয়ে দাঁড়িয়ে বইল। সুরেশবাবু তার ভাবগতিক দেখে বললেন, কোনো দুঃসংবাদ নয় ত ?

হ্যাঁ, দুঃসংবাদ। আপনি শুনতে চান ?

সুরেশবাবু খতিয়ে গেলেন। বললেন, তোমার দুঃসংবাদটা আমার পক্ষে সুখকর নয়, মায়া। বলতে যদি না চাও, পীড়ন করব না। কিন্তু খামখানার চেহারাটা সোঁখীন, অমন খামের মধ্যে দুঃসংবাদ আসবে, ভাবতে পারিনে।

চিঠিখানা অমরেশের। মায়ালাতা বললে।

ভালো আছে ত সে ?

ভালো থাকবে না কেন ? অমন সুস্থ বলিষ্ঠ ছেলে !

আর কিছু জিজ্ঞাসা করার সাহস সুরেশবাবু ছিল না, কিন্তু কৌতুহল ছিল। কেবল বললেন, এখান থেকে এইটুকু, চিঠির বদলে সে ত' এলেই পারত ? মায়ালাতা বললে, আসতে নিষেধ করেছে।

সুরেশবাবুর মুখখানা মুহূর্তে দীপ্ত হয়ে উঠল। বললেন, বারণ করেছ আসতে, অথচ সে-অপমান গায়ে না মেখে আবার চিঠি চালাচালি করতে গেল ? এদের নামই তরুণ, দৈগ্ধই এদের আসল চেহারা, কাঙালপনাই এদের পেশা। কি লিখেছে, শুনি ?

শুনতে ভালো লাগবে ?

ভালো লাগবে ! বলো কি মায়া ? আমি কেবল জানতে চাই এদের

## অগ্রগামী

চরিত্রকে নিখুঁৎ ক'রে। এরা মেয়েলীভাবাপন্ন শ্রেণীর লোক। মেয়েদের কাছে এদের পরিচয় চাপা থাকে না। স্ত্রীলোকের হৃদয় জয় করতে গেলে বীর্যবান হওয়া চাই; ত্যাগ, সংযম, উদারতা, শুচিত্তবোধ—এ-সবের নিত্য দরকার। এরা কি জানো? এরা আসে নোংরা গলির পথ ধরে ছিঁচকে চুরি করতে। বলবানের সম্ভোগ নয়, দুর্বল কাপুরুষের দেহ-লালসা। দম্ভতা এরা জানে না, জানে অতর্কিতে হাতসাক্ষী করতে। এদের হৃদয় কোনোদিন বড় প্রেমের আধার নয়, এদের মনে শাড়ীর আঁচলের হাওয়া লেগে কেবল তাড়ির রসের বুড়বুড়ি কাটে। কই, পড়ে গুনি।—আপন বক্তৃতার পরিশ্রমে সুরেশ বাবু হাঁপাচ্ছিলেন।

মুখ টিপে হেসে মায়ালাতা বললে, এ চিঠিতে যদি এমন কিছু কথা থাকে যা আপনার ভালো লাগবে না, তবে?

তা'হলেই কি দুঃখিত হবে? মোটে না। হাসবো শুধু। শোনাবার মতো কথা কি এরা বলে? মনের দারিদ্র্য এরা চাপা দেয় সস্তা ভাবালুতায়।

মায়ালাতা বললে, আপনি নিশ্চয় এদের দলে নয়, সুরেশবাবু?

সুরেশবাবু হঠাৎ সজাগ হয়ে গেলেন। বললেন, কি মনে হয়?

মনের কথা বলতে নেই—ব'লে মায়ালাতা হাসতে লাগল।

একটা বিস্মী অস্থিতিতে সুরেশবাবু চঞ্চল হয়ে উঠলেন। চায়ের পেয়ালার কোনোদিক দিয়ে শেষ ক'রে উঠে দাঁড়ালেন। বললেন, চিঠিখানা তুমি পড়তে চাওনা বোঝা গেল, আমাকে আগে বললেই পারতে। অনেকগুলো কথা ব'লে ফেললুম, কাজের ক্ষতি হোলো ব'সে ব'সে। যাই হোক—ব'লে তিনি হু' পা অগ্রসর হলেন। হঠাৎ ফিরে দাঁড়িয়ে পুনরায় বললেন, আমাকে কি তুমি অমরেশের স্তরে ফেলতে চাও, মায়া?

মায়ালাতা বললে, রাগ করছেন কেন? এ চিঠি শুনে আপনার কিছু লাভ নেই, তাই পড়লুম না। আপনি কোন্ স্তরের মানুষ সে আপনার বিধাতা জানেন, তাই ব'লে অমরেশের স্তরে আপনাকে ফেলব না। বাক্,



## অগ্রগামী

অনেক বাজে কথা কেনিয়ে কেনিয়ে বলা গেল। আচ্ছা, নমস্কার। ব'লে মায়ালাতা পিছন ফিরে সোজা ভিতরে চ'লে গেল। মুখের হাসি তার তখনো থাকেনি। ওদিকে ক্ষেমীর মা রান্নার আয়োজন নিয়ে ব্যস্ত ছিল, একবার মুখ তুলে' তাকালো। হাসি দেখে ভাবলে, দিদিমণির মতো খামখেয়ালী সংসারে আর ছুটি নেই।

এলোচুল কিরিয়ে বাঁধলো মায়ালাতা। আয়নার মুখ দেখার অভ্যাস তার নেই। কপালের টুকরো চুলগুলি মাথায় উপর দিকে সরিয়ে দিলে। জামাটা আগেই গায়ে দিয়েছিল, এবার তার বোতামগুলি একটি একটি ক'রে বেঁধে নিলে। এই তার সজ্জা; যত্ন আছে, বিলাস নেই। ছুটির দিনে ছপুরবেলা একটু আগে সে ঘুমিয়ে উঠেছে, দিবাশ্রমের অনিয়মে চোখ দুটো টস্ টস্ করছে।

তার মা আছেন। আছেন অস্বাস্থ্যকর আত্মীয়পরিজন। প্রিয় ছিল সে সকলের, আজকে চাকাটা গেছে নূরে। গৃহত্যাগিনীর পদবীটা তার আঁচলের সঙ্গে বাঁধা। দেশে আর তার যাবার উপায় নেই। মায়ের কাছে প্রায়ই সে কুশল-সংবাদ স্পাঠায়, কিন্তু ঠিকানা দেয় না, এবং বর্তমান জীবনযাত্রার সম্বন্ধে নীরব থাকে। পিত্রালয়ের পথ তার বন্ধ। আজ কাঁচা ঘুম থেকে উঠে মায়ের কথা মনে প'ড়ে তার ভিতরের গোপন শিশুমন কেঁদে উঠল। গভীর নিশ্বাস পড়ল।

ডাকল, ক্ষেমীর মা ?

ক্ষেমীর মা সাড়া দিয়ে এসে দাঁড়াল। মায়ালাতা বললে, আমার যে কাপড় নেই, একথা আগে বলোনি কেন ?

ক্ষেমীর মা বললে, একটি একটি ক'রে তুমি সব কাপড় খরচ ক'রে

ফেলেছ, একথা আমিও জানিনি। ধোবার বাড়ীতে আর ত কাপড় তোমার নেই, দিদিমণি?

এখন উপায় কি বলো? সেমিজ প'রে দাঁড়িয়ে থাকা যায় না। আমাকে যে এখনি বেকতে হবে।

ছুটির দিন অপরাহ্নে সাধারণত দিদিমণি ঘরেই থাকে, সুরেশবাবু আসেন। ক্ষেমীর মা হকচকিয়ে গিয়ে এদিক্ ওদিক্ তাকাতে লাগল। একটি বেলা এঘরের পাকিচর্যা না করলে চারিদিক ওলট পালট হয়ে থাকে। সমস্ত ঘরটায় সকল থেকে যেন ঝড় বয়ে গেছে। এ-ঘরের পরিচ্ছন্নতার প্রশংসা সুরেশবাবু প্রায়ই ক'রে যান, কিন্তু সে প্রশংসা প্রাপ্য ক্ষেমীর মা'র।

ঘরের ভিতরে ঢুকে ক্ষেমীর মা এদিক্-ওদিক্ খোঁজাখুঁজি করতে লাগল। শেষকালে কতকগুলি খবরের কাগজ চাপা খানচুই ধোবদস্ত শাড়ী বেরিয়ে পড়ল। নিজের জিনিষপত্র সম্বন্ধে তার হুঁস থাকে না। ক্ষেমীর মা রাগ ক'রে বললে, ষষ্ঠি মেয়ে তুমি দিদিমণি, পেছনে একজন লোক না থাকলে দেখছি তোমার দিন চলা ভার। কিছুতে যদি তোমার খেয়াল থাকে। বক্শিস দিয়ে আমাকে।

মায়ালতা হেসে বললে, একখানা শাড়ী তুমি নিয়ো।

সে ত তুমি দেবেই। কিন্তু ব'লে রাখছি, এবার পূজোর সময় আমার ক্ষেমীর কানে ঝুমকো দিয়ে। না নিয়ে ছাড়ব না।—এই ব'লে ক্ষেমীর মা বেরিয়ে গেল।

কাপড় প'রে মায়ালতা প্রস্তুত হোলো। ছাতাটা সঙ্গে নেওয়াই ভালো, বৃষ্টি আসতে পারে। হাল-আমলের বন্দী চটজোড়া দিলে পায়ে; বেগুনি মখমলের কিতেটা পায়ের রংয়ের সঙ্গে বেশ মানায় ক্ষেমীর মা বলে। রূপ তার কম নয়, সে নিজেও জানে। শরীরটাকে ঢেকে পথে চলতে তাকে বিশেষ বেগ পেতে হয়। বাস্তবিক, ভগবান তাকে রূপ আর দেহ দিয়ে জন্ম করেছেন, নৈলে সে সহজ হয়ে পথে চলতে পারত।

## অগ্রগামী

ছাতাটা নিয়ে মায়ালাতা বেরুলো মন্থরপদে। লক্ষ্য যদি বা থাকে, উদ্বেগ নেই। পথের দৃষ্টব্যের প্রতি ভ্রক্ষেপ ছিল না, হেঁটে যাওয়াটাই তার কাজ। চোখ দুটো তার আপন মনের দিকে। সেখানে সে তপস্বিনী।

এই ধরনের জীবন-নিরুদ্ভাবের কারণ ও কৈফিয়ৎ তার কাছে সুস্পষ্ট নয়—এই কথাই তার বার বার মনে আসে। সাধ ছিল তার অনেক, ভালো ক'রে বাঁচার সাধ। কিন্তু এই বা মন্দ কি! স্বাধীন, স্বপ্রতিষ্ঠা, স্বস্তিপূর্ণ। এই যে সে পথে বেরিয়ে এলো, তার জন্ত কেউ ভাববে না, তারো দুর্ভাবনা নেই কারো জন্ত। প্রতিদিনই তার সুখে থাকার কথা, প্রতি মুহূর্তে। সুখেই সে আছে।

মেয়েরা গৌরবের অধিকারিণী হয় বিবাহিত জীবনে। শ্রী, নীতি, শৃঙ্খলা। সাজানো ঘর, পাতা উলুন। প্রেমিক রূপবান্ স্বামী, নিশ্চিন্ত স্বচ্ছল সংসার, পাঁচজনের ক্ষুধার্ত মুখে অন্ন জোগানো, পুত্রকন্যা পালন করা। গৃহিনী, সচিব, সখী। সিন্দুকে টাকা, সর্বস্বাস্ত্রভরা গহনা, আদরের বউ, পাল-পার্কণ, তীর্থ-ধর্ম—চিত্রটা ভাঙতেও বেশ লাগে। কিন্তু তারপর কি? সিঁথীর সিন্দূর কপালে নিগেই একদিন পুত্র-পৌত্রের কাঁধে চ'ড়ে চ'লে যাওয়া? যাওয়াটা ভালো, তবু যে কিছু বাকি রয়ে গেল। পথের দিকে মায়ালাতা তাকালো। তাকালো আকাশের দিকে। দেখলে, তার সেই পরলোকগত আত্মার চেহারাটা। আরো কিছু বাকী ছিল পাবার। সমস্ত পেয়েও তাঁর অভূত।

বিবাহিত জীবনের মনোহর চিত্রটা লণ্ডভণ্ড হয়ে গেল। হাসি এল তার মুখে। আবার সে চলতে লাগল।

বর্ষাকাল, তবু দেখা গেল আকাশ পরিচ্ছন্ন, সূর্য্যদেব যথারীতি পশ্চিমের দিকে নেমেছেন, গাছের ডগার রৌদ উঠেছে। ছাতাটা সঙ্গে না আনলেই চলত।

একটা ঠিকানা ধরে সে এক জায়গায় এসে থামল। অনেকদিন অনেক দিকে ঘোরাঘুরি ক'রে পথঘাট তার খুব চেনা হয়ে গেছে। একটা

বাড়ীর দরজার কাছে দাঁড়িয়ে সে কড়া নাড়ল। একটু পরেই ভিতরে থেকে সাড়া পাওয়া গেল।

চাকর দরজা খুললে। সম্মুখে স্ত্রীলোক দেখে সে খতমত থাবার আগেই মায়ালতা জিজ্ঞাসা করলে, এখানে অমরেশবাবু থাকেন ?

হ্যাঁ, কাল থেকে তাঁর জ্বর।

দেখা হ'তে পারে তাঁর সঙ্গে ?

তিনি এই বাইরের ঘরেই থাকেন, আমি খবর দিই। এই ব'লে চাকরটা চলে গেল।

এক মিনিট মাত্র, তারপরই দ্রুতপদক্ষেপে অমরেশ এসে হাজির। রুদ্ধশ্বাস আনন্দে বললে, অবিশ্বাস্য ! এ স্বপ্ন, না মায়া ?

মায়ালতা হেসে বললে, মায়া এবং মতিভ্রম ! কিন্তু জ্বর হোলো কেন ?

শরীরম্ ব্যাধিমন্দিরম্ আস্থন, আস্থন, আমার সৌভাগ্যের তুলনা নেই। এই ব'লে অমরেশ হাত জোড় ক'রে তাকে পথ দেখিয়ে নিরে গেল।

বাইরে পাশাপাশি দুটো ঘর। সম্মুখে খুব বড় একটা উঠোন, ও-দিকে অন্তর-মহল। এদিকের সঙ্গে ও-দিকের বিশেষ কোনো সম্পর্ক নেই। একটা ঘরে গিয়ে মায়ালতা ঢুকল।

ঘর বটে ! বাজারের কী না এখানে পাওয়া যায় ? বিশৃঙ্খলা মায়ালতা অনেক দেখেছে, কিন্তু তার চেহারা যে এমন ভয়ানক হতে পারে, তা আগে জানা ছিল না। কোথাও পা বাড়াবার উপায় নেই। জামা কাপড়গুলো মাটিতে লুটোপুটি খাচ্ছে, সেগুলির উপর দিয়ে কতদিন ধ'রে কত লোক যে যাতায়াত করছে, তার ইয়ত্তা নেই। ছবিগুলো ছড়ানো, কয়েকটা কাঠের ষ্ট্যান্ড্ বেরাড়া অবস্থায় দাঁড় করানো, ভাঙা কাঁচের গেলাস, অসংখ্য বিক্ষিপ্ত মাসিকপত্র, বঙের বাস্ক, দেশলাইয়ের কাঠি,

## অগ্রগামী

নোংরা বিছানা, কালিবুলি মাথা চায়ের কেংলি, ছবির ফ্রেম, সমস্ত তাল-গোল পাউকিয়ে সারা ঘরখানাকে অনধিগম্য করে তুলেছে। মায়ালতার দম আটকে এলো। এরা বোধ হয় সবাই এমনি অমানুষ, অকর্মণ্য!

হঠাৎ পথভুলে যে দরদেহর কুটীরে এলেন?

অমন চিঠি পেলে আসতে হয় বৈ কি। যেতে মানা করেছি, তাবুলে দেখা হতে ত বাধা নেই! ভাবলুম, কবির শ্রীনিকেতন একবার দেখেই আসা যাক। ওরে বাপু, এই কি তার শ্রী? এবার একটা বিয়ে ককন অমরেশবাবু, ঘরও গুছিয়ে দেবে, কবিতাও নকল করে দেবে।

অমরেশ বললে, দেশে তেমন ভাগ্যবতী মেয়ে এখনো বোধ হয় জন্মায় নি।

হু'জনেই হাসতে লাগল।

মায়ালতা বললে, এখানে এসেছি, অসুবিধে হচ্ছে না ত? ভেতরে কে আছেন?

অসুবিধে আপনি এসেছেন বলে? মোটে না। এ জায়গাটা অদ্ভুত! একদিকে এটা আমার সম্পর্কে আমার বাড়ী,—মামা থাকেন ঘর-জামাই হয়ে। মামী এবং তাঁর মা বাপ কেউ বেঁচে নেই, স্ততরাং আমার বাড়ীই বলা যাক। অল্প দিকে আবার দাদার স্বস্তর বাড়ী। স্বস্তর হচ্ছেন স্বয়ং মাতুল।

কি রকম হৌলো?

অমন হয়, এ এক জটিল আত্মীয়তা, বুঝতে সময় লাগে। আমি থাকি এই ঘরটার, মাসে মাসে খরচ দিই। আমার এই স্বাধীন রাজ্যে এসেছেন আপনি, অতএব মা ভৈঃ। আমাকে মনে করে এসেছেন, এ যে আমার পক্ষে কত বড় আনন্দ সে কেবল আমিই জানি।

মায়ালতা বললে, আপনার চিঠি পেলুম কাল। অমন সুন্দর চিঠি আপনার, এত ভালো লাগল। যেতে মানা করেছি, তবু কোথাও আপনার

## অগ্রগামী

মনোক্ষোভ নেই, অভিমান নেই,—চিঠিতে আপনার হৃদয়ের পরিচয় পাওয়া গেল।

অমরেশ সলজ্জ কণ্ঠে বললে, আপনি এলেন, জ্বর আমার সেরে গেছে। ওদিকে দুদিন চন্দননগরের গঙ্গায় গিয়ে মাতামাতি ক'রে এসেছি, তাই একটু গা গরম হয়েছিল। অসুখ আমার বিশেষ হয় না। কবে যে আমি ডাক্তারী ওষুধ খেয়েছি, তা আমার মনেই পড়ে না।

গঙ্গায় মাহুঘ মাতামাতি করতে যায় এই বর্ষায়?

মাহুঘ যায় না, কিন্তু আমি যাই। সময় ত কাটাতে হবে! পাড়ারগেয়ে ছেলে, জল দেখলে মাথা খারাপ হয়ে যায়। অনেক চেষ্টায় শহরের সমাজে ভদ্র সেজে থাকি, কিন্তু পা একটু পিছলে বাইরে গেলেই জাতীয় চেহারাটা প্রকাশ হয়ে পড়ে। নিজেকে আর ধ'রে বাথতে পারিনে।—এই ব'লে অমরেশ হাসতে লাগল।

আপনার ছবি আঁকাকেমেন চলছে?

ভালো কথা। বর্ষ মনে ক'রে রেখেছি। সুরেশবাবুর উপদেশ কাজে লাগল। একখানা মাসিকপত্রে ছবি দিয়েছি। ছাপা হ'লে টাকা পাবো। তারা আরো চেয়েছে। এ আমার পক্ষে কম লাভ নয়।

তাহ'লে সুরেশবাবুর কাছে আপনি কৃতজ্ঞ বলুন?

বিশেষ কৃতজ্ঞ। যদিও তিনি আমার উপর খুশী নন মনে হয়, তবুও তাঁকে আমি সম্মান ক'বে চলব।

মায়ালতা বললে, খুশী নন কেন জেনেছেন?

অমরেশ মাথা হেঁট ক'রে নিশেধে হাসলে। কিয়ৎক্ষণ পরে মাথা তুলে বললে, সবাই একরকম মাহুঘ হয় না, মায়াদেবী।

মায়ালতাও সুরেশবাবুর প্রসঙ্গ চাপা দিলে। অল্প কথা পেড়ে বললে, আপনার বাড়ী থেকে আপনার ওপর কোনো দাবী দাওয়া আসে না? আপনি খোজ খবর দেন না বুঝি?

অমরেশ বললে, চিঠিপত্র আনাগোনা করে। দাবী দাওয়া আসে বৈ কি। উপার্জন করতে হবে, বিয়ে হওয়া দরকার, সংসার—পাঁচজনের প্রতি কর্তব্য। মায়ের হুকুমের আর শেষ নেই।

আপনি উত্তরে কি লেখেন?

লিখি, উপার্জন না করলেও একটা মানুষ উপবাসী যাবে না; পৃথিবীর সকলেই বিয়ে করছে, আমার না করলেও চলবে; সংসার করতে গেলে সঙ্কীর্ণতা এসে পড়বে—

আর কি লেখেন?

আরো লিখি; পাঁচজনের প্রতি-কর্তব্য করবারই চেষ্টায় আছি; ছবি এঁকে সবাইকে আনন্দ দেবো, সেটা কম কর্তব্য নয়।

মায়ালাতা হেসে উঠল। অমরেশ পুনরায় বললে, সত্যি, এই জীবনযাপনই আমার খুব ভালো লাগে, মায়াদেবী। বাইরের ঘরে ব'সে ওই পথের দিকে চেয়ে দিন কাটাতে পারলে আমি আর কিছু চাইনে। যা চাইবো, সবই ত মিথ্যে! টাকা ফুরিয়ে যায়, বশ আসে একঘেয়ে হয়ে, মানুষ যায় ম'রে—। সংসারের খেলাঘর বাদ দিয়ে নিজেদের দিকে যখন চেয়ে দেখি, কী দেখতে পাই? নিকপায় আমরা। বত উপকরণ, বত আয়োজন, সমস্তই অলীক। মৃত্যুর দিকে কেবলই ছুটে চলা। সেদিন গেল বাল্যকাল, এখন যৌবন, তারপর আসবে জরা—তারপর পাকা কল একদিন শুকনো বোটা থেকে খ'সে পড়বে।

মায়ালাতা তার দিকে তাকালো।

অমরেশ বললে, তাই ভেবেছি টানাটানি কাড়াকাড়ি আর দরকার নেই। কিছু চাইব না। যা সহজে আসে, যা যায় সহজে। আপনি যদি আমার দেশে কখনো যান, দেখাবো আমাদের গ্রামের পথ। চেয়ে ব'সে থাকি আমি সেই পথের দিকে। বেশ লাগে। লোকযাত্রা চলেছে দূর জনপদে, ক্ষেতে জন্ম নিল ধনলক্ষ্মী, ফুটল ফুল, নামল সন্ধ্যা আকাশ রাঙিয়ে। ছোট হয়ে

## অগ্রগামী

জেগে থাকা, কেবল চোখ ভ'রে সব দেখে যাওয়া! গ্রামের ছেলে-মেয়ে, নদীর বরষারানি, সকালের আলো, টুকরো মেয়ের গতি,—সব মধুর, সব সুন্দর!

মায়ালাতা ধুশী হয়ে বললে, কবিত্তময়।

- হ্যাঁ, এই জীবন। চাইনে বড় কথা, বড় সূত্ৰনা, চাইনে জীবন-মরণ ভুসানো প্রেম। কেবল অলক্ষ্যে, অজ্ঞাতে রূপের পিপাসা মিটিয়ে যাবো। বাঁচবো কেউ জানবে না, মরবো কেউ শুনবে না। মনে মনে শুধু এদের ভালোবেসে যাবো, মনে মনে যাবো প্রণাম রেখে দিয়ে। মায়াদেবী, একথা আমার মা বাবাকে বোঝাতে পারিনে কেন বলুন ত?

বোঝাতে গেলে তাঁরা বুঝতে পারবেন যে, আপনার ওই উর্কর মস্তিষ্কে চন্দ্রদেবতা আবির্ভূত হয়েছেন। একটি নোলক-পরা' চেলী-মোড়া, সিঁহ্রমাখানো মেয়ে আপনার ঘাড়ে না চাপুলে চন্দ্ররোগ সারবে না। মা বাপের জ্বালা ত জানেন না অমরেশবাবু, তাঁরা চান সন্তানের মধ্যে যা চিরকালের পুরনো তারই অনুরণ। সংসারে অন্ধ হয়ে আসে মা-বাপ—একথা মনে রাখবেন।

হু'জনেই নীরবে রইল। একটা উগ্র আনন্দ অমরেশের মনে ফেনিয়ে উঠছে। বাকি দিনটা তার আজ ভালই কাটবে। এই মেয়েটির চারিদিকে একটি জ্যোতির্ময় আভা সে অনুভব করে। এর কাছে থাকতে পাওয়া, এর কথা শোনা, এর মুগের হাসি, এর হাতের ভঙ্গী—বড়ে বড়ে অমরেশের মনে ছেয়ে আসে। এ যেন একটি প্রদীপ, এর কাছে ব'সে অমরেশ প্রদীপ্ত হয়ে উঠেছে। এমন মেয়েকে অকর্ষণ করা যায় না, এমন মেয়েকে জানানো যায় না ভালোবাসা, এমন কথা আবেগের সঙ্গে বলা চলে না যে তোমার অভাব আমার সমস্ত জীবনকে ব্যর্থ ক'রে দেবে। এর চোখে আছে শাসন, হাতে আছে স্নেহ, এয় কণ্ঠে অপূর্ব সংঘম, সর্বদাঙ্গ কঠিন সতর্কতা।

হঠাৎ অমরেশ বললে, আমার এখানে আসতে আপনার বাধলো না?



## অগ্রগামী

মায়ালাতা কোঁতুক ক'রে বললে, কথা বলবার আগেই আপনার মুখচোখ রাঙা হয়ে উঠছে। এখানে আসতে বাধবে কেন? দেখতে এলুম আপনাকে অসুস্থ করেছে আপনার—এর মধ্যে বাধা কি?

সহজ কণ্ঠের সহজ সুর। এর পরে আর কথা নেই। সমাজ, বিধি-নিষেধ, নীতি, হিতাহিত, লোকের নিন্দাপ্রশংসা—একসঙ্গে অমরেশের মনে তিড়ক'লে এসে দাঁড়ালে। কিন্তু সবাই যেন এই মায়াবিনীর পোষমানা জন্তু, আক্রমণ করে না, বশুতায় পারের কাছে লুটোয়।

অমরেশ বললে, এতটা পথ এলেন তাই বলছি।

মায়ালাতা হাসলে। বললে, কথা ঘোরালেন, কেমন? ও-সব কিন্তু বুঝতে পারি, সাবধান। আপনার মতো কবিতা লিখতে পারিনে বটে, কিন্তু পথ বেশী হাঁটতে পারি আপনার চেয়ে।

অমরেশ বললে, আপনার বয়স কত?

বতাই হোক, আপনার চেয়ে অন্তত দু'বছরের বড় আমি নিশ্চয়ই।

এ আপনার একগুঁয়েমি, মেয়েরাই কেবল এমন কথা বলতে পারে আমার কত জানেন? তেইশ।

তেইশ? মোটে? গুনলে হাসি পায়! আপনি সত্যিই ছেলেমানুষ দেখা গেল। মাত্র তেইশ? আমার সামনে যেন কোনোদিন সিগারেট খাবেন না, আমি আপনার চেয়ে তিন বছরের বড়।

দু'জনে হাসতে লাগল।

অমরেশ বললে, ধমকে মিথ্যা কথা আপনি বলতে পারেন জানি, কিন্তু আপনি যে বড় তার প্রশ্ন।

মায়ালাতা বললে, প্রশ্ন আমার চেহারা।

চোখ পাকিয়ে অমরেশ বললে, এবার কিন্তু আপনাকে লজ্জা দেবো! ছাকির্শ দূরের কথা, তেইশও নয় আপনার।

## অগ্রগামী

রাগ ক'রে মায়ালাতা বললে, আমি আপনার চেয়ে বড়, একথা আপনি মানবেন কিনা শুনতে চাই !

হাত ঘোড় ক'রে অমরেশ বললে, মানব, শপথ ক'রে রাখলুম।

আমার চেয়ে ছোট, এমনি ব্যবহার করবেন ?

করব।

আমার হুকুম পালন করবেন ?

যথা আজ্ঞা।

আমার হাতে নিকেকে সাঁপে দেবেন ?

অবনতমস্তকে অমরেশ বললে, তথাস্তু দেবী।

মনে থাকবে ত ? —ব'লে মায়ালাতা অমরেশের দিকে তার সুন্দর হাতখানা বাড়িয়ে ধরলে।

হ'হাতে সেই হাতখানি চেপে ধ'রে অমরেশ কম্পিত কণ্ঠে বললে, প্রতিজ্ঞা করলুম।

মায়ালাতা উঠে দাঁড়ালো। বললে, আজ চললুম।

অমরেশ ব্যস্ত হয়ে বললে, আমিও যাব সঙ্গে।

সে কি, এই জ্বর—কষ্ট হবে যে !

এর পরেও কষ্ট, এর পরেও জ্বর ? তা হবে না, অন্তত কিছুদূর বাবো, কাছে কাছে থাকব।

হেসে মায়ালাতা বললে, এসো, তোমার সঙ্গে যেতে আর বাধা নেই।

ফণেকের জগৎ অমরেশ তার মুখের দিকে তাকালো। তারপর বললে, আমি যেন তোমার কাজে লাগতে পারি। চলো। তুমি আমার পরম আত্মীয় !

স্নেহসিক্ত চক্ষে মায়ালাতা তার দিকে তাকালো। তারপর হৃৎকেনে নেমে এলো পথে।

## অগ্রগামী

বটবাজারের বাড়ীর দরজায় যখন হু'জনে এসে দাঁড়ালো তখন চারিদিকে আলো জ্বলে উঠেছে। অমরেশ এতক্ষণ পূর্ব বললে, এখানে কা'র কাছে এলে মায়াদি ? দেখাবো তোমাকে, খুশী হবে তুমি। আমার সমস্ত প্রাণ এই দরজায় হানা দিয়ে থাকে অমরেশ।—ব'লে মায়ালতা কড়া নাড়ল।

কে ইনি ?

উত্তর দিতে গিয়ে হৃদয়বেগে মায়ালতা কঠ অনির্বচনীয় ধ্বনিতে ভরে গেল ! বললে, আমার সকলের বড় আত্মীয়, এ'র জন্মেই আমার ধা কিছু।

কই এতদিন ত বলোনি ? আমি এতদিন আলাপ করতুম।

বেশ ত, আজ করবে। মানুষের মধ্যে মানুষ, দয়াহীন স্নেহহীন বৈরাগী। নাম সুরপতি। তোমার চেয়ে বেশি বড় নন।

অমরেশ অবাক হয়ে গেল। মায়ালতা আব্যুর দরজায় ঘা দিলে

দরজা খুলে গেল। বাড়ীর ঝি বললে, কে গা, কা'কে চাই ?

আমরা ভেতরে যাবো। এসো অমরেশ।—ব'লে মায়ালতা ভিতরে ঢুক কলতলা পার হয়ে দালানের উপর উঠে একখানা বিশেষ ঘরের দিকে অগ্রসর হোলো।

বাড়ীর হু'একজন স্ত্রীপুরুষ উপরের বারান্দায় দাঁড়িয়েছিল। মেয়েটি বললে, কা'কে চাই ?

ঘরের ভিতরে একবার তাকিয়ে ফিরে এসে মায়ালতা বললে, এই ঘরে আমি থাকেন, সুরপতিবাবু—তিনি কোথায় ?

তিনি ত নেই ?

নেই ?

না, এ বাড়ী ছেড়ে দিয়ে গেছেন, আজ চারদিন হোলো।

মায়ালতা অমরেশর দিকে তাকিয়ে একবার স্থির হয়ে দাঁড়ালো। তারপর উপরের দিকে চেয়ে কল্পিত কণ্ঠে জিজ্ঞাসা করলে, কোন্ ঠিকানায় গেছেন বলতে পারেন ?

মেয়েটি বললে, তিনি ত ঠিকান। রেখে যান নি।

কোথায় গেছেন কিছুই জানা নেই আপনাদের ?

লোকটি এবার কথা বললে,—একবার বলেছিলেন যে তিনি বিদেশে যেতে চান। আর কিছু বলেন নি।

• মায়ালাতার কান্না পাচ্ছিল। দ্রুতপদে সেই ঘরখানার ভিতরে গিয়ে একবার পাঁয়চারি ক'রে এলো। নীচের অঙ্ককার অলিগলির দিকে অনুসন্ধিস্থ দৃষ্টিতে একবার পর্যবেক্ষণ করলে। মনে হোলো, সে যেন আর স্থস্থ নেই। মাথার মণি তার হারিয়েছে, তাকে সামলানো কঠিন।

অমরেশ গিয়ে তার হাত ধরল। বললে, এখানে আর দাঁড়ানো চলে না মায়াদি। এসো বাইরে যাই।

মায়ালাতা বেরিয়ে এলো তার সঙ্গে। পথে নেমে রক্তহীন অচেতন  
মুখে বললে, কোথায় যাবো ?

যাবে তোমার বাসায়! তাই বলে মন খারাপ করলে চলবে কেন  
মায়াদি? গেছেন কোথাও; বেশ ত, আবার ফিরবেন' আবার দেখা হবে।

চলতে চলতে মায়ালাতা বললে, ঠিকানাটাও—

ঠিকানা পাওয়া যাবে বৈ কি। আমি তোমার কাজে লাগব একথা ভুলে গেলে কেন? আমাকে কি তুমি বিশ্বাস করতে পারো না?

পারি।

তবে চলো আজকের মতন। বারা প্রিয়, বারা আপন-তারাই যায় দূরে,  
তারাই দেয় দুঃখ। ব্যথার রঙীন যে ভালোবাসা, সেই হলভের কিছু মূল্য  
তুমি দেবে না মারাদি? এমনিই পাবে তাঁকে? সোজা হয়ে চলো, শক্তি  
ফিরিয়ে আনো।

টস্ টস্ ক'রে মায়ালাতার চোখের জল গড়িয়ে এলো। পথের মাঝখানে সঙ্গিনীর চোখের জল—অমরেশ একটু বিপন্ন বোধ করলে। সান্ত্বনার ভাষা নেই, তাছাড়া এ মেয়ের কাছে সে সমস্তই মিথ্যে। শিক্ষিত আলোকপ্রাপ্ত

## অগ্রগামী

মেয়ে যে হৃদয়াবেগে পথের মাঝখানেও অশ্রু ত্যাগ করে এ তার জানা ছিল না। মধুর্যো ভ'রে গেল তার মন, একটি বেদনাময় আনন্দ সে আশ্রুত হোলো। এমন অশ্রু দেখবার সৌভাগ্য অনেকের জীবনেই ঘটে না।

উৎসাহহীন পদক্ষেপ, দ্রুততা নেই। মায়ালাতার অবসন্ন পা হু'খানার ক্লান্ত গতির দিকে অমরেশ ফিরে ফিরে লক্ষ্য করছিল। সেই পা কেবলমাত্র রূপসুন্দর নয়, সে-পায়ের যেন ভাষা আছে। তারই কাছে-কাছে নিজের পা ফেলতে অমরেশের আজ বড় ভাল লাগছে। এমন নিবিড় ক'রে আর কখনো সে সৌন্দর্য্যোপলব্ধি করে নি। এ যেন তার জীবনের সর্বোত্তম মধুর মুহূর্ত্ত। তবু নিজের চিন্তের ভিতরে সে একবার পর্য্যবেক্ষণ ক'রে দেখলে, তার এই স্নেহাসক্তির চেহারাটা ঠিক কেমন! সে কবি, সে ভাবপ্রবণ, তবু আত্মবিচারে সে অপটু নয়। এই মেয়েটিকে ভগ্নী ব'লে মনে করতে বাধে, প্রেয়সী ভাবা অত্যন্ত কষ্টকর, গুরুস্থানীয় মনে করতে প্রবল সংকোচ—অথচ সমস্ত জড়ানো একটা কিছু। 'মন বলছে, তুমি অতি প্রিয়, তুমি আত্মীয়। তোমার কাজে নিজের জীবনকে ঢেলে দিতে পারি, তোমারই জ্যোতির্ময় পরিমণ্ডলের মধ্যে আমি আমার নীড় বেঁধে থাকতে চাই। তুমি আমার স্বপ্নকন্যা। তুমি কবিতা!

কেমন সে মাহুঘটি, যার প্রতি এই নারীর এমন গভীর অনুরাগ? কেমন সে, যে পেলো এত শ্রদ্ধা, এত পূজা! সুরপতিকে সে দেখেনি, কেবল মাত্র শুনেছে নাম। তবু সে কল্পনা করলে, সেই যুবকের গগনস্পর্শী উদারতা, অপরিমেয় মহত্ত্ব। অমরেশ মনে মনে প্রণাম জানালে সেই দীপ্তজী দেবতার উদ্দেশে, যারা পায়ের তলায় উজাড় ক'রে দিয়েছে এই নারী আপন বক্ষের অকুরন্ত সুধার ভাণ্ডার।

মায়াদি?

আঁচল দিয়ে চোখ মুছে মায়ালাতা মুখ তুললে। স্নান হেসে বললে, ভারি ছেলেমানবী হয়ে গেল, নয়? আজ সকাল থেকেই মনটা ভালো

ছিল না। তাঁর এমনি চলে যাওয়াটা ভারী বিচিত্র। আর ত কিছু নয়, তাঁর কুশল সংবাদটা যতদিন না পাই, ততদিন উদ্বিগ্ন থাকতে হবে। আশ্চর্য্য মানুষ!

অমরেশ বললে, আমাকে কি করতে হবে বললে না ত ?

হাল্কা হেসে মায়ালাতা বললে, তোমাকে চিরদিন আমার হুকুম তামিল করতে হবে। যদি অবাধ্য হও তবে আদালতে নালিশ করব।

পথ ফুরিয়ে এসেছিল। অমরেশ বললে, তিনি কখনই চুপ ক'রে থাকবেন না মায়ালা, আমি ব'লে রাখলুম। ঠিক খবর আসবে। আবার দেখা পাই বেন, আমি এখন যাই এখান থেকে, কেমন ?

এসো। ব'লে মায়ালাতা একবার তার হাতটা ধ'রে নেড়ে দিল। বললে, এতটা পথ হাঁটিয়ে অনেক কষ্টই দিলুম। কালকেই যেন আবার দেখা হয় তোমার সঙ্গে।

আচ্ছা। ব'লে অমরেশ চ'লে গেল।

বাসায় পৌঁছতে রাত সাড়ে আটটা বাজলো। চিন্তার বোঝা নিয়ে এলো সঙ্গে, মনটা থম থম করেছে। বাইরে ও ভিতরে দু' তিনটে আলো জ্বলছে। ফেমীর মা রান্না শেষ ক'রে খাবার ঢাকা দিচ্ছিল। মায়ালাতার মনে হোলো, আজ সে বড় একা। আশেপাশে তার কিছু নেই; পৃথিবী নেই, সূর্য্য নেই, মানুষ নেই। পথটা তার অন্ধকার,— তাকে দুর্গমের দিকে যেতে হ'লে অথচ অভয়বাণী উচ্চারণ করার কেউ নেই। সে পুরুষ নয়, মেয়ে। অবলম্বনকে আশ্রয় করার প্রয়োজন আছে তার। তার সমস্ত কাজের পিছনে তার মূল প্রেরণা ছিল কোথায়, এখন সে চেয়ে দেখলো। ভয়ানক বিষয়ে দেখা গেল, সুরপতিই ছিল তার জীবন-নির্ব্বাহের কেন্দ্রশক্তি। তাকে নিয়ে বাঁচা, তাকে নিয়ে এই অধ্যাপনা, তাকে নিয়ে জীবনের এই উন্নতির আয়োজন।

বারান্দার ধারে মায়ালাতা এসে দাঁড়াল। ভিতরটা যেন তার যন্ত্রণায় জ্বলছে, সে কোন্‌দিকে যাবে! মনে হোলো অপমান ক'রে গেল তাকে।

## অগ্রগামী

তার সমস্ত মমতা আর আসক্তিকে আসীম তাছিল্যে দূরে ঠেলে দিয়ে গেল সুরপতি। দ্বীলোকের প্রয়োজন তার জীবনে নেই, কারণ সে আদর্শ পুরুষ, নিষ্ঠুর বৈরাগী। তাকে বেঁধে রাখা যায় না, ভোলানো যায় না, নারীর দেহ আর মনের লাবণ্য দিয়ে তাকে আকর্ষণ ক'রে আনা অসম্ভব, —মরুভূমির নিষ্ঠুর নির্মলতা নিয়ে আপনাব মধ্যে আপনি সে আত্মস্থ। মায়ালাতার চোখ দুটো জ্বালা ক'রে এনে। মনে ভাবলে, তার সমস্ত মিথ্যা। তার রূপ, তার গুণ, তার এই পৌবন, তার শিক্ষা-সংস্কৃতি— এদের কোনো মূল্য নেই। তার রূপের খ্যাতি মিথ্যা, তার গুণের খ্যাতি কেবলমাত্র তোষামোদের নামাস্তর। সুরেশবাবু ত দূরের কথা, অমরেশ্বর প্রতিও তার মন বিকল্প হয়ে উঠল। এরা তাকে কেবলমাত্র চাটুবাচ্চা শুনিয়েই এসেছে, তার যোগ্য মূল্য কেউ নির্ধারণ করে নি। এমন ঐশ্বর্য্য তার কিছুই সংগ্রহ করা নেই, যার জগৎ সে সুরপতির মতো মানুষের যোগ্য হয়ে উঠতে পারে। নিজের শোচনীয় পরাজয়টিকে অনুভব ক'রে অন্ধকারে তার চোখ দুটো সজল হয়ে উঠল।

ক্ষেমীর মা এসে বললে, খেতে দেবো, দিদিমণি ?

না, ক্ষেমীর মা। তুমি সেরে নাও, আজ শরীর ভালো নেই। —এই বলে মায়ালাতা নিজের ঘরে এসে ঢুকল। আলো জ্বালায় উৎসাহ নেই, অন্ধকারে বিছানার উপর সে গা এলিয়ে শুয়ে পড়ল। সে বড় ক্লান্ত। কুশল সংবাদ না এলে তার ক্লান্তি আর যাবে না। চোখ বুজে নিজের ভিতরটা সে দেখতে লাগল। ঝঙ্কাতাড়িত পাখীর মতো তার প্রাণ যেন পরমাত্মীর আশ্রয়টি খুঁজে খুঁজে বেড়াচ্ছে! সে বড় অসহায়।

ক্ষেমীর মা ঘরে ঢুকল। আলোটা জ্বলে টেবলের উপর রাখলে। বললে, আজ তোমার ঘর বেশ ক'রে গুছিয়ে দিলুম দিদিমণি, যে নোংরা হয়েছিল! ওই যা, ভুলেই যাচ্ছি, এই একখানা চিঠি তোমার নামে,— সুরেশবাবু এসেছিলেন—

## অগ্রগামী

ধড়মড় ক'রে মায়ালাতা উঠে বসল। বললে, কই চিঠি ক্ষেমীর মা?  
—তার নিখাস রুদ্ধ হয়ে এলো।

এই যে এই চিঠি, খামে মোড়া,—সুরেশবাবু ব'সে ব'সে চ'লে গেলেন।  
কাল আবার আসবেন দিদিমণি।

তাড়াতাড়ি চিঠি খুলে মায়ালাতা পড়তে লাগল,—

‘সুচরিতাসু,

অপরাহ্নে এসে বসেছিলুম তোমার তপশ্রায়। সত্যযুগে একাগ্রতার  
পুরস্কার মিলত, কলিযুগে দেবীপ্রসাদ পাওয়া কঠিন। সুরপতিবাবুর ভাগ্য  
ভাল। যাই হোক একটা সুখবর দিই। স্কুলকর্তৃপক্ষের নির্দ্বারণ অনুযায়ী  
আগামী মাস থেকে তোমার মাসিক পারিশ্রমিকের উপরন্তু দশ টাকা  
বাড়ানো হয়েছে। তাঁরাও জানেন, তোমার যোগ্যতার মূল্য এর চেয়েও অনেক  
বেশী। বলা বাহুল্য, এই অযোগ্য আর অধনই প্রস্তাবটা উত্থাপন করেছিল।

অপরাহ্ন থেকে সন্ধ্যা, সন্ধ্যা থেকে রাত। অতএব আজকে আর  
অপেক্ষা করা গেল না। কাল আসব।

সুরেশচন্দ্র’

চিঠিখানা কুচি কুচি ক'রে ছিঁড়ে মায়ালাতা ফেলে দিল। এব অর্থ  
তার কাছে সুস্পষ্ট। একটা বাজপাখী ঘুরছে তার মাথার উপরে,  
সুরযোগের অন্বেষণ করছে। মায়ালাতার বুকের ভিতর কাঁপতে লাগল।  
যার জন্ম ছিল তার তেজস্বিতা, সে নেই। এবার সে দুর্বল, আশ্রয়চ্যুতা,  
সর্বশরীরের ভিতরে সে আর কোথাও শক্তি খুঁজে পাচ্ছে না, তার সম্মান  
আর ব্যক্তিত্বকে রক্ষা করার মানুষ পৃথিবীতে আর নেই। অভিশাপ দিলে  
সে সুরপতিকে মনে মনে।

দিদিমণি, তোমার কি জ্বর হয়েছে?

মায়ালাতা চোঁচিয়ে উঠল—কিছু হয়নি, যাও তুমি ক্ষেমীর মা। শুয়ে  
পড়গে যাও।



## অগ্রগামী

কেন শরীর খারাপ হোলো, না জেনে—

আঃ, তুমি যাও বলছি, ওখানে দাঁড়িয়ে থাকতে হবে না। যাও।

ক্ষেমীর মা দ্রুতপদে চ'লে গেল।

নিজের পায়ে দাঁড়িয়ে ওঠার এই যে উন্মত্ত, এ ক'র জন্ত? সে যে  
স্বপ্নের সাহায্য নিলে, অন্তরের সঙ্গে পাতালো বন্ধু, চাকরী নিলে  
স্কুলে, আত্মীয় পরিজন সম্বন্ধে উদাসীন হয়ে বইল,—এ ক'র জন্ত?  
কলিকাতা শহরের জন-জটিলার ভিতরে এই যে তার একাগ্র মন নিয়ে  
দিনের পর দিন কাটানো, সংসার-রচনার কল্পনাকে নির্মূল ক'রে মন থেকে  
তাড়ানো, তার নারী জন্ম, তার ভালোমন্দ, ইহকাল পরকাল—এর মূল্য  
কি সেই চরিত্রবান্ যুবকটির কাছে কিছুই নয়? ত্যাগের আদর্শটাই বড়?  
মমতা ও দাক্ষিণ্যের বুকের উপর দিয়ে বৈদ্যগ্যের রথ চালিয়ে যাওয়াটাই  
হবে পুরুষকার?

মায়ালাতার চোখ দুটো আপমান-বেদনায় দপ' দপ' ক'রে অন্ধকারে  
জলতে লাগল।

কতক্ষণ কাট'ল, কে জানে। প্রহরের পর প্রহর নিঃশব্দে অতিবাহিত  
হতে লাগল। নিদ্রা? না, নিদ্রা আর আসবে না জীবনে। ভয়ানক প্রহর  
উঠে দাঁড়াল সমগ্র ভবিষ্যৎকে পরিব্যাপ্ত ক'রে। পিপাসার্ত আত্মা লোক থেকে  
লোকান্তরে উত্তরীর সন্ধান ক'রে চলেছে। ভালবাসা কি ভাবোচ্ছে? স্নেহ  
কি বন্ধন? দাক্ষিণ্য কি দুর্বলতা? একান্ত ক'রে প্রিয়জনকে  
চাওয়া কি কেবল আসক্তি আর চিত্তচাকল্য? তবে কি এই কথাই বুঝতে  
হবে, পুরুষের অনন্ত স্বজ্ঞানন্দের কাছে নারী কেবলমাত্র বাধা? এই  
বিচ্ছেদ কি এই কথাই কেবল জানিয়ে গেলে, তার মতো অগণ্য নারী  
প্রতি মুহূর্তে ধাবিত হচ্ছে পুরুষের পিছনে পিছনে? নারীই ধাবমানা  
পলায়মান পুরুষের পশ্চাতে?

কিন্তু এও মিথ্যে! কখন যে মায়ালাতার উত্তেজনার তীব্রতা কোমল

হয়ে এসেছে, সে বুঝতে পারে নি। নিজাহীন হুটি চোখ দিয়ে নেমে এসেছে নিবিড় স্নেহের রসধারা। হৃদয় ভরে উপছে উঠেছে সেই পলাতকের প্রতি কল্যাণ-কামনার মাধুর্য। দূরে গেছে সে চ'লে, কিন্তু সে নিরাপদে থাকুক, কুশাস্ত্র তার পারে না ফোটে, দুর্ব্যাণের রাত্রে সে যেন নিরুদ্বেগ আশ্রয় পায়, ক্ষুধায় যেন অন্ন জোটে, মলিন হয় না যেন তার কাকনাভ দেহ। মায়ালতার ব্যাকুল বক্ষ ভিতরে ভিতরে মথিত হতে লাগল। তার মাধার আলুলায়িত চুলের সঙ্গে বিছানার চাদর আর বালিশ ভিজলো অশ্রুতে। সম্মুখে রাত্রি-শেষের অন্ধকার সাঁ-সাঁ করছে! উঠে সে বসল জান্না খুলে দিয়ে। বৃকের উপরে তার স্নিগ্ধ বাতাস মধুর সান্না হোঁয়াতে লাগল। অর্ধনিমীলিত চক্ষে সে জান্নার বাইরে চেয়ে ব'সে রইল। যুগে-যুগে যে বাৎসল্যের কীরধারায় পুরুষ সজীবিত হয়ে এসেছে, সে-অমৃত উৎস যেন অকস্মাৎ এই অন্ধকার রাত্রে মায়ালতার মাতৃহৃদয়কে অতিপ্রাবিত ক'রে ছুটল প্রিয়মাহুষের দুর্গম পথের দিকে। হে তারকাময়ী ত্রিশীথিনি, তুমি জানো সে কোথায়, কত দূরে, কিন্তু তোমার ওই জ্যোতির্ময় সহস্র চক্ষু যেন বিশ্বের গোপন মাতৃহৃদয়ের পরম আশীর্বাদের মতো সেই অকরুণের প্রতি প্রসন্ন দৃষ্টিতে নিরন্তর চেয়ে থাকে।

ভোরের আভাস দেখতে দেখতে পূর্ব দিগন্তে জেগে উঠল।

## পাঁচ

প্রভাতের স্নিগ্ধ হাওয়ায় ঘুম এসেছিল চোখে, এক সময়ে সেই তন্দ্রা আচমকা ভাঙল। মায়ালাতা জেগে উঠে গায়ের উপর আঁচল টেনে দিলে।

স্বপ্নটা কী দেখলে ঠিক মনে আসছে না, কেবল কতকগুলি ছায়ামূর্তি যেন মিলিয়ে গেল। ভীতি-সঞ্চার হয়েছে মনে। খোলা জানলার বাইরে তন্দ্রাজড়ানো চোখে চেয়ে মায়ালাতা বসে রইল। ঘরের ভিতরে এসে পড়েছে উজ্জ্বল রৌদ্র। আকাশে ঋতু-পরিবর্তনের আভাস দেখা দিয়েছে। কখন বর্ষাকাল আপন জলধারার ভাণ্ডার নিয়ে দিগন্তের পারে চ'লে গেল, তার পথের আর চিহ্ন নেই। এখন শরৎের প্রসন্ন দৃষ্টি, আকাশের নির্মল উদার নীলিমায় সোনার মত রৌদ্রকিরণ দূরদূরান্ততে বিকীর্ণ হচ্ছে। এমন প্রভাতকে অভিনন্দন জানাবার আয়োজন তার নেই। সে নিঃশ্বাস নিয়ে পথের ধূলায় মিলিয়ে গেছে। পরিশ্রান্ত অলস চক্ষে সে চেয়ে রইল।

এর পরে তার জীবনের চেহারাটা কেমন দাঁড়ালো? একটা ভারবাহী অবসন্ন জানোয়ার, যায় বর্তমান নেই। নিজেকে মান্তে হবে সান্ত্বনা, নিজের প্রতি উচ্চারণ করতে হবে অভয়বাণী। কিন্তু এই নিয়ে জীবনের বোকা ব'য়ে বেড়ানোই কি হবে তার শেষ লক্ষ্য? বঞ্চিত হ'য়ে বাঁচাই কি তার পরম পরিণাম? গত রাত্রে যে-প্রার্থনা সে জানিয়েছিল সর্বনিয়ন্তার উদ্দেশে, দিনের আলোয় মনে হলো সেটা একান্ত মিথ্যা। কল্যাণকামনা করেছে সে তার প্রিয়জনের, কিন্তু নিজে সে পায়ের উপর ভর দিয়ে দাঁড়াবে কি নিয়ে? কী তার রইল সম্বল?

এই ভয়ানক ক্ষুধাটা তার চাপা ছিল। নিজের রূপটাকে সে জান্ত, নিজের উদ্যত যৌবনকে সে রক্তের মধ্যে অনুভব করত। কিন্তু জান্ত না একজনকে ঘিরে এরা সার্থক হয়ে ওঠে। পুরুষকে চিন্তো, চিন্তো

## অগ্রগামী

না ভালোবাসাকে। আজ আবিষ্কার করলে, বেদনার আর এক নাম প্রেম। প্রেমের সঙ্গে বেদনার সম্পর্কটা অন্তরঙ্গ অভিন্নহৃদয় বন্ধুর মতো। গলায় ভিতর দিয়ে মায়ালতার কান্না ঠেলে উঠে এলো। এমন শব্দকালের সুন্দর সকালটির কোনো স্বাদ নেই, এই সূর্য্যকরোজ্জ্বল পৃথিবীতে কোথাও নেই আশার বাণী,— একজনের অভাবে এরা যেন চারিদিক থেকে ঘিরে তার গলা টিপে মারছে।

স্ট্রীলোকের সমস্ত জীবন আশা ও প্রতীক্ষার ইতিহাস; কিন্তু যে-মায়ামুগ ফিরে আসার পথের চিহ্ন না রেখে চলে যাওয়ার পথটাই দেখিয়ে যায়, তাকে কেমন ক'রে খুঁজে আনা যাবে? কী দিয়ে আনবে খুঁজে? ধিকার দিলে মায়ালতা মনে মনে। অকিঞ্চিৎকর তার ভালোবাসা, তুচ্ছ রূপ, তুচ্ছ তার দেহ। পুরুষের মতো পুরুষ যে, সে তার গোপন আত্মাভিমানকে দিয়ে গেল ভেঙে ধূলিসাৎ ক'রে। আয়োজন তার ছিল কোথায়? দেহের প্রাচুর্য্যের বিনিময়ে পেতে চেয়েছিল দেহাতীতকে? ঘোবনের মূল্যে প্রেম? কাঁচের বদলে হীরে?

এমন সময় ঘরে ঢুকল ক্ষেমীর মা। গত রাত্রির কথাটা তার মনে ছিল, তবু সে ভয়ে ভয়ে বললে, চানের জল দেবো দিদিমণি?

চোখে জলের ধারা শুকিয়ে ছিল, আঁচল দিয়ে চোখ মুছে মুখ ফিরিয়ে মায়ালতা বললে, বেলা কত ক্ষেমীর মা?

তা' ন'টা হোলো বৈ কি দিদিমণি। কাল কিছু খাওনি রাত্রিরে, আজ একটু সকাল সকাল...রান্না আমার হয়ে এলো।

রান্না হয়ে এলো? কী রাঁধলে? তুমি তো আশ্চর্য্য কাজ করতে পারো? ক্লান্তি আসে না? জল তুললে, রাঁধলে...আচ্ছা পূজোর আর কত দেরি আছে জানো ক্ষেমীর মা?

ক্ষেমীর মা বললে, ওমা, এই ত আর আট দিন আছে মহালয়ার, তারপরেই বোধনের বাজি! সকালবেলা কি সুন্দর আগমনী গেয়ে গেল, শুনেছো দিদিমণি?

## অগ্রগামী

না শুনিনি, ঘুমিয়েছিলুম...না জেগেই ছিলুম বোধ হয়, মনে নেই।  
কি গান শুনলে?

সেই যে সেই গানটা—‘যাও যাও গিরি আনিতে গৌরী’—‘কি চমৎকার  
গান, কেঁদে বাঁচি নে। আর দিদিমণি, পূজো এলো, আবার চলেও যাবে  
একদিন!

মায়ালতা একাগ্র দৃষ্টিতে তার দিকে তাকিয়ে রইল, তারপর মুহূর্তে  
বললে, এলো, আবার চলেও যাবে, নয়! ভালো কথা, তোমার ক্ষেমীকে  
কি যেন একটা দেবো বলেছিলুম, এই নাও ক্ষেমীর মা।—ব’লে বাঁ হাতের  
একগাছা সোনার চুড়ি খুলে ক্ষেমীর মার দিকে সে এগিয়ে দিলে।

সকাল বেলায় অপ্রত্যাশিত পুরস্কার পেয়ে ক্ষেমীর মা স্তম্ভিত,—ক্ষণকালের  
জন্তু তার আর বাকশক্তি রইল না। কিন্তু সে ক্ষণকাল মাত্র, তারপরেই  
গলায় আঁচল দিয়ে দূর থেকে মেঝের উপর চিপ ক’রে এক প্রণাম  
কেলে সে চ’লে গেল।

এর বেশী চাইল না ক্ষেমীর মা, চাইলে মায়ালতা দিয়ে দিতে পারত।  
দেবার জন্তু সে উৎসুক। অর্থ, অলঙ্কার, ঐশ্বর্য, এদের প্রয়োজন এক  
সময় ফুরিয়ে যায়, এরা যায় এক সময়ে মিথ্যে হয়ে। উপকরণ-বাঁহুলাটা  
জীবিত থাকার জন্তু, জীবনের জন্তু নয়। আজ তার যা’ কিছু বিসর্জন  
দিতে মন চাইছে। যা’ কিছু তার ভালো, যা’ কিছু তার প্রিয়। চুলের  
রাশি আজ থেকে সে আর বাঁধবে না, সাদা থান ছাড়া আর পরবে না,  
সে সৌখিন শাড়ী, নরম বিছানায় নিদ্রা করবে পরিত্যাগ, আপন দেহকে  
অসহনীয় কৃচ্ছ-সাধনে করবে সে মলিন,—এবং সে চাকরী ছেড়ে দিয়ে চলে  
যাবে যেদিকে যায় হ’চোখ। নদীতে নদীতে আছে জল, বনে বনে আছে  
ফল। এই রইল প্রতিজ্ঞা।

মায়ালতা উঠে একখানা কাপড় আর একটা জামা হাতে নিয়ে বাইরে  
চলে গেল।

## অগ্রগামী

স্কুল বসলো বেলা তখন সাড়ে দশটা বেজে গেছে। শৃঙ্গ গৃহ কোলাহলে মুখর হয়ে উঠলো। সাদাসিধে একখানা কাপড় পরে মায়ালাতা চটিজুতোটা পায়ে দিয়ে নীচে নেমে এলো। রাশভারি মানুষ, স্ততরাং বয়স অল্প হলেও অজ্ঞাত লেডি-টিচাররা তাকে সমীহ করেন। তাঁরা অনেকেই বয়োজ্যেষ্ঠা। বড় বড় মেয়েরা একে একে তাকে নমস্কার জানিয়ে চলে গেল। রাণীর মতো তার সজ্জন!

মেয়ে-মহলে মেয়েমানুষের কৃতিত্ব অনেকটা দেহগত! তার পরে তার শিক্ষা, তারপরে বুদ্ধিমত্তা। মেয়েদের খ্যাতি এবং প্রতিষ্ঠা হওয়ার পক্ষে কাজ করে রূপ এবং যৌবনের প্রাচুর্য। মায়ালাতা দল-ছাড়া নয়। তার মাথার এলোচুল থেকে চূর্ণ গুচ্ছ কপালের নীচে নেমে এসেছে, সুন্দর ছুঁখানি হাত ছড়ানো টেবিলের কাগজপত্রের মধ্যে, সংবরের লাভণ্য সর্কাজে, —এজ্ঞ প্রধান শিক্ষয়িত্রী হিসেবে তাকে মানায়। তার চেয়ে সুন্দরী করুপক্ষের সন্ধানে আপাতত আর নেই, যদি কোনোদিন পাওয়া যায় তবে হয়ত এক দিন মায়ালাতার চাকরী যাবে। অর্থাৎ পৃথিবীটা পুরুষের, তাদের খেলা-খুশী আর রুচির উপর নির্ভর ক'রে রয়েছে স্ত্রীলোকের ভালো আর মন্দ। কিন্তু এজ্ঞ মায়ালাতার চিন্তাশ্রম নেই। পুরুষের পৃথিবীকেই সে পছন্দ করে। তারা স্রষ্টা।

একজন টিচার এসে দাঁড়িয়ে নমস্কার জানালেন। মায়ালাতা মুখ তুলে বললে, আজ আপনার এত দেরি কেন?

তিনি তাড়াতাড়ি খাতা সহ করতে করতে বললেন, ছোট মেয়েটার অসুখ, তাই একবার ডাক্তারবাবুর ওখানে...বোধ হয় মিনিট পাঁচেক—

পাঁচ মিনিটই বা দেরি হবে কেন বলুন সর্ওয়াজিনীদি',—স্কুলের ত' একটা নিয়ম-নীতি আছে। মেয়ের অসুখ, তা' ছুটি নিলেই ত' পারেন।

সর্ওয়াজিনীদি তার মুখের দিকে তাকিয়ে একটা চোক গিলে বললেন, পরণ্ড ছুটি চেয়েছিলুম, কিন্তু আপনি গ্রাণ্ট করেন নি।

## অগ্রগামী

মায়ালাতা একটু অপ্রস্তুত হয়ে গেল। বললে, ও তা' হবে, মনে ছিল না। দরখাস্তটা কোথায় ?

আপনার ওই ডায়ারে।

ডায়ারটা নাড়াচাড়া ক'রে মায়ালাতা একখানা কাগজ বা'র করলে। তারপর বললে, এত সংসারি মানুষ হ'লে কাজ করা চলে না। আজ মেয়ের অসুখ, কাল স্বামী'র মাথা ধরা পর্ব শু' দিন রাঁধতে গিয়ে গেল হাত পুড়ে, তারপর কবে করুণাদি'র মতন বলবেন, ছেলে হওয়ার জন্তে তিন মাস ছুটি চাই,—এইজন্তেই মেয়েদের স্বাধীন জীবিকা স্থায়ী হয় না। যান, সাত দিনের ছুটি আপনার রইলো।

সকৃতজ্ঞ হেসে সরোজিনীদি' উঠে বাচ্ছিলেন। মায়ালাতা ডেকে বললে, মাসের ত শেষ, নিশ্চয়ই হাতে কিছু নেই। খাড়ীতে অসুখ, চলবে কেমন ক'রে ?

সরোজিনী বললেন, ডাক্তারবাবুর ওখান থেকে ধারে ওষু' পাবো।

ওষু' হোলো, কিন্তু পথ্য ? চুপ ক'রে রইলেন কেন,—বুঝতে পেরেছি। —ব'লে মায়ালাতা মনিব্যাগ খুলে পাঁচটি টাকা বা'র ক'রে তার দিকে এগিয়ে দিলে। পুনরায় বললে, খুঁকীর জন্তে ফলপাকড় আনিয়ে দেবেন। তুলে নিন্।

বড় উপকার ক'রলেন। এই ব'লে টাকা পাঁচটি নিয়ে সরোজিনীদি' খুসি হয়ে চ'লে গেলেন।

তারপরে আর একটি মেয়ে ঘরে ঢুকলো। তাকে দেখেই মায়ালাতা বললে, তোমার আবার কি হোলো সূচরিতা ? সূতিকা নাকি ?

শ্রামবর্ণা মেয়েটি হঠাৎ হেসে উঠলো। বললে, বিয়ের আগে ও-রোগ হয় না মায়াদি।

ঠোঁট ছুটি কুঞ্চিত করে' মায়ালাতা বললে, দিনকাল খারাপ, কার বিয়ে যে হয়েছে আর হয়নি বোঝা কঠিন। কি চাই বলে।

## অগ্রগামী

সুচরিতা বললে, থ' পড়া ইস্কুল আপনার, ক্লাসে গিয়ে দেখি, দোয়াতে কালি নেই।

মায়ালাতা বললে, কালি কি হবে, কপালে মাথবে?

এদিক ওদিক তাকিয়ে সুচরিতা চুপি-চুপি হেসে বললে, মনের মানুষ থাকলে মাথতুম বৈ কি!

তুমি রঙো ফাজিল হয়ে যাচ্ছ, সুচরিতা!

সুচরিতা ভয় পাবার মেয়ে নয়। করুণকণ্ঠে বললে, কি করব বলুন মায়াদি। মেয়ে হয়ে জন্মালে জানতুম বিয়ে হয়, কিন্তু বৈজ্ঞের ঘরে জন্মালে যে মেয়েকে রোজকার করতে হয়, এ জানতুম না।

মায়ালাতা হেসে বললে, আমি কি বৈজ্ঞ?

আপনারটা বিলাস আনন্দেরটা সংগ্রাম। সুরেশবাবু বলেন, আমার এই সংগ্রাম একদিন আমাকে নাকি মহীয়সী ক'রে তুলবে। সুরেশবাবুর বুলি গুলো বেশ ভালো।

তাই নাকি? সুরেশবাবুর সঙ্গে তোমার দেখা হয়?

হয় বৈ কি, প্রায়ই যান আমাদের বাসায়। ভদ্রলোক কেবল উপদেশ দেন না, বেশ গল্প বলতেও পারেন।

তাই নাকি? বেশ। তোমার সঙ্গে কদিন ভাব হেলো?

সে এক ভারী মজার কৃষ্ণ।—সুচরিতা বললে, আমাদের পাশের বাড়ীর মেয়ে-মহলে খুব নাম তাঁর। সেই বাড়ীতেই একদিন আলাপ তাঁর সঙ্গে। এ চাকরী ত তিনিই ক'রে দিলেন মায়াদি! আমার প্রতি সুরেশবাবুর যথেষ্টই অলুগ্রহ বলতে হবে।

মায়ালাতা অল্পমনস্ক হয়ে বললে, হ্যাঁ, বিশেষ। তুমি বেড়াতে যাও না তাঁর সঙ্গে, সুচরিতা? মানে, তিনি তোমাকে নিয়ে যান না?

ওবে বাবা—সুচরিতা বললে, আপনি পেটের কথা বা'র ক'রে নিতে চান্ কেমন মায়াদি? যাই বৈ কি এক আধ দিন—ভদ্রলোকের আচার



ব্যবহার মন্দ নয়। খুব সরস আলাপের চেষ্টা। কিন্তু একটু যেন কেমন মেয়েখায়া, এই জন্তে মাঝে মাঝে খারাপ লাগে।

কি রকম?—মায়ালতা বললে।

এমনি দেখি লোকটি কক্কশ, উকীল হিসেবে কিছু হুর্নামও আছে, কিন্তু মেয়েমানুষের কাছে এলেই তাঁর মুখ মিষ্টি হয়ে ওঠে। কী বিনয়ী আর ভদ্র! মেয়েদের উপকার করবার জন্ত কী আকুল আগ্রহ! আদালতের সময়টুকু ছাড়া সকাল থেকে রাত পর্যন্ত মেয়েদের ভাবনা নিয়েই তাঁর কাটে। নিত্য নতুন আঁচলের হাওয়া না খেলে তাঁর শরীর ভালো থাকে না।

মায়ালতা বললে, তা'হলে এটা তার স্বভাব বনো! সূচরিতা?

না, মায়াদি, এটা গুর একটা রোগ।

হু'জনেই হাসতে লাগল। মায়ালতা এক সময় বললে, বেশ ত, বিয়ে ক'রে তুমি সুরেশবাবুর এ-যোগটা ছাড়িয়ে দাও না?

ওরে বাবা, বিয়ে করবেন তিনি? তা'হলেই হয়েছে! ওদিকে শ্রীযুক্ত সুরেশচন্দ্র ভারি হিসেবী! ধরি মাছ না ছুঁই পানি!—বলতে বলতে হেসে সূচরিতা ঘর থেকে বেরিয়ে গেল।

মায়ালতা ডাকলো মোক্ষদা?—একটা বেল বাজালো।

মোক্ষদা নামক একটি প্রৌঢ় স্ত্রীলোক এসে দাঁড়ালো।

মায়ালতা তীব্রকণ্ঠে বললে, কেমন কাজের মানুষ গো তুমি?

কেন বড় মা?

কালি-কলম গোছানো থাকে না, কাজ করো কি আমার মাথা-মুণ্ড! যাও সূচরিতাদির ক্লাসে কালী দিয়ে এসো। এবার তোমার মাইনে কাটা যাবে।

এতবার তাঁর মাইনে কাটা হয়েছে যে, হিসাব করলে মোক্ষদার কাছেই কিছু পাত্তনা হয়। অথচ চাকরীও যায় না, মাইনেও পায় সে নিয়মিত। মোক্ষদা অলঙ্কে মুখে কাপড় চাপা দিয়ে হেসে বেরিয়ে গেল।

বেলা বাবোটা বাজলো। এইবার মায়ালাতাকে ক্লাস নিতে হবে।

ছুটির পরে মায়ালাতা আবার একা। হুশিচিন্তা আবার তাকে ধরল ঘিরে। এই হুশিচিন্তার বোঝা ক-দিনই বা সে বহুতে পারবে? তাকে চলে যেতে হবে। যাবেই বা কোথায়? সমস্তাটা তার থাকবেই। সঙ্গে যাবে জীবন-সংগ্রাম, সঙ্গে যাবে এই ভয়ানক দুঃখনায়ক প্রতীক্ষা। প্রতীক্ষা সে করবে সুরপতির জগৎ, আজীবন আমরণ। বাস্তবিক, তার জীবনধারা অদ্ভুত; এমন একটা অর্থহীন ইতিহাস কোথাও পাওয়া যায় না। অবস্থাপন্ন ঘরের আদরিণী মেয়ে সে, যত্নে লালিত, ঐশ্বর্য্যে প্রতিপালিত। শিক্ষা-দীক্ষার স্বেচ্ছা পেয়েছিল সে অব্যবহিত, সংরক্ষণশীল পরিবার হলেও বাধা কোথাও ঘটে নি। আত্মীয় পরিজনদের প্রত্যাশা ছিল উজ্জল, কারণ তার মতো সুশিক্ষিতা আর রূপবতী মেয়ে নাকি ছিল। তারপর সে পালিয়ে গেল হরিহরদাদার সঙ্গে। সেও এক অদ্ভুত সংসর্গ। দীর্ঘকাল ঘুরে বেড়াতে লাগল দেশদেশান্তরে। হরিহরদাদাকে ভালো সে বাসেনি, কিন্তু তাঁকে ভালো লেগেছিল। মনে হতো এ লোকটা সব পারে। হুটি দিতে পারে রসাতলে, গড়তে পারে নুতন পৃথিবী আর অভিনব সমাজ। তাঁর আদর্শের মধ্যে বিপ্লবের অগ্নিস্ফুলিঙ্গ। কিন্তু দেখা গেল, লোকটি অসাধারণ দায়িত্ব-জ্ঞানশূন্য মমত্বলেশহীন,—বিবেচনা, স্নেহ, দাক্ষিণ্য বিন্দুমাত্রও নেই, স্ত্রীলোক সম্বন্ধে সম্পূর্ণ নিরাসক্ত আর উদাসীন। তাই তিনি যেদিন ছাড়লেন মায়ালাতাকে, মায়ালাতা সেদিন বিপন্ন হোলো বটে, কিন্তু ব্যথা পেলো না। হৃদয়ের সুর বিন্দুমাত্রও ছিল না। জাত গেল, সম্বন্ধ গেল, চরিত্রের সুনাম গেল সংরক্ষণশীল পরিবারের আশ্রয় গেল চিরদিনের জগৎ মুছে—অথচ কিছুই যাবার কারণ ঘটে নি, যেমন সে ছিল তেমনিই আছে।

এমন সময় সুরপতি। পাওয়া গেল বুঝি দেবতাকে। বড় জীবনের টানে মায়ালাতা এসেছিল ঘর ছেড়ে, অস্পষ্ট ছিল তার স্বপ্ন,—কিন্তু স্ত্রীলোক সে, এ কথা ভুলতে পারলে না, যেদিন সে প্রথম দেখল সুরপতিকে

কি ভালই লাগল! মনে করেছিল নিজেকে প্রসারিত ক'রে দেবে সংসারময় আপন নারী-শক্তিতে, বিকীর্ণ করবে অজস্র কিরণধারা, নারীর তপস্যা নিয়ে আন্দোলন জাগিয়ে তুলবে দেশে দেশে; দাসত্ব শৃঙ্খলকে ছিন্নভিন্ন ক'রে দেবে চারিদিকে—কিন্তু কি হোলো? দেখা গেল তার চেয়ে অনেক বড় অনেক গভীর কামনা সুরপতির চোখে, বীরের তপস্যা তার, সন্তাসীর বৈরাগ্য তার। তাকায় না ফিরে, চ'লে যায় আকাশের দিকে চোখ রেখে, তার বিরাট স্বপ্ন, বিপুল আশা—তাকে ধরা যায় না, বাঁধা যায় না, টানা যায় না। এমন চরিত্র শঙ্কাজনক। অথচ কী ভালোই লাগল! আধার পেলে নারী আত্মদান করলে নিঃশব্দে। দেবতার হাসিমুখ দেখলে, প্রসন্ন দৃষ্টির নীচে করলে মাথা নত, মনে হোলো জীবন যৌবন তার ধরা হয়ে গেল। একটি যুবক—যার কর্মধারার সঙ্গে তার কোনো পরিচয় নেই, যার কাছে পেলে না সে প্রেমের প্রতিদান যে তাকে কোনো হৃদিনেই আশ্রয় দেয়নি—কেন তার প্রতি মায়ালতার 'এত অসক্তি'? এমন নিবোধ অনেক আছে সংসারে আদর্শ খাড়া করে পূজা দিতে না পারলে তাদের আর স্বস্তি নেই; নিবোধের আদর্শপূজা, অজ্ঞের অকারণ শঙ্কা।

কিন্তু ভালো লাগা আর ভালোবাসার পথটা বিচিত্র। এখানে জায়শাস্ত্র আর বুদ্ধির বিচারটাই বড় নয়, হৃদয়ের অন্তর্দৃষ্টিটাই এখানে মুখ্য। মনে বললে, এর জগৎ সব ত্যাগ করতে পারি, এর জগৎ দিতে পারি ধর্ম, একে নিবেদন করতে পারি এই দেহ, এই রূপ। সেই এক পরম মুহূর্ত। কিন্তু সেও একদিককার কথা। পুরুষের দিক থেকে পাওয়া গেল না আকর্ষণ। স্নেহের স্পর্শ পাবার জগৎ আপন উৎসুকা নিয়ে গেল সুরপতির কাছাকাছি। কিন্তু মিথ্যে হোলো তার এই আকুলতা। আয়োজন ব্যর্থ হোলো, জীবন-বৈরাগী ফিরে গেল আত্মবিশ্রুত হয়ে।

পায়ের শব্দে উৎকর্ণ হয়ে মায়ালতা তাকালো। গলায় গানের একটা সুর ভাঁজতে ভাঁজতে সুরেশবাবু নীচের আপিস-ঘরে ঢুকলেন, কিন্তু নানা কাগজ

## অগ্রগামী

পত্রের জটিলার মধ্যে মায়ালাতাকে দেখেই তাঁর স্তর শুকিয়ে গেল। তিনি হেসে বললেন, শুভ বয়! —আজকে কাজের চাপ ছিল বুঝি খুব?

মায়ালাতা বললে, না, এমনি বসেছিলুম।

স্বরেশবাবু হেসে বললেন, পুরুষের মন কি আশাবাদী! ভাবছিলুম তুমি বুঝি বসেছিলে আমারই অপেক্ষায়। হাঃ হাঃ হাঃ।

বিরক্তির ফুটে উঠলো মায়ালাতার কপালের রেখায়। কিন্তু সে ঈষৎ হেসে চুপ ক'রে গেল। সূচরিতার শেষ কথাগুলো মনে পড়ে' তার ভিতরে একটা গভীর ঘৃণা পাক খেয়ে বেড়াতে লাগল।

দীর্ঘে স্তব্ধে ব'সে স্বরেশবাবু কথা আরম্ভ করলেন। আদালতে আজ কাজ ছিল না, সমস্ত দিনটা ব'সে বসেই কাট'ল, একটা মক্কেল নেই। হু'চারটে মামলা, সব পূজোর পর তারিখ ফেলা! একটা মেয়ে-চুরির কেস হাতে এসেছিল, কিন্তু দেখা গেল, মিটমাট ক'রে নিলে। চুলোর যাক্গে, চলে এলুম আজ বেলা তিনটের সময়ে—ব'লে তিনি একবারটি থামলেন।

মায়ালাতা একটা কাগজে কি যেন লিখছিল। স্বরেশচন্দ্র পুনরায় বললেন, আজ তোমার চেহারাটা ভালো নেই, মায়া।

মুখ তুলে মায়ালাতা বললে, তাই মনে হচ্ছে আপনার?

অধিকার দিলে না কথা বলবার, তা হ'লে করা যেতো বাসি ফুলের বর্ণনা। কাল রাত্রে ঘুমোওনি, চোখের কোলে ক্লান্তির কালো ছায়া; দুর্ভাবনায় মুখ মলিন, কপালে পড়েছে দাগ; উপবাস ক'রে আছ, তাই হাসিতে প্রাণ নেই! মনের মধ্যে চাপা অতৃপ্তি, তাই শোবার ঘর ভাল লাগে নি, ব'সে আছ বাইরের ঘরে।

মায়ালাতা বললে, উপগ্রাস লেখায় হাত পাকালে আপনার খ্যাতি হোতো, স্বরেশবাবু। নারী-চরিত্রে আপনার দখল আছে।

মিথ্যাস্থিতিকে স্বরেশবাবু সত্য ব'লে মেনে নিলেন। বললেন, তা' আছে, তোমাদের রক্তের সঙ্গে আমার পরিচয়। স্বীজাতিকে আমি সহ্যহুভূতি

সঙ্গে বিচার করেছি; দেখেছি তাদের আত্মাকে। কট-কুয়েন্ ব'লে অপবাদও নিয়েছি মাথায় তুলে।

মায়ালাতা বললে, অপবাদ নয়, সত্যি। মেয়েদের কাজ নিয়ে আপনি নিজেকে অতি ব্যস্ত রাখেন।—কঠোর বিজ্ঞপকে সে আর সংযত রাখতে পারলে না।

তা হবে। ব'সে সুরেশবাবু কিয়ৎক্ষণ বাইরের দিকে মুখ ফিরিয়ে ব'সে রইলেন।

বসে রইলেন বটে কিন্তু অযথা কালক্ষেপ করবার মানুষ তিনি নন। ঘরে তখনো দিনের আলো থাকা সত্ত্বেও তিনি উঠে সুইচ টিপে আলো জালিয়ে দিলেন। ঘরটা হেসে উঠলো। বললেন, রাস্তার দিক্কার জান্‌লাটা বন্ধ করে দেবো?

কেন?—মায়ালাতা তাকালো তাঁর দিকে।

এমনি বলছি। লোক চলাচল করছে, হয়ত অসুবিধে হচ্ছে তোমার।

অসুবিধে কিছু নেই, আমি ঘরের বউ নয়।

সুরেশবাবু তার কঠোর উদ্ভাপটাকে হাসি দিয়ে উড়িয়ে দেবার চেষ্টা করলেন। বললেন, এইবার নিয়ে অনেকবার গুনলুম তোমার মুখে ওই কথাটা। ঘরের বউ হওয়াটা যেন তোমার কাছে ভয়ানক অপরাধ। কিন্তু জানো মায়া, নন্দীর সর্বশ্রেষ্ঠ পরিচয় হোলো—

আপনি অন্য কথা বলুন, সুরেশবাবু।

সুরেশবাবু আহত হয়ে চুপ করলেন। এক সময় বললেন, যাকগে। ভালো কথা, কাল আমার চিঠি পেয়েছিলে?

মায়ালাতা বললে, পেয়েছিলুম, কিন্তু তাড়াতাড়ি আমার মাইনে বাড়াবার দরকার ছিল না। যা টাকা পাই, তা'তে আমার এক বকম চলেই যায়। খরচ আমার সামান্যই।

সে কি, টাকার দরকার নেই? জীবনের উন্নতি, ঐশ্বর্য, প্রতিষ্ঠা—

## অগ্রগামী

মায়ালাতা হাসলে। বললে, আমি মেয়েমানুষ, ওগুলোর চেয়ে বড় প্রলোভনও আমার থাকতে পারে।

ব্যগ্র হয়ে সুরেশবাবু বললেন, সেটা কি আমি জানতে পারিনে ?  
ওঃ বুঝেছি—ব'লে হেসে তিনি একটা স্বস্তির নিশ্বাস ফেললেন, পুনরায়, বললেন, এবার বুঝতে পেরেছি তোমার মন খারাপের কারণটা—

হাসতে হাসতে তিনি উঠে একবার পাশচারি ক'রে নিলেন। সে-হাসির মধ্যে গভীর ঈর্ষ্যা মিশ্রিত ছিল, তাই নিজের হাসিতেই তাঁর নিজের মুখখানা জালা ক'রে উঠলো।

তাঁর এষ্ট থিয়েটারি ভঙ্গি দেখে মায়ালাতা সোজা হয়ে বসলো। বললে, কী বুঝেছেন সুরেশবাবু ?

প্রশ্ন শুনে পুনরায় বিদীর্ণ হাসিতে সুরেশবাবু ঘরখানাকে ভরিয়ে তুললেন। হাসি থামলে বললেন, বৈষ্ণব সাহিত্যে একটা গান আছে, 'ধৈর্য নাহি মানে গো, কৃষ্ণ বিনে জীবন আমার বিফলে গেল, আর যে ধৈর্য ধরিতে নারি।'

এটা বৈষ্ণব সাহিত্যের আখড়া নয়, আপনি যান।—ব'লে উঠে মায়ালাতা ঘর ছেড়ে বেরিয়ে গেল।

সুরেশবাবু এইবার প্রকৃতিস্থ হলেন।

উপরে গিয়ে মায়ালাতা বিছানায় গা এলিয়ে শুয়ে পড়ল। চোখ ভ'রে তার কান্না এলো, বুক ভ'রে ব্যথায় টন টন করতে লাগল; আর সে পারে না কদর্য্য আবষ্টনকে সহ করতে, ধৈর্য্যচ্যুতি ঘটতে আর দেরি নেই। বালিশের মধ্যে মুখ খুঁবে সে কাঁদতে লাগল। ভালবাসায় এত হৃৎকম্পে জানত না, একজনের অভাবে সমস্ত কিছুর প্রতি মন যে এত বীতশ্রদ্ধ হয়ে উঠবে, এ সে কল্পনাও করেনি।

অনেকক্ষণ পরে সে উঠলো। কখন সন্ধ্যা উত্তীর্ণ হয়ে গেছে, ক্ষেমীর মা আলো জালিয়ে গেছে ঘরে। তার লজ্জা হোলো, সম্ভবত ক্ষেমীর মার কাছে

আর কিছু গোপন নেই। আজ সে ডাকতেও সাহস করেনি। কিন্তু আরও দেরী করা চলে না। অমরেশ আজ আসেনি, তার একবার খবর নেওয়া দরকার। বেচারীর জ্বর ছাড়লো কিনা কে জানে!

কাপড় গুছিয়ে, পায়ে চটি জুতোটা দিয়ে সে বেরিয়ে এলো। ক্ষেমীর মা, একটা সেলাই নিয়ে দালানে বসেছিল; মায়ালাতা বললে, তুমি খেয়ে নিয়ো ক্ষেমীর মা যদি আমার আসতে দেরি হয়। দেরি অবশ্য আমার হবে না।

আচ্ছা দিদিমণি।

মায়ালাতা নীচে নেমে গেল। নীচেটা অন্ধকার; অপিসঘরের ভিতর দিয়ে যাবার আগে আলোটা সে একবার জ্বাললে। কিন্তু ছেলেই সে বিষয়ে অভিজ্ঞ হয়ে গেল। অন্ধকারে সেই তখন থেকে ব'সে আছেন সুরেশবাবু।

একি, আপনি যাননি চ'লে?

না, বসে আছি তোমার কাছে ক্ষমা চাইব বলে।—সুরেশচন্দ্র অল্পতপ্ত কণ্ঠে বললেন, মেয়েদের সঙ্গে আলাপে সব সময়ে আমার মাত্রাজ্ঞান থাকে না, সে জ্ঞান আমি লজ্জিত। আমি তোমাকে কখনো আঘাত দিতে চাইনি মায়ালাতা, বরং তুমি সকল রকমে স্বস্তিতে থাকতে পাও আমি তারই চেষ্টা করি।

মায়ালাতা চুপ করে দাঁড়ালো।

সম্ভবত আমার ক্ষুদ্রতাটাই তোমার চোখে পড়ে। কি করব, নিজের চরিত্রকে আমি বদলাতে পারিনি। বড় হতে যাই, কিন্তু বংশগত শিক্ষার দোষটা ছোট হওয়ার দিকে টেনে আনে।—অলক্ষ্যে সুরেশবাবু তার মুখের চেহারাটা একবার দেখে নিলেন এবং তারপর নিজের কণ্ঠে প্রচুর আন্তরিকতা ঢেলে দিয়ে বললেন, তোমার কাছেই আমি পদে পদে হার মানি, তোমার কাছেই হয় আমার উদারতার পরীক্ষা। তোমাকে এই জন্তে আমার দরকার যে, তুমিই আমার চরিত্রের মালিককে নির্মূল করে দিতে পারো। তোমার কাছে হার মানতেই আমার আনন্দ।

মায়ালাতা আস্তে আস্তে বললে, আমি এখন একটু বাইরে যাবো।

## অগ্রগামী

বাইরে যাবে? চলো না পৌঁছে দিই তোমাকে? সন্ধ্যার দিকে আলোর  
হাওয়ায় বেরোলে শরীর ভালোই হবে। তোমার প্রকৃত শুভার্থী বলে আমি  
গর্ব করব না, কিন্তু যারা তোমার কোনো ভাল মন্দই খবর নেয় না, তারাও  
তোমার কেউ নয় মায়ালতা।

এর মানে মায়ালতা বুকতে পারলে না, কেবল সে একবার মুখ তুলে  
তাকালো। সুরেশবাবু বললেন, বন্ধু বান্ধবের নিন্দা করা আমার পেশা নয়, ওটা  
আমি ঘৃণা করি। কিন্তু ধরো, আমি বলছিলাম সুরপতিবাবুর কথা। চ'লে যাবার  
সময় তোমার নাম একবার মুখেও আনলেন না, এটাই কি তাঁর উদারতার  
পরিচয়?

মায়ালতা থমকে দাঁড়ালো। বললে, তিনি চ'লে গেছেন, আপনি জানলেন  
কেমন ক'রে?

সুরেশবাবু হাসলেন। বললেন, বলতে গেলে নিজের মহত্বটা প্রকাশ হয়ে  
পড়বে, কিন্তু পরের কাজও আমি কিছু কিছু ক'রে থাকি। জানতুম সুরপতিবাবু  
বেকার, তাই বিদেশে সেদিন একটা কাজের খোঁজ পেয়ে—

বিদেশে, কোথায়?—একটা চাপা আত্মনাদ মায়ালতার মুখ দিয়ে বেরিয়ে  
গেল,—কোথায় পাঠিয়েছেন তাঁকে?

সুরেশবাবু তার ব্যাকুলতাটা লক্ষ্য করেও সহজ কণ্ঠে বললেন, কাজটা মুন্দ  
নয়, একটা জমিদারীর সহকারী ম্যানেজারের কাজ, ভবিষ্যতে উন্নতির আশা  
আছে। কাঁচা পয়সা হাতে আসবে, যদি বিশ্বাসের সঙ্গে কাজ ক'রে যান—

কোথায় বলুন না। আপনি, কোন্ দেশে?—অধীর কণ্ঠে মায়ালতা প্রশ্ন  
করলে।

কী বেন জায়গাটার নাম, ঠিক মনে আসছে না। জল-হাওয়া বেশ ভালো।  
ধরো, তাঁর বেশ সুবিধেই হয়ে গেল। নিজে তিনি বখন জমিদারী ফাঁদবেন,  
তখন কি আর আমাদের তিনি মনে রাখবেন? জমিদার আমারই এক মক্কেলের  
আত্মীয়।—বলেই সুরেশবাবু একবার হাসলেন—তোমার প্রশ্নটি ভালো।



## অগ্রগামী

আর দেশে! এই ভারতবর্ষেরই মধ্যে, এমন কি এই বাংলা দেশেই। কী বেন নামটা, মর্নে আসছে না। নোট-বইটা সকাল থেকে খুঁজে পাচ্ছি না, সম্ভবত তাইতে টুকে রেখেছি।

মায়ালাতা একথানা চেয়ারে অবসন্ন হয়ে বসে পড়লো। যোঝা গেল না, কোন্টা তার ভিতরে বড় হয়ে উঠেছে; আনন্দ না বেদনা—কিন্তু তার চোখে ভাষা ছিল না, কানের মধ্যে তার আর কোন শব্দ পৌঁছোচ্ছে না। অভিভূতের মতো বসে রইলো। চেতনা তার লুপ্ত হয়ে গেছে।

স্বরেশবাবু তাকে লক্ষ্য করছিলেন। এবার বললেন, যাবার সময়ে তোমার প্রতি কৃতজ্ঞতা প্রকাশ করতেও তিনি ভুলে গেলেন, এটা তাঁর উচিত হয়নি। এই কি মানুষের পরিচয়? আমি ত জানি তাঁর হৃদ্যে তুমি যথেষ্ট দেখেছ। তাই, আজকে তিনি যখন তাচ্ছিল্য করে চলেই গেলেন, আর উচিত হবে না তাঁর জন্ত উদ্বেগ হওয়া। মেয়েদের অপমান করাই পুরুষদের স্বভাব-ধর্ম। আর এ অপমান মাথায় তুলে নেওয়া মানে আত্মসম্মানকে ভাসিয়ে দেওয়া।

মায়ালাতা বললে, তাঁকে ঠাকুরী দিতে হঠাৎ ব্যস্ত হতে গেলেন কেন?

স্বরেশবাবু হেসে বললেন, চিরকাল, আমার এই বদ্‌ স্বভাব। ওটা আমি পাবি নে। পুরুষ মানুষ হয়ে কেউ আমার চোখের ওপর নিকর্যা হয়ে বসে থাকবে, এ আমার সহ্য হয় না। এই অমরেশটার জন্তেও ভাবছি, ওর যদি একটা সুরবিধে করে দিতে পারি—এরা ছুটে যাক দিক্‌বিদিকে, ভোগ করুক পৃথিবীতে বীরের মতো, লুটে নিয়ে আসুক জগতের ধন-সম্ভার,—জ্ঞান, শক্তিতে, ঐশ্বর্য্য আমার এই আঁচল ধরা হতভাগ্য জাতকে বীধ্যবান্‌ করে তুলুক। মায়ালাতা, তুমি আমার স্বপ্নের চেহারাটা জানো না, আমার বুকের মধ্যে অনির্ব্যাপ্ত অতৃপ্তি আর হুঁশাশর জ্বালা জ্বলছে—

মায়ালাতার সুন্দর নখর হাতখানা টেবলের উপর প্রসারিত, মাথার চুলের একটা গোছা নেমে এসেছে আয়ত দুটি চোখের উপর; কাঁধের একদিক্‌কার

## অগ্রগামী

অঁচলটা পড়েছে খ'সে,—তার দেহের অপরিমেয় তারুণ্য বিদ্যুতের আলোয় উদ্ভাসিত। সেই দিকে উজ্জ্বল লোলুপ দৃষ্টিতে তাকিয়ে সুরেশবাবু বলতে লাগলেন, প্রেতের মতো ঘুরে বেড়াচ্ছি সমাজের দরজায় দরজায়। কোথায় প্রাণ, কোথায় মানুষ, কোথায় শক্তি? কে মুছে দেবে এই অধঃপতনের লজ্জা, কে আঁবে দেশব্যাপী সংগ্রাম, কে জালিয়ে তুলবে সমাজ বিপ্লবের অগ্নিকাণ্ড? মায়ালতা, আমার আজীবন তপস্যা, এই সব ছেলে-মেয়ের মনে অশান্তি আর বেদনা জাগিয়ে তোলা, এই বেদনার মধ্যে এক নতুন জাতির জন্ম হোক; দাসত্ব আর হুঁচকা ঘুচিয়ে আবার আমাদের সেই গৌরবময় মহা অতীতকে কিরিয়ে আনুক, প্রাণ শক্তি বিকীর্ণ করে দিক্ দিকে দিকে—

মায়ালতার সুন্দর দু'খানি পায়ের দিকে উৎসুক মুগ্ধ দৃষ্টিতে চেয়ে সুরেশ বলতে লাগলেন, প্রেম আর হৃদয়-দৌরল্য স্থগিত থাকুক,—মায়ালতা, তোমাকে মিনতি করছি, তুমি এ কাজের ভার নাও। চারিদিকে আমাদের অপমান আর হুঁচকা স্তম্ভীকৃত হয়ে উঠেছে, এসো, আমরা সবাই মিলে তার সমাধান করি। হুঁচকা আর কুনীতিকে আমরা তাড়াবো; গুচিবায়ুগ্রস্ত সমাজপতির অতিনীতিজ্ঞানকে আমরা শাসন করবো; কামাতুর যৌন-সাহিত্যকে দেশ থেকে দেবো নিকাসন; সমাজে, জীবনে, চিন্তাধারায় সৌখীন পাশ্চাত্য আদর্শকে ধ্বংস করবো,—এসো আমরা কাজে নামি। কী হুঁচকা এলো বলে ত? একেই ত ভগ্নবাস্তব, অশিক্ষিত, দরিদ্র দেশ, তার ওপর এই ভয়ানক নৈতিক অবনতি। শিক্ষাপ্রতিষ্ঠানগুলোর দিকে ছাখো, সেখানে সহশিক্ষার নামে তৈরী হয়েছে প্রজাপতি-সঙ্ঘ, সাহিত্যের নামে চলছে কামকলা-প্রচার, সমাজে চলছে নারীহরণ আর বিবাহ-বিচ্ছেদ, রাষ্ট্রে চলছে দেশনেতাদের গোপন বাহিনীর আর স্বার্থের হানাহানি, বঙ্গমঞ্চে ভদ্রঘরের মেয়েদের অন্ধনগ্ন অবস্থার পা তুলে নাচা এবং তাই দিয়ে অর্থোপার্জন, নারী-আন্দোলনের নামে চলে যাচ্ছে চুপি চুপি অসতীপনা—

মায়ালতা এবার উঠে দাঁড়ালো। বললে, রাত হয়ে যাচ্ছে, আজকে আর—

## অগ্রগামী

হ্যাঁ, এই আমিও উঠি। বড় একটা নিশ্বাস ফেলে সুরেশবাবু বললেন, ওঃ অনেক বকলমি। বাস্তবিক এই শাড়ীখানা পরলে তোমাকে প্রতিমার মতো দেখতে হয়। হ্যাঁ, তুমি বেড়াতে যাবে বললে যে? হাওয়ায় তোমার কক্ষ চুলগুলো উড়ছে, আজকে স্নান করোনি? যাক্ খুব বক্তৃতা দেওয়া গেল,— যাবে নাকি বেড়াতে?

না, আজকে আর নয়।

আচ্ছা আচ্ছা থাক্, রাতও হয়েছে। এখানে এসে বসলে ফিরে যেতে আর মন সরে না, কত অপরাধ করে ফেলি,—আমার সম্বন্ধে তোমার ধৈর্য আর বিবেচনা অসীম।

মায়ালাতা বললে, ঠিকানা তা'হলে আপনার মনে নেই কেমন?

কা'র ঠিকানা?—সুরেশবাবু আকাশ থেকে পড়লেন, বললেন, ওঃ তুমি এখনো ভোলোনি দেখছি। কি জানি, নোটবুকখানা...দেখি যদি মনে করতে পারি...নানা কাজ নিয়ে ব্যস্ত—

কাল আপনার সঙ্গে কোথায় দেখা হবে? যদি ঠিকানাটা খুঁজে পান্ তা'হলে—

অত্যন্ত উদাসীন কণ্ঠে সুরেশবাবু বললেন, দেখি যদি পাই, সময় আজকাল বড় কম, পূজা এসে পড়েছে—

মায়ালাতা সাগ্রহকণ্ঠে ব্যাকুল হয়ে বললে, একটু দয়া ক'রে খুঁজবেন আপনি, তা হ'লেই—

আপন মনের অসংবত দাহকে অতর্কিতে প্রকাশ ক'রে ফেলে সুরেশবাবু অপরিদ্রষ্ট ক্ষোভ নিয়ে ঘর থেকে বেরিয়ে গেলেন।

আলোটা নিবিয়ে দরজাটা বন্ধ ক'রে মায়ালাতাকে ভিতরে আসতে হোলো। এত-রাতে আর পথে বেরুনো চল না। কিন্তু নীচের বারান্দা পার হতে গিয়ে অন্ধকারে হাসির শব্দ ক'রে কে যেন চক্ষের নিমেষে হাত চেপে ধরল।

## অগ্রগামী

চমকে উঠে মায়ালাতা বললে, ওমা, কী ছষ্ট তুমি অমরেশ, ভয় পেয়ে গিয়েছিলুম। কখন এলে ?

অমরেশ হেসে বললে, অনেকক্ষণ। তোমাদের আলাপ-আলোচনা কান পেতে শুনলুম। উত্তমরূপে চিনলুম আজ সুরেশদাকে। তোমার হৃদয় জয় করবার জন্ত দাদার কী ব্যাকুলতা! বাস্তবিক, তোমার মায়াদয়া এতটুকু নেই, মালাদি !

মায়ালাতা অমরেশের কান ম'লে দিল। বললে, কাজলামি করো না, ওপরে এসো। খবর শুনে ত সুরপতিবাবুর ?

আত্মপূরিক শুনলাম। পথের কাঁটা সরিয়েছেন আপন স্বার্থের জন্ত। তা সরাবেন না, বলো কি ? পঞ্চাশ বছর বয়সেও হেলেন্ ছিলেন সুন্দরী-শ্রেষ্ঠা, তবুও তাঁকে জয় করার জন্ত তখন বাধলো ঈয়ের যুদ্ধ। আর তোমার জন্তে—

— অমরেশ ?

আজ্ঞা মায়াদি, জিহ্বা সংযত করলুম। শোনো, রাত হয়েছে, আজ আর ওপরে উঠবো না। খিড়কি দিয়ে এসেছিলুম, এবার যাবো সদর দরজা দিয়ে। দুদিনের মধ্যেই সুরপতিবাবুর সন্ধান আনবো।—উৎসাহে অমরেশের চেহারা বদলে গেছে।

কেমন ক'রে ?—মায়ালাতা কললে।

কী আশ্চর্য্য !—বুঝলে না যে, খবরের কাগজে 'কর্মখালির' বিজ্ঞাপন প'ড়ে সুরেশদা কাজের খোঁজ পেয়েছিলেন ? তাই দেখে উনি পাঠিয়েছেন সুরপতিবাবুকে, আমিও যেন সে বিজ্ঞাপনটা দেখেছিলুম মনে হচ্ছে ; কালকেই গিয়ে আমি কোনো একটা লাইব্রেরী তোলপাড় করব।

তার আস্তরিকতা, তার আগ্রহ, তার অকৃত্রিম বন্ধুটিকে অহুভব ক'রে মায়ালাতা সাক্ষ্য চোখে বললে, আনতে পারবে ত ?

হেসে অমরেশ বললে, যদি পারি কী দেবে বলো ত ?

## অগ্রগামী

দুই হাতে সম্মেহে তার মুখখানা চেপে ধ'রে মায়ালাতা বললে, ভাই নয়, তুমি আমার বন্ধু। যা চাইবে তাই দেবো, বন্ধু।

তাই দেবে? যদি আমার কালকের প্রতিজ্ঞা ভাঙে?

মায়ালাতা তার কণ্ঠালিঙ্গন ক'রে বললে, যাতে না ভাঙে তার শক্তি দেবো।

যদি দুর্বলতা আসে?

তুমি দুর্বল পুরুষ নয়। শিল্পি, রং আর তুলি এনো, এই দেহটা তোমার জিম্মায় ছেড়ে দেবো, চোখ মেলে দেখো, সাধ মিটিয়ে ছবি এঁকে নিয়ো।

শ্রেষ্ঠ পুরস্কার।—ব'লে অমরেশ মায়ালাতার দুই হাতে ঝাঁকানি দিয়ে হেসে অঙ্ককারে বেরিয়ে গেল।

## ছয়

সেদিন সকাল থেকেই মায়ালতা ব্যস্ত। কোথায় সে গিয়েছিল, এই কিছুক্ষণ আগে ফিরে এসেছে। আজ তার হাসি-হাসি মুখ, চোখে ও ক্রোধাশ্রু উৎসাহ আর খুশির আভাস। প্রতি দিনের অভ্যস্ত জীবনবাহ্যাকে দুই হাতে ঠেলে দিয়ে সে যেন আজ নতুন করে জেগে উঠেছে। আজকে নেই আর কোনো বাধাবাধি।

ক্ষেমীর মার নিবিষ্ট লক্ষ্যটি ছিল তার দিকে। স্ত্রীলোক হয়ে সে জন্মগ্রহণ করেছে, স্ত্রুতবাং কোতুলটা তার রক্তগত। এক সময়ে হাসিমুখে কাছে এসে দাঁড়িয়ে বললে, আজ বুঝি চড়িভাতি করতে যাবে কোথাও দিদিমণি?

মায়ালতা বললে, হ্যাঁ গো ক্ষেমীর মা, তোমার কথাই সত্যি! কী ঘটনা আজ চড়িভাতির; প্রকাণ্ড একখানা নৌকো ভাড়া করা হয়েছে, গানবাজনা, নাচ-পাঁচালি, সে এক মহাসুস্তির কাণ্ড!

ক্ষেমীর মা বললে, কে কে যাবে?

কে আর যাবে বলো, মেয়েদের মধ্যে কেবল আমি। ছেলেরা যাবে একদল, তারা সব তরুণ—আমি তাদের মক্ষিরণী!

স্বরেশবাবু যাবেন না?

না ক্ষেমীর মা, ওঁর একটু বয়স হয়ে গেছে, পাঁচিশ বছরের বেশি হ'লে আমি সে-ছেলেকে পছন্দ করিনে।—ব'লে মায়ালতা হাসতে লাগল।

ক্ষেমীর মা কিছুক্ষণ অবাক হয়ে তার মুখের দিকে চেয়ে রইল। তারপর হঠাৎ বললে, এসব তোমার মিছে কথা দিদিমণি।

কেন?

তুমি কেউটের বাচ্ছা, জাত সাপ। এমন কাজ যে সব মেয়ে করে আমি তাদের জানি, তুমি সে দলের নয়।—নিজের কথায় ক্ষেমীর মা নিজেই

## অগ্রগামী

ভরসা পেয়ে গেল, পুনরায় বললে, তুমি যাবে ক্ষুষ্টি করতে ছেলেদের সঙ্গে ?

অনেক ভদ্রলোকের মেয়ে এমন কাজ করে জানি, কিন্তু তুমি তেমন ছোট্ট হয়ে জন্মাওনি। তুমি জাতের কাঠ দিদিমণি।

তবে কোথায় যাচ্ছি বলো ত ক্ষেমীর মা ?

তা জানিনে বাছা। যেখানেই যাও, শরীর ভালো রেখো ; আমি তোমার বরসে বড়, আমি এ কথা বলতে পারি।

ক্ষেমীর মার হাতে ধ'রে হেসে মায়ালাতা বললে, তোমার এই কথার মধ্যে আর কোনো ইঙ্গিত নেই ত ক্ষেমীর মা ?

ক্ষেমীর মা বললে, যদি থাকে মাপ ক'রো : মেয়েমানুষ হয়ে মেয়েমানুষকে এ কথা না ব'লে পারিনে দিদিমণি। তুমি একলা, তোমাকে কেউ দেখবার নেই।

এত লোক থাকতে আমি একলা, কি বলছ ক্ষেমীর মা ?

ক্ষেমীর মা মুখের একটা শব্দ ক'রে বললে, দিদিমণি, ওরা সব মৌশুমী ফুল !  
—এই ব'লে সে চ'লে গেল। সে যেন আপন হৃদয়ের একটি অতীত বেদনার কথা জানিয়ে দিল।

রান্নাঘরের কাছে গিয়ে মায়ালাতা দাঁড়াল। বললে, ক্ষেমীর মা, যদি ফিরতে আমার কিছুদিন দেরি হয় ?

—মুখ তুলে ক্ষেমীর মা বললে, ইস্কুল খোলবার পরেও দেরি হবে ?

তা হ'তে পারে ! ধরো, আমি বিদেশ যাচ্ছি ত !

অপেক্ষায় থাকবো দিদিমণি। তবে একলা বাড়ী কিনা—

মায়ালাতা কিছুক্ষণ চুপ ক'রে রইল। তারপর বললে, আর যদি ক'রে না আসি ?

ওমা, সে কি কথা গো ! ফিরে না এলে ইস্কুল যে গোলায় যাবে।—ব'লে ক্ষেমীর মা চোখ কপালে তুললে।

মায়ালাতা বললে, কারো জন্তু কি কিছু আটকায় ক্ষেমীর মা ? রাজা গেলে রাজ্য যায় না, আবার নতুন রাজা হয়। সবাই তোমরা রইলে।

## অগ্রগামী

ফেমীর মা নিশ্বাস ফেলে নীরবে রইল কিন্তু এক সময় ক্রকণ কণ্ঠে বললে, তুমি গেলে আমিও থাকবো না দিদিমণি, দেশে চ'লে যাবো। মেয়েটার বিয়ে দিয়ে, যেমন করেই হোক একটা পেট চ'লেই যাবে।

এমন সময়ে বাইরে থেকে ডাক এলো। মায়ালাতা গলার সাড়া দিয়ে বললে, ভেতরে এসো।

একটি লোক উপরে উঠে এলো। মায়ালাতা পুনরায় বললে, শ্রীধর, বাবু কি এখুনি জিনিষপত্র নিয়ে যেতে বলেছেন?

হ্যাঁ মা। ব'লে শ্রীধর তার হাতে একখানা চিঠি দিলে। চিঠিখানা অমরেশের।

চিঠি পড়ে মায়ালাতা বললে, এসো, আমি সব গুছিয়ে দিচ্ছি।

জিনিষপত্র কিছু কিছু বাঁধাছাঁদা ছিল। শ্রীধর সেগুলি একত্র ক'রে নিলে। বিছানা, বাক্স, একটা স্ট্রকেশ—এ ছাড়া আর কিছু নয়। মানুষের গতিশীলতা বন্ধ হলেই তার চারিদিকে জঞ্জাল জমে। নিম্প্রয়োজনীয় বা কিছু আসবাবপত্র ঘরের চারিদিকে ছড়ানো রইল—মায়ালাতা তাঁদের দিকে ফিরেও তাকালো না। তিনটি লগেজ মাথায় তুলে নিয়ে শ্রীধর চ'লে গেল। আগে থেকেই ব্যবস্থা হয়ে আছে, স্ততরাং নতুন ক'রে তাকে নির্দেশ দেবার আর কিছু নেই।

ফেমীর মা বললে, কিছু মনে করো না দিদিমণি, আমার একটু সুন্দ হচ্ছে। বলব?

মায়ালাতা হেসে বললে, ব'লে ফেল ফেমীর মা, দেবি করো না। সত্যি কথা বলতে কি, কামারো একটা সন্দ হচ্ছে।

কি সন্দ দিদিমণি?

আগে তুমি বলো।

আমি ভাবছিলুম তুমি বুঝি আর আসবে না।

আশ্চর্য্য!—মায়ালাতা বললে, ঠিক ধরেছ ফেমীর মা, আমিও ভাবছিলুম,



আর বুঝি ফিরতে পারব না। অনেক দিনের সাজানো ঘর, ছাড়তে গেলে দুঃখ লোভ হয় লাগে, এমনি করেই যেন সব ফেলে যেতে হয়।

আর কি তুমি কোথাও কাজ পাবে দিদিমণি ?

না ক্ষেমীর মা, এ কাজ আমার ভালোই ছিল, এ বাজারে এমন কাজ পাওয়াই কঠিন, এ আমি জানি।

তবুও যাচ্ছ দিদিমণি ? কেন ?

বারান্দার বাইরে দূরের দিকে চেয়ে মায়ালতা হাসতে লাগল।—মন ছুটেছে ক্ষেমীর মা, ধরে রাখতে পারব না নিজেকে। আশার মন ভরা। ভেলা ভাসিয়ে দিলুম, দেখি কি হয় !

তার কথার অর্থ অস্পষ্ট, ক্ষেমীর মা নীরবে নিজের কাজ করতে লাগল। তবু মায়ালতার শেষ কথাটার সুরে গোপনে তার একটা নিশ্বাস পড়ল। করুণকণ্ঠে বললে, তোমার মতন মনীষ আর পাবো না দিদিমণি।

এমন সময় নাচে সুরেশবাবুর আওয়াজ পাওয়া গেল। মায়ালতা সাড়া দিয়ে বললে, ওপরে আসুন।

ওপরে যাবার হুকুম নেই যে !—আওয়াজ এলো।

এত বাধ্য আপনি কবে থেকে ? ওপরে আসুন, অহুমতি দিচ্ছি।

জুতোদ্বা শব্দ করতে করতে সুরেশবাবু উপরে উঠে এলেন। মায়ালতা বললে, ক্ষেমীর মা, মাহুরটা ঘরে পেতে দাও ত।

ক্ষেমীর মা তাড়াতাড়ি মাহুর পেতে দিয়ে এলো। সুরেশবাবু বললেন, কোর্টে যাবার পথে আসা গেল। আজ আমার ভাগ্য ভালো। দেবী স্মরণ করেছেন ! কিন্তু যে কথাই হোক, আজ দেবীর কাছ থেকে একাট বর প্রার্থনা করব।

হেসে মায়ালতা বললে, কী বর চান বলুন না ?

ঘরের ভিতরে এসে সুরেশবাবু বললেন, আমি তব মালকের হবো মালাকর !—একি, জিনিসপত্র গেল কোথা ? ঘর খালি কেন ?

## অগ্রগামী

মায়ালাতা তাঁর দিকে চেয়ে তেমনি হাসিমুখেই বললে, আপনার এখানে আমার চিরস্থায়ী বন্দোবস্ত থাকলে তেমন বর অবশ্যই আপনি পেতেন।

সুরেশবাবুর কানে সে-কথা ঢুকল না, তাঁর মুখের চেহারার অন্তরকম হয়ে গেল; তিনি বললেন, যাবার আয়োজনটা হচ্ছে কোথা?

মুখের একটা শব্দ ক'রে মায়ালাতা কপট নিশ্বাস ফেলে বললে, বৈষ্ণব কবিতা আমার মুখস্থ নেই আপনার মতন, তবে একছত্র সেদিন গ্রামোফোনে শুনেছি—‘যোগিনী হইয়ে যাবো সেই দেশে যেথায় নিঠুর হরি।’

হেয়ালী আমি বুঝতে পারিনে মায়ালাতা!

পারেন না? আশ্চর্য্য! সারাজীবন আপনি লোক-সমাজে মুখোদ প'রে ঘুরলেন, আপনি বোঝেন না হেয়ালী! কী সরল আপনি!—মায়ালাতা হেসে উঠল।

বিদ্রূপ শোনবার সময় সুরেশবাবুর নেই, তাঁর অনেক কাজ। বললেন, তুমি যেখানে যাচ্ছ, আমি কি সেখানে নিয়ে বেতে পারতুম না?

মায়ালাতা বললে, আপনার সঙ্গে কি যাওয়া আমার পক্ষে সম্ভব হতো? বড় বড় দার্শনিক তত্ত্ব আপনি বলেন, কিন্তু সামান্য বুদ্ধির পরিচয় আপনার কথায় থাকে না।

মুখের একটা শব্দ ক'রে সুরেশবাবু বললেন, আমি অতি বোকা! কিন্তু কোথায় যাচ্ছ, আমাকে তুমি বলবে না?

বলবার দরকার ত নেই!—মায়ালাতা বললে।

দরকার নেই?—সুরেশবাবু উত্তপ্ত কণ্ঠে বললেন, স্কুলের সেক্রেটারী জানবে না কে, প্রধান শিক্ষয়িত্রী কোথায় যাবেন? মায়ালাতা, তুমি আমাকে বিদ্রূপ করতে পারো, কিন্তু একটা আদর্শ শিক্ষাপ্রতিষ্ঠানের মূল নীতিকে আঘাত করতে পারো না! আজকে যে মেয়ের দল স্বেচ্ছাচারকে ব্যক্তিস্বাতন্ত্র্য নাম দিয়ে ছুটোছুটি করে, মায়ালাতা, আমি মনে করি, তুমি তাদের দলে নও!

মায়ালাতা বললে, স্কুলের ছুটির মধ্যে কি আমার স্বাধীনতা নেই ?

নিশ্চয়ই আছে। স্বাধীনতা তোমার জন্মগত অধিকার। কিন্তু তার ঐক্যে কি তুমি মানবে না ? বিনা নোটিশে পালিয়ে যাওয়াটাকেই কি তুমি অবাধ স্বাধীনতা বলে ? নিজের স্বার্থ আর প্রবৃত্তির রাশ আলগা ক'রে ছোটাকে বলবে ব্যক্তিস্বাভাব ? সংসারে কি আর কিছু নেই ?

মায়ালাতা বললে, সুরেশবাবু, নীতিকথা বলবারও অধিকারী-ভেদ আছে ! আপনার এই বক্তৃতা আমার পাঁচ বছর আগে ভালো লাগত।

তারপর দুইজনেই ক্রিয়াক্ষণ নীরবে রইল। খালি ঘরখানায় সুরেশবাবু এধার থেকে ওধারে বারকয়েক পায়চারি ক'রে নিলেন। পরে বললেন, ছুটির যখন শেষ হয়ে এলো, তখন তুমি চললে বেড়াতে ! তুমি কিরবে কবে, একথা বলবারও কি আমার অধিকার নেই ?

কিরব কবে, এই দিনস্থির ক'রে আমি যাচ্ছি নে।

মানে ?—সুরেশবাবু থমকে দাঁড়িয়ে বললেন, তুমি না থাকলে স্কুল খুলবে কে ?

মায়ালাতা বললে, সূচবিভা খুলবে, তাকে ব'লে গেলুম।

সুরেশবাবুর ভিতরে একটা জ্বালা ধরেছিল। বললেন, তাহলে তুমি এখন অনেকদিনের জগেই চলে, কেমন ? কার সঙ্গে যাচ্ছ ?

মায়ালাতা বললে, একলাই যাবো।

কিন্তু মেয়েছেলে হয়ে একলা বিদেশে যাওয়াটা—

একলা যাওয়াই আমার অভ্যাস, আমি পথের মেয়ে। এতদিন আমার জগে কেউ ভাববার ছিল না, আজও কেউ থাকে, আমি পছন্দ করি নে ! আপনাকে খবর দিয়ে যাওয়া উচিত তাই আপনাকে ডাকতে পাঠিয়েছিলুম।

সুরেশবাবু বললেন, একাজ কি তোমার পছন্দ নয় ?

এ প্রশ্ন বাহুল্য ! এখন এর জবাব দেওয়া কঠিন।

কিন্তু এ আমার জানা দরকার ! সুরেশবাবু উচ্চকণ্ঠে বললেন, এ স্কুলের

## অগ্রগামী

দায়িত্ব আমার হাতে—এর নীতি, এর শৃঙ্খলা, এর ভালোমন্দ। বিনানোটিশে তোমার চলে যাবার অধিকার নেই, তা তুমি জানো ?

মায়ালাতা বললে, যদি যাই, আপনি কি করতে পারেন ?

যা সবাই করে, অর্থাৎ আদালতের শরণাপন্ন হওয়া। কিন্তু তা করতে চাই নে, কারণ সেটা তোমার স্ত্রীনের পক্ষে হানিকর !

আপনি যদি তাই করেন, তবে আমি বাধা দেবো না। যদি করেন অবিলম্বে করুন। —মায়ালাতা ফিরে দাঁড়াল।

সুরেশবাবু বললেন, করলে তোমার পরে অবিচার হবে, কারণ আদালতে অনেক কথাই প্রকাশ হয়ে পড়বে, মনে রেখো।

এমন কী কথা আছে, যা প্রকাশ পেলে আমি ভয় পাবো ?

এই ধরো গতিবিধি, এখানে ওখানে আসা-যাওয়া, অনেক রাতে বাড়ী ফেরা ! তার মানে ? —মায়ালাতা বললে।

তার মানে আদালত জানে, আমি জানি নে।

এমন সময় ক্ষেমীর মা ডাক্ল, তোমার খাবার দিয়েছি দিদিমণি।

যাই ক্ষেমীর মা। আচ্ছা নমস্কার, —আপনার সঙ্গে তা'হলে আবার আদালতেই দেখা হবে ! —ব'লে মায়ালাতা দ্রুতপদে বাগানঘরের দিকে চ'লে গেল।

মিনিট পনেরো পরে ফিরে এসে দেখা গেল, জান্‌লার একটা গরাদ ধ'রে সুরেশবাবু দাঁড়িয়ে রয়েছেন। মায়ালাতা দরজার কাছে দাঁড়িয়ে বললে, আচ্ছা গাড়ীর সময় হয়ে এলো, আপনি কি আর কিছু বলবেন ?

সুরেশবাবুর মুখ চোখ রাগ ; হাতে একখানা ক্রমাল নিয়ে তিনি নাড়াচাড়া করছিলেন। মুখ তুলে কোমল কণ্ঠে বললেন, এর পরে আমার আর কি বলার থাকতে পারে মায়ালাতা ?

মায়ালাতা নতমস্তকে বললে, আপনি আমাকে ক্ষমা করবেন।

তুমি কেন ক্ষমা চাইছ, অপরাধ ত আমারই। যাক্ সে কথা। আচ্ছা, তোমার সিদ্ধান্তটা কি কিছুতেই বদলানো যায় না মায়া ?

## অগ্রগামী

মায়ালাতার গলার আওয়াজটা এবার গেল বদলে। বললে, আপাতত  
ছায়া ছুটিতে, যাচ্ছি।

সুরেশবাবু বললেন, কিন্তু আমার মনে হচ্ছে, তুমি আর কি হবে না।

উত্তর না পেয়ে সুরেশবাবু ব্যগ্র ব্যাকুল চ'ক্ষে তার দিকে চেয়ে পুনরায়  
বললেন, বেশ ত, এ ছাড়াও ত সংসারে তুমি অনেক কাজ করতে পারো, যা  
তোমার ভাল লাগবে? দেশ ছেড়ে চ'লে না গেলে কি হয় না?

মায়ালাতা অনেকক্ষণ নীরবে দাঁড়িয়ে রইল মাথা হেঁট ক'রে। তারপর  
এক সময়ে বললে, আপাতত আমাকে যেতেই হবে। হয়ত শীঘ্র কিরে  
আসব, তখন দেখা করব আপনার সঙ্গে।

কবে আসবে?—অধীর কণ্ঠে সুরেশবাবু প্রশ্ন করলেন।

সে আপনাকে চিঠি দিয়ে জানাতে পারব। আচ্ছা, আমি যাই এবার।

—ব'লে মায়ালাতা কাপড় বদলাতে গেল পাশের ঘরে।

আদালতে কাজ রয়েছে অনেক; বেলাও প্রায় বারোটা বাজে,—তবু  
সুরেশবাবু নীরবে দাঁড়িয়ে রইলেন; যৌদ্ধদীপ্ত আকাশের চেহারাটা যেন  
আজ অত্যন্ত রুক্ষ মনে হোলো,—যা তাঁর কোনো দিনই মনে হয় না—  
তাঁর চারিদিকে, তাঁর জীবনে যেন ঝকুউ নেই, তিনি যেন নিতান্তই নিঃস্বল।  
আজ পর্যন্ত এই মেয়েটির প্রতি তিনি যা প্রকাশ করেছেন সে-বস্তুর  
চেহারাটা অতিশয় মলিন, তা প্রেম নয়, স্নেহ বন্ধুত্ব নয়—তার নাম দৈহিক,  
আপন যৌন-প্রকৃতিতে জড়ানো কেমন একটা অভূত দারিদ্র্য। তাঁর  
চেহারা, চরিত্রে, পোষাক-পরিচ্ছদে, তাঁর আচার-ব্যবহারে কেমন একটা  
নিখুঁৎ পালিশ, চোখ-ধাঁধানো চাকচিক্য, অত্যন্ত নিভুলভাবে সভ্যসমাজে  
সুখ্যাতি পাবার যোগ্য—কিন্তু আজ দেখা গেল, সেই উচ্চশিক্ষার পালিশ  
আর নিখুঁৎ চাকচিক্যের আড়ালে স্ত্রীলোকের নিকটে আব্রহাম-ফ্রঙ্ক-করা  
কদর্য ভিক্টরিন্তি বারে বারে প্রকাশ পেয়েছে—এ ছাড়া আর কিছুই নয়।

অতীত জীবনের দিকে তিনি কিরে দাঁড়ালেন। চেয়ে দেখলেন,

## অগ্রগামী

বালাকাল, স্কুল ও কলেজের পাঠ্যাবস্থা। শিক্ষা অর্জন করেছেন, বিজ্ঞা অর্জন করেন নি। যে-বিজ্ঞা চরিত্রকে মধুর করে, সুন্দর করে, সহজ করে; যে-বিজ্ঞায় চিন্তের উদার প্রসঙ্গতা মূর্ত হয়, যে-বিজ্ঞায় রয়েছে স্বভাবের কল্যাণশ্রী—এ তিনি জানেন না। জীবন জোড়া জ্ঞানপ্রবন্ধনা—আবরণের পর আবরণ জড়িয়ে আপন স্বভাব-সত্যকে তিনি বীভৎস অন্ধকারের মধ্যে টুঁটি টিপে ঘেরেছেন, নিজের কাছেও তিনি বিস্ময় নন। স্থূলত উপস্থাসের নায়কের মতো তিনি ঘটনার স্রোতে ভেসে চলেছেন, আপন কৃতকর্মের বোঝা ও অভিজ্ঞতা নিয়ে তাঁর বিসদৃশ আত্মপ্রসাদ, নিজেকে জানেন নি, নিজেকে জানতে দেন নি।

স্বরেশবাবু ঘরময় পাঁচচারি ক'রে বেড়াতে লাগলেন। এই মেয়েটিকে পাওয়া গেল না—এটা তাঁর বেদনা নয়, এই তাঁর চরম অধঃপতনের ইঙ্গিত। এ মেয়ে তাঁকে কেবল আঘাত করেই গেল না, এ কথা জানিয়ে গেল, ভালোবাসার পরম ঝুলভ ক্ষেত্রে তাঁর প্রবেশাধিকার নেই। তিনি পুরুষ, কিন্তু মানুষ নন। প্রেমের জগৎ যে আত্মশুদ্ধি, যে-সংস্কৃতি, যে-চরিত্র-মাধুর্যের প্রয়োজন, সে-বস্তু তাঁর মধ্যে নেই, তাঁর চরিত্রের ভিতরে বিষাক্ত গন্ধের আবহাওয়া—দেবত্বের তপস্যা সেখানে চলে না। তিনি ভালোবাসতে চাননি, রূপকে আকর্ষণ করতে চেয়েছেন সম্ভোগের দিকে, সর্বনাশের দিকে, —তাঁর সমস্ত চেষ্টা, যত্ন, পরিশ্রম, ত্রীলোককে পাবার জগৎ, প্রেমকে উপলব্ধি করবার জগৎ নয়।

দরজার স্রুখ দিয়ে মায়ালাতা পার হয়ে বাচ্ছিল, তিনি তাড়াতাড়ি বেরিয়ে এলেন। বললেন, গাড়ীর সময় কি এখনই?

গলার আওয়াজ তাঁর ভাঙা। মায়ালাতা পিছন ফিরে একবার ক্ষেমীর মা'র দিকে চেয়ে দেখলে, তারপর বললে, হ্যাঁ, যেতে যেতেই সময় হবে।

আমি যাব তোমার সঙ্গে?

আপনার কাজ রয়েছে, আমি একাই যেতে পারব।

## অগ্রগামী

স্বপ্নেশবাবু বললেন, যদি ক্ষতি না মনে করো, তবে আমি ষ্টেশন পর্যন্ত যেতে পারি। যাবো ?

মায়ালাতা ইতস্তত ক'রে বললে, যেতে চান্ চলুন।

কেমীর মা নীচের দরজা পর্যন্ত এসে সাক্ষরিত্রে তার দিদিমণিকে বিনায় দিল। দুই জনে নিঃশব্দে পথে নেমে চলতে লাগল। সঙ্গে আর কিছু জিনিস মায়ালাতা নিল না।

কিছুক্ষণ চলবার পর এক সময়ে স্বপ্নেশবাবু বললেন, তুমি গিয়ে টিকানা পাঠালে তবে এ মাসের দরুণ টাকা তোমায় পাঠাতে পারব।

মায়ালাতা বললে, আচ্ছা।

পথের খরচপত্র তোমার কুলিয়ে যাবে ত ?

আপাতত চলবে। মায়ালাতা বললে।

এর পরে আর কথা খুঁজে পাওয়া যায় না।। যদিই বা পাওয়া যায়, প্রকাশ করা কঠিন। এমন হয়। পথরোধী প্রাথরের পিছনে রয়েছে নিরুপের ধারা, কিন্তু গতির পথ বন্ধ। স্বপ্নেশবাবুর ভিতরে কে যেন সর্বস্বাস্থ্যের মতো আর্জিনাদ করছিল। হঠাৎ এক সময়ে তিনি বললেন, একটা কথা কিন্তু কিছুতেই জানা গেল না, তুমি কিরবে কি না।

এবারে তাঁর কণ্ঠে যেন শক্তি নেই, কেমন একটা করুণ অসহায়তা। মায়ালাতাও একটু থমকে গেল। বললে, সে আপনাকে পরে জানাতে পারব।

আমি কি তোমার কোনো ক্ষতি করেছি ?

মুখ ফিরিয়ে তাঁর দিকে চেয়ে মায়ালাতা বললে, আমার ক্ষতি আপনারা কেউই করতে পারেন না, যদি না নিজেকে আমি ... এই ট্যাক্সি, দাঁড়াও—

পথের মাঝখানে মোটর দাঁড়াল। মায়ালাতা গিয়ে উঠল, স্বপ্নেশবাবু তাঁকে অনুসরণ করলেন। ট্যাক্সি ছুটল হাওড়া ষ্টেশনের দিকে।

স্বপ্নেশবাবু আপন চিন্তাচাক্ষুর্ষ্য অধীর হয়ে উঠেছেন। পকেট থেকে নোট-বইখানা বা'র ক'রে বললেন, বুঝতে পেরেছি কোথায় তুমি যাবে।

## অগ্রগামী

কোনো বাধা দেবো না, অধিকারও নেই বাধা দেবার। এই স্বরপতির ঠিকানা এনেছি সংগ্রহ করে।

বইখানার দিকে মায়ালাতা একবার চেয়ে দেখলে, নেবার কোনো আগ্রহ দেখা গেল না। সুরেশবাবু বিস্মিত হয়ে বললেন, এ তোমার কি আর দরকার নেই ?

মায়ালাতা বললে, ছিল, এখন আর নেই।

তবে তুমি কোথায় চলেছ ? বলে মায়ালাতা, পথ ফুরোতে আর দেরি নেই।—তঁাব দ্রুত নিখাসের বাতাসটা মায়ালাতার কাঁধের কাপড়ের উপর সশব্দে স্পর্শ করছিল।

মায়ালাতা ভীতকণ্ঠে বললে, এবার আপনি নেমে যান সুরেশবাবু।

না, আমি আমি তোমাকে চলে যেতে দেবো না, তুমি জানিয়ে দিয়ে যাও। আমার অযোগ্যতা। তুমি আমার উদ্ভাটনা জাগিয়েছ, খুঁচিয়ে তুলেছ আমার আসক্তির আগুন, প্রাণ নিয়ে করেছ খেলা—এই চরম মুহূর্তে আমাকে লাখি মেরে চলে যেতে তোমাকে দেবো না—বলে প্রবল শক্তিতে সুরেশবাবু তার হাত চেপে ধরলেন। উদ্ভূত কণ্ঠে পুনরায় বলতে লাগলেন, তুমি মেয়েমানুষ, তাই অনির্দিষ্ট ভবিষ্যতের আশায় নিশ্চিন্ত সন্তোষ ছেড়ে যাচ্ছ। তোমার আশার অতিরিক্ত আমি দিতে পারতুম, দেবার মতো বস্তু আমার আছে। মানুষের যে এত পরাজয় ঘটে আমি জানতুম না। আজ বলতে আর বাধা নেই, আমি রূপবান, আমি শিক্ষিত, আমার প্রচুর সম্পদ, সামাজিক সম্মান, বলিষ্ঠ স্বাস্থ্য—আর তোমারই জগৎ ভিতরে আমার অশাস্ত কামনা। আমি তোমার একটুও অযোগ্য নই। মায়ালাতা, আমাকে ধ্বংস করে তোমাকে যেতে দেবো না। চলো, তুমি ক্ষিরে চলো, চলো তোমার পায়ে পড়ি।

কঠিন আলিঙ্গনে মায়ালাতাকে জড়িয়ে ধরবার ঠিক মুহূর্তেই ট্যাক্সি স্টেশনের ভিতরে এসে কাকানি দিয়ে দাঁড়াল। সুরেশবাবু পাগলের মতো কাৎ হয়ে বসে রইলেন।



## অগ্রগামী

অমরেশ, কতক্ষণ এসেছ ? একটু দেরি হলো বন্ধু, গাড়ী পারো ত ?

—বলতে বলতে মায়ালতা নামল।

পাবে, একটু তাড়াতাড়ি এসো। আরে সুরেশলা বে, সঙ্গে এলেন বুঝি ? ব'লে অমরেশ হেসে কাছে এসে দাঁড়াল।

সুরেশবাবু সজাগ হয়ে গাড়ী থেকে নামলেন। ক্ষুদ্র, কৃষ্ণ, ব্যর্থ হুই চোখ তাঁর রাঙা, মাথার চুল বিক্ষিপ্ত, অবিজ্ঞস্ত, গাড়িনের বোতাম খোলা। উত্তেজনা দমন করে বললেন, তুমিও যাচ্ছ নাকি সঙ্গে ?

হ্যাঁ, মায়াদির সখ চাপলো দেশ-ভ্রমণের। বিবাগী, হয়ে যাবেন কিনা, তাই কবিকে নিলেন সাথী হিসেবে।

অমরেশ ট্যাক্সি-ভাড়া দিতে গেল, সুরেশবাবু বাধা দিয়ে বললেন, থাক, আমি এ গাড়ীতে ফিরে যাবো।

কুলীর মাথায় জিনিসপত্র নিয়ে অমরেশ দাঁড়াল। মায়ালতা স'বে এসে, বললে আর কিছু বলবেন সুরেশবাবু ?

না, আর কীই বা বলব ! আমাকে কি মনে রাখবে ?

নিশ্চয়ই রাখব, আচ্ছা নমস্কার।—ব'লে ইসারায় অমরেশকে ডেকে নিয়ে মায়ালতা দ্রুতপদে স্টেশনের ভীড়ের মধ্যে চ'লে গেল।

## সাত

• জনতার কলরবের ভিতর স্তম্ভিত নিশ্চল হয়ে সুরেশবাবু কিয়ৎকণ দাঁড়িয়ে রইলেন, এমন সময় ট্যাক্সিওয়ালা ডাক্ল, কিরায় দিজিয়ে বাবুসাহেব।

সুরেশবাবু মুখ ফিরিয়ে তাকালেন। মনে করেছিলেন এই গাড়ীতেই আদালতে ফিরে যাবেন, কিন্তু মত-পরিবর্তন ঘটল অকস্মাৎ। মীটার দেখে নিশ্চয়ই তিনি ভাড়া চুকিয়ে দিলেন। ট্যাক্সি চ'লে গেল।

আরো যেন কিছু ছিল মায়ালাতাকে বলবার, তাঁর কথা এখনো ফুরায়নি। যেদিকে তারা গেছে সেদিকে তিনি প্রাণপণ উৎসাহে পা চালিয়ে দিলেন। কিন্তু ভীড়ের ভিতর দিয়ে কোন্ দিকে তারা গেল, খুঁজে বা'র করতে যাওয়া বৃথা। আর যদিই দেখা পাওয়া যায়, কী তিনি বলতে পারেন? যে তাঁকে পদে পদে অপমান ক'রে চ'লে গেল, এবার কি তাকে তিনি জয় ক'রে আনবেন কেবল মাত্র মুখের কথায়? না। সুরেশবাবু ফিরে দাঁড়ালেন। অপমান তাঁর আকণ্ঠ হয়ে এসেছে। স্ত্রীলোকের অনিচ্ছায় বলপূর্বক তার হৃদয়ে আসন নিতে যাওয়ার মতো বিড়ম্বনা সংসারে কি আর কিছু আছে? শিক্ষিত লোক হয়ে এই সামান্য কথাটা তাঁর বৃত্তে এত দেরি হোলো কেন? কেন তিনি ওর কাছে প্রকাশ করতে গেলেন আজন্মের কাঙালপনা? ছি ছি, স্ত্রীলোকের কাছে স্নেহভিক্ষা ক'রে বেড়ানো তাঁর আর কতদিনে ঘুচেবে? নিজের প্রতি সুরেশবাবুর ঘৃণা এসে গেল।

ষ্টেশনের সীমানা থেকে বেরিয়ে তিনি গঙ্গার পুলের উপর এসে উঠলেন। হ্যাঁ, অপরাধ কেবল তাঁর একার নয়। আধুনিক মেয়ের প্রকৃতিতে বর্তমান কালের হাওয়ায় ভেসে এসেছে একটি গভীর হুবভিসন্ধি

## অগ্রগামী

—যে কোনো পুরুষকে অকারণ বশীভূত করতে চায় তার আপন চাকচিক্য; পথে ঘাটে ভাবে-ভঙ্গিতে পুরুষকে পরোক্ষভাবে মুগ্ধ ক'রে চলে যাওয়াই তাদের কাজ, তাদের আনন্দ। অপরাধ কি কেবল তাঁরই একার? সুরেশবাবুর মনে হোলো, আজকের এই নারী-স্বাভেদ্যের পিছনে কোনো সুসঙ্গত উচ্চ আদর্শবাদ খুঁজে পাওয়া যাবে না,—এর ভিতরে আছে কেবল অতৃপ্ত লিপ্সা, আত্মদোহিণী, গভীর উচ্ছ্বাস! মায়ালতার মহৎ আদর্শের তলাতেও ছিল এই দুশ্চক্রি—ধৌন-আবেদনের দ্বারা সুরেশবাবুকে কেবলমাত্র উদ্ভাস্ত ক'রে কাজ আদায়ের সফল প্রচেষ্টা! ছি ছি!

কিন্তু তবু যেন একটা পরাজয়ের গ্লানি তাঁকে বিঁধছে; তাঁকে হতনান হ'তে হয়েছে। এই মেয়েটির সংস্পর্শে এসে তাঁর আত্মসম্মম যেন ক্ষুণ্ণ হোলো। এটা তাঁর জীবনে নতুন। মেয়েদের সঙ্গে পরিচয় হওয়া ভালো কিন্তু সে-পরিচয় যদি লিপ্সায় মলিন হয় তবে সে বড় শ্রীহীন। আজকে তাঁর এই পরাজয়ের পিছনে রয়েছে সেই বাসনার চেহারা—এ বস্তু তাঁকে অনেক নীচে নামিয়ে এনেছে। মায়ালতা যত অপরাধই ক'রে চ'লে যাক কিন্তু তাঁর নিজের লজ্জা লুকোবার ঠাই আর সংসারে কোথাও হইল না। তাঁর এই ভদ্র পরিচ্ছদের নীচে একজন লালায়িত পশুর সন্ধান নিয়ে একটি মেয়ে আজ তাঁকে প্রত্যাখ্যান ক'রে চ'লে গেল।

হাটতে হাটতে দুপুরের রৌদ্রে সুরেশবাবু আদালতে এসে পৌছলেন। নিত্যকার কর্তব্য কর্মে মনোযোগ দেবার আয়োজন করুলেন, কিন্তু সেই কাজগুলিই যেন আজ তাঁর ব্যবহারের প্রতিবাদ করতে লাগল। তাঁর মন বস্‌লো না।

অত্যন্ত অসময়ে অনেকগুলি হাতের কাজ ফেলে রেখে এক সময়ে হঠাৎ আবার তিনি পথে বেরিয়ে পড়লেন। বাস্তবিক, একান্তভাবে তাঁর জীবন নিঃসঙ্গ! কাজের জটলা থেকে নিজেকে বিচ্ছিন্ন ক'রে নিলে দেখা

## অগ্রগামী

যায়, নিভাস্ত তিনি একা, স্বথ সাহচর্য দেবার মতো মানুষ সংসারে তাঁর আর কেউ নেই। তাঁর বাড়ীর বৃহৎ পরিবারের মধ্যে অসংখ্য অকর্ম্মীয় স্বজন—কিন্তু বহু পরিচয়ের ঘনিষ্ঠতায় তাদের ভিতর থেকে নূতন কিছু পাবার আর নেই, দেবার যা কিছু সব ফুরিয়ে গেছে। তাই সব সাজানো পুতুল, তাদের দিকে তাকালে চোখ ক্লান্ত হয়ে আনে।

চিত্ত বৈলক্ষণ্য তাঁর সহসা ঘটে না। বাড়ীতে এসে অসময়ে তাঁকে উপরে উঠতে দেখে মা এগিয়ে এলেন। বললেন, ওমা, এমন সময় এলি কেন সুরেশ? শরীর ভালো আছে ত?

হ্যাঁ, ভালোই আছে।

রক্ষে পাই, যে অসুখ বিস্ময়ের হুজুগ চলেছে! ব'লে মা নিশ্চিত হয়ে চলে গেলেন।

সুরেশচন্দ্র ঘরে এসে দাঁড়ালেন। গৃহসজ্জাগুলি অতি পরিচিত, অতি পুরাতন। প্রতিদিন একই চেহারা নিয়ে তারা চেয়ে থাকে, তাদের ক্ষয় নেই, লয় নেই। বাস্তবিক, বৈচিত্র্যহীনতাই মৃত্যু। এই বৈচিত্র্যের পিছনে সুরেশচন্দ্র আবাল্য ছুটে চলেছিলেন। বহু নারীর সঙ্গে তাঁর যে অন্তরঙ্গতা, সেও এই বৈচিত্র্যেরই আশ্বাদন। খুঁজে বেড়িয়েছেন তিনি সেই পরম বৈচিত্র্যময়ী একাকিনীকে বহুর মধ্যে—যার ভিতরে সমস্ত কিছুর গভীর ঐক্য। যার পরে পুরুষের আর আধিক্যের ক্ষুধা নেই।

লৌকিক পরিচয়টা তাঁর ভালো নয়। পূর্বজীবন যতদূর মনে পড়ে, অনেক স্থানেই তাকে জগাল ঘাঁটতে হয়েছে। মানুষ তিনি, রক্তের ভিতরে তাঁর ছিল জৈবিক তৃষ্ণা, বর্তমান কালের হাওয়ায় তিনি বদ্ধিত—আত্মজয়ী তিনি নন। বিবাহ তিনি করেন নি, তার কারণ, তাঁর কল্পনার মতো মেয়ে তিনি খুঁজে পান নি। অর্থাৎ মানুষ হিসাবে তিনি ছোট হলেও তাঁর আদর্শটা বড়ই বলব। বীরাজনা তিনি চান। স্বাভাব্য, স্বকীয়তায়, তেজস্বীতায় যার কাছে পদে পদে তিনি মানবেন পরাজয়; দাসী হয়ে যে

সেবা করবে না, দেবী হয়ে যে পূজা নেবে। ধরা দিতে যে আসবে না, যাকে ধরবার জন্ত ছুটে হবে।

টেবলের কাছে এসে একটা ছোট চিঠি পাওয়া গেল। কাগজের টুকরোটা তুলে নিয়ে পড়লেন—“কাল হুখ ক’রে গিয়েছিলেন, সেজন্য আমারও হুখিত। চিঠি দিয়ে লোক পাঠালুম। দয়া ক’রে হুজুর মাজ আমাদের এখানে চা খাবেন। ইতি—সুচরিতা।”

উৎসাহিত হবার মতো চিঠি, কিন্তু সুরেশচন্দ্রের কোনো মনশ্চাকলাই দেখা গেল না। পৃথিবীর কোথাও যেন আজ রং নেই,—কিকে হয়ে গেছে। কাল তিনি হুখ ক’রে এসেছেন, কিন্তু আজকে তাঁর যে অদ্ভুত পরিবর্তন এসেছে একথা সুচরিতাকে বিশ্বাস করাবার কোনো উপায় নেই। তারা জানে সুরেশবাবু সুলভ, সুরেশবাবু নিরতিমান, তারা জানে সুরেশবাবু নিমজ্ঞের অপেক্ষা রাখে না,—স্ত্রীলোকের হাতছানিতে তিনি নরকে যেতেও প্রস্তুত। কিন্তু তারা একথা জানতে শেখেনি, মানুষের হুখ আছে, ব্যর্থতা আছে, মানুষের বুকের ভিতরটা আকস্মিক ধ্বংসে আশান হয়ে যেতে পারে।

চিঠিখানা কুচিয়ে ছিঁড়ে ফেলে তিনি ঘরনয় পায়চারি করতে লাগলেন।

চাকর এসে দরজার কাছে দাঁড়ালো। মুখ কিরিয়ে তিনি বললেন, কি চাই রে ?

একজন বাবু ডাকছেন।

অগাধ জলে ডুবতে ডুবতে তিনি যেন আশ্রয় পেলেন। বললেন, যাচ্ছি, বসতে বল।

চাকর চলে গেল। ক্যালেন্ডারের দিকে চোখ পড়তেই মনে হোলো আজ শুক্রবার, ফুলের প্রেসিডেন্টের কাছ থেকে লোক এসেছে; আজ কার্যনির্বাহক সমিতির সভা। মায়ালাতার সম্বন্ধে আজ রিপোর্ট দিতে হবে। ট্রাউজার ছেড়ে ধুতি পরলেন, কোট ছেড়ে পরলেন পাঞ্জাবী, তারপর

## অগ্রগামী

চটিজুতোটা পায়ে দিয়ে নীচে নেমে গেলেন। মুখে চোখে যেন তাঁর অপরাধীর ছায়া পড়েছিল।

বাইরের ঘরে ঢুকে দেখা গেল তাঁর অন্তরঙ্গ বন্ধু মহিম। বললেন, . কি হে, তুমি যে আজ এসময়ে ?

মহিম বললে, বারান্দায় ব'সে পড়ছিলুম খবরের কাগজ, চোখে পড়লো পথ দিয়ে . হন্ হন্ ক'রে চলেছেন শ্রীমান্ সুরেশচন্দ্র। বুঝলুম মকেস জোটে নি। সুতরাং একটু আড্ডা দিতে আমার বাসনা হোলো।

তুমি ত লোকের কাজকর্ম পুণ্ড ক'রে বেড়াও !

ওইটেই আমার কাজ, আমি হচ্ছি জন্ম-বেকার। দুঃখের কথা বলি তবে, সেদিন বেকার সমিতির মেম্বার হ'তে গেলুম, তারাও চাইলে টাকা। বাক্, তোমার খবর কি বলো ?

সুরেশচন্দ্র বললেন, খবর কিছু নেই, এদিকে সব ফিনিশড্ !

মহিম বললে, ফিনিশড্ নানে ? তোনার গলার আওয়াজে যেন দুঃখের সুর বাজলো !

সুরেশচন্দ্র চেয়ারখানা টেনে নিয়ে নীরবে বসলেন, সিগারেট বা'র ক'রে দু'জনে ধরালেন, কিন্তু কথা বললেন না। মহিম তাঁর নিরুৎসাহিত মুখখানার দিকে চেয়ে হঠাৎ হেসে বললে,—

“এবার আমার হৃদয়-ক্ষত

বুয়ে মলিন চিহ্ন যত,

হবো নিষ্কলঙ্ক।”

সুরেশ বললেন, হ্যাঁ তাই। আর পারিনে। কেবল নষ্টই হোলো, কিছু পাওয়া গেল না। এতদিনের এত কল্লনা, এত দিবাস্বপ্ন, সব মিথ্যে হোলো।

মহিম হেসে বললে, রবিবাবু বলেছেন, ‘জীবনের ধন কিছুই যাবে না ফেলা। ভাবচো কেন, এতদিন মিথ্যে নিয়ে কারবার করেছ, এবার সভ্যের সংস্পর্শে কিছু দুঃখ পাবে বৈকি। সুরেশ, কুলয়ে আমাদের জন্ম

হয়েছিল। তুমি আর আমি না বাঙলার যুবকের কাল্‌চারের মুখপাত্র ?  
- নিজেকে চরিত্রের দিকে একবার চেয়ে তাকো ত' ?

সুরেশ বললে, আমরা মন্দ কিসে ?

মন্দ নয়, কিন্তু এক জায়গায় আমাদের শোচনীয় দৈহ্য ! মেয়েদের  
সংসর্গ নিয়ে এতদিন মাতামাতি করেছ, সে কি ইস্কুল গড়বার, প্রতিষ্ঠান  
চালাবার মহৎ আদর্শ নিয়ে ? তাঁর পিছনে কী ছিল ? বুকে হাত দিয়ে  
বলো, তাদের উপকার করতে ছোটনি, ছুটেছিলে বায়োলজির তাড়ায়।  
লাভ, নয়, লাষ্ট ! ফ্রাট করেছ, ইন্টেলেকচুয়েল কথা বলেছ, পার্টিতে  
যাতায়াত করেছ, মধুর অন্বেষণ ক'রে কিরেছ অঁচলের পিছনে পিছনে,  
সম্মান দিতে পারোনি, সম্মান নিতে জানোনি। আজ হুং করলে চলবে কেন ?

সুরেশ বললে, মহিম, আমি কিন্তু মায়ালাতাকে ভালো বেসেছিলুম।

মহিম বললে, মিছে কথা। তোমাকে আমি চিনি। ভালোবাসলে  
কৌশলে তুমি তাকে লালসায় বন্দী করতে চাইতে না। আমি তোমাকে  
বারণ করেছিলুম, পাগলের মতো তাঁর পিছনে ছুটো না ; মৌমাছির নেশাকে  
মেয়েরা ভয় পায়, অবিশ্বাস ক'রে। ফল পাকবার অবকাশ তুমি দাওনি।  
সমস্ত ভালো জিনিস পাবার আগে গভীর প্রতীক্ষার দরকার আছে।  
তুমি আপন মোহমত্ততার তাঁকে অধীর ক'রে তুলতে চেয়েছিলে, কিন্তু তাঁর  
ছিল দিব্যদৃষ্টি। তোমার কথা শুনে আমার কেবলই মনে হয়েছে, তুমি  
নিজের মহিমাকে প্রকাশ করোনি, বা করেছ তার নাম প্রবৃত্তির দৌর্বল্য !

সুরেশ বললে, কিন্তু আমি ত বরাবর তাঁর ভালই করতে চেয়েছিলুম, মহিম !

সেইটে তুমি তাঁর চোখে আঙুল দিয়ে বার বার জানাতে চাইছিলে,  
তাইত এই বিড়ম্বনা। তুমি তাঁর ভালো করোনি ; কিন্তু নিজের সুরবিধা  
করতে চেয়েছিলে। কৃতজ্ঞতার ফাঁদে ফেলে মেয়েমানুষের কাছে ভালোবাসা  
আদায় করতে চাও ? সুরেশ, আত্মবঞ্চনার চেষ্টা ক'রো না।

সুরেশ বললে, ধরো যদি আমার জায়গায় তুমি হতে, কী করত ?

## অগ্রনামী

মহিম বললে, আমি হ'লে ? একদিন জোর ক'রে তাঁর হাত ধরতুম। শক্তির দাবী করতুম জ্বর, ছিনিয়ে আনতুম, সকলের কাছ থেকে। প্রকাশ করতুম নিছক বর্বরতা !

• মুখের একটা শব্দ ক'রে সুরেশ বললে, ক্রটান্ ! •

• মহিম বললে, কিছা কিছুই করতুম না। তাঁর চরিত্রে যথেষ্ট মানুষ ছিল, তাঁকে দেখেই খুশি হয়ে চ'লে আসতুম। যাকে আদর্শ মেয়ে ব'লে মনে করব, তার সান্নিধ্যটাই ত বড় কথা, টানা-হেঁচড়া করতে চাইব কেন ? উপকার করতে পেরেছি, সে আমারই সৌভাগ্য, তিনি সে উপকার গ্রহণ ক'রে আমাকে ধন্য করেছেন,—তার জন্তে আবার দাবি থাকবে কেন ?

সুরেশ চুপ ক'রে রইল।

কিরংক্ষণ পরে মহিম বললে, সুরেশ, তুমি বিয়ে করো।

সুরেশ বন্ধুর মুখের দিকে তাকালো। মহিম পুনরায় বললে, তুমি বিয়ে করো। নিজের দায়িত্ব অস্ত্রের উপর তুলে দাও, অস্ত্রের দায়িত্ব নিজের মাথায় তুলে নাও ! বিশেষ কোনো মেয়ের প্রতি তোমার আগ্রহ নেই, তুমি চাও ভালো একটি মেয়ে। বিয়ে করো, সুরেশ।

বাইরে তখন সন্ধ্যা হয়ে এসেছে।

\*

\* . \*

\*

রেলপথের দু'ধারে জলা, বিল, প্রান্তর শরৎকালের প্রচুর শস্তে পরিপূর্ণ। মাঝে মাঝে কাশের জঙ্গল ! আকাশে এখানে ওখানে নানাবর্ণের মেঘ ছড়ানো, যেন কোন খামখেয়ালীর কাঁচা হাতের তুলি রং ছড়িয়ে দিয়েছে। তার ছবির কোনো সামঞ্জস্য নেই। দূরে দূরে খণ্ড খণ্ড দরিদ্র গ্রাম, তাদের সভ্যতালেশহীন রহস্যময় জীবন যাত্রার কোনো খোঁজ পাওয়া যায় না। কোথাও আঁকারীকা বনপথ, মাঠের উঁচু নীচু কিনারা পার হয়ে, তাল-সুপারির জঙ্গল অতিক্রম ক'রে জলা ডিঙিয়ে এক সময় হারিয়ে গেছে



## অগ্রগামী

নিকলেশের দিকে। সূর্যাস্তের এখনো দেরি রয়েছে। গম-গম ক'রে ট্রেন ছুটেছে।

ইটার ক্লাসে ভীড় তেমন নেই। একটি বাঙালী পরিবার অল্প জায়গাটুকু নিয়ে নিজেদের বিধি-ব্যবস্থায় ব্যস্ত। সমস্ত পথটা আহার এবং স্বাস্থ্য নিয়েই তাদের কাটল। খুব সম্ভব পূজাবকাশের কনসেন্সেন্স যাত্রী—বেপনোয়া হাঁকডাক এবং টাইম-টেবল-আলোচনা দেখে তাই মনে হয়। এদিকে জন দুই পশ্চিমগামী মুসলমান, তাদের রুটি, মাংস, তামাক আর ফল-পাকড়ের নানা আরোজন চলছে। তাদেরই নমুখে জান্সার ধারে মুখোমুখি ব'সে মায়ালাতা আর অমরেশ। গাড়ীর দেয়াল মায়ালাতার চোখে তন্দ্রা আসছিল, ট্রেন-ভ্রমণের ক্লাস্তির ছায়া তার মুখে চোখে। অমরেশের হাতে রবীন্দ্রনাথের একখানা কবিতার বই। তার মাথার চুল মাঝে মাঝে বাতাসের ঝাপটায় ন'ড়ে চ'ড়ে উঠছে।

মায়ালাতা বললে, বেলো গড়িয়ে এলো, কখন পৌছবো বেলো দিকি ?

অমরেশ বললে, পথ আর বাকি নেই।

এইবার নিয়ে তিনবার বললে এই কথা। কবি, তোমার মূল্য কি,

পথ ভুলিয়ে কোন পথে নিয়ে চলেছ তুমি ?

তোমায় ভোলাবো পথে?—অমরেশ হেসে বললে, পথ ভুলিয়েছ তুমি। ছিলুম শহরের এক অন্ধ গলির ধারে, সঙ্কীর্ণ জীবনযাত্রার বাইরে গতিবিধি ছিল জিয়োমেট্রির কিগারের মতন। পথ দিয়ে তরুণী পার হয়ে গেলে তাঁকে নিয়ে লিখতুম কবিতা, গড়ের মাঠ ঘুরে এসে ছবি আঁকতে বসতুম—এমন সময়ে তুমি এলে অপ্রত্যাশিত। পথ ভোলালে, ঘর ভোলালে, তোমার টানে এলো বিষয়-বৈরাগ্য—এখন নিয়ে চলেছ দেশছাড়া ক'রে। মায়াদি, অসীম শক্তি তোমার। সুরেশদা বড় গাছেই নৌকো বেঁধেছিলেন।

মায়ালাতা হেসে উঠল। বললে, তবু সেই নৌকোর কাছি ছিঁড়লো।

ছেঁড়েনি, কাছির গেরো আলগা হয়ে নৌকো গেল ভেসে। বেচারি! আচ্ছা, কেন তাঁকে ভালো লাগল না বেলো ত ?

## অগ্রগামী

সত্যি বলব ?

মিথ্যে যদি বলো, বুঝতে পারব।

মায়ালাতা বললে, ভক্তলোকের চোখে মুখে বহু অভিজ্ঞতার চিহ্ন দেখেছি।  
বলবানের দাবি দেখিনি, দুর্বলের অতি-পূজার দৈন্ত। আর বলব ?

না, থাক। তুমি বুঝিয়ে বলতে পারোনি কিন্তু আমি বাকিটা বুঝতে পারছি।  
আর এক কথা জিজ্ঞাসা করব, বলবে স্পষ্ট ক'রে ?

স্পষ্ট বলা মেয়েদের চরিত্রে নেই। বলতে পারব না, প্রকাশ করতে পারব,  
এমন প্রশ্ন করো।

অমরেশ বললে, সুরপতিবাবু আমার সম্মানের পাত্র, কারণ তিনি তোমার  
ভালোবাসার মানুষ। তবু প্রশ্ন উঠছে মায়ালাতা, ক্ষমা ক'রো। কতখানি  
পরিচয়, কী পেয়েছ তুমি ? তোমার মধ্যে কেমন ক'রে এলো এই বক্তা ?

মায়ালাতা বললে, বন্ধু, কিছুই পাইনি। কিন্তু যদি পাই, সেই হবে আমার  
অফুরন্ত, এই আমার আশা। অতি অল্পদিনের পরিচয়, তবু চিনতে পেরেছি  
তাকে। মহৎ হৃদয়, বড় হবার উচ্চাভিলাষ, বিষয়-বৈরাগ্য, মুক্ত মন। এক  
কথায় বার নাম চরিত্রবান্।

তার কী পরিচয় পেয়েছ ?

অপরাজেবীর বিস্তৃত প্রাস্তরের দিকে চেয়ে মায়ালাতা বললে, বলা কঠিন।  
কেবল দেখেছি তাঁর সংগ্রাম। আত্মীয়-স্বজন থেকে দূরে, দূস্তর হৃর্ভাগ্য  
বরণ ক'রে, নিজের জীবনের লক্ষ্য স্থির রেখে চলতে দেখলুম তাঁকে। বড়  
ভালো লাগল। কথা বললুম, জবাব নেই। সেবা দিতে চাইলুম, নিষ্ঠুর বৈরাগ্য  
দেখে পিছিয়ে এলুম। মনে মনে দুর্জয় পুরুষের কাছে মাথা হেঁট করলুম।

কতক্ষণ অমরেশ নীরবে রইল। তারপর বললে, এখন চলেছ কেন ?

মায়ালাতা বললে, কেন, তার কারণ তাঁকে আমি ছেড়ে দিতে পারব না।  
তাঁর কাজকেই নিজের কাজ মনে করব, তাঁর সাহচর্যে নিজেকে উজ্জ্বল  
ক'রে তুলব।

অর্থাৎ ?

অর্থাৎ, তুমি তাঁর দরজায় আমাকে পৌঁছে দিয়ে ছুটি নেবে। একদিন তোমাকে আদর ক'রে খাওয়াবো, তারপর ট্রেণে তুলে দিয়ে যাবো, তুমি চ'লে যাবে তোমার যদিকে-তু'চোখ যায়।

অমরেশ রাগ ক'রে বললে, এর নাম স্ত্রীলোক। তোমার স্বার্থের খেলার আমি হলুম খেলনা, কাজ ফুরলে পথের ধারে গুঁড়ো ক'রে ফেলে নেবে, তারপর নিজের ঘরকরণ করবে পরমানন্দে—কেমন ?

মায়ালাতা হাসিমুখে বললে, তুমি আমার স্মৃতি নিয়ে লিখবে কবিতা, প্রথম বই উৎসর্গ করবে আমার নামে। আর যদি কোনোদিন মদ খাও, তবে বক্সমাজে আমাকে 'মানসী' ব'লে পরিচয় দিয়ে।

বুকলুম তোমার বিক্রপ, কিন্তু আমার বাকি জীবনটার খোঁজ তুমি রাখবে না ?

এটা আবেদন, না প্রশ্ন ?

দুইই।

মায়ালাতা বললে, কবি, আমি খুশী হবো, যদি তুমি ছুঃখ পাও। ভাত কাপড়ের নয়, আশ্রয়হীনতার নয়, ব্যর্থ প্রেমের নয়, তার চেয়ে বড়, আরো গভীর। যে-ছুঃখ তোমাকে পরছ রসের সন্ধান দেবে, বা তোমাকে মলিন করবে না, দীপ্তিময় ক'রে তুলবে।

তথাস্তু।

এমন সময়ে গাড়ী এসে দাঁড়াল একটা স্টেশনে। ফেরিওয়ালারা হৈকে চলেছে। অমরেশ এবার উঠে দাঁড়িয়ে বললে, এর পরের স্টেশনে আমরা নামব। কি খাবে, বলো মায়াদি।

মায়ালাতা বললে, বাতাবি লেবু আর চা।

অমরেশ ফিরিওয়ালাকে ডেকে চা আর লেবু কিনলে, দাম চুক্ষিয়ে দিলে। তবুও সে গাড়ী থেকে নেমে যাচ্ছে দেখে মায়ালাতা জিজ্ঞাসা করলে, আবার কোথায় চলে ?

## অগ্রগামী

তোমাকে লুকিয়ে একটা কাজ সেবে আসবো।

মায়ালাতা তার হাত ধরে' কাছে বসিয়ে বললে, লুকিয়ে সারতে. যাবে এমন অজ্ঞায় করতে দেবো কেন? সিগারেট বা'র করো, আমি দেশালাই জ্বলে দিচ্ছি। লজ্জা করবে কেন আমাকে?

এর পরে আর কোনোমতেই গোপন করা চলে না। সিগারেট বা'র করে অমরেশ বললে, এবার তুমি আমাকে সত্যিই লজ্জা দিয়েছ, মায়াদি।

লেবু ছাড়িয়ে মায়ালাতা তার হাতে দিলে, তার সঙ্গে মাটির ভাঁড়ে চা খেতে বললে, আমার লজ্জা কোথায় ছিল, যেদিন পরের কাপড় ফেলে দিয়ে তোমাকে ছবি আঁকতে দিয়েছিলুম? তুমি পুরুষ, তুমিই রাখবে মেয়েমানুষের সম্মান, তাই অনাবৃত দেহ নিয়ে তোমার শিগুমন্দিরে গিয়ে দাঁড়াতে পেরেছিলুম। মনে নেই?

অমরেশ সলজ্জ রক্তিম মুখে চা খেতে লাগল। সহজ মনের বাতাস যেখানে বয়, সেই সারল্যের সম্মুখে অমরেশের আর কথা নেই।

গাড়ী ছেড়ে দিয়েছে। জানলার ধারে মাথাটা আবার হেলিয়ে রেখে মায়ালাতা বললে, কবি, সেই কবিতাটি আর একবার পড়ো, শুনি। 'হে অতনু—'

সিগারেট ফেলে দিয়ে অবসন্ন দিনের অস্পষ্ট আলোর অমরেশ অফুটস্বরে উচ্চারণ করলে—

"ভস্ম অগমান শয্যা ছাড়ো, পুষ্পধনু,

রুদ্ধ-বহি হ'তে লহো জলদগ্ধি তনু।

বাহা মরণীয় বাক্ ম'বে,

জাগো অবিশ্রবণীয় ধ্যানমূর্তি ধ'রে।

মৃত্যু হ'তে জাগো, পুষ্পধনু,

হে অতনু, বীরের তনুতে লহ তনু।"

কোথ বৃজে কোমল ক্লান্ত হাসিমুখে মায়ালাতা বললে, কোথা থেকে ভেসে এলুম, তুমি ছিলে কোথায় দাঁড়িয়ে, কদিনেরই বা পরিচয়, কোথায়

## অগ্রগামী

আবার হারিয়ে যাবো হু'জনে অজানা জনসমুদ্রে—কিন্তু তোমাকে আজ বড় ভালো লাগলো অমরেশ। বলে, ত, তুমি কী চাও?—চোখ বুজেই সে প্রশ্ন করলে।

অমরেশ বললে, চাইখো কিছু, এমন কথা ভাবো কেন? তোমাকে দেখতে চেয়েছিলুম, দেখা হোলো। তোমার ওই অনির্বচনীয় রূপের পরিমণ্ডলে আমি পাই জীবনের অদ্ভুত অনুপ্রেরণা। তোমার জন্ম যদি কোনোদিন প্রার্থনা করি, তবে এই বলব, অনেক দিচ্ছে তুমি আমাকে, তুমি যেন মর্কোত্তমকে পাও। মায়াদি, বলে ত তুমি গৃহত্যাগ করেছিলে কেন?

ঠাঁই চোখ খুলে মায়ালাতা অমরেশের দিকে একাগ্র দৃষ্টিতে তাকালো। অমরেশের চোখের মধ্যে ছিল ব্যাকুল জিজ্ঞাসা, নিবিড় কৌতূহল। কিন্তু আবার সে ধীরে ধীরে চোখ বুজলো। অমরেশ বললে, বলতে বাধা আছে?

না। কিন্তু বলার দোষে তুমি হয়ত ভুল বুঝবে কবি।

তবে থাক্, বলতে তুমি যদি বাধা পাও—আমি কেবল জানতে চেয়েছিলুম, সংসার এত ছোট কেন, যেখানে তোমার ঠাঁই হোলো না?

ঠাঁই ছিল, কিন্তু আমি গ্রহণ করিনি, বন্ধু। তোমাকে আজো বলা হয়নি যে, আমি বিয়ে করেছিলুম।

বিয়ে করেছিলে!

চোখ বুজে মায়ালাতা হাসলে। বললে, খেলা করেছিলুম। জানতুম না যে, বিয়ে মানে আত্মবিলোপ।

কে তোমার স্বামী, মায়াদি?

একজন সাধারণ ভদ্রলোক। তিনি আবার বিবাহ করেছেন। তাঁর অপরাধ নেই, তিনি দিতে চেয়েছিলেন সোনার খাঁচা, আমি চেয়েছিলুম অরণ্যের মুক্তি। আমার হাতেগড়া সমস্ত সামাজিক প্রতিষ্ঠানগুলোকে গুঁড়ো ক'বে দিয়ে, তিনি আমাকে চাইলেন কেবল তাঁর সম্ভানের মা হিসেবে। অন্তর-মহলের কর্তৃত্ব দিয়ে সদর দরজায় দিলেন চাবি। বিরোধ

## অগ্রগামী

বাধলো। বন্ধু, সে যে কী বিরোধ, যেয়েমাহুয না হয়ে জন্মালে বোঝা যায় না। নিন্দা আর কলঙ্কে জর্জরিত হয়েছি, এমন দিনে এসে দাঁড়ালেন হরিহরদাস। মুক্ত পুরুষ, কিন্তু নিষ্ঠুর, দায়িত্বজ্ঞানহীন। মানেন না নীতি, মানেন না সংস্কার—পুরুষকে ঠেলে দেন দুর্গমের দিকে, যেয়েমাহুযকে ঠেলে দেন বিপদের দিকে। তবুও তাঁরই সঙ্গে একদিন দেশ ছেড়ে পালিয়ে এলুম। নিঃস্বল অবস্থা, অল্পবস্ত্র নেই। একথানা ভাঙা বাড়ীতে একলা বেখে হরিহরদাস উধাও হলেন—মমতা নেই, বিবেচনা নেই। উপবাস করে পড়ে থাকি অন্ধকার প্রেতপুত্রীতে, মাঝে মাঝে তিনি এসে কিছু আহার দিয়ে আবার পালিয়ে যান। নির্লিপ্ত, নির্দয়, অন্ধ! তারপরে তুমি সব জানো, কবি।

দ্রুতগতিতে ট্রেন চলেছে। তারই মতো দ্রুত কল্পনার অশাস্ত আন্দোলন ভেঙ্গে উঠেছিল অমরেশের মনে। সর্বল কণ্ঠে এক সময় সে প্রশ্ন করলে, তোমার বিবাহিত জীবনের সম্বন্ধে আরো অনেক কথা থেকে যায় মায়াদি।

এইবার চোখ খুলে মায়ালতা বললে, পাগল, তুমি কী কলতে চাও!  
একটি দিনও নয়, একটি মুহূর্তও নয়!

এ কি সম্ভব? তুমি কি আজো কুমারী?

হাসিমুখে মায়ালতা বললে, কায়মনোবাক্যে!—বলে সে আবার চোখ বুজে জান্‌লায় হেলান দিয়ে রইল।

মায়াদি?

হুজুর!

ট্রেনের দোলা না থাকলে আজ আবার তোমার ছবি আঁকতে বসতুম।

এমন ছবুঁদ্ধি কেন হোলো?

অমরেশ বলে, কবিতার মতন তুমি। ঘুম-জড়ানো হুই চোখ ক্লান্তিতে রক্তিম তোমার মুখ, প্রিয়মাহুযটির ধ্যানে নিস্তরঙ্গ প্রশান্তি হাত ছুথানা লাবণ্য-রসে ভরা। সন্ধ্যার রশ্মি এসে পড়েছে তোমার ভাঙা চুলে—মুগ্ধিমতী স্তব তুমি। এই ছবি আমার মনে রইল মরণাস্ত কাল পর্য্যন্ত।

বাঁ-হাতখানা বাড়িয়ে 'মায়ালাতা' বললে, ছুঁয়ে বলো ত পুরুষ, তোমার  
 প্রশংসার পিছনে কি লোভ নেই—

হাতখানা হাতের মধ্যে নিয়ে অমরেশ বললে, ছুঁয়েই বলব লোভের  
 আধ্যাত্মিক রূপটাই প্রশংসা। তুমি হুজুপা, তুমি সকল প্রত্যাশার অসীম  
 তাই পুরুষের স্তুতিগান! তবু বিশ্বাস করো নারীর সম্বন্ধে যদি এমন কোনো  
 অমুভূতি থাকে যা নির্মল, যা দেবতার পূজার উপকরণ, যা হৃদয়কে অনির্ব্যাক্তীয়  
 কলাধ-কামনার পরিপ্লাবিত করে—আজ তেঁমার প্রতি আমার সেই আবেগ।  
 আজ আনন্দ-বেদনায় কোনো পার্থক্য নেই, জীবন আমার ব্যর্থ হয়েছে, কি  
 সার্থক হোলা—আমার জীবন আর মৃত্যু, ইহকাল আর পরকাল,—  
 তোমার এই বিপুল মায়ার সমুদ্রে তলিয়ে গেল। একদা—একদা সবচেয়ে  
 দরিদ্র হয়ে জন্মগ্রহণ করেছিলুম, আজ অফুরন্ত ঐশ্বর্য মাথায় নিয়ে কিরে  
 বাবো।—তার তরুণহৃদয় বিগলিত অশ্রুতে ভেঙে পড়ল।

সাস্তুনা কিছু নেই, কেবল মায়ালাতার সেই হাতখানা আরো শক্ত হয়ে  
 তার হাতটি চেপে ধরলো।

গাড়ী স্টেশনে এসে দাঁড়াতেই গা-ঝাড়া দিয়ে হুঁজনে উঠল। সঙ্গে ছোট  
 একটি চামড়ার ব্যাগ, সেইটি হাতে নিয়ে অমরেশ আগে আগে প্লাটফর্মে  
 গিয়ে নামল। চারিদিক অন্ধকার হয়ে গেছে।

যে-বাঙালী\* পরিবার এতক্ষণ এদের সমস্ত কিছুই লক্ষ্য করে স্তম্ভিত  
 হয়ে চেয়েছিল, তাদেরই গৃহিণী এবার প্রশ্ন করে ফেললেন কান্নাকাটি কেন  
 গা? কি হয়েছে? উটি তোমার কে?

মুখে একরাশ বিরক্তি ফুটিয়ে মায়ালাতা বললে, আর সে-হুজুথের কথা  
 বলবেন না মা, মা-মরা ছেলেকে নিয়ে আমার হয়েছে যত জালা।

দেওর বৃষ্টি?

আমার শত্রু! বলে গায়ে চাদর সামলে মায়ালাতা দ্রুতপদে গাড়ী  
 থেকে নেমে গেল।

## অগ্রগামী

ষ্টেশনের বাইরে এসে অনেক খোঁজাখুঁজির পর একথানা গোরুর গাড়ী পাওয়া গেল। হারিকেন লঠন নেই, ঘোলাটে আলোয় পথ চিনে চিনে যেতে হবে। মাঝখানে ছ'মাইল শালের জঙ্গল, তারপরে বলরামপুর। পথে আছে একটা পাহাড়ি নদী, গতকাল সেই নদীতে ঢুলা নেমেছিল। শালের জঙ্গলে ভয় আছে, স্তবরাং ছুঁটাকার কম গাড়ী পাওয়া যাবে না।

অমরেশ বললে, কদমতা চিনিস রে ?

গাড়োয়ান বললে, চিনে না বাবু।

ঘমনার তীর কোনদিকে ?

নেই বাবু, জানিনে।

মায়ালতা অমরেশের গায়ে একটা গোঁজা দিয়ে বললে, ছুট, এমন সময় তোমার বিক্রপ ?

অমরেশ বললে, মায়াদি, বৈষ্ণব কবি হ'লে এই অভিসারের বর্ণনা ক'রে বলতুম—

‘কান্না অনুরাগে হৃদয় ভেল কাতর রহই না পারই গেহে,

গুরুদুঃজন ভয় কিছু নাই মানয়ে চীর নাহি সম্বক দেহে।

ঘন অধিয়ার ভূজগ ভয় কতশত

পন্থ বিপথ নাহি মান !

গো—

পন্থ বিপথ নাহি মান !’—

চল বাবা. দেড় টাকা পাবি। প্রাণে বাঁচলে আর চার আনা !

গাড়োয়ান রাজি হলো। গাড়ীর ভিতরে খড়ের বিছানা, মাথার উপরে দম্পার ছই ঘেরা—অন্ধকারে কোনো ক্রমে বাঁশের উপর পা দিয়ে মায়ালতা তার ভিতরে ঢুকল। কিন্তু সেখানে একজনের বেশি আর জায়গা হওয়া বড় কঠিন। ভীত কণ্ঠে সেইদিকে একবার তাকিয়ে অমরেশ বললে, ও মায়াদি, আমি বাপু হেঁটে যাবো।



## অগ্রগামী

কেন ?

ওইটুকু জায়গায় পরস্পরী সঙ্গে যাওয়া অসম্ভব ।

পাজি কোথাকার ! বলো মায়ালতা হেসে তার হাত ধরে ভিতরে তুলে নিলে ।

নানা উৎকট শব্দ ক'রে গোকুর গাড়ী খানা-খোন্দলে চাকা বসিয়ে মন্থর গতিতে চললে লাগল ।

নিস্তর অন্ধকার পথ । অশ্লষ্ট চাঁদের আলোয় শালের জঙ্গলের নীচে সে-পথ যেমন জটিল, তেমনি রহস্যময় । অতিদূরে মাঝে মাঝে বেল-পথের লাল নীল আলো চোখে পড়ছে । কখনো শোনা যাচ্ছে কোনো কোনো দেহাতীর গলায় স্বর, কোন্ পথ দিয়ে কোন্ পথে সেই আওয়াজ মিলিয়ে যাচ্ছে তার হৃদিস নেই । গাড়ীর ভিতরে দু'জনেই নির্বাক ।

অমরেশ এক সময়ে প্রশ্ন করলে, ওহে গাড়োয়ান, তোমার ঘর কোথায় ?

এজে, কৈতিকপুরে । এখান থেকেই 'অটো কুশ' ।

বলরামপুরের জমিদারের অবস্থা কেমন ?

খুব ভাল এজে, এই জঙ্গলটা তেনাদেরই । এদিকে তেনারা বনশ্রমণে মারতো । ব্যা, হরিয়া ! বলো সে আবাব গোকুর ল্যাজ ম'লে দিয়ে গাড়ী চালাতে লাগল ।

মায়ালতা বললে, পা গুটিয়ে বসি বাবা, বাঘের চেয়ে বনশ্রমণের ভয়ানক !

অমরেশ বললে, হ্যাঁ, যেমন কবির চেয়ে ভয়ানক ইংরেজির প্রকেশ ।

ঠিক হোলো না উপমা । যেমন সুরবশবাবুর চেয়ে ভয়ানক তুমি !

আমি ? অমরেশ বললে, আমি তোমার শ্রীচরণে কী অপরাধ করলাম, দেবী ?

মায়ালতা বললে, বাঘের হিংস্রতা সবাই জানে, কিন্তু হৃদয় জয় করার আট হুমি ভালো বোঝো । অর্থাৎ মেয়েরা কখন খুশী হয় জানো ?—বাঘটা যখন ভদ্রবেশে একটু একটু ক'রে তাদের মোলায়েম ক'রে থায় !

## অগ্রপায়ী

অমরেশ বললে, আমি তেমন নই,—তুমি নিশ্চয় দৈনিক খবরের কাগজে পড়া বৃটীশ চরিত্রের কথা বলছ।

হু'জনেই হাসতে লাগল।

কিছুদূর গিয়ে মায়ালাতা বললে, এই রাত্রে গিয়ে কৈয়ুন ক'রে তাঁকে খুঁজে পাবো ?

অমরেশ বললে, আমি তাবছি আর এক কথা। তিনি আর কোথাও চ'লে যাননি ত ?

মায়ালাতার চোখ ছিল ছিল ক'রে এলো। বললে, তা হ'লে এই রাত্রে... তিনি না থাকলে আমাদের জায়গাই বা দেবে কে ?

অনেক চিন্তার পর অমরেশ বললে, চলো আগে জমীদারের বাড়ী ওঠা যাক। বেরিয়েছি যখন, তখন তাঁকে ধরবোই, কিন্তু আজ রাত্রে থাকার সম্বন্ধে—

শালের জঙ্গল পার হ'য়ে ফাঁকা জায়গায় গাড়ী এলো। ছইয়ের মধ্যে চাদের আলোর আভাস এসে পড়েছে। এমন সময় গাড়োয়ান বললে, নদীতে গাড়ী নামবে, সাবধান বাবু।

হু'জনে ঝুঁক করে' গাড়ী ধ'রে রইল। গাড়ী গড়িয়ে নামল নদীতে। জল কম নয়, গোকুর গলা পর্যন্ত ডুবলো। খড়ের ফাঁক দিয়ে জল উঠল গাড়ীতে ; হু'জনের কাপড় ভিজলো। হুঁয়োগটা উপভোগ করলো হু'জনেই।

ছোট নদী পার হ'য়ে গাড়ী উঠে বলরামপুরের পথে পড়লো। দূরে একদল আলো দেখা যাচ্ছে। গাড়োয়ানকে জিজ্ঞাসা ক'রে জানা গেল, আজ ওখানকার বারোয়ারি তলায় গ্রামের যাত্রা হচ্ছে। চার পাঁচখানা গ্রামের লোক জড়ো হয়েছে। মায়ালাতা বললে, মানুষের চিহ্ন দেখে বাঁচলুম। কি বলো কবি ?

অমরেশ হেসে বললে, ওটা আমার মত নয়।

কেন ?

তোমাকে নিয়ে জনহীন পৃথিবীতেও থাকা যায় কিন্তু গোকুর গাড়ী থেকে

## অগ্রগামী

নামলে আমি বাঁচবো। বাবারে, প্রাচীন ভারতের সভ্যতা আজ হাড়ে-হাড়ে উপলব্ধি করছি।

হাসিতে হাসিতে পথ মুখরিত হোলো। দূরের আলো তখন কাছে এসেছে, জনতার গলার আওয়াজ শোনা যাচ্ছে।

বাঙ্গিপাড়ার তাড়ির আড্ডা পার হয়ে গাড়ী এসে দাঁড়াল বারোয়ারিতলায় কোলে। হু'জনে নামতেই তাদের চেহারা আর হাবভাব আর বেশভূষায় আকৃষ্ট হয়ে মেয়ে-পুরুষ এসে দাঁড়াল ঘিরে।

এটা বলরামপুর ত বটে ?

এজ্ঞে। কা'কে চান্ আপনারা ?

জমীদারবাবুকে। তাঁর নাম গোপেশ্বর সিংহী ত ?

এজ্ঞে। আসুন আসুন, আপনারা যাতায়াতলায়। তিনারা আসবেন বোধায়। একজন বললে, খবর পৌঁছেছে রাজাকে।

হু'জন ছুটল। অমরেশ্বর সঙ্গে সঙ্গে মায়ালাত গেল বারোয়ারি তলায়। চুপি চুপি মায়ালাত বললে, তাঁর খবর নাও।

জনতা তাদের কাছে যুক্তকরে দাঁড়িয়ে। অমরেশ্বর প্রশ্ন করলে, স্বরপতিবাবুকে জানে তোমরা ? ওই যিনি নতুন কাজ নিয়ে এসেছেন ?

সবাই মুখ চাওয়াচায়ি করে বললে, না এজ্ঞে, কই তাঁকে ত জানিনে ? জমীদার বাবুর শালা ?

ক্লিষ্ট ও চিন্তিত মুখে মায়ালাত অমরেশ্বরের দিকে তাকালো। ব্যর্থ হয়ে গেল বুকি সব পরিশ্রম। অমরেশ্বর বললে, না হে, তিনি নন। তাই তাকে চাই তিনি—

এমন সময় গোলমাল শোনা গেল, অতিথি আপ্যায়নের জন্ত স্বয়ং রাজা আসছেন। সবাই পথ ছেড়ে দিয়ে দাঁড়াল। প্রজাদের রাজা জমীদার সবাই জানে। ওরাও হু'জনে বিনয় ও ভক্তি সহকারে দাঁড়িয়ে গেল।

কিন্তু যিনি এলেন তাঁকে দেখেই উৎফুল্ল উত্তেজনায় মায়ালাত এগিয়ে গেল।

## অগ্রগামী

সুরপতিকে চিন্তে তার মূর্ত্ত বিলম্ব হয়নি। কম্পিত কণ্ঠে হাসি মুখে বললে, আমরা এলাম আপনাদের এখানে। আপনি, আমাকে না বলে যেতে এসেছিলেন?

• আদর নেই, অভ্যর্থনা নেই, প্রশ্নের জবাব নেই, সুরপতি কেবল উপস্থিত সকলের দিকে একবার তাকালো। তারপর বললে, এখানে থাকবেন কোথায়? উনি কে—?

উনি আমার কবি বন্ধু, অমরেশ।—মায়ালাতা প্রাণপণ চেষ্টায় সহজ হতে লাগল। অমরেশ প্রথম দেখলে সুরপতিকে, চেহারায় কোথাও স্নেহের ছোঁয়াচ নেই, কেমন যেন নিরাসক্ত রুদ্ধ পুরুষের রূপ। সে সবিনয়ে নমস্কার বিনিময় করলে।

আমুন আমার সঙ্গে।—বলে সুরপতি আগে চলল।

গোকুর গাড়ীর ভাড়া চুকিয়ে ছুঁজনে চলতে লাগল সুরপতির পিছনে পিছনে। বৃকভরা গর্জনের সঙ্গে এক সময়ে মায়ালাতা বললে, আপনাকে এখানে সবাই রাজা বলে?

এইবার সুরপতি কথা বললে, আমি ওদের সেবা করে থাকি তাই ভালোবাসে।

অমরেশ হেসে বললে, অনেক দুখে আপনাকে পাওয়া গেছে, আপনাকে আমরা ছাড়বো না।

সুরপতি বললে, আমুন আমার ওখানে। মাটির ঘর, থাকতে একটু কষ্ট হবে। ব্যাগটা দিন আমার হাতে।

মায়ালাতার কথা বলবার আর শক্তি নেই, কেবল অন্ধকারে চলতে চলতে অপরিদ্রীম আনন্দে তার চোখে অশ্রু ভরে এলো।

৪

## আট

বারোয়ারিতলার আলো যতদূর পর্যাস্ত দেখা যায় পথ চেনা গেল। তাঁর-পরে সবই অন্ধকার। নিকটে শালের জঙ্গল সমস্ত গ্রামকে চারিদিক থেকে বেষ্টিত ক'রে রয়েছে, সেদিকে জোনাকির কচিং ক্ষণদীপ্তি ছাড়া আর কিছু দেখা যায় না। পথের পাশেই একটা পুকুর তারপরেই দুই চারিটা তাল সুপারী গাছ। হু-হু ক'রে বাতাস বয়ে চলেছে।

সুরপতির পথ চলাটাও নিলিপ্ত। সামান্য হু'একটা কথা বা হয়েছে তার ভিতরে অতিথিগণের প্রতি শুদ্ধ কর্তব্যের আবেদন স্নেহের ছোঁয়াচ ছিল না বিন্দুমাত্র। তার যেন কোথায় প্রকাণ্ড পরিবর্তন ঘটে গেছে। অভ্যাগতদের আশ্রয় দিতে হবে এইটেই তার কাছে বড় কথা, তাদের সমাদর না করলেও চলবে। সে চলতে লাগল আগে আগে।

অমরেশের মুখে সাড়া নেই। তার ভালো লাগছে এই পথ চলাটুকু। সমাদর তার না পেলেও চলবে, তার আশ্রয় মিলে গেলেই সে খুশি। জীবনে নানা সমস্যার আলোড়ন আছে। আছে ভালোবাসার মান-অভিমান, আছে স্নেহের তারতম্য। কিন্তু আজকের এই ভ্রমণকাহিনী তার জীবনে অক্ষয় হয়ে রইল; সকাল থেকে রাত্রি—একটি সম্পূর্ণ দিন যেন হৃদয়ের অক্ষুবন্ত মধুতে ভরা। একবার সে মায়ালাতার দিকে চেয়ে দেখলে, কিন্তু কিছুই বোঝা গেল না। মেয়েদের চোখে নিলিপ্ত সৌন্দর্য্যবোধ নেই, ব্যক্তিগত আনন্দ ও চুপখের রঙে এই বিশ্বপৃথিবী তাদের দৃষ্টিতে হয় সুন্দর, নয় ত মরুভূমি। এ তাদের অপরাধ নয়, এই তাদের স্বভাবধর্ম।

কাল অমরেশকে চ'লে যেতে হবে। যাবে সে কলকাতায় কিন্তু বেকার দিন তার কেমন ক'রে কাটবে তা সে জানে না। আবাল্য সে নিঃসঙ্গ, কিন্তু সেই

## অগ্রগামী

নিঃসঙ্গতার চেহারা যে কত ভয়ানক এইবার গিয়ে তাকে উপলব্ধি করতে হবে। যে-ব্যথার সংবাদ সে জানত না, সেই ব্যথা জন্ম তার বুকে। মায়ালতাকে তার ভালো লেগেছে, মায়াদিকে সে ভালোবেসেছে—এতে অপরাধ কিছু নেই, এইটুকুই সংসারের সকলের চেয়ে সহজ। সেই ভালো লাগাটুকু রইল ওই জোনাকিদের দীপ্তিতে, রইল ওই বনরেখার অন্ধকারে, রয়ে গেল আজকের এই বিচিত্র পথ যাত্রার মাধুর্যের মধ্যে। মনে মনে সে প্রার্থনা করতে লাগল, কাল বিদায় নিতে যেন তার কষ্ট না হয়, বেদনা যেন তাদের স্বচ্ছন্দ বন্ধুত্বকে বিড়খিত না করে।

এমন সময় মাথার উপরে হুক হুক মেঘ ডেকে উঠল। আকাশে কখন মেঘের ঘন আয়োজন হয়েছে কেউই জানত না, তিনজনেই একটু চমকে উঠল। বিদ্যাদীপ্তিতে দূরের মাঠ আর শালের জঙ্গল একবার জেগে উঠে পুনরায় অন্ধকারে তলিয়ে গেল। উঁচু-নীচু ডাঙার উপর দিয়ে তারা চলতে লাগল।

মায়ালতা এতক্ষণে কথা বললে—বৃষ্টি এলো দেখছি। আপনার বাসা কতদূরে?

এই যে এসে পড়েছি, ওই মন্দিরটার গায়ে।—সুরপতি বললে।

এখানে মন্দির আছে নাকি? অন্ধকারে কিছুই দেখা যাচ্ছে না।

কিন্তু শরৎকালের বৃষ্টি। দেখতে দেখতেই ধারাপাত শুরু হোলো। দ্রুত চলবার উপায় নেই, অপরিচিত পথ। উঁচু নীচু কাঁকরের রাস্তা পার হয়ে তারা যখন মন্দিরের চৌগদ্দি পার হয়ে গেল, তখন বেশ ঝড়-জল আরম্ভ হয়ে গেছে। অমরেশ্বর কোনো ব্যস্ততা নেই, দুর্ঘ্যোগটুকু সে বেশ উপভোগ করতে লাগল।

মন্দিরের উত্তর দিকে একটা প্রাচীন বটগাছ। তারই নীচে এসে তিনজনে দাঁড়ালো। সুরপতি সেইখান থেকে হাঁক দিল, নটবর, ও নটবর!

দূর থেকে উত্তর এলো, আজ্ঞে, ক'ন?

আলোটা একবার আনো ত? এই যে আমরা এই বটতলায়।

## অগ্রগামী

হারিকেন-লঠন নিয়ে একটা লোক তাড়াতাড়ি ছুটে এলো। সুরপতি ওদের নিয়ে স্বামীর পার হয়ে রাস্তার দাঙ্কানে গিয়ে উঠল। নটবর বললে, এরা কে, রাজা ?

আমার আত্মীয়। কর্ণকাত্য থেকে এসেছেন। ওই বড় ঘরটা খুলে দাও। আর একটা আলো জালো।

আজ্ঞে।

রাস্তার ব্যবস্থা হবে ত ?

হবে বৈ কি, আজ্ঞে।

বেশ, আর গাথো এঁদের সঙ্গে বিছানা নেই।

নটবর উৎসাহিত হয়ে বললে, বাবুর ঘর থেকে এখনি সব এনে দিচ্ছি।

আর একটা আলো জ্বলে রেখে যে যখন খাবার উত্তোগ করছে, মায়ালাতা তখন বললে, এই বৃষ্টিতে ও যাবে কতদূরে ?

এ আর কি বৃষ্টি মা, এই বাবো আসবো। আপনারা রাজার লোক, উনি আমাদের দেবতা। এই বলে নটবর দ্রুতপদে অন্ধকারে নেমে চ'লে গেল।

ঘরখানার মেঝেটা চাটাই বিছানো, কিছু কিছু আসবাব-পত্রও আছে। একধারে কতকগুলো খাঁতাপত্র জড়ো করা, তার পাশে হাঁকা ও তামাকের সরঞ্জাম। ঘরখানা মন্দ নয়। মায়ালাতা বললে, আপনি থাকেন এখানে ?

সুরপতি বললে, না, এটা অপিসঘর, বাইরের লোকজন এখানে বসে।

অমরেশ বললে, আপনার কাজকর্ম কে করে সুরপতিবাবু ?

মিজৈই করি, তবে ওই নটবরের বৌ-ছেলে-মেয়ে আছে, ওরাও কিছু কিছু সাহায্য করে। একটা মানুষের ঝগড়াট নেই।

অমরেশ সাহস সঞ্চয় ক'রে বললে, আমি যদি আপনার ব্যক্তিগত কথা জিজ্ঞাসা করি তাহলে কিছু মনে করবেন ?

সুরপতি হাসি মুখে বললে, কি বলবেন বলুন ?

## অগ্রগামী

অমরেশ একবার মায়ালাতার দিকে তাকালো। পরে প্রশ্ন করলে, আচ্ছা বলুন ত, এখানে আপনার কী কাজ ?

কাজ নানা রকম। ওর কি আর শেষ আছে ? প্রধানত গ্রামের জীবন, শিক্ষা বিস্তার, চাষী ও জমিদারের উন্নতি, শিল্প প্রতিষ্ঠান গড়ে তোলা—এইসব।

অমরেশ বললে, আপনি কলকাতার ধনী পরিবারে চিরদিন মানুষ, সহরের সভ্যতা ও রীতিনীতি আপনার রক্তে, এই পল্লী-জীবনের মধ্যে নিজের আত্মবিলোপ কি আপনার সহ্য হবে ?

মায়ালাতা আগ্রহান্বিত দৃষ্টিতে সুরপতির দিকে তাকালো। আলোটা পড়েছে সুরপতির মুখে। রঙটা তার কিছু মলিন হয়েছে, কিন্তু এই কয় মাসে স্বাস্থ্য গেছে ফিরে। চোখ দুটো টানা, উঁচু নাক, কপালের উপরে কালো চুলের গোছা, ওষ্ঠের দুইদিকে কালো টানা গোঁফ—সমস্ত মুখখানার তাকুণ্য টস্-টস্ করছে। অচপল সংঘমে তার চেহারাটা প্রশান্ত। এমন মানুষকে কাছে বসিয়ে নিবিড় ক'রে দেখতে সাধ যায়। পুরুষেরা যে মেয়েদের কত প্রিয়, কত লোভনীয়, তা ওরা কোনদিনই জানতে পারে না। মায়ালাতা যেন তার সকল ইন্দ্রিয় রুদ্ধ ক'রে কেবল চোখ দুটি খুলে রাখল।

সুরপতি শাস্তকণ্ঠে অমরেশের প্রশ্নের জবাব নিয়ে বললে, যদি সহ্য না হয় তবে কির যেকোনো হবে অমরেশবাবু।

কণ্ঠ তার কোমল, কিন্তু দৃঢ়তায় ভরা। এখানে আর বিতর্ক তোলবার কিছু নেই, তাকে উপলব্ধি ক'রে বুঝতে হবে তার গভীর আদর্শটা।

মায়ালাতা এইবার প্রশ্ন করলে, চিরদিন আপনি এখানে থাকতে পারবেন ? আত্মীয়-পরিজন কাউকে টানবেন না ?

সুরপতি তার মুখের দিকে তাকালো। বললে আপনি সবই জানেন। মনে করছি আমি আর ফিরবো না। একটা কথা আপনাদের বলা হয়নি, সুরেশবাবুর কাছে আমি বখেট কৃতজ্ঞ, তাঁর জন্তেই আমি এই কাজে আসতে পেরেছি, তাঁকে আমার নমস্কার জানানো।



## অগ্রগামা

কটুকর্মে মায়ালতা বললে, নমস্কার আপনি জানাবেন, আমার অল্প কাজ আছে। যদি একটু আগেও জানতুম আমি, এ-কাজ নিয়ে আপনাকে আসতে দিতুম না। আপনাকে কিরে যেতে হবে সুরপতিবাবু।

শ্রোতা হুজনেই হেসে উঠলো। অল্পবয়স্ক বালিকার মতো গলার আওরাজে জিদটাই প্রকাশ হয়ে পড়লো, তার মধ্যে অগ্রপশ্চাৎ বিবেচনা নেই। সুরপতি বললে, বেশ ত, কিরিয়ে নিয়ে চলুন না। কিন্তু বারো কেয়ার বলতে পারেন।

মায়ালতা বললে, সংসারে কি আর কোনো কাজ নেই? আপডা শিখে কি আপনি চাষা আর গরু ঠেঙাতে চান? এই কি আপনার যোগ্য কাজ?

এমন সময় নটবর কতকগুলি বিছানা নিয়ে এসে দাঁড়াল। দরজার পাশে আলো হাতে তার স্ত্রী দাঁড়িয়ে। সুরপতি বললে, একদম তুমি রেখে বাও নটবর দরকার মতো ওঁরা বিছিয়ে নেবেন। রান্নাটা আগে চড়িয়ে দাও।

বিছানাগুলি রেখে নটবর যখন বেরিয়ে চলে গেল, মায়ালতা বললে, রান্নার জায়গা দেখিয়ে দিন, আমি রাঁধতে পারব।

সুরপতি বললে, আপনারা কি ওদের হাতে খাবেন না?

খেতে আপত্তি নেই, তবে নটবর কি পারবে? আপনারা ত খাওয়া হয় নি।\* রাত্রে কি খান?

আমি স্বর্ধ্যাস্তের পর আর খাইনে। আপনারা বসুন ওর স্ত্রী আছে, সব যোগাড় করে দেবে। আচ্ছা, অল্প কথা থাক, এবার আপনারা ক'র বসুন। অমরেশবাবু, আপনি কি করেন?

অমরেশ হেসে বললে, বেকার!

তবে আসুন না আমাদের এখানে, একসঙ্গে কাজ করা থাক।—সুরপতি বললে।

অমরেশ বললে, ছাগলকে দিয়ে সব মাদানো যায় না। আমার

## অগ্রগামী

স্বভাবধৰ্মে নেই মাহুঘের সমাজের ঐক্য কৰা। তুলি দিয়ে ছবি অঁকতে পারি, কলমে লিখতে পারি কবিতা। আপনি যদি বাজা বিক্রমাদিত্য হুতেন তবে উজ্জয়িনীর প্রান্তে কাননঘেরা বাড়ী চেয়ে নিতুম। মায়াদির উদ্দেশ্যে পাঠাতুম মেঘদূতকে।

ভ্রূভঙ্গী ক'রে মায়ালাতা বললে, কত সাধ ঘায় রে চিতে! মায়াদি তার বদলে পুলিশে নালিশ ঠেকে দিতো।

অমরেশ প্রতিবাদ ক'রে বললে, কেন আমি যদি সুরপতিবাবু হোতুম তা'ইলে তুমি আমাকে ভালবাসতে পারতে না?

থামো। যাও, আড়ালে সিগ্রেট্ খাওগে।—মায়ালাতা তাকে ধমক দিল।

অমরেশ হেসে বাইরে উঠে গেল। তখনকার বৃষ্টি এখনো ধরেনি, বিদ্যাদীপ্তির সঙ্গে মেঘের ডাক এখনো চলছে। এই বৃষ্টি কাল সকাল পধ্যন্ত থাকলে অমরেশের যাওয়া কঠিন হবে। বাইরে এসে তাকে দাঁড়াতে দেখে নটবর এসে তাড়াতাড়ি তাকে একখানা বসবার চৌকি দিয়ে গেল। নটবরের স্ত্রী বেথে গেল একটা হারিকেন্। অমরেশ চৌকির উপরে বসে ধীরে স্বপ্নে একটা সিগারেট ধরালে।

ঘরের ভিতরে সুরপতি আর মায়ালাতা মুখোমুখি বসে রয়েছে। মায়ালাতা যেন তার সকল খেই হারিয়ে ফেলেছে। এক সময়ে সে বললে, এই ছেলেটি বড় ভালো।

সুরপতি বললে, আমি আগে এঁকে দেখিনি।

মায়ালাতা বললে, গতবার সরস্বতী পূজার সময় ইন্সুলে মেয়েদের গান হয়, সেই গান অমরেশ রচনা করে। সেই থেকে আমার সঙ্গে আলাপ। মিষ্টি স্বভাব, ভদ্র মন, এমন একটি ছেলে সচরাচর চোখে পড়ে না।

সুরপতি বললে, স্কুলের চাকরী আপনার কেমন লাগছে?

ও-চাকরি আমি ছেড়ে দিয়ে এলুম। ওখানে অনেক উৎপাত। সুরেশবাবুর ব্যবহার আমার ভালো লাগে না।

স্বরপতি চূপ ক'রে রইল। এ সম্বন্ধে তার কিছু বলবার নেই, এটা তার নিজের কোনো সমস্যা নয়। তা ছাড়া সামান্য হুঁ একটি অভিজ্ঞতায় মেয়েদের সকল কথাই প্রতি গভীর বিশ্বাস সে হারিয়ে কেলেছে। এক সময়ে মুখ তুলে কেবল বললে, এখন ন্তবে কী করবেন ?

মায়ালাতা বললে, কী আর করব, সংসারে একজনের আর ভাবনা কি ! এই স্বরূপ না, এখন আপনার কাছেই আপাতত এসে পড়া গেল। আপনার নাম ত রাজা গুনলুম, আপনার কাছ থেকে কি আর খালি হাতে কিরে বাবো ?

স্বরপতি মুখখানা ফিরিয়ে নিলে। তার মুখের রেখায় কোনো সৌজন্ম কোনোরূপ অভ্যর্থনার চিহ্ন ফুটলো না এ যেন শোনবার মতো একটা কথাই নয়। মায়ালাতা অপ্রতিভ বিবর্ণ মুখে চূপ ক'রে গেল।

হুঁজনেই নীরব, কিন্তু মায়ালাতার মনের ভিতরে যেন গভীর লজ্জা কুণ্ডলী পাকিয়ে উঠছে। সমস্ত পথটায় যে-আগ্রহ, যে-ব্যাকুলতা, যে-অপরূপ রসের নেশায় বিভোরচিত্ত হয়ে সে ছুটে এসেছে, এখন দেখা গেল তার অনেকখানিই যেন মেরেলি হঠকারিতায় ভরা ; তার বিসদৃশ দিকটা অনেকের চোখেই খারাপ লাগবে।

হঠাৎ সে যেন উক্ হুয় উঠল। বললে, আপনি এখানে বসে যোগ-তপস্যা করেন ?

কেন বলুন ত ?—স্বরপতি বললে।

আমার তাই মনে হচ্ছে,—গেকুয়া-টেকুয়াগুলো গেল কোথায় ? আপনার ধরণধারন রামকেষ্টবাবাজির চেলাকেও হার মানিয়েছে !

কেন ?

মেয়েমানুষের মুখের দিকে চেয়ে কথা বলতেও দেখছি আপনার আপত্তি। এ কথা মনে রাখবেন, সত্যি যারা কামিনীকানন ত্যাগ করে, মানুষের সমাজে তাদের আর কিছুই দাম নেই, তারা বাতিল, তারা জঞ্জাল। এই হুঁটি বস্তু বতরুণ আপনার জীবনকে জড়িয়ে থাকে, ততক্ষণই সংসারের

ভালোমন্দর মধ্যে চলাফেরার অধিকার। আপনি আমাকে অগ্রাহ্য করতে পারেন সুরপতিবাবু, কিন্তু নিয়মের কাছে আপনাকে মাথা হেঁট করতেই হবে।

সুরপতি মূহুর্তে বললে, আপনার সঙ্গে তর্ক ক'রে আমার কী লাভ ?  
\*আমার নিজের কাজ আমি জানি।

মায়ালাতা বললে, তাহ'লে কিরে আপনি যাবেন না ?

কিরে যাবো ব'লে আমি আসিনি। একটার পর একটা কাজ চুখে বেড়ানো আমার কচি নয়। আমি ঠিক জায়গায় এসে দাঁড়িয়েছি।

মায়ালাতা কি যেন বলতে যাচ্ছিল, এমন সময়ে কতকগুলি লোক এসে দাঁড়াল। সুরপতি উঠে গিয়ে দাঁড়াতে বললে, রাজা, জলঝড়ে যাত্রা বন্ধ হয়ে গেছে, কোথায় গিয়ে আসর পাতবো ?

সুরপতি বললে, খবর ত পাঠিয়েছি, কাছারি বাড়ীর বড় দালালে বসেও গে। নিরঞ্জন, তুমি গিয়ে ব্যবস্থা ক'রে দাও।

তারা খুশী হ'য়ে চলে গেল। কিন্তু একজন রইল দাঁড়িয়ে। সে বললে, কাল কি আপনি যাবেন রায়চুড়ে ? দেহাতিরা জঙ্গল কাটতে যাবে, জমিদারের বারণ শুনবে না। বলেছে, যে বাধা দিতে আসবে তাকেই কাটবে। রাজা, ওরা বড় হিংস্র লোক। ময়ূরভঞ্জে সবাই ওদের ভয় করে।

সুরপতি হেসে বললে, কাল যাবো, তোমরা প্রস্তুত থেকো।

সে লোকটা চ'লে গেল। মায়ালাতা ব্যস্ত হয়ে বললে, কাল আপনি কোথায় যাবেন ?

সুরপতি বললে, একখানা তালুকে, তার নাম রায়চুড়। আবাদ তেমন কিছু নেই, কেবল জঙ্গল। দেহাতিরা বলে, ও জঙ্গলে তাদের দখল আছে, তারা এখানে পুকুরানুকূমে কাঠ কাটে—এ নিয়ে জমিদারের সঙ্গে কগড়া। আমি জমিদারের লোক, সতরাং আমার সঙ্গেও তাদের শত্রুতা।

আপনি গেলে যদি আপনার বিপদ ঘটে ?—মায়ালাতা চিন্তিত হয়ে বললে, শুনলুম, তারা যে অতি হিংস্র লোক !

## অগ্রগামী

হিংস্র মানে সরল। তারা জানে না তাদের অধিকার কতটুকু। সেটুকু তাদের সহজ করে বুঝিয়ে দিতে হবে। বুঝতে পারা না পারার মধ্যে বত বিরোধ। প্রতিপক্ষকেই তারা চিরদিন জানে, জমীদারকে তারা কখনো আপন ভাবতে পারেনি, তাঁদের গিয়ে জানাতে হবে আমরা তাদের বন্ধু।

একথা যদি তারা না বোঝে ?

এর নামই ত কাজ। সুরপতি বললে, এই কাজের জন্তে অসীম ধৈর্যের দরকার। এ যাদের নেই, তারা যেন গ্রামে না আসে। এই ধোঁয়াস্তার বাদের অভাব, তারা যেন শিক্ষার বড়াই না করে।

মায়ালতা বললে, তারা কি নিজের ভালো বুঝতে পারে না ?

না। তা'হলে কাজ সহজ হতো। ঐক্যই যে শক্তি, ঐক্যই যে কল্যাণ—একথা কোনোকালে তারা শোনেনি। তারা কেবল জানে গ্রাসাচ্ছাদন, চাঁকে থাকা। তাদের পাশে দেশ আছে, মানুষ আছে, সমাজ আছে, তাদের নিজেদের জীবনের পরম মূল্য আছে—এমন কথা তাদের কেউ বলে না।

মায়ালতা বললে, এই বলরামপুরের জমীদার কেমন লোক ?

লোক ভালো, বলরামপুরের সঙ্গে তাঁর সংস্রব নেই, তিনি থাকেন কলকাতায়। তিনি প্রজাদের ওপর কোনো অত্যাচার করেন না, কিন্তু টাকা চান। কেমন করে টাকা আসে এ তিনি জানেন না, তিনি জানেন না তাঁর জমিদারীর অবস্থা কেমন। এদের সঙ্গে তাঁর নাড়ীর সম্পর্ক নেই।

এর ম্যানেজার কে ?

সুরপতি বললে, ম্যানেজারও থাকেন কলকাতায়। আসেন এখানে মাঝে। প্রজারা তাঁর ওপর চটা। তারা জমিদারকে চোখে দেখেনি, দেখেছে ম্যানেজারকে। ম্যানেজার বান্ তাদের শোষণ করতে—তারা মনে করে, শত্রু এলো।

মায়ালতা বললে, আপনাকেও তারা বন্ধু মনে করবে না !

করবে। সেই আমার কাজ। তারা বন্ধু ভাববে এমন ব্যবহারই

## অগ্রগামী

আমি করব। তাদের বোঝাতে হবে—আমি তাদেরই একজন, ভায়াই হবে আমার অগ্রদূত, আমিই তাদের সেবক।

মায়ালাতা চুপ করে' রইল। কিয়ৎক্ষণ পরে বললে, এর মধ্যে আমাকে কি কোনো কাজ আপনি দিতে পারেন না ?

আপনি কি করতে পারেন ?

এদের মেয়েদের মধ্যে আমি শিক্ষা প্রচার করব।

আপনার কী পরিচয় ?

সে পরিচয়ের ভার আপনি নেবেন না ?

সুরপতি বললে, আপনার কথার অর্থ আমি বুঝি নে। এটা গ্রাম, বাদের নিয়ে কাজ তারা অশিক্ষিত, আপনাকে সহজে গ্রহণ করবার মতো মন তাদের এখনো তৈরী হয়নি। তা ছাড়া আপনি এখানে কেমন করে বাস করবেন ?

মায়ালাতা বললে, আপনি আমাকে সাহায্য করবেন না ?

সুরপতি মাথা নীচু করে' রইল। অনেকক্ষণ পরে মাথা তুলে বললে, সম্ভব নয়।

নটবর এসে দরজার কাছে দাঁড়ালো। বললে, রাজা, খাবার দেওয়া হয়েছে।

সুরপতি নিজেই আগে উঠে দাঁড়াল। বললে, হাত পা ধোবার জল দাও।

দেওয়া হয়েছে, আজ্ঞে।

মায়ালাতার অনেকখানি উৎসাহ কমে গিয়েছিল। ভারাক্রান্ত মনে উঠে সে বাইরে এলো। দেখলে চৌকীতে বসে দেয়ালে মাথা হেলান দিয়ে অমরেশ ঘুমিয়ে পড়েছে; বেচারি সারাদিনে পরিশ্রান্ত। সে গিয়ে অমরেশের কপালে হাত দিয়ে সম্মেহে ডাকুল, কবি ?

অমরেশ তাকাল। মায়ালাতা হেসে বললে, এসো আমি তোমাকে হাতে করে' খাইয়ে দেবো।

## অগ্রগামী

অমরেশ ভাড়াভাড়া উঠে দাঁড়াল।

শরৎকালের বৃষ্টি। চারিদিক ইতিমধ্যে কখন পরিচ্ছন্ন হয়ে গেছে। কিশোরকণ  
আগেকার আকাশ-প্রান্তরব্যাপী দুর্ঘোণ—সে যেন কোন্ অতীতকালের, তার  
আর চিহ্নমাত্র কোথাও নেই। গুরুপক্ষের কোনো একটা তিথি হবে, পশ্চিম  
দিকে চাঁদ উঠে দাঁড়িয়েছে। হয়ত পূজা আসতে আর বিলম্ব নেই, মহালয়া  
কথাটা সে শুনে এসেছিল, আজই হয়ত সেই মহাপক্ষমী। আসবার সময়ে  
অন্ধকারে পথের কোনো রেখাই চোখে পড়েনি, এতক্ষণে অস্পষ্ট জ্যোৎস্নার  
মন্দিরের গায়ে সেই বটগাছটা দেখা যাচ্ছে—ওই পথটা হয়ত সেই বারোয়ারিতলার  
গিয়ে মিশেছে। যাই হোক, সকাল না হ'লে আর কিছুই স্পষ্ট ক'বে জানা  
যাবে না।

আহারাতির পর ঘুমজড়ানো চোখে অমরেশ বললে, অচেনা জায়গা, আমার  
ভয় করে। আমি তোমার কাছে শোবো, মায়াদি। ১২০ ৮৭।

মায়ালাতা হেসে বললে, ওমা, তাই কি হয়? এ কি রামরাজত্ব।

তবে আমি সুরপতিবাবুর কাছে শোবো।

উনি কোথায় শোবেন, কেমন ক'বে জানব? এই ত উনি বারোয়ারিতলার  
বেরিয়া গেলেন। রাত হয়ত এখন প্রায় বারোটা হবে। তোমার বৃষ্টি ঘুম  
পেয়েছে?

খুব। তুমি ব'সে থাকো তোমার শ্রিয়তমর জন্তে, আমি চললুম, ওই ঘরে  
শুইগে।

মায়ালাতা হেসে বললে, আচ্ছা যাও, দরকার হ'লে তোমাকে ডেকে আন  
জায়গায় শোয়াবো।

অমরেশ চ'লে গেল। মায়ালাতা একখানা বই খুলে ব'সে রইল। নটবর  
আর তার স্ত্রী তাদের ঘরে গিয়ে ঢুকেছে।

অমরেশ একটা ঘরে এসে ঢুকল। আলো জ্বলছে। ঘরের চারিদিকে  
নানারকমের বই কাগজ। একপাশে একটা বিছানা, তার উপর ময়লা

## অগ্রগামী

একটা মশারি। এক ধারে কতকগুলো কাপড় জামা জড়ো করা। বিছানার পাশে একখানা ছোট চৌকীর উপর কতকগুলি লেখাপড়ার সরঞ্জাম। যেমন অগোছালো, তেমনই বিশৃঙ্খল। এই লোকটার হাতে যে এত বড় জমীদারির এতখানি দায়িত্ব, তা এই অপরিচ্ছন্ন ঘরখানির ভিত্তরে এসে দাঁড়ালে কিছূতেই যোঝাবার উপায় নেই।

নানারকমেধ বই। পড়াশুনো সুরপতির প্রিয়, এ কথা অমরেশ আগেই শুনেছে। সে সংসারী মানুষ নয়, তার চিন্তা ভিন্ন পথ ধরে চলে, জগতের কিছুর প্রতিই তার আগ্রহ নেই, আকর্ষণ নেই, এই অল্প সময়টুকুর ভিতরেই অমরেশ লক্ষ্য করেছে! কোথায় সে যেন পাথরের মতো কঠিন, বরফের মতো শীতল,—তার মনের চাকলা দেখা যায় না। এমন মানুষের কাছে স্নেহের আশা করা বিড়ম্বনা। তার চরিত্রে কোথাও ছিদ্র নেই, যেন একটা নিরেট পাথরের তৈরী দুর্ভেদ্য দুর্গ। অতিথিরা এসেছে, তার জন্ম বিশেষ অভ্যর্থনা নেই; এখনই যদি চলে যায় তবে কিছুমাত্র ভাবান্তর দেখা বাবে না।

বিছানার উপর অমরেশ গুয়ে পড়ল। মাথার বালিশের কাছে কতকগুলি ইংরেজি ও বাংলা বই ছড়ানো। সেগুলোর মধ্যে কোনোখানাই নাটক, নভেল অথবা কবিতার বই নয়, প্রত্যেকখানিই ধর্মপুস্তক, দর্শন, ইতিহাস, বিজ্ঞান ইত্যাদি। বইগুলি যেন পাঠকের চরিত্র-গান্ধীর্ষ্যের নিরন্তর সাক্ষ্য দিয়ে চলেছে। অমরেশ বইগুলো শুছিয়ে একধারে সরিয়ে রাখার চেষ্টা করতেই ভিতর থেকে একখানা খোলা চিঠি বেরিয়ে এলো। চক্ষের নিম্নে দেখা গেল, চিঠির হাতের লেখাটা পরিচিত। পরের চিঠি পড়া অমরেশের অভ্যাস নয়, তবু লোভ সামলানো কঠিন হোলো। এঘরে এখন কারো আসা সম্ভব নয়। খোলা চিঠিখানির উপর সে চোখ বুলোতে লাগল। চিঠিখানা সুরেশবাবুর লেখা।

“প্রিয় সুরপতিবাবু, আমার আগের চিঠি এতদিনে পাইয়া থাকিবেন।



মনে করিয়াছিলাম, আপনাকে বলিবার দরকার নাই। কিন্তু এদিকে যে দুর্নীতি চলিতেছে, তাহা আপনাকে না জানাইয়াও থাকি যায় না। আপনি থাকিতে থাকিতেই আমার প্রতি তাঁহার যে লক্ষ্য পড়িয়াছিল, তাহা আপনাকে জানাইয়াছি। আধুনিক শিক্ষায় শিক্ষিত মেয়েরা এইরূপই হইয়া থাকে। তাহাদের বাদবিচার নাই, ছোট বড় জ্ঞান নাই। তাঁহার চরিত্র এখনকার 'তরুণ সান্ত্বিত্যের' নায়িকাকেও হার মানাইয়াছে। সেদিন 'স্বনীতি-সংজ্ঞা' এক অধিবেশনে আমি বক্তৃতা দিয়া এইরূপ তরলমতি যুবক-যুবতীর চরিত্র-বিশ্লেষণ করিয়াছি।

প্রকাশ করিতে লজ্জা করে, একদিন আপনার প্রতি মায়ালতার গভীর আসক্তি দেখিয়াছি, অথচ সেই একই সময়ে আমার প্রতিও তাঁহার অকারণ পক্ষপাতিক লক্ষ্য করিয়াছি, কিন্তু সম্প্রতি অমরেশ নামক একটি বাউণ্ডলে বেকার যুবকের সহিত তিনি যে অল্প সম্পর্ক পাতাইয়া স্থানে অস্থানে দিনরাত কাটাইতেছেন, তাহা আপনাকে না জানাইয়া রাখিলে আমার অধ্যম্ব হইবে। আশা করি, ইহার বেশি আপনাকে বুঝাইয়া বলিতে হইবে না।

'কাজকর্ম কেমন চলিতেছে? কুশলদানে সুখী করিবেন। প্রীতি নিন্।  
ইতি—

আপনাদের

স্বরেশচন্দ্র'

অমরেশের চোখের তন্দ্রা ছুটে গেল। মনে হোলো, আলোটা যেন রক্তের মতো লাল। ঘরখানা তুলছে, বিছানার ভিতরে অসংখ্য হিংস্র সর্প যেন কিলবিল করছে। বাইরের সমস্ত অন্ধকার রাত কখন লক্ষ লক্ষ দানবের মতো তার ঘরের মধ্যে ঢোকবার চেষ্টা করছে। অমরেশের দম বন্ধ হয়ে এলো।

এত বড় অজ্ঞান মানুষ অবাধে ক'রে যাবে? এত বড় বিশ্বাসকে নির্বিশ্বাসে দেবে প্রশ্ন? এর কি কোনো প্রতিবিধান নেই? অমরেশ

## অগ্রগামী

বিছানা থেকে উঠে দাঁড়াল। চিঠিখানা ঘুঠোর নিয়ে সে বাইরে এলো।  
নিঃসাড় রাত্রি—অন্ধ্রে প্রকাশ গাছটার পাশে পশ্চিম দিকে শুষ্কপত্রের চল  
অস্তে নেমেছে। আকাশে অসংখ্য নক্ষত্র বিহুত বিশ্ব নিয়ে তার দিকে  
ঢেয়ে রয়েছে। এই পৃথিবীর বিবাক্ত বাতাসে নিখাস নেবার অভিকৃতি  
আর অমরেশের নেই।

চিঠিখানা হাতে নিয়ে মায়ালাতার ঘরে এসে সে ঢুকল। আলো জ্বলছে।  
তারই পাশে একখানা বই হাতে নিয়ে মায়ালাতা ঘুমে নেতিয়ে পড়েছে। ঘুম কি  
সে ভাঙবে? না, ঘুম ভাঙিয়ে এত বড় আঘাত দেবার সাহস অমরেশের  
নেই। আলোটা একটু কমিয়ে দিয়ে বাইরে থেকে দরজাটা ভেজিয়ে অমরেশ  
আবার চলে গেল।

এর প্রতিশোধ সে নেবে। মানুষকে হিংসা করা তার স্বভাব নয়—কিন্তু  
প্রতিহিংসা তাকে নিতেই হবে। সে কবিতা লেখে, ছবি আঁকে মধুরের সাধনার  
কাটে তার দিনরাত; কিন্তু সে দুর্বল নয়, তার ভিতরে আছে শক্তিমান পুরুষ  
—সেখানে আঘাত করলে প্রতিঘাত আসে। অরেশবাবুকে উপযুক্ত শিক্ষা  
না দিয়ে তার আর স্থিতি নেই।

মাটির দালানের উপর পিঞ্জরবদ্ধ জন্তুর মতো অমরেশ পাগচাঁকি ক'রে বেড়াতে  
লাগল।

ভোরবেলা এসে পৌঁছল সুরপতি। রাত্রে সে ফেরে নি; কারণ এখানে  
রাত্রি অতিবাহিত করা তার পক্ষে আপত্তিকর ছিল।

স্নান সেরে পরিচ্ছন্ন দেহে সে যখন এসে দাঁড়াল, তখনো মায়ালাতা ঘুম থেকে  
ওঠেনি। নটবর মাঠের দিকে কাজে বেরিয়েছে, তার স্ত্রী ঘর দোর পরিষ্কার  
করতে লেগেছে।

সকালের আলো ঘরে এসে ঢুকতে মায়ালাতা উঠে বসলো। অমুখেই

## অগ্রগামী

স্বরপতি ছিল দাঁড়িয়ে। জিজ্ঞাসা করলে, রাত্রে ঘুম হয়েছিল? বিছানা পাতেন কি কেন?

মায়ালাতা বললে, মনে করেছিলুম আপনি কিরবেন। কিরলেন না বে?

স্বরপতি বললে, আমি কাছারীবাড়ী গুতে গিয়েছিলুম। অমরেশবাবু কোথায়?

আপনার ঘরে, ঘুমোচ্ছে। ডেকে দিন, সকালের গাড়ীতে ওর বে বাবার কথা।

সকালের গাড়ী চ'লে গেছে ভোর সাড়ে পাঁচটায়। আবার গাড়ী যায় বেলা দুটায়। কৈ আমার ঘরে অমরেশবাবু নেই ত?

তা'হলে মুখ ধুতে গেছে; আসবে এখনি।—ব'লে মায়ালাতা বাইরে বেরিয়ে এলো। নূতন দেশ, নূতন আলো + পাখী ডাকছে চারিদিকে শালবনে বইছে হাওয়া। সে উচ্ছলিত আনন্দে ব'লে উঠ'ল পাড়ারগাঁ কী সন্দের আমার আর কোথাও যেতে ইচ্ছে করে না।

কিন্তু অমরেশের কোনো চিহ্ন নেই। ঘণ্টার পর ঘণ্টা কেটে গেল সে ফিরল না। শেষ কালে স্বরপতির বিছানার বালিশের কাছে এক চিঠি পাওয়া গেল। অমরেশ লিখে গেছে—

মায়াদি, ক্ষমা ক'রো, তোমাকে না ব'লেই চ'লে যাচ্ছি। কারণ জানাতে পারব না, একদিন তুমি নিজেই জানবার চেষ্টা ক'রো। তোমার সঙ্গে আমার দেখা না হয় এই আমার ইচ্ছে। স্বরপতিবাবুর ঘর থেকে পাঁচটা টাকা নিয়ে যাচ্ছি, গিয়ে পাঠিয়ে দেবো। তুমি চিরদিন শান্তিতে থেকো এই কবির প্রার্থনা! ভালবাসা নিয়ে। ইতি—

তোমার আমরণ-বন্ধু,

অমরেশ

চিঠিখানা হাতে নিয়ে স্তম্ভিত হয়ে মায়ালাতা দাঁড়িয়ে রইল। কিছুই সে বুঝতে পারলে না।

## নয়

জীবনযাত্রার পদ্ধতিটা সম্পূর্ণ বদলে গেছে। নটবর ও তার স্ত্রীর সংসারে প্রায় তিন মাস কাটলো। কলকাতার স্কুল থেকে একখানা চিঠি এসেছিল— পুনরায় কাজে যোগদান করার অনুরোধ নিয়ে, মায়ালতা তার কোনো জবাব দেয়নি। স্কুল-কর্তৃপক্ষের অনুরোধটা গোপন, সুরেশবাবুর ইসারাটাই সে-চিঠির আসল কথা। কিছুদিন পরে মোটা টাকাবর একটা মণি-অর্ডার এলো। টাকা-গুলি মায়ালতা রেখে দিয়েছে খরচ করার কোন অজুহাত পাওয়া যায় নি। অমরেশও বথাসময়ে টাকা পাঠিয়েছিল; কিন্তু কুপনে সে কিছু লেখেনি। মায়ালতা চিঠি দিয়েছিল, জবাব আসেনি। অর্থাৎ প্রায় তিন মাস হ'লো, পৃথিবীর সঙ্গে তার একরকম স্পর্শ ঘটে গেছে।

নূতন ছাঁচে নিজেকে ঢেলে বর্তমান অবস্থার উপযোগী ক'রে তৈরী করার অসাধারণ কৃতিত্ব মেয়েদের। মায়ালতার পরিবর্তন ঘটেছে তার নিজেরই অজ্ঞাতে। তিনটি মাসের ভিতরেই জানা গেল, নটবরের স্ত্রীর সঙ্গে তার মূলত কোনো প্রভেদ নেই। আচার ব্যবহার তার এই পারিপার্শ্বিকেরই উপযুক্ত। সাজসজ্জায় সে গ্রামের মেয়ে। রূপের দিক থেকে তার অসাধারণত্ব গ্রাম্য সাজসজ্জায় চাপা প'ড়ে গেছে। গ্রামের মাটির ছোঁয়াচ লেগেছে তার সর্বাঙ্গে। ছেলেমেয়েদের সে মাসী, পাড়ার লোকের সে দিদিমণি। পুকুঘাটে গিয়ে সে স্নান ক'রে আসে, মন্দিরের গিয়ে বিশ্বেশ্বরের পূজায় বসে। একখানা ঘর তার নিজস্ব। নটবর তার স্ত্রীর কাছে হাসি মুখে ব'লে দিদিমণি আমার লক্ষীছিরি এনে দিয়েছে।

নটবরের স্ত্রী বলে, আমার বুন, মনে নাই ?

নটবর বলে, আমার দিদি।

মায়ালতা হেসে তাদের ঝগড়া খামিয়ে দেয়।

এমনি ভাবে দিন-বাপনের ভিতরে আছে নারীর মনের একটি তপস্যা। একটি ঘাটুকে কেন্দ্র করে তার যত আগ্রহ আর উৎসাহ। মধুর অবকাশ তার চারিদিকে ছড়ানো; অদ্ভুত আশ্চর্য্যবৃত্তির ভিতর দিয়ে তার আহাৰ বিহার নিজা আর জাগরণ। দিক্‌নির্দেশের কাঁটার মতো একটা বিশেষ দিকেই থাকে তার মনের প্রত্যাশা। দিন কাটে, রাত্রি কাটে কেমন রহস্যময় ঘণ্টায়; তার মধ্যে আনন্দ আছে এমন কথাও বলা যায়।

সুরপতির বাসা এখান থেকে তুলতে হয়েছে! যেদিন থেকে জানা গেল, এখান থেকে যাবার আগ্রহ মায়ালাভের নেই, সুরপতি সেইদিনই গেছে কাছারী বাড়ীতে। সেখানে তার থাকার অসুবিধা নেই। এ গ্রামে প্রতিষ্ঠা তার দৃঢ়, কিন্তু গ্রামের নীতির দিকে তার কড়া নজর। আধুনিক কালের সহজ মেলানেশা গ্রামের শিকার ধারায় খাপ খাবে না—একথা সে জানে। গ্রামের সকলের কাছে তার চরিত্রটা আদর্শ, অতএব নিজের পরিচয়কে খাঁটি না রাখলেই চলবে না। এ বাড়ীতে সে জলগ্রহণ করা বন্ধ করেছে। মায়ালাভ তার এই ব্যবহার পব্যবেক্ষণ করে খুশী হয়েছে।

মনের চেহারাটা রাত্রির অন্ধকারে সুস্পষ্ট হয়ে ওঠে। সকল কাজ সেরে নিজের ঘরে এসে সে যখন বিছানায় বসে, তখন সে ভাবে, এ বাড়ীতে তার থাকার অধিকার কোথায়? যে বস্তু সে চাইছে, তার কতখানি তার পক্ষে পাওয়া সম্ভব? পাওয়ার অভ্যাস কিছুই নেই, আশ্বাসও নেই; কেবলমাত্র ছুরাশা নিয়ে বেঁচে থাকাটাই কি তার চরম লক্ষ্য? ভালোবাসাটাই জীবনে একমাত্র বড় কথা নয়। যদি না থাকে সম্মতি, যদি না থাকে সুখে দুঃখে ভালোয় মন্দায় একান্ত দায়িত্ববোধ—তবে কোথায় কে কবে সুখী হতে পেরেছে? মেয়েমানুষ জানে নিরাসক্তির চেহারাটা কী নিষ্ঠুর, বৈরাগ্য তাদের হৃদয়কে কী উৎপীড়ন করে!

নিজের জীবনের অপরিদেয় অভাবটা তার চোখে পড়ে। বালাকাল থেকে সুখের চেহারা তার জানা নেই। একটা অদ্ভুত বেদনা যেন তাকে

চিরদিন সক্রিয় ক'রে রেখেছে। মনের তৃপ্তি সে খুঁজে বেড়িয়েছে গ্রামের গাছপালায়, নদীর ধারে, পরিচিত মানুষের চোখে, আত্মীয়ের স্নেহের ভিত্তরে। ভাবে ভোলা, আনমনা, উদাসীন মন ছিল তার—আপন হৃদয়ের রহস্যটা ছিল আপনার কাছেই অজ্ঞাত। তারপর বয়স বাড়লো, কৈশোর এলো বোঁবন্ধে, অতৃপ্তিটা হোলো গভীর। তবলে, লেখাপড়ায় বুকি পরম আনন্দ! জানা গেল, কথাটা সত্য নয়; জানি আহার্যের অবস্থাটা ঠিক যেন অন্ধকারে পথ হাতড়ানো—আলো নেই। আলো কোথায় পাওয়া যাবে? মেয়েমানুষের মন বললে, চাই মনের মানুষ, চাই ভালোবাসা। তাই গ্রামের গভীর মধ্যে মন টিকলো না, এলো গভীর ছেড়ে। পরিবারের মধ্যে প্রমাদ ঘটল। মেয়েকে গ্রেপ্তার ক'রে এনে বিয়ে দেওয়া হোলো। হায় রে বিয়ে! ভালোবাসার কোনো পরিচয় নেই, আটপেপুঠে বন্ধন—স্বাস্রোধ হয়, হৃদয় যায় ম'রে, মনে হোলো চির-বন্দিনী হয়ে থাকাটাই নারীজীবনের একমাত্র সার্থকতা! স্বামী চিঠি লিখে জানালেন, দেহসন্তোগের কথা, সে চিঠি লিখে জানালো, অসম্ভব! তার উত্তরে স্বামী দলিল লিখে পাঠালেন, তুমি আমার স্ত্রী নও, আমি নই তোমার স্বামী। মায়ালাভ জানিয়ে দিলে, বিয়ে আমার হয়নি, দেহদান করবো না কোথাও বিনামূল্যে!

তারপর আর বাকি রইল কী! এলো গ্রাম ছেড়ে শহরে,—অপরিচিত জীবনের মাকথানে। সে আর কোথাও অধীনতা মানবে না, দুঃখের ভিতর থেকে আবিষ্কার করেছে নিজেকে। এবার জানা গেল, নিজের পা ছুটো ছাড়া আর কোথাও দাঁড়াবার জায়গা তার নেই, তার ভার আর কেউ নেবে না। যেদিন থেকে জানা গেল, নিজের দায়িত্ব নিজের, সেদিন থেকে সে হোলো কঠিন। পুরুষকে তাচ্ছিল্য করলে, দূরে সরিয়ে দিলে। বাইরের দিকটা বত কঠিন হোলো, হৃদয় ততই গেল শুকিয়ে, নিজের পরে এলো বিজাতীয় বিতৃষ্ণা। তখনতবলে, চিরবঞ্চিত হয়ে জীবন নির্বাহ ক'রে যাওয়াটাই বুকি মেয়েমানুষের বিধিলিপি!

## অগ্রগামী

বাইরে অন্ধকার রাত্রি সী সী করে। আলোটা স্নান হয়ে আসে।  
মায়ালাভার চোখে নামে তন্দ্রা।

সেদিন সকালবেলা সুরপতি এসে দরজার কাছে দাঁড়িয়ে বললে,  
আপনার টাকা রেখে গেলাম নটবরের কাছে, দরকার হ'লে নেবেন।

মায়ালাভা বললে, কোথায় যাচ্ছেন আপনি?

বাচ্ছি আদাপুর তালুকে, কাজ আছে। ফিরতে বোধ হয় কিছু দিন  
দেরী হবে।

দেরী হবে?—বলে মায়ালাভা মুখ তুলে তার দিকে তাকালো। মায়া-  
দয়া সে মুখে কিছুমাত্র নেই, বিবেচনা নেই, নেই দায়িত্ববোধ। বললে,  
আপনি এমন ক'রে এড়িয়ে থাকতে 'চান কেন? আপনার কোথায়  
অশ্রুবিধে হচ্ছে খুলে বলুন।

সুরপতি বললে, এখানে এখন মেয়েদের পাঠশালা করা সম্ভব হবে না,  
আপনাকে এখন কাজ দেওয়া কঠিন। আর তা ছাড়া—

তা'ছাড়া কি বলুন। আমার এখানে থাকায় আপনার আপত্তি—এই না?

সুরপতি চুপ ক'রে রইল।

মায়ালাভার গলা কাঁপছিল। বললে, আপনার চোখ নেই, আপনার  
মন নেই, আপনার হৃদয় নেই। আপনার অতিথি আমি, অথচ আপনি  
জানেন না আমার সন্তান বাঁচিয়ে রাখতে। আদর্শ পুত্র আপনি?  
আপনি ভেঙেছেন সমাজের বন্ধন? মিছে কথা। নিজের মনে আপন  
কত জঞ্জাল জমা আছে, আপনি তা জানেন? কোথায় যেতে চান  
আপনি আমাকে ছেড়ে?—বলতে বলতে মুখ ঢেকে দ্রুতপদে সে নিজের  
ঘরে চ'লে গেল।

সুরপতি স্তম্ভিত হয়ে কিয়ৎক্ষণ দাঁড়াল। মনে হোলো, কেমন একটা  
জটিল বন্ধন পাকে পাকে তার কর্মজীবনকে বাঁধতে উদ্ভূত হয়েছে,

## অগ্রগামী

মহুর্ন্তের জন্ত যেন কেমন একটা যত্নটা অনুভব করলে। এটা তার চক্ষুরে নেই। চিত্তদৌর্ভল্যটা পাপ, এ কথাটা সে নানা পুঁথি ঘেঁটে আবিস্কার করেছে। মায়ামোহে হৃদয় ক্লিষ্ট হয়, স্নেহের বন্ধন মানুষকে পিছু টানে, কামিনী আর কান্ডন কর্মজীবনের ধারাকে প্রতিহত করে—এই সব সন্ন্যাস তত্ত্ব তার মাথায় ভিড় ক'রে এসে দাঁড়াল। তার দেহটা আধুনিক, বয়সটা নব্য, মনটা প্রাচীন। তার মনে হোলো, এ যেন মস্ত একটা পরীক্ষা, সে যেন ফাঁদে পড়ে যাচ্ছে। মায়ালাভা স্ত্রীলোক, স্ত্রীলোকের প্রলোভনে তার তপস্বী না ভাঙে। পুরুষ চিরবিরহী, চিরদিন ছুটে চলেছে সে অজানা কাজ আর আবিস্কারের সন্ধানে, তার গতি অপ্ৰতিহত, সে জন্মবৈরাগী, রক্তের ভিতরে তার সর্বত্যাগের ভাষা। নারীর ইতিহাসে এমন কথা নেই, সে বেঁধে ব'সে রয়েছে স্বর্ণসূত্রের জাল, পুরুষকে সে বন্দী করবে। তার প্রকৃতিতে সন্ন্যাস নেই, আছে রসের মাধুর্য, সেই মাধুর্য বক্রিশ নাড়ীতে জুড়ানো, সেই নাড়ীগুলি সন্তানকামনার ভরা। পুরুষ অগ্রগামী, নারী তার পশ্চাদধাবিত। সুরপতির মনে হোলো, কেন এই হৃদয়াবেগের খেলা, কী কথা আছে এর পিছনে? একে প্রেম বললে ভুল হবে, প্রেমের মধ্যে নেই অন্ধ উন্মত্ত আকর্ষণ, প্রেম কখনও উগ্র আসক্তিতে কাছে টানে না। এই মোহ তার ভাঙা চাই।

দরজার কাছে গিয়ে দাঁড়িয়ে সে বললে, আপনি আমার ওপর রাগ করছেন কেন? আমার কোনো অপরাধ নেই।

মায়ালাভা ততক্ষণে আত্মসম্বরণ করেছে। মুখের দিকে চেয়ে বললে, আপনার কি আর কোনো কথা নেই?

সুরপতি বললে, আপনাকে অনেক বার জানিয়েছি, আমি কাজ করতে এসেছি এখানে, কাজই আমার ভালো লাগে।

আপনি এমন ক'রে আমার সব ভাঙতে চান কেন?

ক্ষুব্ধ কণ্ঠে সুরপতি বললে, এটা আপনার নিজের কথা, আমার নয়। চোরাবালির ওপর ঘর বেঁধেছেন, অপরাধ আপনার।



মিছে' কথা। মায়ালতা উত্তেজিত কণ্ঠে বললে, একথা আপনার সত্য নয়। আপনার নিঃশব্দ প্রশ্নের পথ দিয়ে আপনিই আমাকে এখানে টেনে এনেছেন, আমি নিজে থেকে আসিনি। আপনি হরিহরদার ভক্ত, তাঁর ভালো দিকটা আপনি পাননি, পেয়েছেন তাঁর বেপরোয়া দারিদ্র্যজ্ঞানহীনতা।

স্বরপতি বললে, আপনার কথায় বাগ করা উচিত, কিন্তু আপনি আজও ছেলেমানুষ। যে জারগায় জোর চলে না, সেইখানে আপনি শক্তি প্রয়োগ করতে চান। প্রথম থেকে অভদ্র ব্যবহার করলেই কি আপনি খুশী হতেন?

ক্লিষ্টকণ্ঠে মায়ালতা বললে, ব্যবহার কবে আপনি ভাল করেছেন তাও আমার জানা নেই, আপনার সকল উৎপীড়নের দাগ আমার মনে মনে লেখা আছে স্বরপতিবাবু। আমিই বরাবর আপনার মঙ্গলকামনা ক'রে এসেছি, আমিই গিরেছি ছুটে ছুটে, আমিই ছিলুম অন্ধ।

স্বরপতি কিয়ৎক্ষণ চুপ ক'রে রইল। তারপর বললে, আপনার এই রাগের কারণ আমি বুঝি নে।

বোঝেন।—মায়ালতা বললে, কিন্তু স্বীকার করতে চান না।

আপনি কি তবে বলতে চান, আমাকে সমস্ত বন্ধ ক'রে দিয়ে এখান থেকে চলে যেতে?

কই, সে কথা ত আমি বলিনি?

আপনার কথার অর্থই তাই। কিন্তু আমি জানি আমার একটা মাত্র পথ।—স্বরপতি বললে, অনেকদিকে যারা তাকায় তাদের লক্ষ্য স্থির নয়, তারাই পথ হারায়। নিজের জীবনকে একই দিকে নিয়ে যাবার চেষ্টা করছি, আমি অসুবিধা আছে, কষ্ট আছে,—কিন্তু লক্ষ্য স্থির আছে এই আনন্দের খুশী থাকব। আমাকে দয়া ক'রে ভুল বুঝবেন না। এদিকে বেলা হোলো, আমাকে এখনি যেতে হবে।

দাঁড়াতে আপনাকে বলব না, আপনি যান—মায়ালতা বললে, কিন্তু এটা জেনে যান আপনার নিজের কথাগুলোর মধ্যে আমার কথাও থেকে যাচ্ছে।

আপনার চোখ নেই, তা'হলে দেখতে পেতেন আমি কোথায় এসে পৌঁছিছি। সহানুভূতি আপনার কাছে চাইনে, দয়ালুতা করতে আসিনি ছুটে, কিন্তু বিবেচনাও কি আশা করতে পারিনে আপনার কাছ থেকে ?

আমার কাছে আপনি বিবেচনা চান কেন।—স্বরপতি বললে, আমি কে ?

কেউ নন আপনি।—মায়ালাতা উত্তর কণ্ঠে বললে, আপনি রাস্তার লোক। অনাস্থীয় বলে নিজেকে সকলের কাছে জাহির করতে থাকুন, আপনাকে স্বাধীন দেবো না। আপনাকে বিবেচনা করতে বলছি এইটুকু যে, আপনি জানেন আমার আগাগোড়া ইতিহাস, আপনি জানেন কত বিপদ আর দুর্ভাগ্য পার হয়ে এসেছি, কত অজ্ঞান মাথা পেতে নিয়েছি নীরবে, কত অপমান সহ্য করেছি মুখ বুজে। এ সব কি আমার মিছে কথা ?

স্বরপতির মুখে হঠাৎ হাসি এলো। বললে সব সত্যি, কিন্তু আমি আপনার এ কাহিনী জেনে কী করতে পারি ? এ সব বিবেচনা ক'রেই বা আমার ফল কি ?

মায়ালাতা বললে, ফল কিছু নেই কিন্তু আপনি এখন আমাকে কি করতে বলেন ?

স্বরপতি বললে, সে বিবেচনা আপনার, আমার নয়।

আপনি জানেন, আমি কলকাতার সব কাজকর্ম ছেড়ে দিয়ে এসেছি ?

শুনছি আপনার মুখে। তবুও জানি আপনি ইচ্ছে করলেই কাজকর্ম পেতে পারবেন। আপনার কাজের অভাব হবে না।

কিন্তু কণ্ঠে মায়ালাতা বললে, আমি মেয়েমানুষ, একথা আপনার মনে আছে ?

মেয়েমানুষ আপনি নন।—স্বরপতি বললে, আপনি স্বাধীন মেয়ে। নিজের চেষ্টায় আপনি গিগিজয় করেছেন, কেউ আপনাকে কোনোদিন সাহায্য করেনি।

দুর্ভাগ্য আমাদের। স্বাধীন বলে আমাদের সবাই জানে কিন্তু পুরুষের গোপন সাহায্য ছাড়া আমরা আজ পর্যন্ত কিছুই করতে পারিনি। পুতুল

পূজা করতে, গেলেও আপনাদের দরজায় হানা দিতে হয়। স্বাধীন ব'লে আর আমাকে অপমান করবেন না।—এই ব'লে মায়ালতা থামল।

এবার আমি বাই।—ব'লে সুরপতি পা বাড়ালো।

কোথায় যাবেন ?

আমাকে যেতে হবে আদাপুর তালুকে। আজ সন্ধ্যার মধ্যে সেখানে আমাকে পৌঁছতেই হবে।

মায়ালতা বললে, এই তিন চারমাসের মধ্যে আপনি কত জায়গায় গেলেন, আমি একটিবারও বাধা দিইনি, বাধা দেবার অধিকার আমার নেই। আজ্ঞে আপনাকে ছেড়ে দেবো; কিন্তু আমার জন্ত কোনো ব্যবস্থাই করে গেলেন না, নটবরের বৌ পর্যন্ত আপনার এই ব্যবহার দেখে অবাক হয়ে গেছে।

সুরপতি চুপ করে রইল। মায়ালতা পুনরায় বললে, এখানে আপনার অখণ্ড প্রতিষ্ঠা, সবাই আপনাকে রাজা ব'লে ডাকে, গ্রামের আপনি প্রধান, অথচ অন্যকেই কিরে বেতে হবে রিক্ত হস্তে, আপনার কোনো সাহায্য পাবো না। সংসারে বড় হয় বারা, তারা বোধ হয় অনেকেরই মাথা মাড়িয়ে উঠে দাঁড়ায়। আমি অনেক আশা করেছিলুম, কিন্তু—বলতে বলতে তার চোখে অশ্রু এলো।

সুরপতি বললে, আপনি এখানে থাকলে অবস্থাটা কি দাঁড়াবে তা আপনি বোঝেন ? বারা কিছুই জানে না তারা কি বলবে ?

সে চিন্তা আপনার, আমার ত নয় !

আমার চিন্তা, আমার দায়িত্ব। তারা যখন প্রশ্ন করবে, আমি তখন জবাব দিতে পারব না। যাদের বিশ্বাস আর স্নেহের ওপর আমার প্রতিষ্ঠা, তারা বিক্রম করবে, গ্রাম ছাড়া ক'রে তাড়িয়ে দেবে, আমার সকল চেষ্টা মিথ্যে হয়ে যাবে।

নিজের সম্মান আপনি রাখতে পারবেন না ?

না। সম্মান বড় ভঙ্গুর, আর এই ভঙ্গুর জিনিসটির উপর মানুষের জীবনের সব মূল্য নির্ভর করে। সম্মান হারিয়ে প্রতিষ্ঠা ঘুচিয়ে, সমাজ নষ্ট ক'রে বাঁচা

বায় না। আর তা ছাড়া আমার পথ সত্যি আলাদা। আপনাকে অনেকবার জানিয়েছি, সংসারের অনেক জিনিসেই আমার মন নেই। আমি মনে করি কাজের জন্তই জীবন, সুখ দুঃখের জন্তে নয়; আশ্রমের জন্তে বাঁচা, ভোগের জন্তে নয়। আমাকে দয়া ক'রে আপনারা মুক্তি দিন।

অশ্রুপূর্ণ চক্ষে মায়ালাভা বললে, আমাকে তবে বিদায় দিয়ে যান?

এমন সময়ে কয়েক জন লোক বাইরে সাড়া দিয়ে ডাকল, রাজা?

স্বরপতি বললে, এই যে, তোমাদের সব প্রস্তুত?

হ্যাঁ, আজ্ঞে। আর দেরি করবেন না, রাজা। আপনার অন্নসেবা হয়েছে?

কিছু ধারার জন্তে স্বরপতি সকালে এসেছিল, এ কথা এতক্ষণ কারো মনে ছিল না। প্রশ্ন শুনে মায়ালাভা তার মুখের দিকে তাকাল। কিন্তু মুহূর্ত্ত নাহ, তারপরেই স্বরপতি বললে থাক্গে, ওবেলাই রান্না করা যাবে। চল বেরিয়ে পড়ি। আচ্ছা, আমি এবার যাই। আমার ওই ট্রাঙ্কে আপনার টাকাগুলো আছে, নিশ্চই নিয়ে নেবেন।—এই ব'লে সে দ্রুতপদে চ'লে গেল।

চোখে অশ্রু এসেছিল, সেই অশ্রু গেল শুকিয়ে। এগিয়ে এসে মায়ালাভা দরজার কাছে দাঁড়াল। সুমুখের পথ পার হয়ে স্বরপতি ততক্ষণে অস্ত্র পথের বাকি অদৃশ্য হয়ে গেছে। এই ঘর, ওই দালান, সুমুখের বটগাছের নীচে বিশ্বেশ্বরের মন্দির, গত তিন চার মাসের অতি প্রত্যাশাময় জীবন, একটি মুহূর্ত্তে সমস্ত যেন বিস্মৃত হয়ে গেল। আজ নিজের ভিতরের চেহারাটা প্রত্যাখ্যানের আঘাত খেয়ে যেন নিজের চক্ষের সম্মুখে এসে দাঁড়ালে। এত বড় অসম্মান তার আর কখনো ঘটে নি। অনেক আশা যেখানে, সেইখানেই প্রবল আঘাত। ভুল করেছে সে, মস্ত বড় ভুল। মেয়েমানুষের দৈন্তটাই ছিল বড়, অহিসোলুপতাটা তাকে করেছিল অন্ধ। এ কথা সে বুঝতে পারেনি, সব পুরুষ সুরেশ নয়, সংসারে স্বরপতিরও আছে! তার মতো মেয়েকে পাবার জন্তে যারা তপস্বী করে, তাদের মায়ালাভা চেনে, কিন্তু জানত না তাদের, যারা নিতান্ত অবহেলায় তাকে পথের প্রান্তে

নিশ্চয়োজ্জনীয় বলে ফেলে দিয়ে যায়! আজ তার সকল আত্মাভিমান চূর্ণ হয়ে গেল।

এই যে লজ্জা, এটাও কর্ম নয়। এই মানুষটা, যার হৃদয়ে কিছুমানুষ স্নেহ আর মায়ার আভাস নেই, এর জন্ম দীর্ঘ দিন ধরে কি উদ্বেগই না তার ছিল! গর্ব প্রকাশ করেছে ক্ষেমীর মা'র কাছে, তাচ্ছিল্য করেছে স্বরেশকে; নিজের হিতাহিত, প্রতিষ্ঠা, উপার্জন, সমস্ত বিসর্জন দিয়ে এসেছে, পিছন ফিরে সে তাকায়নি--অথচ আজ তার কোনো মূল্যই পাওয়া গেল না। আপন রূপের মোহে সন্ন্যাসীকে সে আচ্ছন্ন করতে আসেনি, জয় করার প্রবৃত্তি তার ছিল না, সে এসেছিল সেবা করতে। ভালোবেসে সে ধুশী করতে চেয়েছিল আপন হৃদয়ের দাক্ষিণ্যে। আকাজক্ষা ছিল তার কতটুকু? কতটুকু চেয়েছিল সে জীবনে? সামান্য একটু নিশ্চিন্ত আশ্রয়, সেই আশ্রয়টুকু হবে শান্তিতে প্রসন্ন। ঐশ্বর্য নয়, বিলাস-ব্যসন নয়, অলঙ্কার-আভরণের বাহুল্য নয়,—কেবল অনাড়ম্বর সুন্দর সহজ জীবন যাত্রা; পৃথিবীর এক প্রান্তে, অথাত গ্রামের কোণে, নিকটের ওই ছায়াবটের নীচে মন্দির প্রাঙ্গণে, শাল আর মহুয়ার স্নেহছায়ায় দিন ও রাত্রি বাপনের মধুর আনন্দ।

আজ তার মনে হোলো, আত্মস্বাতন্ত্র্যের জন্ম ছুটোছুটি কত বড় মিথ্যা! স্ত্রীলোকের স্কন্ধীয়তাটা অন্তের মুখাপেক্ষী, নিজের পায়ে তারা চলে না। সে মনে করেছিল, স্বরপতির সঙ্গে তার কোনো তকাং নেই; অর্থাৎ দু'জনেই ঘরছাড়া, পরিবার ও সমাজ থেকে বিচ্ছিন্ন, দু'জনেই চলেছে নুতন জীবনে; দু'জনেরই পথ এক। কিন্তু স্বরপতি পূর্বব, এই কানটা সে বিচার করেনি। স্বরপতি ছুটেছিল বন্ধন ডিঙিয়ে, কিন্তু সে যে ছুটেছিল বন্ধন বরণ করতে! মায়াবলতা নিজেকে ধিকার দিলে। নিজের প্রতি এত বড় বিতৃষ্ণা তার আর কোনোদিন আসে নি। মনে 'হোলো, ভালোবাসা মেয়েমানুষকে নিষ্ক্রিয় করে, আকর্ষণ্য করে, তাদের গতিকে আচ্ছন্ন

ক'রে দেয়। পুরুষের আছে ঐশ্বরিক শক্তি, তারা অভিভূত হয়, আবদ্ধ হয় না।

সুমুখের পথ দিয়ে শীতশেষের রুদ্ধ বাতাস ধূলাবালি উড়িয়ে চলেছে, মন্দিরে সকালের পূজার ঘণ্টা থামল,—নূতন ক'রে আজ সকালে আবার দিন আরম্ভ হয়েছে। কিন্তু এ সমস্ত যেন প্রাণহীন, মৃত্যুর মতো এরা যেন নিঃসাড়। মায়ালতা বাইরে এসে দাঁড়াল। তাকে চ'লে যেতে হবে, এখানে 'আর তার থাকার অধিকার নেই! তার স্নায়ুর মধ্যে এরা সবাই এই কয় মাসে জড়িয়ে গিয়েছিল, আজ সেখানে ভয়ানক চিড় খেয়েছে, তাকে সব ছিন্ন ক'রে যেতে হবে। কিন্তু কোথায়, কোথায় তার পথ? সে স্ত্রীলোক, একথা আজ নিতান্ত নিকপায় হয়ে তাকে উপলব্ধি করতে হচ্ছে, কতদূর সে বেতে পারে? কোথায় তার নিরাপদ আশ্রয় মিলবে? একদিন তার ভিতরে প্রবল বলশালিতা ছিল, ছিল প্রচণ্ড ইচ্ছাশক্তি, ছিল দ্রুতবেগ—সে শক্তি কে হরণ ক'রে নিল?

নটবরের স্ত্রী এসে দাঁড়াল। বললে, দিদি, তোমার জল-বাটনা দিচ্ছি, আজ রান্নার বেলা হয়ে গেল। গরম মুড়ি চারটি এনে দিব?

মায়ালতা তার চিবুক ধ'রে বললে, না, ভাই ব্যস্ত হয়ে না, আজ চাপড়া বস্টি, আমাকে খেতে নেই।

ওমা, সে কি কথা? উপোস যাবে কেন?

আচ্ছা যদি ইচ্ছে হয়, পরে খাবো। নটবর কোথায় গেল বোন?

বৌ বললে, হাট থেকে তোমার জন্মে ডাব আনতে পাঠিয়েছি, এই এলো ব'লে।

ও আমার লক্ষ্মী!—মায়ালতা তাকে আদর ক'রে বললে, তোমার এত বিবেচনা?

ও কথা বলতে নাই, আমরা কি তোমার যোগ্যি? তুমি আমাদের মাথার মণি। তোমার জন্মেই উহার ঘর উঠল, রাজার দয়া হল'।—এই ব'লে গামছাখানা কাঁধে ফেলে খুঁকীর মা স্নান করতে চ'লে গেল।

## অগ্রগামী

সামান্য কাপড় জামা, তুই একটা প্রয়োজনীয় সবজ্যাম, খানকয়েক বই, —পৃথিবীতে, এর বেশী মায়ালাভার আর কিছু নেই। সেগুলি শুছিয়ে সে স্ক্রাট্‌কসে তুললে। স্নান তার আগেই হয়েছিল। বেলা দশটা নাগাৎ নটবর এসে পৌঁছল। মায়ালাভা বললে, কি আনলে নটবর?

ডাব আনলাম দিদিমণি। আর এই তোমার প্রণামী। হাটে গিয়ে পড়লাম, ভাবলাম কি নিয়ে যাই দিদিমণির জন্যে। দেখলাম সব নতুন সাদী, লোভা হয়। তুমি নিতে অমত ক'রো না দিদিমণি, আমরা তোমার খেয়ে মারুব।

তাই বলে তুমি সাদী কিনে আনলে? মায়ালাভা অবাক হয়ে গেল।

নটবর উৎসাহিত হয়ে বললে, আর এই মাথার তেলটুকু, খুব মিষ্টি গন্ধ দিদিমণি। তোমার মাথা রুক্ষ হয়ে থাকে, এক মাথা চুল, আমার বড় কষ্ট হয়।

মায়ালাভা হেসে বললে, রুক্ষ মাথাই যে এখনকার ক্যাসন্ নটবর! এঃ তুমি দেখছি নিতান্তই গ্রাম্য, বলি হাল আমলের সঙ্গে তোমার বুদ্ধি পরিচয় নেই? তাদের সব বাড়ির পাখীর সাজ, মায়ূরপঙ্খী ঘোড়া, তারা নতুন রসের কারবার করে, বুঝলে নটবর? আমার মাথা রুক্ষ দেখে তোমার কষ্ট হল, তাদের দেখলে তোমার নিশ্চয় কান্না পেতো। যাক গে, শোনো বলি নটবর, তোমাকে এখন একটা বিশ্বাসী লোক দিতে হবে!

কেন দিদিমণি?

আমি এখন চ'লে যাব। আমার বাস্তুটা ষ্টেশনে পৌঁছে দিতে হবে। লোক পাওয়া যাবে ত?

নটবর অবাক হলে বললে, তুমি চ'লে যাবে?

চমকে উঠো না নটবর। মায়ালাভা বললে, অনেক দিন দেশ ছেড়ে আছি, আর ত থাকা চলে না, ভাই, খুব বেড়ালুম, খুব খেপুম, তোমারা আনন্দ দিলে অনেক,—এবার আমি যাব।

আজই যাবে?

## অগ্রগামী

এখনি যাব। ডাবটা কেটে দাও, খাই। বাক্স গোছানই আছে, স্থান হয়েছে, রাজাকে জানিয়ে দিয়েছি—। এই রুলে' মায়ালতা পায়ে চট্টিজুতাটা প'রে নিল,—তারপর বললে, অতএব আর মুহূর্ত দেবি নয়, আমি যাত্রা ক'রে ওই মন্দিরের দালানে অপেক্ষা করি, তুমি একটুটা লোক ঠিক ক'রে দাও। হ্যাঁ, ওই যে আমার স্যুটকেস।

স্তুষ্টিভর নটবর কেবল বললে, আমি তোমাকে তুলে দিয়ে আসব।

তুমি ত এই মাত্র পরিশ্রম ক'রে এলে নটবর?

দিদিমণি, আমার পরিশ্রমটাই দেখছ, ক্ষতিটা দেখলে না।

মায়ালতা হাসিমুখে বললে, ক্ষতিটা কি?

সে জানানবো ভগবানকে। এই ব'লে নটবর ঘরে গিয়ে স্যুটকেসটা নিয়ে এল। তারপর বললে, দুশ্ব রয়ে গেল, আর একটা দিনও তোমাকে রাখা গেল না। কেবল আমরাই নই, রাজাও বড় হুঁজুগা দিদিমণি?

ও-কথা বলতে নেই নটবর। মায়ালতা বললে।

বলতে নেই? একশো বার বলব, দিদিমণি। আমার চোখ কানা নয়, দেখি সব, বুঝি সব। তাই বুক বাজিয়ে বলতে পারি, তোমাকে যারা দুঃখ দেবে তারা জীবনে শাস্তি পাবে না।

নটবর, জীবনে সকলের চেয়ে ভাল জিনিষটি ত্যাগ ক'রে গেলে কি আনন্দ হয় না?—মায়ালতা অতি কষ্টে অশ্রু সঞ্চরণ করতে লাগল।

নটবর একটিবার মাত্র তার এই পরম স্নেহের ও সন্মানের ভগ্নীটির দিকে তাকাল, কি যেন কঠিন কথা বলতে গেল, কিন্তু ঢৌক গিলে আত্মসম্বরণ ক'রে বললে, আমরা গাঁয়ের লোক, অতি মুখ্য। চল দিদিমণি।—এই ব'লে সে স্যুটকেস হাতে নিয়ে অগ্রসর হয়ে গেল।

মায়ালতা একবার এদিক ওদিক তাকাল, তার পর গলায় আঁচল দিয়ে দরজার চৌকাঠে একটি প্রণাম করলে। পরে মনে মনে বললে, চেষ্টা করব আবার নতুন জীবন তৈরী করতে, কিন্তু তোমার পায়ে কখনো



## অগ্রগামী

কুশাহ্বর না ফোটে, ওগো বৈরাগী, এই প্রার্থনা জানিয়ে গেলুম। তুমি স্থখে থাকো—এই বলে মাথায় ঘোমটা দিয়ে সে দ্রুতপদে পথে নেমে গেল।

গরুর গাড়ী পাওয়া যায় নি; জঙ্গলের ভিতর দিয়ে তিন ক্রোশ পথ হেটে তারা দু'জনে ষ্টেশনে এসে পৌঁছলো। বেলা বোধ হয় ছুটো বাজে। গাড়ী আসতে আর বিলম্ব নেই। মায়ালতা কলকাতার টিকিট কিনল।

গাড়ী এসে যখন পৌঁছল, নটবরের চক্ষু তখন অশ্রুসজ্জল। মায়ালতা তার কাঁধে হাত রেখে বললে, প্রায় চার মাস ছিলুম নটবর!

নটবর বললে, তোমার চিরকাল থাকার কথা দিদিমণি।

মায়ালতা বললে, এমন ত হ'তে পারে নটবর, আবার তোমাদের দেখব?  
—ব'লে সে হাসলো।

নটবর বললে, মিছে কথা। কেন তুমি আসবে,—তেমন বাপের মেয়ে তুমি নও। তুমি ছোট হবে কেন, দিদিমণি?

মায়ালতা, গাড়ীতে উঠে বসলো। তারপর আঁচল খুলে এক বাঁশ নশটাকার নোট বার করে নটবরের হাতে দিয়ে বললে, তোমার ছেলেমেয়েদের জামা কিনে দিও। কিছুই দিয়ে আসতে পারিনি। বউকে আমার আশীর্বাদ জানিয়ে।

নটবর হেঁট হ'য়ে পায়ের ধূলা নিলে। বাশী বাজিয়ে গাড়ী ছেড়ে দিল।

গাড়ীর গতি প্রথমটা মন্তর, তারপর দ্রুত! জান্না দিয়ে মায়ালতা মুখ বাড়িয়ে রইল, নটবর তার দিকে একদৃষ্টে তাকিয়ে দাঁড়িয়েছিল, ধীরে ধীরে তার মূর্তি ছোট হয়ে এক সময় অদৃশ্য হলো। তারপর মাঠ, মাঠের পর মাঠ, শীতশেষের শুকনো গাছ পালা, এলোমেলো হাওয়া, দূরান্তরের ছোট ছোট বনময় গ্রাম,—কিন্তু মায়ালতা অপলক দৃষ্টিতে চেয়ে রইল। চিন্তার কোনো ছায়া সে-মুখে নেই, ব্যাথা-বিষাদ নেই, মুখখানা যেন নিশ্রাণ, অচেতন; অতীত ও বর্তমানকে উত্তীর্ণ হয়ে সে যেন কোন্ দূরে চ'লে গেছে। একসময়ে

## অগ্রগামী

তার চোখে তন্দ্রা এলো, সে-তন্দ্রা গভীর ক্লান্তির; ঝড়ের পরে প্রশান্ত সাগরের যেন নিস্তরঙ্গতা। ঘুমিয়ে ঘুমিয়ে তার চোখে জল গড়িয়ে এলো।

একসময়ে কার যেন গলার আওয়াজে তার তন্দ্রা ভাঙলো। চেয়ে দেখলে একটি বৌ তার পাশে বসে রয়েছে। চোখচোখি হতেই বউটি বললে, আপনি'সরে বসুন, মুখে বোদ লাগছে।

মায়ালাতা একটু সরে বসলো। তারপর বললে, শীতের বোদ, মন্দ লাগে না।—ব'লে স্নেহে আঁচল দিয়ে মুখ মুছলে।

বৌটি বললে, শীত আর নেই, এখন বসন্তকাল।

ও, তা হবে! ব'লে মায়ালাতা বাইরের দিকে তাকালো। শীত কবে চ'লে গেছে, তার খেয়াল নেই।

বৌটি আলাপ ক'রে বললে, আপনি কতদূরে যাবেন?

আমি?—মায়ালাতা বললে, যদি বলি তার কোনো ঠিক নেই?

বৌটি অবাক হয়ে গেল, এমন কথা মেয়েমানুষের মুখে তার শোনার অভ্যাস নেই। মায়ালাতার মুখের দিকে সে তাকালো। মাথায় সিঁড়র নেই, হাতে নেই নোরা, একটু আগে চোখের জল মুছতে দেখেছে, উপবাসী মুখ,—মাথার চুল বিস্ত্রস্ত,—কে জানে কেমন মানুষ! এর পরে আর কোনো প্রশ্ন করতে বৌটির সাহস হোলো না।

মায়ালাতা বললে, আপনার বরেন্দ্র খুব অল্প দেখছি, বিয়ে হয়েছে কতদিন?

এই তিন মাস, হলো।

মাত্র তিন মাস? বাপের বাড়ী কোথায় আপনার?

উত্তরপাড়ায়।

এদিকে কোথায় গিয়েছিলেন?

সিংভূমে, আমার মামার বাড়ীতে।

মায়ালাতা বললে, আপনার নাম কি?

## অগ্রগামী

বৌটি বললে, সুরমা। আমাকে 'আপনি' বলবেন না, আমি আপনার চেয়ে কত ছোট।

খুব ছোট নয়,—মায়ালতা বললে, আমি বরাবরই এমনি; ছোট বেলা থেকেই বাড়ন্ত গড়ন।, আপনার বোধ হয় বছর কুড়ি বয়স হবে?

সুরমা বললে, না, ভাদ্রমাসে আমি একুশে পড়েছি।

তবে আপনি আমার চেয়ে তিন বছরের ছোট। আমি অল্প বয়স থেকে লম্বা চওড়া। আমার যখন দশ বছর বয়স, তখন থেকেই গ্রামের ছেলেরা আমার ঘাবড়ার মধ্যে প্রেমপত্র গুঁজে দিত। তাদের আর সুবুর সহিত না।

সুরমা এবারে তার কথায় খিলখিল ক'রে হেসেই অস্থির। বললে, আপনি কী চমৎকার দেখতে! এত রূপ?

মায়ালতা বললে, রূপের কথা আর বোলো না, এ যেন শিমূল ফুল। গন্ধ নেই, শোভা আছে। অতি বড় সুন্দরী না পায় বর। বুঝতেই পাচ্ছি, বর জোটেনি। এই জাঁদয়েল বপুখানি কে ঘাড়ে নিতে চায় বোলে? দানাপানি ত কম লাগবে না! মোটর গাড়ী পোষার চেয়েও আমার খরচ বেশী। ভেবে চিন্তে, তাই গিয়েছিলুম এক জঙ্গলে মনের মানুষ খুঁজতে; রাজা বলে ডাকলুম, কিন্তু সাড়া দিলে না। নানা কৌশলে বন্দী করবার চেষ্টা করলুম, কিন্তু ফাঁদে কেলতে পারলুম না। রূপের গর্ব খর্ব হলো, পরাজয়ের কলঙ্ক মেখে ফিরে চলেছি।

সুরমা বললে, আপনার কথা শুনে আপনাকে খুব ভালো লাগে।—এই বলে সে হাসতে লাগল।

ওমা, তাই নাকি? ভাবছিলুম, আমার কথা শুনে মনে হবে দুঃখদ্রষ্ট, স'রে যাবে কাছ থেকে। আমি বাঁচবো তোমার প্রণের হাত এড়িয়ে। যাক্গে বাজ্জে কথা, তোমার স্বামী কি করেন তাই?

তিনি ওকালতী করেন। এখন আছেন শিমূলতলায়; তাই বাচ্ছি মামাতো ভাইকে নিয়ে। মামাদের বাড়ী আছে শিমূলতলায়।—সুরমা

বললে, আসানসোলে গাড়ী বদল করতে হবে। আচ্ছা, আপনার সঙ্গে কেউ নেই ?

মায়ালাতা বললে, কে থাকবে বলো ?

আত্মীয়-স্বজন, ভাই, বন্ধু—

মায়ালাতা হেসে বললে, অনেক কথাই শুনেছি, চাঁও দেখছি, কিন্তু বলব না। আপনার লোক আমার বিশেষ কেউ নেই, পর ছ'চার জন আছেন। তবে কি জানো ভাই, দরকারের সময়ে কারো দেখা পাইনে।

বন্ধুও নেই ?—সুরমা হেসে বললে।

মায়ালাতা বললে, মেয়ে-বন্ধু না পুরুষ-বন্ধু ? হ্যাঁ, তা আছে বৈ কি দশবিশ জন, কিন্তু ভাই তুমিও যেমন, একবারে অকুটি ধ'রে গেছে। ওরা সব মৌগুদী কুল—এই আছে, এই নেই। বন্ধু হ'বে কার সঙ্গে ? সংসারে মনের মানুষ পাইনে।

সুরমা আরো কাছ থেকে বসলো। মায়ালাতার আলাপের অসাধারণত্ব—এরই মধ্যে সে অভিভূত হয়ে পড়েছে মুখের দিকে সে খানিকক্ষণ চেয়ে রইল, তারপর বললে, একটা কথা বলুন আপনাকে ?

মায়ালাতা বললে, চরিত্র সম্বন্ধে ?

না, না, অল্প কথা।

তবে কি ? মাথায় সিঁছ'র নেই কেন ? পুরুষ কেন নেই সঙ্গে ?

সুরমা বললে, তাও নয়।

মায়ালাতা হাসি মুখে বললে, উত্তর দেওয়া সহজ হবে ত ?

নিশ্চয় হবে। আমি বলছি আপনি এতক্ষণ যা বললেন, সব কথা আপনার সত্যি নয়।

কোন কথাটা আমার মিথ্যে মনে হলো ?

সুরমা মাথা দু'লিয়ে বললে, কোনটাই আপনার মনের কথা নয়। আপনি যা বলেন, তা আপনি নিজেই বিশ্বাস করেন না।

মায়ালাতা বললে, ওরে বাবা, এ যে একেবারে মনোবিশ্লেষণ! তুমি ভাই উকিলের বোঁ, জেরা করতে পারো,—আমি মুখ্য মেয়েমানুষ।

ছি ছি, এমন কথা বলবেন না, আপনার মতন শিক্ষিত মেয়ে আমি দেখিনি।

যেটুকু দেখেছি, এইটুকুতেই আমাকে শিক্ষিত মনে হলো? তোমার পর্যবেক্ষণ শক্তির তারিফ করতে পারিনে।

এর পরে দু'জনে নানা আলাপ করতে লাগল। গাড়ী হু-হু করে ছুটেছে। বেকের ওধারে ছিল সুরমার মামাতো ভাই প্রিয়নাথ। তার সঙ্গে আলাপ হলো। সে আই-এ পড়ে। তার ফটোগ্রাফির সখ আছে। মায়ালাতা বলে বসলো, আমি ওরিয়েন্টাল ভঙ্গিতে বসবো, তুমি একটা স্ন্যাপ নিয়ে নিয়ো ভাই।

প্রিয়নাথ হেসে লজ্জায় মুখ ফিরিয়ে বসলো।

সুরমা বললে, সত্যি বলুন ত, আপনি কোথায় চলেছেন?

মায়ালাতা বললে, সত্যি বলব? আমার কাছে কলকাতার টিকিট কেনা আছে।

আমার একটা কথা রাখবেন?

রাখার মতন কথা?

সুরমা বললে, নিশ্চয়ই। আপনি আমাদের শিমুলতলার বড়ীতে দু'এক দিন থেকে যান।

অতিথি-সংকার করবে?—মায়ালাতা বললে, কী খাওয়াবে বলো?

যা খেতে চাইবেন। বলুন, যাবেন।

মায়ালাতা এক মিনিট চুপ করে রইল। তারপর বললে, আসানসোল গিয়ে বলতে পারি, যাবো কি না।

সুরমা তার হাত ধরে মিনিতি করে বললে, এখন আপনাকে বলতে হবে, আসানসোলের আর দেবী নেই।

মায়ালাতা রসিকতা করে বললে, আমাকে নিয়ে গিয়ে তুলতে তোমার ভয় করবে না?

স্বরমা বড় বড় চোখে চেয়ে বললে, কেন ?

কেন ?—মায়ালাতা হাসিমুখে বললে, নতুন বিয়ে হয়েছে, তোমার ওপর এখনো তাঁর মায়া বসেনি, মনে রেখো ।

ওঃ, এই কথা ! সে ভয় নেই দিদি, মেয়েমানুষের চোখ নিয়ে তিন মাসেই জেনেছি, একেবারে আপনভোলা ভোলানাথ, কোনদিকে যদি তাঁর ক্রম্প থাকে । উর্বরীও হেরে যায় তাঁর তপস্তা ভাঙতে ।

স্বরমার গৌরবগর্ভিত মুখখানি দেখে মায়ালাতা মুগ্ধ হয়ে গেল ।

প্রিয়নাথ বললে, আসানসোল ষ্টেশনে তিনি আমাদের জন্তে অপেক্ষা করবেন, কথা আছে ।

স্বরমা পুনরায় বললে, কই বললেন না ত ?

মায়ালাতা বললে, যদি তোমার স্বামী মত না করেন ? আসানসোলে গাড়ী দাঁড়াবে, সেই সময়ে নেমে আগে স্বামীর অনুমতি নিয়ে ভাই । হাজার হোক, চেনা-পরিচয় 'নেই ত ! আমার তেমন কোনো বাধা নেই, এক-আধ দিন স্বচ্ছন্দে থেকে বেতে পারি, কিন্তু তাঁর দিক থেকে—

স্বরমা বললে, আমি আপনার ভক্ত হয়ে পড়েছি, ভক্তের কথা আপনাকে রাখতেই হবে, তা বলে রাখছি । আমি জানি, তাঁর আপত্তি হবে না, তাঁর মত সদাশিব মানুব হয় না ।

গাড়ীর গতি মন্ডর হোলো । সন্ধ্যার আর বিলম্ব নেই, সূর্যাস্ত হয়েছে । প্রিয়নাথ জান্‌লায় মুখ বাড়িয়ে বললে, আসানসোল এসেছে ।

ধীরে ধীরে গাড়ী প্লাটফর্মের ভিতরে এসে দাঁড়াতেই প্রিয়নাথ আগে নামল । শিমুলতলার গাড়ী আসতে তখন ঘণ্টাতিনেক বিলম্ব আছে ।

অলক্ষণ খোঁজাখুঁজি করতেই স্বরমার স্বামীর দেখা পাওয়া গেল । প্রিয়নাথের সঙ্গে সঙ্গে তিনি গাড়ীর কাছে এলেন । কুলী এসে জিনিষপত্র নামাতে লাগল ।

তার গলার আওয়াজ পেয়ে মায়ালাতা অনেকখানি মাথার ঘোমটা টেনে দিল। স্ত্রী স্বামীকে হেসে বললেন, শরীর কেমন আছে ?

স্বামী বললেন, মোটামুটি ভাল। আমার চিঠি পেয়েছিলে ত ঠিক সময়ে ?

সুরমা স্বামীর হাত ধরে বললে, না পেলে যথাসময়ে এলুম কেমন ক'রে ? ওগো, এই ছাখো, পথ থেকে মানিক কুড়িয়ে এনেছি। উনি কলকাতায় বাঁচ্ছিলেন, পথে আলাপ। একলাই আছেন, আমি গুঁকে শিমুলতলার দু'একদিন রাখব। কেবল তোমার মতামতের অপেক্ষা। কী চমৎকার মেয়ে, যেমন রূপ তেমনি গুণ !

স্বামী বললেন, বেশ ত চলুন, আমাদের সৌভাগ্য। তারপর হেসে নমস্কার ক'রে বললেন, নমস্কার অপরিচিতা দেবী !

ঘোমটার ভিতরে মাথা হেঁট ক'রে মায়ালাতা হাত তুলে 'প্রতি-নমস্কার জানালো। সুরমা রাগ ক'রে বললে, তা হ'বে না, এখানেই আমার স্বামীর সঙ্গে পরিচয় করতে হবে, সে আমি গুনব না। এই বলে সে মায়ালাতার ঘোমটা খপ্ ক'ড়ে খুলে দিলে।

বজ্রপাত হোলো কিম্বা সর্পঘাত বোঝা গেল না। মুখ তুলতেই মায়ালাতার সঙ্গে সুরেশবাবুর চোখচোখি হোলো। মায়ালাতা বললে, নমস্কার সুরেশবাবু। অনেকদিন পরে দেখা হোলো।

সুরেশবাবুর মুখ ভয়ান্ত, বিবর্ণ। হাত তুলে কম্পিত কণ্ঠে বললেন, নমস্কার। ভাল আছেন ?

সুরমা স্তম্ভিত, হতবাক। চক্ষুর নিম্নে বর্তমান অবস্থা উপলব্ধি করে মায়ালাতা হঠাৎ হেসে বললে, সুরমা তোমার স্বামীর কাছে আমি চিরঋণী। উনি দেবচরিত্র, গুঁর দয়ায় আমি একদিন কাজ পেয়েছিলুম। সুরেশবাবু, আপনার সঙ্গে আমার ঝগড়া আছে, লুকিয়ে বিয়ে করলেন অথচ আমাকে নেমস্তন্ন করলেন না ! কী অজ্ঞায় বলুন ত ?

## অগ্রগামী

সুরেশবাবু বললেন, আপনি তখন দেশে ছিলেন না। হঠাৎ মায়ের পীড়াপীড়িতে বিয়ে করতে হলো, কাকেও খবর দিতে পারিনি। আমি আশা করিনি, আপনার সঙ্গে এমন ভাবে দেখা হয়ে যাবে !

• এক হাতে সুরমার গলা জড়িয়ে মায়ালতা বললে, চমৎকার বউ হয়েছে আপনার। যেমন ব্যবহার, তেমনি সৌজন্য। আপনারই যোগ্য স্ত্রী।

সুরেশবাবু ভয়ে ও হুশিয়ারি মাথা হেঁট করলেন। মায়ালতা পুনরায় বললে, আচ্ছা সুরেশবাবু, উর্ধ্বশীও নাকি হার মানে আপনার তপস্বী ভাঙতে ? ওবে বাবা, আমিও শুনে অবাক। স্বামীর প্রতি স্ত্রীর এমন অখণ্ড বিশ্বাস আর দেখিনি। বাস্তবিক আপনার মতন মানুষের উচিত কোনো সম্মাসীর আশ্রমে গিয়ে থাকা ; সুরমা, কী দেখছ ?

সুরমা এইবার হাসলো। বললে, খিয়েটার দেখছি !

মায়ালতা তার কথায় গোলমাল করে হেসে উঠলো।

সুরেশবাবু বললেন, সুরপতিবাবু ভাল আছেন ?

মায়ালতা বললে, বলতে পারিনে, বড়কাল তাঁর খবর রাখিনে।

সে কি, আপনি এতদিন সেখানে ছিলেন না ?

মোটাই না। আমি ছিলাম হরিদ্বারে, সেখান থেকে গিয়েছিলুম দ্বারকায়, সেখান থেকে ফিরে বন্দাবনে। মনে করেছি, বাকি জীবনটা তীর্থভ্রমণ করেই কাটাবো।

সুরেশচন্দ্র আর কথা বাড়াতে তরসা পাচ্ছিলেন না। স্ত্রীকে বললেন, কল্‌কাতায় গুঁর স্কুলের চাকরী রয়েছে, আমাদের ওখানে গিয়ে থাকার সময় হয় ত উনি পাবেন না, হয়ত ক্ষতি হ'তে পারে। তার চেয়ে আমি বলি কি, বরং অল্প কোনো সময়ে—

মায়ালতা হেসে বললে, আমাকে এড়িয়ে আপনি দেখছি স্ত্রীকে নিয়ে চ'লে যেতে চান। স্ত্রীর এত ভক্ত হলে শালীরা কি করে বলুন ত ? তা হবে না, সুরেশবাবু—আর তা' ছাড়া স্কুলের চাকরী আমি ছেড়ে দিয়েছি। মেয়েমানুষের কি চাকরী ভালো লাগে ?



## অগ্রগামী

সুরেশবাবু বললেন, আমাদের বাড়ীতে যাবেন সে আমাদের সৌভাগ্য, কিন্তু ফিরে গিয়ে নতুন চাকরীর চেষ্টা করাও ত দরকার, নৈলে আপনার চলবে কি করে ?

দেখছি সুরমা, সাথে কি বলেছি দেবচরিত্র ? বাস্তবিক, আপনার মতন হিতৈষী সংসারে আমার এক জনও নেই। কিন্তু তবু আমি শিমুলতলায় যাবো। সুরেশবাবু, আপনার কিছু অন্ন ধ্বংস আমি করবই।—এই বলে মায়ালাতা সুরমার হাত চেপে ধরলো।

সুরমা বললে, ওগো তুমি আর কথা বলে না। তাঁর কাজ উনি বুঝবেন। দু'একদিনের আগে আমি কিছুতেই ছেড়ে দিতে পারব না।

বেশ ত, তা হ'লে ত আমি খুশীই হবো।—মুখখানা কালো ক'রে প্রিয়নাথ ও কুলীর সঙ্গে তিনি এগিয়ে চললেন। পিছনে পিছনে ওরা চলতে লাগল। সুরমার উপর সুরেশচন্দ্র রাগ করলেন। তার জগুই ত এই অবাস্তিত ঘটনা ? পথে ঘাটে বার-বার সঙ্গে আলাপ করাটা সুরমার একটা বদ অভ্যাস ! এমন বিপদে তাঁকে জীবনে আর কেউ ফেলেনি। ছি ছি, যদি সমস্ত প্রকাশ হয়ে পড়ে ? ভয়ে তাঁর সর্বশরীর অসাড় হয়ে এলো। এখনি পালিয়ে গিয়ে কোথাও লুকোতে পারলে তিনি বাঁচেন। অতীতকালের গভীর কলঙ্ক আজ প্রতিশোধ নেবার জন্য এসে দাঁড়ালো, আজ থেকে তাঁর সমগ্র বিবাহিত জীবন বিবে বিবে জর্জরিত হ'তে থাকবে। মেয়েদের শত্রুতা অন্তর্মুগী, একথা তাঁর জানা আছে।

লাইনের উপরকার সাঁকো পার হয়ে তারা সব অল্প প্রাটফরমে এলেন। প্রিয়নাথ মালপত্রের হেপাজতে নিযুক্ত রয়েছে।

সুরেশচন্দ্রের মনে কিছুতেই স্বস্তি নেই। নানা প্রশ্ন ক'রে তিনি মায়ালাতার মনের কথা বুঝতে চান। এক সময়ে বললেন, ইস্কুলে আপনার দু'মাসের মাইনে বাকি আছে, চাইলেই পাবেন।

মায়ালাতা বললে, আপনারা দেখছি দাতাকর্ণ, কাজ করিনি, মাইনে পাবো কেন ?

আপনি ত এখনো নোটিশ দেননি ? আপনার ছুটি স্ত্রাংশন করা আছে । সে বন্দোবস্ত আমি ক'রে এসেছি ।

টাকার দরকার সকলেরই । বেশ, গিয়ে মাইনে নিয়ে নোটিশ দিয়ে দেবো ।

সুরেশচন্দ্র বললেন, ওহে প্রিয়নাথ, তোমার দিদিকে নিয়ে এখানে একটু দাঁড়াও ।—আপনি একবার আসুন ত এদিকে ?

কয়েক হাত দূরে নিয়ে গিয়ে তিনি পুনরায় বললেন, আমাকে তুমি ক্ষমা করো, মায়ালাতা ।

মায়ালাতা বললে, ক্ষমা চাইবার মতো অপরাধ ত আপনি করেন নি !

তবু অজ্ঞায় কিছু আমার আছে, তাই তোমাকে বলতে এলুম । দয়া ক'রে সুরমার কাছে আমার সম্বন্ধে কোনো আলোচনা ক'রো না—তার ভয়-ব্যাকুল মিনতিটা সমস্ত চৈহায়ায় ফুটে উঠল ।

মায়ালাতা বললে, আপনি নিশ্চিন্ত থাকুন, আমি অতটা ছোট নই । আর আপনার সম্বন্ধে বলবার কীই বা থাকতে পারে ? আপনি ত আমার কোনো ক্ষতি করেন নি, বরং বরাবরই উপকার ক'রে এসেছেন ।

সুরেশচন্দ্র বললেন, তুমি বলবে না জানি, তবু আমার পাপ মন, সতর্ক না ক'রে পারিনি । স্ত্রীর, বিশ্বাস হারিয়ে পারিবারিক জীবনযাপন করা বড়ই কষ্টকর ।

মায়ালাতা হাসিমুখে বললে, আপনি বিয়ে ক'রে জ্ঞান সঞ্চয় করেছেন, দেখছি ।

কথাটার অসম্মানের খোঁচা ছিল । সুরেশচন্দ্রের মুখ মুহূর্তের জগ্ন উত্তেজিত হোলো, কিন্তু দায়ে প'ড়ে নীরবে তিনি এ আঘাত সহ্য ক'রে গেলেন । মাল্লুষের হুঙ্কতি দিনে দিনে জমা হয়, কাল পূর্ণ হ'লে একদিন বীভৎসরূপে প্রকাশ হয়ে পড়ে । আপন মনের মালিগ্গের এমন ভয়ানক প্রতিক্রিয়া সম্ভব হ'তে পারে, একথা সুরেশচন্দ্রের জানা ছিল না । ভদ্র

ও শিক্ষিত লোকের পক্ষে এইটাই সকলের বড় শাস্তি। একটি মেয়ের কাছে, তিনি চিরদিনের জন্য, হীন প্রতিপন্ন হ'য়ে রইলেন। সুরেশচন্দ্র বললেন, আর একটা কথা তোমায় বলব। একদিন আক্রোশ-বশে সুরপতির কাছে তোমার বিরুদ্ধে একখানা চিঠি লিখেছিলুম, সে চিঠিখানা অমরেশের হাতেও পড়েছিল,—তার জন্তে তুমি আমার ক্ষমা ক'রো।

বিস্ফারিত চক্ষে ভয়ে ও বিষয়ে মায়ালাতা প্রশ্ন করলে, কী চিঠি?

সে তোমার চরিত্র সম্বন্ধে, তুমি কিছু মনে ক'রো না। তোমার নির্মল চরিত্রে আমি কলঙ্ক দিয়েছিলুম।

সুরপতিবাবুর কাছে?

হ্যাঁ মায়ালাতা, তার জন্তে আমি অনুতপ্ত।

মায়ালাতা একদিকে তাকিয়ে পাথরের মতো নিঃশব্দে দাঁড়িয়ে রইল। সুরপতির অবহেলার কষ্টটা তার কাছে স্পষ্ট হয়ে উঠল। কই অমরেশও তাকে একথা বলেনি। বলা দূরে থাকুক, নীরবে সেই মহৎপ্রাণ যুবকটি তার সংস্রব ত্যাগ ক'রে চলে গেছে।

নিশ্বাস ফেলে মায়ালাতা বললে, অমরেশ এখন কোথায়, জানেন?

সুরেশচন্দ্র বললেন, তার কাছেও আমার লজ্জা আছে। একদিন কল্কাতার পথে দাঁড়িয়ে সে আমাকে অপমান করলে, হয়ত সে-অপমানের যোগ্যই আমি, তবু তায় কাছেও ক্ষমা চেয়েছি। আজ তার জন্যও আমি দুঃখিত মায়ালাতা।

মায়ালাতা তার দিকে তাকালো। সুরেশচন্দ্র বললেন, এই ছ'মাসের মধ্যে তার অনেক বিপদ গেছে। তার বাবা মারা গেলেন নিউমোনিয়ায়, মা গেলেন কলেরায়। বেচারী মাতৃপিহীন। দিন পনেরো আগে আসবার সময়ে তার অসুখ দেখে এসেছি।

মায়ালাতা উদ্বিগ্ন কণ্ঠে বললে, এখন সে কেমন আছে?

ঠিক জানিনে। ওই যে আমাদের গাড়ী এসেছে, তোমার ত এখনো টিকিট করা হয়নি?

মায়ালতা বললে, আপনারা বান্, আমি শিমুলতলায় যাবো না।

ও, যাবে না? অসুবিধে আছে বুঝি?

আমি কল্‌কাতায় যাবো।

• সুরেশচন্দ্র খুশী হয়ে বললেন, গাড়ী-ভাড়া তোমার আছে, না আমি দিয়ে দেবো?

তার মুখের দিকে মায়ালতা একবার তাকালো, পরে বললে, আপনার পুরনো স্বভাবটা ছাড়ুন।—এই ব'লে সে সুরমার কাছে স'রে গেল। তারপর সুরমার হাত ধ'রে হেসে বললে, তোমাকে বাদ দিয়ে কথা বলছিলুম, অভদ্রতাটা ক্ষমা ক'রো ভাই। আমার একটা মামলার তোমার স্বামীকে আসামী দাঁড় করাবো, তাই ঠেকে ধমক দিচ্ছিলুম।

সুরমা কেবল হেসে বললে, যাবেন ত সঙ্গে?

না ভাই, এবার আর হলো না! কল্‌কাতার একটা দুঃসংবাদ পেলাম, পূর্বের গাড়ীতেই আমাকে ফিরে যেতে হবে। তোমাদের গাড়ী এসেছে, আর দেবী ক'রো না।

সে কি কথা, এই যে বললেন—

সুরমার চিবুক নেড়ে দিয়ে মায়ালতা বললে, আন্টার দেখা হবে।—এই ব'লে নিজের স্যাককেসটা সে হাতে তুলে নিল।

সুরেশচন্দ্র সপরিবারে গাড়ীতে উঠলেন। এক সময়ে মুখ বাড়িয়ে বললেন, আপনার গাড়ী সাড়ে এগারোটায়, সকালে কল্‌কাতায় পৌঁছবে,—প্যাসেঞ্জার।

দত্তবাদ! ব'লে মায়ালতা দ্রুতপদে চলতে লাগল। যেতে যেতে তার মনে হোলো, এই লোকটা শিক্ষিত, এই লোকটা ভদ্র সমাজে সম্মানিত, এই লোকটার চেহারা পালিশ, ব্যবহারে মৌজন্ত; কিন্তু এ যে মানবসমাজের কত বড় শত্রু, মনুষ্যত্বের কত বড় আততায়ী,—এ কেবল সেই জানে।

## দশ

ঘুম ভাঙলো ভোর বেলায় ! ট্রেন এসে দাঁড়ালো হাবড়া ষ্টেশনে । শরীরে তার জড়তা কাটেনি, গত রাত্রির ক্লান্তি আর অবসাদে সর্বান্ন আচ্ছন্ন । ট্রেনে তার কখনো ঘুম আসে না, মনে থাকে ভয় আর অস্থিতি, অতি সতর্কতায় সে থাকে সজাগ । কাল রাত্রে বর্ধমান পর্য্যন্ত সে একটানা বসেছিল, কত চিন্তায় ও কত কল্পনায় কাটতে লাগল প্রহর, অন্ধকারে দৃষ্টি প্রসারিত ক'রে দিয়ে অর্থহীন চিন্তায় সে তন্ময় হয়েছিল । তারপর কখন যেন সে মেয়ে-কামরার বেঞ্চে নেতিয়ে পড়েছে, সে-কথা আর মনে নেই । নিজের সম্বন্ধে নিজের দায়িত্বের বাধনটা তার যেন শিথিল হয়ে গেছে । ভয় সে আর কেন করবে ? সতর্কতার আর অর্থ কি ? জীবনের চলপ্রোতে 'নিজেকে ভাসিয়ে দাও, যা হবার হোক, আসুক ভয়, আসুক বিপদ । বৈরাগ্য নয়, তাচ্ছিল্য এসেছে নিজের প্রতি । সে যেন ফিকে হয়ে গেছে, তার যেন আর কোনো স্বাদ নেই, তার মূল্য গেছে ক'মে ।

প্ল্যাটফরমে একে একে লোক নেমে চ'লে গেল, তাকে নিয়ে যাবার কেউ নেই । বাস্তবিক, সে যাবেই বা কোন্‌দিকে ? আবার সেই পুরণো জীবন, সেই উদ্বেগ আর সংগ্রাম, সেই সুরেশচন্দ্রের সংসর্গ । না, সে আর ভালো লাগবে না । চাকরি যদি করতেই হয়, তবে অল্প জায়গায় । এমন এক জায়গায় যেখানে বেতন অল্প, পরিশ্রম বেশি, অবসর সামান্য ! অল্প-সংগ্রাম ছাড়া আর কোনো চিন্তা মাথায় নেই । এমন অবস্থাই তার পক্ষে ভালো । সে নিরঙ্কর হ'লে অনেক সুবিধা ছিল । সাধারণ মেয়ের মতো সে খুশি থাকতো বিবাহিত জীবন নিয়ে,—অলঙ্কার-আভরণ, কেরাণী স্বামী, বৃদ্ধা স্বাণ্ডুলী, ছুঁচাচটে কুণ্ডল সন্তান, মুখরা নন্দ, যন্ত্রণা-দায়ক বিধবা পিসী,—অস্তুত নিজের

জগৎ দুশ্চিন্তা থাকত না। চোখ বুজে বয়সটা কাটিয়ে দিত, জীবনসমস্যা এসে ভীড় করত না। বিদ্যা অর্জন করে, তার দুঃখ বেড়েছে। অল্পে সে তুষ্ট নয়, মানুষের ফাঁকি তার চোখে ধরা পড়ে, আদর্শ হয়েছে তার বড়, জীবনকে সমালোচনা করার দিব্য দৃষ্টি তার খুলে গেছে।

আঁচল দিয়ে মায়ালাতা চোখের জল মুছে ফেললে। এই অশ্রুটা বহনশ্রম! জাগ্রত অবস্থায় সে কঠিন, সে সবল, দুনিয়ায় তার পরোয়া নেই, তার ব্যক্তিত্বের পরিমণ্ডলটা প্রবল দাস্তিকতার ভরা, কিন্তু নিদ্রায় সে শিশুর মতো নিরুপায়, সে যেন অদ্ভুত পরমুখাপেক্ষী; হৃদয় যেন তার কণ্ঠের কাছে উঠে এসে কাঁদতে থাকে। এই অশ্রু তার সেই তন্দ্রার অসতর্ক মুহূর্তে কোন্ সময়ে গড়িয়ে এসেছে। বাস্তবিক, এ পৃথিবীতে সে যেন এক নতুন জীব, সে বিচিত্র, কোনো কিছুর সঙ্গে, তার মেলে না, সংসারের সর্বত্রই সে যেন বেমানান।

—এ মাইজি, গাড়ীসে উত্ৰো ঝাড়ু দেজে।—গলার আওয়াজে তার চমক ভাঙল। মায়ালাতা গা ঝাড়া দিয়ে উঠে স্যুটকেসটা হাতে নিয়ে নেমে পড়লো! ষ্টেশনের অনেকেই তার দিকে তাকিয়ে রয়েছে, তার ক্রক্ষেপ নেই। স্যুটকেসটা মাঝে এক জায়গায় নামিয়ে ঘোমটা সরিয়ে মাথার চুলটা সে বেঁধে নিল, জামার বোতাম এঁটে দিল। তার ভাবভঙ্গীটা জনসাধারণের অপরিচিত, স্ত্রীলোককে তারা লজ্জায় আড়ষ্ট হয়ে চলতেই দেখেন এমন সুন্দরী মেয়ের পাহারায় পুরুষ নেই, এতেই তাদের বিষয়। কিছুদূর গিয়ে আবার তাকে দাঁড়াতে হোলো—কোমরের কাপড় আলগা হয়ে গেছে। প্লাটফরমে দাঁড়িয়ে সে কাপড় পরলে। এমন সময় একজন ঝাড়ুদার দৌড়ে এসে ডাকলে—মাইজি, এ জুতি আপকা হায়?—মায়ালাতা মুখ ফিরিয়ে দেখলে, হ্যাঁ, তারই চটি! মনে নেই, খালি পায়েই সে গাড়ী থেকে নেমে এসেছে। চটিজুতোটা পায়ে দিয়ে আঁচল খুলে সে ঝাড়ুদরকে চার আনা বক্শিস্ দিলে। সে ছোকরা সেলাম জানিয়ে গেল।

## অগ্রগামী

একটি লোক অনেকক্ষণ থেকে তাকে লক্ষ্য করছে। টিকিট দিয়ে গেট থেকে বেরিয়ে আসতেই লোকটি কাছাকাছি এলো। অকমল মায়ালতা তাকালো তার দিকে। তার দৃষ্টিতে অর্থ নেই, জিজ্ঞাসা নেই, কৌতূহল নেই। লোকটি হাসলে, ভঙ্গী করলে, তারপর মধুর কণ্ঠে জিজ্ঞাসা করলে, ফেলে পালিয়েছে বুঝি? ভয় কি?

কে ফেলে পালালো? কে পেলো ভয়? মায়ালতা হঠাৎ হামিমুখে বললে, কি বলচেন?

লোকটা একটু আশ্চর্য পেয়ে বললে, কলকাতার অনেক দেখবার জিনিস আছে। আমি সব দেখাতে পারি।

মায়ালতা এদিক ওদিক তাকালো। তারপর বললে, চিডিয়াখানা আছে?

আছে বৈ কি, যদি দেখতে চান আমি নিয়ে যেতে পারি।—লোকটি উৎসাহিত হয়ে উঠলো।

বান্দর আছে সেখানে? কলকাতার বান্দরগুলো শুনেছি খুব বুদ্ধিমান!— এই বলে মায়ালতা এগিয়ে চলল। ষ্টেশন থেকে বেরিয়েই দেখা গেল, মোটর-বাস প্রস্তুত। নম্বরটা দেখে সে একখানা বাসে উঠে বসলো।

লোকটা এবার একটু সন্দেহ দৃষ্টিতে তার দিকে তাকালো। তারপর চোখচোখি হতেই অত্যন্ত লোলুপ দৃষ্টিতে তাকিয়ে বললে, কই, চিডিয়াখানা দেখাবেন বললেন? যে?

মায়ালতা বললে, দেখা ত হোলো।

গাড়ী ছেড়েছে। লোকটা তার সঙ্গে সঙ্গে এসে বললে, কই দেখলেন?

মায়ালতা তার দিকে চেয়ে খিল-খিল করে হেসে মুখ ফিষিয়ে নিলে। গাড়ী ছুটলো। লোকটা ফুটপাথের উপর দাঁড়িয়ে অবাক হয়ে চেয়ে রইল। কলিকাতার বুদ্ধিমান!

গাড়ী ছুটেছে। অনেকদিন পরে শহরের দৃশ্যটা নতুন লাগছে। মায়ালতার অজানা কিছু নেই, তবুও মনে হচ্ছে এদের সঙ্গে কোথায় যেন তার একটা

## অগ্রগামী

সুন্দর ব্যবধানের সৃষ্টি হয়েছে। পথঘাটগুলির সঙ্গে তাকে যেন আবার নূতন ক'রে পরিচয় করতে হবে। যে পল্লীগ্রামে দীর্ঘদিন সে বাস ক'রে এলো, তার ছায়াটা যেন এসেছে তার সঙ্গে। তার কাপড়ে-চোপড়ে, তার মুখে চোখে, মাথার চুলে, তার সর্বাস্থে শালবনের সেই মৃত্তিকার প্রলেপ মাথানো। শহরের চাকচিক্যের সঙ্গে সে গ্রামাতা মেলে না। কিন্তু ঐ পর্য্যন্তই, তার হৃদয় মর্যাস্তিক আঘাত খেয়ে এবার নিজের লজ্জা ও জড়তা কাটিয়ে উঠেছে। তার মোহিতল্লা ঘুচেছে। যেখানে সম্মান নেই, সেখানে নেই ভালোবাসা। যে-দেবতা, প্রসন্নময়, তাঁর নিকট আত্ম-নিবেদন গৌরবজনক। থাক্ সুরপতি, রাজা হয়ে থাকুন তিনি আপন রাজ্যপাট নিয়ে, দেশকে তিনি উন্নত করুন, করুন জাতির সেবা আর সমাজের হিতসাধন, অথও ব্রহ্মচর্য্য পালন ক'রে তিনি সুখে থাকুন—তাকে মনে মনে নমস্কার জানিয়ে মায়ালাতা বিদায় নিলে। এ পৃথিবী ছোট নয়, আকাশ নয় সঙ্কীর্ণ, নদী এখনো কলস্বনা, দক্ষিণ বাতাস সুন্দর, তরুণতায় ফুল ধরে, মানুষের বুকে আঙ্গো আছে অনন্ত আশা!

গাড়ী ছুটেছে কোন্ পথ দিয়ে কোন্ পথে। কিন্তু আশা যে ছলনাময়ী! জীবনের সকল কামনা কি তার শেষ হোলো?, অদম্য উৎসাহ নিয়ে নদী নেমে এসেছিল পর্ব্বত বিদীর্ণ ক'রে কিন্তু পথ হারিয়ে মক্ভূমির ভিতরে সে ম'রে গেল? কেন? কে নায়ী ত্বর জন্ত? কে করলে অবিচার? চেয়েছিল সে সুন্দর জীবন, কেন হোলো সে জীবন ছিন্নভিন্ন? মায়ালাতা স্তব্ধ হয়ে চলন্ত বাসের একটা সীটে ব'সে রইল। তার মনে এই মর্যাস্তিক প্রশ্নগুলি জলবুদ্বদের মতো একটির পর একটি ফুটে উঠতে লাগল।

সুন্দর জীবনের অর্থ কি তার কাছে? জীবন সুন্দর হয়ে ওঠে কখন? স্ত্রীলোকের হৃদয়ের ভিতরে এই অদ্ভুত স্বপ্ন বাসা বাঁধে কেন? মায়ালাতা পথের দিকে তাকালো। সেই অতি পরিচিত চলমান সংসারের প্রবাহ, লোকযাত্রা চলেছে আশ্রান্ত, জীবন অবিরাম কর্ম্মমুখর। এর ভিতরে কী



## অগ্রগামী

তত্ত্ব আছে? মানুষ কী চায়? অগ্রগামী নরনারীর দল, কেবল সেই কি প'ড়ে থাকবে পিছনে? হ্যাঁ, সে চেয়েছে নদীর মতো জীবন, নিত্য ঐশ্বর্যময়, লোকীলয় ও জনপদকে করবে ফলবান, আপন অক্ষুরক্ত প্রাণের রসে পথের হৃদারে স্বজন ক'রে চলবে। জীবনকে প্রয়োজনীয় মনে করবে, বিশ্বসৃষ্টির ছন্দের মধ্যে আনবে, এই তার কামনা।

কন্ডাক্টর টিকিট চাইলে। তাকে পরসাদ দিয়ে টিকিট নিয়ে মাথালতা ব'সে রইল।

অথচ এই কামনার পিছনে রয়েছে একটা অতি স্থূল প্রশ্ন! তার আশ্রয় কোথায়? পুরুষের আশ্রয় তার সৃষ্টি, তার সভ্যতা; তার নব নব ভাবধারা। এই পথ-ঘাট, ওই পণ্যসম্ভার, বানবাহন, মানুষের নিত্য প্রয়োজনের বিভিন্ন সামগ্রী; আকাশে উড়ে জাহাজ, সমুদ্রে জলযান, শিল্প-সাহিত্য, রাষ্ট্র-চৈতন্য—সভ্যতা ও পরিশীলনের সমস্ত উপকরণ পুরুষের সৃষ্টি। অরণ্য উচ্ছেদ ক'রে নগর বসিয়েছে পুরুষ, মাটির বুক' থেকে ছিনিয়ে এনেছে ধনসম্ভার, নব নব দেশ ও জাতি তার আবিষ্কার; সূর্য, চন্দ্র, গ্রহ, নক্ষত্রের গতিরহস্ত তার করতলগত, তার হাতে ধ্বংস ও সৃষ্টি, তার হাতে প্রেম ও নিষ্ঠুরতা; দস্যু হয়ে সে ভোগ করে, সন্ন্যাসী হয়ে ত্যাগের বাণী শোনায়। পুরুষ অপূর্ব, পুরুষ বিচিত্র! এমন মিথ্যা কথা কে বলেছে' মেয়েরা তাদের শক্তি জোগায়? যারা জন্মাবধি নিঃশক্তি—শরীরে, মনে, হৃদয়ে, চরিত্রে, চিন্তায়—শক্তি তারা আহরণ করেছে কবে? পুরুষের শক্তি সহজাত, তাদের শক্তিতে মেয়েদের অস্তিত্ব, তাদের বীৰ্য্য স্ত্রীলোকেরা সঞ্জীবিত নারীর স্বাতন্ত্র্য নেই, শক্তিহীনের স্বাতন্ত্র্য কোথায়? নারীর আশ্রয় নেই, যারা সৃষ্টি করে না তাদের আশ্রয়ে অধিকার কি? একথা কে অস্বীকার করবে যে, স্ত্রীলোক চিরদিন পরাশ্রিত, পরধর্মাবলম্বী, পরাধীন ও পরমুখাপেক্ষী নয়? পুরুষের যোগ্য হয়ে ওঠার জন্য তাদের শিক্ষা-অর্জন, পুরুষকে খুশি করার জন্য তাদের আপ্রাণ সাধনা। পুরুষের আনন্দের জন্য তারা হয়

## অগ্রগামী

প্রিয়া, ভোগের জন্তু তারা হয় প্রিয়তমা, সেবার জন্তু তারা হয় দাসী,—  
পুরুষকে লালন করবার জন্তু তারা ধরে মাতৃমূর্তি!

আশ্রয় তার নেই, আশ্রয় সৃষ্টি করার সহজ শক্তি তার পক্ষে নেই,  
সে জীলোক। তার দস্ত খর্ব্ব হয়েছে, আত্ম-স্বাতন্ত্র্যের অলীক আশা তার  
যুচে গেছে। আজো সময় আসেনি, এখনো দেশের মন তৈরী হয়নি,  
মেয়েদের পথ আজো বন্ধ। তার জীবনাবধি কালের মধ্যে সেই প্রবল  
আলোড়ন কি দেখা দেবে, যার প্রচণ্ড তরঙ্গে পুরাতন যা-কিছু সব যাবে  
ভেসে? যাবে প্রচলিত নীতি, সংস্কার, সকল বন্ধন, সমস্ত জীর্ণ শৃঙ্খলা?  
কবে বাধবে সেই সর্বনাশী যুদ্ধ, যে-যুদ্ধ আনবে সমাজ-বিপ্লব, ভয়াবহ  
জীবনসংগ্রাম, নরনারীর সমানাধিকারবাদের বিচিত্র সমস্যা? বিপ্লব না হ'লে  
নতুন সৃষ্টি নেই, যুদ্ধ ও মৃত্যু না হ'লে জীবনের সত্যকার মূল্য জানা  
যাবে না, সংস্কারের ধ্বংস না হ'লে নারীর নতুন আশ্রয়ের আশা নেই।  
তার জীবদ্দশায় সেই ভয়ঙ্কর বিপ্লব কি দেখা দেবে না?

গাড়ী এসে থামল, আর যাবে না। ঝাঁকানি খেয়ে মায়ালাতার চমক  
ভাঙলো। গাড়ীর এতগুলি যাত্রী এতক্ষণ তার দিকে ফিরে ফিরে তাকাচ্ছিল,  
সে বুঝতে পারেনি। হটাৎ সে অনুভব করলে, উভপ্ত অশ্রু তার গাল  
বেয়ে নেমে এসেছে। তাড়াতাড়ি স্ট্রট্‌কেসটা হাতে নিয়ে সে গাড়ী থেকে  
নেমে পড়লো। আঁচল দিয়ে অশ্রু মুছলো।

কিছুদূর এসে থমকে দাঁড়ালো। সকল পথই তার চেনা, কিন্তু পা  
ছুটো যেন অচল! শরীরে জ্বালা ধরেছে, স্নান না করলে আর চলছে না।  
হরিহর দাদার সেই পুরনো বাড়ীতে গিয়ে সে এখনকার মতো উঠবে, স্থির  
করলে। কিছুক্ষণ তার বিশ্রাম চাই, নিদ্রা চাই। একখানা রিক্সা দাঁড়িয়েছিল,  
মায়ালাতা হাত বাড়িয়ে তাকে ডাকলে। লোকটা গাড়ী নিয়ে  
এসে দাঁড়ালো। মায়ালাতা তার উপর উঠে বসে বললে, দর্জিপাড়া  
চলো।

## অগ্রগামী

কিছুদূর গিয়ে বিক্সাওলাকে দাঁড়াতে হোলো। লোকজনের ভীড়ে পথ বন্ধ। পথের চারিদিকে একটা গোলমাল উঠেছে। কতকগুলি ছেলের সঙ্গে কতকগুলি মেয়ে ফুটপাথের ধারে দাঁড়িয়ে। লোকে লোকারণ্য। শোনা গেল, আইন অমান্ত আন্দোলন চলছে, জাতীয় প্রতিষ্ঠানগুলি বেআইনী ঘোষিত হয়েছে। খানাতারাসী চলছে। মায়ালাতা বললে, এই, গাড়ী ঘুরিয়ে নাও, অগ্নি পথে চলো।

গাড়ী ঘোরাতেই একেবারে এক দল মেয়ের মুখোমুখি। তাদের মধ্যে একটি মেয়ে চোঁচিয়ে উঠল, ওমা, মায়ালা, তুমি যে এদিকে? নামো নামো, গাড়ী ছেড়ে দাও—

মায়ালাতা বললে, তুমি কেন এদিকে, সুপ্রভা?

মেয়েটির হাতে কতকগুলি খাতাপত্র। সেগুলি সে আঁচলের তলায় তাড়াতাড়ি লুকিয়ে গাড়ীর কাছে এসে বললে, আমাদের সমিতি ভেঙে গেছে। কথা বলবার সময় নেই তাই, পালিয়ে যাচ্ছি। তুমি কাজ করবে আমাদের দলে?

হাত বাড়িয়ে মায়ালাতা তাকে টেনে বিক্সার উপর তুলে নিলে। বললে, চলো অগ্নি রাস্তায়।—বিক্সা ছুটতেই সে পুনরায় বললে, কি কাজ করবো তোমাদের দলে, সুপ্রভা?

সুপ্রভার চোখে মুখে প্রবল উৎসাহ আর উত্তেজনা। বললে, করবে কিনা বলো, কাজ অনেক, আমি আজ দুপুর পর্যন্ত মেয়ে রিক্রুট করবো। ভীষণ কাণ্ড—

কেন?

ওমা, কী ভাই তুমি? জানো না আজ 'স্বাধীনতা দিবস'? মহুমে তলার আজ পতাকা উত্তোলন! আজ মেয়েদের দলে স্বনামধন্য শশীধেবা দেবী বক্তৃতা করবেন।—এই বলে সুপ্রভা চকল হ'য়ে পথের চারিদিকে তাকাতে লাগলো। যুদ্ধের ঘোড়া ঘেন সুরাপান করে এসেছে।

মায়ালাতা বললে, আমরা নিতে চাও?

হ্যাঁ, অবিশিষ্ট।

কি কাজ করবো ?

সুপ্রভা বললে, এখন কিছু না। খদ্দের শাড়ী প'ড়ে আসবে, হাতে নেবো তিনরঙা জাতীয় পতাকা, তারপর দলের মধ্যে টাঁড়িয়ে ফ্যাগ্‌ উঁচিয়ে টেঁচাবে, 'বন্দে-মাতরম্।' কিন্তু প্রাণ গেলেও কোনোরকমে নন-ভায়োলেন্স-নীতি ভঙ্গ করবে না—বুঝলে !

যন্ত্রচালিতের মতো মায়ালাতা বললে, বেশ, রাজি হলাম। এখন তবে আর বাসায় ফিরবো না, ইস্কুলে গিয়ে স্থান করবো, তুমি যাবে না স্কুলে ?

সুপ্রভা বললে, ও-ইস্কুলে আমি আর ঢুকবো না, কাজ ছেড়ে দিয়েছি।

বিস্মিত হয়ে মায়ালাতা বলে, সে কি, কেন ?

স্ববেশবাবুর সঙ্গে বিবাদ। বামো, ওখানে মাষ্টারী করলে মেয়েদের সম্মান থাকে না !

মায়ালাতা হাসলে ! বললে, রাখতে জানলে থাকে। যাক, তোমার দেখা কোথায় পাবো ?

সুপ্রভা বললে, আমার দেখা ? তাইত। আচ্ছা, এক কাজ করো ; ঠিক বেলা ছুটোর সময়ে শ্রামবাজারের মোড়ে পানের দোকানের সামনে—কেমন ? ঘেন দেরি না হয় মায়াদি, আমি অপেক্ষা করবো দশ মিনিট। এই, রাখো।

রিক্সা থামতেই সুপ্রভা নামলো। তারপর বললে, আচ্ছা নমস্কার, ঠিক সময় এসো। আমাদের লীডার সত্যশঙ্কর সঙ্গে সেই সময় পরিচয় করিয়ে দেবো।—আঁচল ছুলিয়ে দ্রুতপদে সে একদিকে চ'লে গেল। তার অনেক কাজ, সমগ্র দেশ ও জাতি তার মুখ চেয়ে রয়েছে।

স্কুলে এসে যখন মায়ালাতা পৌঁছল, তখন সাড়ে ন'টা বাজে। একটু পরে স্কুল বসবে। ভিতরে যেতেই চাকরবালা সোম তাকে অভ্যর্থনা করলেন। হাত ধ'রে বললেন, এতদিনে গরীবদের মনে পড়লো। মায়াদি ? আপনার কাজ আপনি নিন, আমার ছুটি।

## অগ্রগামী

মায়ালতা বললে, আগে স্থান করবো, তারপর অল্প কথা।

এই যে, সব আমার প্রস্তুত। ও মানদা, কোথায়, এদিকে এসো। তেল সাবান দাও, কাপড় দাও।

আদর আপ্যায়নের ক্রটি নেই। একথা মায়ালতা এখন জানালো না যে, চাকরি সে আর এখানে করবে না। দেশের কাজে সে নামবে, সুপ্রভা তাকে অভিবৃত্ত ক'রে গেছে! সে যখন স্থান ক'রে উঠে এলো, চাকুরালা তখন জমিলেন, আপনার পাঁচ মাসের মাইনে প্রায় তিনশো টাকা আমার কাছে রয়েছে মায়াদি। কাপড় ছাড়ুন, এখনি টাকা বের ক'রে দিচ্ছি।

মায়ালতা বললেন, পুরো মাইনে কি আমার পাওয়া উচিত? জানো ত, বলতে গেলে বিনা নোটিশেই—

চাকুরালা হেসে বললেন, এ ব্যবস্থা সুরেশবাবু ক'রে গেছেন। আপনার টাকা কমিটির কাছ থেকে এনে আমার কাছে জমা রেখে তবে তিনি গেছেন শিমুলতলায়। আপনি চিঠিপত্র তাঁর পেয়েছেন মায়াদি?

চিঠিপত্র? সুরেশবাবুর? তিনি আমাকে চিঠি দেবেন কেন চাকুরালা?

না, আমি এমনিই বলছি।—চাকুরালা আহারের আয়োজন করতে গেলেন।

বেলা বারোটা আন্দাজ, এক রাশি টাকা জামার ভিতরে পুরে মায়ালতা পথে বেঝুলে। পরিচ্ছদের আড়ম্বরটা কম নয়। দামী খদ্দেরের শাড়ী, লাল সবুজ থঙে মেশানো পাড়, গায়ে মুর্শিদাবাদ সিক্কের কুলকাটা ব্লাউস, পায়ে কালো মকমলের ফিতে লাগানো বর্ষাঙ্গিপার। মুখের মালিগা গেছে কেটে, আজ সে-মুখের ভিতরে হয়েছে সূর্য্যোদয়। এলো খোঁপাটা পিছন দিকে ফেরানো, মা মাঝে বাতাসে ঘোমটা খসে গিয়ে খোঁপাটা নজরে পড়ছে। বাস্তবিক, দেশের কাজের কথাটা এতদিন তার মনে পড়ে নি, এই আশ্চর্য! পাঁচ মিনিটে সুপ্রভা বুঝিয়ে দিয়ে গেল, স্বরাজসভা-করার কৌশলটা। আজকে তার নূতন উৎসাহ দেখা দিয়েছে। হৃদয় নিয়ে কান্নাকাটি ক'রে কতগুলি দিনই সে নষ্ট করেছে। সব মিথ্যা, সমস্ত ছেলেখেলা। ভালোবাসার ব্যাপারটা যৌবনকালের

দুঃখ, যৌন প্রকৃতির আত্মতাড়না। ছি ছি, কত ছোট সে হয়ে গিয়েছিল! এবার তার আর কোনো পিছুটান নেই, বন্ধন নেই, সে মুক্তি পেয়েছে, দেশের কাজে জীবন উৎসর্গ করবে সে। সুপ্রভা মূর্তিমতী আলীস্মাণীর মতো 'এগেছিল, তাকে সঙ্গে দিল কণ্ঠের পথে, মহান্ আদর্শের দিকে। বিধাতার মনে অবশ্যই কোনো বৃহৎ উদ্দেশ্য আছে। অনেক দুঃখের পর এবার সে কূল পেয়েছে। ঈশ্বরকে ধন্যবাদ।

অমরেশ্বর সংবাদটা তার আগে নেওয়া দরকার। একথা সে এককাতো ভোলেনি, তার কবিবন্ধু অসুস্থ। শেষরাত্রে সেই যে গ্রাম থেকে পালিয়ে এসেছিল, তারপর কবির আর সন্ধান মেলেনি। আজ তার সঙ্গে নূতন ক'রে সাক্ষাৎ হবে। কিন্তু সময় বড় অল্প। কুশল সংবাদ নেবে আর টাকাগুলো তার কাছে জমা রাখবে—বাস্ তার পবে অনেকদিনের মতো বিদায়! কাব্যবরণ তাকে করতেই হবে, অল্প পথ নেই!

কিন্তু এই সাজসজ্জার চাকচিকাটা? কবি করবে বাঙ্গ-কৌতুক,—উত্তবে সে বলবে, এই সজ্জাই শেষ, আজ আমার বড় সাধ হয়েছিল নিজেকে সুন্দর ক'রে প্রকাশ করার। আজ আমি যুদ্ধে চলেছি, কবি। অমনি কবি তার গলায় হাত রেখে বলবে, বিচিত্ররূপিনী তুমি, হে বিচিত্রা! এসো, আবরণ খোলো, শেষবার তোমার ছবি এঁকে নিই। তোমার সুগোল হাত দুখানা লাগনা বসে ভরা, দেখে দেখে আমার বৃকের রক্ত টলমল ক'রে ওঠে; তোমার কালো পুরের নাচে দীঘায়ত চোখ আমার নিত্যকালের স্বপ্ন; তোমার কঠিন কোমল স্তন্যগ্রভাগে আমার মহামরণ; তোমার রাগ-রঞ্জিত চরণক্ষেপ আমার প্রাণস্পন্দনকে দ্রুততর করে!

আনন্দটা যেন তার সর্বাসঙ্গে তবঙ্গ তুলছে। আজ কবির কাছে তার আকস্মিক আবির্ভাব আর নাটকীয় বিদায়। বিদ্যাতের মতো জ্বলে উঠবে, তারপর সব অঙ্ককার। কবি লিখবে কবিতা। বলবে, 'নয়ন সম্মুখে তুমি নাই, নয়নের মাঝখানে নিয়েছ যে ঠাঁই!'

## অগ্রগামী

সময় নেই। দ্রুত, উদ্বেগে, চপল চরণে,—লাকভয়, সজ্জাভয় এখন আর চলবে না। অমরেশ্বর বাড়ীর দরজায় সে এসে দাঁড়ালো। ফিৎতস্তে কড়া নাড়িলো। সুসজ্জিত সুরূপা মেয়ে এসে ডাকছে এক তরুণ কাকে, অর্থটা সুস্পষ্ট। তবু সময় নেই, লোকের চাহনির শাসন আজ আকে মানতেই হবে।

একটি চাকর বেরিয়ে এলো। বললে, ও, আপনি? কই, তিনি ত বাড়ী নেই?

কোথায় গেছেন?—মায়ালাতা প্রশ্ন করলে।

অসুখ শরীরে বেরিয়েছেন। আর বলবেন না, দিন নেই রাত নেই। ছেলের দল আর মেয়ের দল এসে হাঁকাহাঁকি। তাঁর কাছে সবাই আসে পড়া লেখাতে। বলতে পারব না আপনাকে কখন তাঁর সঙ্গে দেখা হবে।

বাড়ী ফিরবেন ত?

কে জানে, দু'দিন হয়ত বাড়ী এলেন না, এমনো হয়েছে। বাবু আর মা মারা গিয়ে উনি আর কিছুব পরোয়া করেন না।

মায়ালাতা প্রশ্ন করলে, অসুখটা কি?

চাকর বললে, ডাক্তার বলে নিশ্বাসের অসুখ। এত টাকা বাবুর হাতে এসেছে, কিন্তু নিজের চিকিৎসা করার কোন চেষ্টা নেই। এমন করলে কি শরীর টিকবে?

এখানে তার কাজকর্ম করে কে?

আমাকেই সব করতে হয় দিনিমণি। ছোটবাবু বলছেন, এ বাড়ী শীঘ্রই ছেড়ে দেবেন।

দরজা থেকে মায়ালাতা ফিরলো। হঠাৎ যেন একটা নিরুৎসাহ এসে দাঁড়ালো, মনটা ভেঙে গেল। হাউইয়ের মতো তার উত্তেজনাটা পুড়ে ছাই হলো। এখন তার এই সাজসজ্জার আর অর্থ কি? পুরুষের প্রশংসমান দৃষ্টিতেই মেয়েদের অলঙ্কার আভরণ সার্থক হয়ে ওঠে। সে যেন মরে গেল

## অগ্রগামী

তার সর্কাজে আর যেন কোনো সৌরভ নেই, তার পাপড়িগুলি গেল  
 আঁটবে। এখন আর দেশের কাজে নামার মানে নেই, স্বাধীনতার নেই  
 আগ্রহ, তিন রঙা জাতীয় পতাকার জোলস গেল ধুয়ে। কেন নামবে সে  
 জাতীয় আন্দোলনে, জাতীর কাছে তার ঋণ কোথায়? কারাবরণ করলে  
 তার কী লাভ? স্বাধীনতা যেদিন আসবে, সেদিন তার সমস্তা ত এমনিই  
 থাকবে! অজ্ঞ যারা দেশের নেতা, কাল তারা ক্ষমতা পেয়ে স্বৈচ্ছাচারী  
 ও অত্যাচারী হয়ে উঠবে না, এই বা কে বললে? অন্তত তার আভাস  
 ত পদে পদেই পাওয়া যায়! সেদিন দেশবাসীর বিরুদ্ধেই আবার এই  
 আন্দোলন তুলতে হবে, নিজেদের বিরুদ্ধেই ঘোষণা করতে হবে বিপ্লব ও  
 বিদ্রোহ। ইতিহাস এর সাক্ষ্য।

রৌদ্রে রৌদ্রে মাগালতা ঘুরে বেড়ালো। শীত কমে গেছে, তার কুপালের  
 চুলের গোড়ায় ঘামের বিন্দু জমে উঠেছে। এই বিশ্রী শাড়ীটা যেন তার  
 চলার পথে বাধা। পায়ে পায়ে জড়িয়ে যায়। এই ভরা হুপুরে মাজগোজ  
 কবে সে বেরিয়েছিল কেমন কবে? কচিবিকারের চরম! তার ভিতরে  
 একটা কদম্ব ভোগলোলুপতা আছে, তার চরিত্রে ক্রটি অগণ্য, সারল্য ও  
 সচিত্রতার প্রবল অভাব, পুরুষের শ্রিয় হয়ে ওঠার জগ্গ তার কী আপ্রাণ  
 পরিশ্রম! নিজেকে যে দিক্কার দিলে! যে ছেলেটি অসুস্থ, যে সচ্ছ  
 পিতৃমাতৃহীন, চরম দুর্ঘ্যোগে যে পথে পথে ঘুরে বেড়ায়—তার অবস্থার  
 প্রতি সমবেদনা নেই, মমত্ববোধ নেই, বরং তার বাসনার অগ্নিকে ফুংকার  
 দিয়ে জাগিয়ে তোলার এই জঘন্য প্রবৃত্তি! লজ্জা, লজ্জা, লজ্জাই মেয়েদের  
 ভরণ! লজ্জার ভাবে যারা ভারাক্রান্ত, চিরজীবন পরাভুগ্রহে যারা প্রতিপালিত,  
 তারা যাবে আজ 'স্বাধীনতা-দিবস' পালন করতে? স্পর্ক! নিজেদের  
 দেহের প্রতি যাদের কর্তৃত্ব নেই, যারা বছরে দশমাস সন্তান-ধারণের জগ্গ  
 বন্দী থাকে, মারাজীবন যারা সতীত্ব রক্ষা করতে করতে কাটিয়ে দেয়, দেহের  
 যৌবনই যাদের অস্তিত্ব রক্ষা করার মূলধন, তারা নামবে আজ জাতীয়



## অগ্রগামী

আন্দোলনে? জাতির কি এত বড় অধঃপতন হয়েছে যে, কতগুলি স্ত্রীলোক লেলিয়ে দিয়ে তারা শাসনতন্ত্রকে অচল করবে? বীৰ্য্যবান্ পুরুষ কি নেই দেশে? কতকগুলি গাভী লেলিয়ে দিয়ে মহম্মদ ঘোরী হিন্দুরাজ্য অধিকার করেছিল, এও কি সেই মনোভাব?

শ্রামবাজারের মোড়ে এসে যখন সুপ্রভার দেখা পাওয়া গেল, তখন বেলা দুটো বেজে গেছে। আরও চার পাঁচটি মেয়ে ছিল সঙ্গে। সুপ্রভা এই ছোট দলের নেত্রী। কুমারী নীলিমা চাটুয্যের মা কাল রাত্রে গ্রেপ্তার হয়েছেন; সুতরাং তার বিক্ষোভও কম নয়।

পথের চারিদিকে সেদিন প্রবল জনতা আর শাস্তিরক্ষার তোড়জোড়। কলকাতার নাড়ী চঞ্চল। দিকে দিকে শোভাযাত্রা আর 'বন্দে মাতরম্'। দুইধারের বাড়ীগুলিতে জাতীয় পতাকা উড়ছে। ধর্ম্মতলা পার হয়ে সুপ্রভার দল চৌরঙ্গীতে এসে পড়লো।

সমুদ্রের মতো বিরাট জনতা। মেয়েদের দল, ছেলেদের দল। স্বেচ্ছাসেবকের ভীড়। নেতারা মোটরে ঘোরাঘুরি করছেন। মনুমেন্টের নীচে বিশাল জনশ্রোত।

সুপ্রভার দল গাড়ী থেকে নেমে ছুটল মাঠের ভিতরে। কী আগ্রহ—কী উত্তেজনা! 'না জাগিলে সব ভারত-ললনা, এ ভারত আর জাগেনা'। তুমুল জয়ধ্বনি আর অভিনন্দন হোলো তাদের প্রতি। মায়ের জাতি আজ নেমেছে যুদ্ধে, আর রক্ষা নাই। আজ সরকারের প্রতি করুণায় বন বিগলিত হয়। অকৃতজ্ঞ ভারতবাদী, যারা তোমাদে দেশে শিক্ষা আর সভ্যতা আনল, তাদের প্রতি এই রুঢ় আচরণ? সম্মুখে মনুমেন্টের রূপ ধরে স্তম্ভিত অক্টারলোনি সাহেব তোমাদের এই কৃতঘ্নতার দিকে চেয়ে রয়েছেন—মনে রেখো!—মায়ালতা ভিড়ের ভিতরে দাঁড়িয়ে মনে মনে হাসতে লাগল।

ওই দূরে জনতা ছত্রভঙ্গ হয়ে পালাচ্ছে। সাবধান। শশী রেখা দেবী

## অগ্রগামী

বক্তৃতা করছেন, কিন্তু শোনা যাচ্ছে না। জাতীয় পতাকার সঙ্গে জাতীয় 'স্লোগান' ধরে চীৎকার করছে সবাই।

ওই—ওই তড়া করেছে, পালাও, পালাও। আক্রমণ করেনি, মৃদুলাটি চালনা করছে মাত্র! ছত্রভঙ্গ, বিপর্যাস্ত, উদ্ভ্রান্ত—কে পালাবে কোন দিকে! ধুতি খুলে পড়লো, শাড়ী আলগা হয়ে গেল। স্নায়ুশূল, ডাকো, হাসপাতাল! ছুটছে ঘোড়া, উড়ছে ধূলো, ভীষণ জনগর্জন,--বিশাল প্রান্তরে ও পথের চারিদিকে বিধ্বস্ত জনতা ছুটোছুটি করছে। বেপরোয়া উচ্ছ্বাস, উন্মত্ত। মনুমেন্টের চতুর্দিক সব ফাঁকা হয়ে গেল।

সুপ্রভার দলের কে কোথায় গেছে তার ঠিক নেই। কথা আছে হাজতে গিয়ে আবার দেখা হবে। ভিড়ের ভিতরে কয়েকজন নেতা ও স্বেচ্ছাসেবক আহত হয়েছেন। মেয়ে পুরুষের দল তাদের ঘিবে দাঁড়িয়ে হাসপাতালে নিয়ে যাবার আয়োজন করছেন।

হঠাৎ জনতার ভিতর থেকে মায়ালাতা চীৎকার ক'বে উঠল, অমরেশ, অমরেশ, কবি,—

অর্ধচেতন অমরেশের বক্তৃত্ত্ব দেখে ভুলুষ্ঠিত। মায়ালাতা ছুটে এসে তাকে ধরে তুললে। আঁচল দিয়ে চেপে ধরলে তার কপালের ক্ষতস্থান। বুকের মধ্যে তাকে টেনে বললে, বন্ধু, আমি যে তোমাকেই খুঁজতে এসেছিলুম। —তার গলার ভিতর থেকে আর্ন্তনাদ উঠে এল।

অমরেশের চোখের কাছে গভীর ক্ষত। অগ্নি চোখ উঠেছে ফুলে। অস্পষ্ট জড়িত কণ্ঠে বললে, কিছু মনে নেই!

গাড়ী এলো সকলকে হাসপাতালে নিয়ে যাবার জন্ত। কয়েক জন ছেলে ও মেয়ে এসে বললে, ছেড়ে দিন অমরেশবাবুকে, ওঁকে হাসপাতালে নিয়ে যাবো।

ছেড়ে দেবো?—মায়ালাতা তাদের মুখের দিকে চেয়ে কেমন এক অদ্ভুত হাসি হাসলে। পুনরায় বললে, কে তোমরা?

## অগ্রগামী

আরে ছাড়ুন, ছাড়ুন, উনি আমাদের দলের। আপনি ঠিক কে হন?

মায়ালাতা তাদের কথা গ্রাহ্য করলে না। জনতার প্রতি সে মূখ তুললে। ক্ষতস্থান চাপতে গিয়ে তার নিজের গাল দু'খানা রক্তাক্ত। মূখ তুলে বললে, আপনাত্মা একটু সাহায্য করবেন, আমি একে ট্যাক্সিতে তুলবো। এই—এই ট্যাক্সি—

সকলের সাহায্যে মায়ালাতা অমরেশকে ট্যাক্সিতে তুললে। বললে, ভবানীপুর হাসপাতালে চলো।

ছেলেমেয়েরা ছুটে এলো। বললে, কোথায় নিয়ে যাচ্ছেন? উনি আমাদের—

মায়ালাতা একবার প্রথব দৃষ্টিতে তাদের দিকে তাকালো! তারপর হাতের জাতীয় পতাকাটি বাস্তায় ফেলে দিয়ে বললে, এই নিয়ে চ'লে যান।

ট্যাক্সি ছুটলো।

হাসপাতালের দরজায় এসে ট্যাক্সি থামল। চাপরাশি ছিল দাঁড়িয়ে, তার কাছে খবর পেয়ে দুজন স্ট্রচার নিয়ে এলো, মায়ালাতা গাড়ী থেকে নেমে তাদের সবাইকে ভালো বকশিস কবুল ক'রে বললে, সাবধান, ধীরে ধীরে, রোগীর লাগে না যেন। এই যে, এই যে আমি কবি, ভয় কি?

কায়সে চোট লাগা, মারি?

ময়দানের ভিঁড়ে চোট লেগেছে, বাবা।

ভিতরে নিয়ে গিয়ে ডাক্তার ক্ষতস্থান পরীক্ষা করলেন। চোখের কোনে গভীর ক্ষত। ডান চোখ নষ্ট হ'তে পারে,—তা ছাড়া মস্তিষ্ক বিকারের সম্ভাবনা। ঔষধ প্রয়োগ ক'রে ডাক্তার ব্যাণ্ডেজ ক'রে দিলেন। তারপর সেখান থেকে বার ক'রে পথ দিয়ে ঘুরিয়ে এনে এমারজেন্সি ওয়ার্ডের একটা বিছানায় অমরেশকে শোয়ানে! হোলো। মায়ালাতা বরাবর তার সঙ্গে সঙ্গে এসে বিছানার ধারে একটা টুল টেনে বসলো। একজন নার্স এসে দাঁড়ালো। প্রশ্ন করল, মোটরে ধাক্কা লেগেছে?

## অগ্রগামী

উদ্বিগ্ন চক্রে মায়ালাতা তার দিকে তাকালো। বললে, না, গাড়ের মাঠে  
ভিড়ের মধ্যে উনি ছিলেন—

ও বুঝেছি, 'Independence day !' আপনি কোথায় ছিলেন।

আমি ছিলুম দূরে।

উনি কে হন আপনার ?

বন্ধু।

নাস' অগ্নি রোগীর তত্ত্বাবধানে চ'লে গেল। মায়ালাতা হাত বাঁড়িয়ে  
অতি সন্তর্পণে ও যত্নে অমরেশের গায়ের রক্তাক্ত জামাটা ছাড়িয়ে নিল।  
এবার অমরেশ মুহূষের কথা বললে, আমার কোথায় লেগেছে ?

মায়ালাতা স্বচ্ছ হাসি হেসে বললে, পায়ের আঙুলে। জঙ্গলে সাপ  
নারতে গিয়েছিলে, ছাগলে পা কামড়ে দিয়েছে।

অনেকক্ষণ পরে অমরেশ বললে, মিছে কথা।

সত্যি বলছি। আর একটু বা লেগেছে তোমার হৃদয়ে, বুঝলে কবি ?  
এই নাও আমি সারিয়ে দিচ্ছি।—বলে মায়ালাতা তার গালের উপর হাত  
বুলোতে লাগল।

অমরেশ তার একটা হাত ধরলে। বললে, মায়াদি ?

কেন, বন্ধু ?

ভাগ্যি তুমি ছিলে। কী যেন ঘটে গেল ! তোমার কোথাও লেগেছে ?

না, আমার লাগেনি ? তুমি চুপ করে শোও। আমি গায়ে হাত  
বুলিয়ে দিই।

কিয়ৎক্ষণ চুপ করে থেকে অমরেশ বললে, কিছু খেতে দাও, আজ  
আমি কিছু খাইনি।

মায়ালাতা উঠে গিয়ে নাসকে জানালে। নাস' বললে, এখন কিছু খেতে  
দেবার হুকুম নেই। হ্যাঁ, এবার আপনি দয়া করে বাইরে যান। পাঁচটা  
থেকে সাতটার মধ্যে আবার আসবেন। রোজ দু'ঘণ্টা দেখে যাবেন।

## অগ্রগামী

কিন্তু এই সময় ফেলে যাবো ?

কি করব বলুন, আমাদের ওপর এই হুকুম। যদি কিছু কথা থাকে ডাক্তারবাবুকে জানাবেন।

আচ্ছা আমি বাইরে অপেক্ষা করছি, পাঁচটার আর দেরি নেই। কিন্তু রোগীর যদি একটু বিশেষ যত্ন নেন তবে অত্যন্ত উপকৃত হই। এখন কি খেতে দেবেন ?

না, এখনো শক আছে। খেলে বমি হ'তে পারে, তাতে রোগীর অনিষ্ট হবে।

না না, তবে, থাক। আচ্ছা, আমি এই বাইরেই আছি, দয়া ক'রে একটু দেখবেন।—বলতে বলতে নিতান্ত অনিচ্ছায় মায়াবতী বাইরে বারান্দায় গিয়ে দাঁড়ালো। এখান থেকে অমরেশের বিছানাটা দেখতে পাওয়া যায়।

তার নিজের কাপড়ের আঁচলটা রক্ত রাঙা। গাল দিয়ে সে বহুর ক্ষতস্থানে চেপে ধ'রেছিল, গালের রক্তটা সে এতক্ষণে আঁচল দিয়ে মুছে ফেললে। তার আঘাত লাগেনি, এই কথাই অমরেশ জানল, কিন্তু আঘাত যদি তার লেগেই থাকে তবে কেউ জানবে না কোনোদিন। শরীরটা তার এখনো কাঁপছে। ভয়ে নয়, অত্যাগ উত্তেজনায়। দেশের জগৎ জীবন দানের একটা মহৎ অর্থ আছে কিন্তু এই তার চেহারা নয়। সাময়িক উত্তেজনাকে দেশভক্তিকেমন ক'রে বলা চলে ? একদিনের রক্ত দানে বহুদিনের দাসত্বের কলঙ্ক মোছে না। রেশা কেটে যায়, সমস্তা সমস্তাই থাকে।

কিন্তু মেয়েমানুষের মন বিষয়কর। তার জীবনের সকল সমস্যা সব চিন্তা আজ একটি জায়গায় এসে কেন্দ্রীভূত হোলো। পথ, ঘাট, ভালো মন্দ, দুঃখ, লাভ ক্ষতি, সংগ্রাম ও বিশ্রাম—আজকে তাদের আর কোনো অর্থ নেই, ছায়ার মতো তারা যেন মিলিয়ে গেছে। মাত্র আজই প্রভাতে ট্রেন থেকে নামার সময় জীবনকে মনে হয়েছিল ভয়াবহ শব্দটবহুল, প্রাণ ধারণ করাটা যেন পৃথিবীতে সকলের চেয়ে যন্ত্রণাদায়ক ঘটনা, মানুষ দুঃখ ও দুর্ভাগ্যের রথচক্রের নীচে নিরন্তর দলিত হয়ে চলেছে,—কিন্তু বিচিত্র এই

## অগ্রগামী

বিশ্বস্থিতি, অকস্মাৎ আকাশের কিনারায় ফুটে উঠল সোনার সিঁধন; যেন বলছে, পথ আছে, কিছুই নিরর্থক নয়। মায়ালাভা পথের দিকে অকালো। কীতের অপরাহ্ন, গাছ পালার রোদ উঠেছে, সম্মুখে জনবিরল পথ—দূরে মাঝে মাঝে মোটরের হর্ণ ছাড়া আর কিছু শোনা যায় না,—হাঁসপাতালের ভিতরে কোনো কোনো রোগীর অফুট কণ্ঠ,—এদেরই ভিতরে বসে তার সমবেদনাময় শ্রাণ যেন নূতন ক'রে নিজের সঙ্গে কথা কইতে লাগল। পরের জন্ত ভাবা, পরের দুঃখ লাঘব করা, পরের জন্ত সেবা—এর চেয়ে বড় পরিচয় আর কিছু নেই। যারা বলেছে, আদর্শবাদীকে স্বার্থলেশশূন্য হ'তে হবে তারা মিথ্যা বলেনি। যারা বলেছে, দুঃখ ও বেদনাই জীবনকে ঐশ্বর্য্য-মণ্ডিত করে, তারা সত্যবাদী। আজ তার আর কিছু কাম্য নেই, তার সব বাখা-বেদনা, সমস্ত লবঙ্গ আর সকল দাক্ষিণ্য একাকার হয়ে মিলেছে ওইখানে—ওই যে আহত হ'য়ে নিরবলম্ব হয়ে নিকৃপায় হয়ে মানুষের দাক্ষিণ্যের আশ্রয়ে আশ্রিত। ওই যুবকটিরই বা সংসারে কে আছে? মা বাপ, ভাই বোন, মায়া মমতার নীড়, দুঃখ-সুখের অবলম্বন—ওর ত কিছুই নেই! ওকে যারা স্বাধীনতার যুদ্ধে নামায়, ওকে দিয়ে যারা স্বদেশী গান লেখায়, ওর প্রতিভাকে যারা স্বার্থের দ্বারা শোষণ করে, তারা ওর শুভাশুভের প্রতি লক্ষ্য করবে কেন? যন্ত্রটার প্রয়োজন আছে বলেই যন্ত্রের প্রতি মমতা, সে-যন্ত্র বিকল হ'লে তার আর কিছু মূল্য নেই, সে বাতিল! আজ এই বিপদের দিনে বসেও সকলের প্রতি তার মন কৃতজ্ঞতার ভরে উঠেছে। এখানে কে তাকে আনল? সুরপতির প্রত্যাখানের ভিতরে ছিল বিধাতার কোন্ ইঙ্গিত? সুরমার সঙ্গে শিমুলতলায় বাবার সম্মতি দেবার পর দেখা হোলো সুরেশচন্দ্রের সঙ্গে, তারপর কল্কাতায় ফিরে সুরপ্রভার দলে প'ড়ে যাওয়া; মরদানের ভিড়ে আসা, আহত অমরেশকে খুঁজে পাওয়া,—এদের পিছনে ভাগ্য দেবতার কী রহস্যময় লক্ষ্য লুক্কাইত? তবু আজ সে কৃতজ্ঞতা জানালো—সুরপতি, সুরেশ, সুরপ্রভা সকলের কাছে। সবাই তাকে

## অগ্রগামী

যেন সাহায্য করেছে, সবাই দিয়েছে তাকে পথের সন্ধান। পরম গৌরবে  
যেন তার বুক ভ'রে উঠতে লাগল।

কতক্ষণ মায়ালতা বসেছিল,—এক সময়ে ঢং ঢং করে পাঁচটা বাজলো।  
ক্রতপদে সে ছুটে এলো অমরেশের বিছানার কাছে। মাথায় ব্যাণ্ডেজ বাঁধা,  
চক্ষু মুদ্রিত, হ্রস্বল দেহ নিশ্চল হয়ে প'ড়ে রয়েছে। রোগী নয়, স্বাস্থ্যবান চেহারা;  
এত রক্তপাতের পরেও মুখখানা লালিত্যে টস্ টস্ করছে; হাত দু'খানা  
বলিষ্ঠ, আঙ্গুলগুলি দীর্ঘ, সূত্রী; মাথায় ঘন কালো চুলের অরণ্য। মায়ালতা  
তার মুখের উপরে মুখ এনে চাপা গলায় চুপি চুপি ডাকল, কবি?

অমরেশ চোখ খুললে। তারপর বললে, তুমি চ'লে যাওনি?

চ'লে যাবো? কোথায় যাবো তোমাকে ফেলে?—মায়ালতার কণ্ঠে যেন  
অভিমান ফুটল।

অমরেশ তার দিকে একবার তাকালো, সে চাহনি যেন প্রশ্ন ও কৌতুহলে  
ভরা। মায়ালতা বললে, কী দেখছ?

অমরেশ বললে, তুমি একা?

আমার কে আছে যে সঙ্গে ক্লাসবে?

কেমন ক'রে এলে সেখান থেকে?

মায়ালতা এবার হাসলে। বললে, তুমি ফেলে রেখে পালিয়ে এসেছিলে  
কিন্তু পথ আমি ভুলিনি। থাক, থাক এখন সে-কথা, কেমন আছে বলো?

ভালো আছি, মায়াদি। কিন্তু—কিন্তু আমাকে নিয়ে চলো এখান থেকে,  
আর কোনো ভয় নেই। ব'লে অমরেশ মায়ালতার একটা হাত ধরলো।

মায়ালতা বললে, কোথায় নিয়ে যাবো তোমাকে?

কেন, বাড়ীতে?

বাড়ীতে কে আছে তোমার? মা-বাপ নেই, ভাই-বোন নেই, নেই আত্মীয়  
পরিজন,—এমন শরীর নিয়ে এক চাকরের ভরসায়।

তা বটে। তবে—তবে সবই অভ্যাস হয়ে গেছে মায়াদি। অবস্থার সঙ্গে

## অগ্রগামী

খাপ খাইয়ে নেবার শক্তি মানুষের অসাধারণ। —ক্লান্তকণ্ঠে অমরেশ চোখ বুজে বলতে লাগল, অনেক দেখলুম। দেশ ছেড়ে আসার দিনে মায়ের আঁচল ধরে কেঁদেছিলুম, আজ তাঁর মরণে একটুও লাগল না; বাবা গেলেন, চোখে এক ফোঁটা জলও এলো না,—এমনি ক’রে সবই সয়ে যায়।

মায়ালাতা বললে, যে সব ছেলে-মেয়েরা তোমাকে টেনে নিয়ে গিয়েছিল ময়দানে, ওরা তোমার কে ?

অমরেশ বললে, কেউ না, নতুন পরিচয়। আসে যায়, কথা কয়, গান লেখার, ইংরেজের অত্যাচারের কথা শুনিয়ে উত্তেজিত করে। ওরা পর, যেমন পর তুমি, যেমন পর আর সবাই। কাউকে যেন ধরে রাখতে না হয়, কাউকে যেন ছেড়ে দিতে কষ্ট না পাই।

এমন সময় ডাক্তার এলেন। অজু ছ’ একজন বোগীকে পরীক্ষা ক’রে এখানে এসে অমরেশকে পরীক্ষা করলেন। হাতের নাড়ী টিপে মায়ালাতাকে বললেন, আপনার রুগী ত ভালোই আছেন।

আপনাদের অগ্রগছে।—ব’লে মায়ালাতা সবে দাঁড়ালো।

পাঁচ-সাত দিনেই উনি আরোগ্য হবেন। বাকু, চোখটা বোধ হয় বেঁচে গেল ? যদি ইচ্ছে করেন, রুগীকে ক্যাবিনে রাখতে পারেন,—রাত্রে কাছে থাকার জন্য একজন পুরুষ মানুষকে এলাউ করতে পারি।

তবে তাই ক’রে দিন ডাক্তারবার।

বেশ, আস্তান আমার সঙ্গে।

অফিসে ছ’ নম্বর ক্যাবিন ভাড়া করা হলো। জামার ভিতর থেকে টাকার পুঁটলী বার ক’রে মায়ালাতা টাকা দিলে। যা কিছু সমস্ত দেওয়াটাতেই আজ যেন তার পরম গৌরব। টাকা গুণে দিতে আনন্দ যেন সে আর ধ’রে রাখতে পারছে না, আজ সে সব দিতে পারলে খুশি হয়, আজ তার সব বাক।

এমারজেন্সি দোতলার ক্যাবিনে অমরেশকে নিয়ে যাওয়া হলো।



## অগ্রগামী

পরিছন্ন ছোট ঘর, পরিষ্কার সুন্দর বিছানা, খাবার ও ঔষধ রাখার একটি আলমারি, কয়েকটি কাঁচ ও কলাইয়ের বাসন, একখানি চেয়ার। মায়ালাতা উচ্চ মূল্যে একটি চাকর মোতায়েন করলে। একখানা নোট ভাঙিয়ে সকলকে বকশিস দিলে। ডাক্তারবাবু জানিয়ে গেলেন বিপদের ভয় আর নেই। ব্রাণ্ডি মেশানো ঔষধ খাওয়ানো হয়েছে। বাত্রে দুধ খাবে।

অমরেশ চিন্তা হয়ে শুয়ে আছে। তার দুই পাশে খাটের উপর দু'খানা হাত ঢেপে মায়ালাতা তার মুখের উপর ঝুঁকে পড়লো। গায়ের সঙ্গে গা ঠেকেছে। বললে, অদ্বুত গন্ধ তোমার গায়ে! রক্তের সঙ্গে মদ, মদের সঙ্গে ওষুধ, তার সঙ্গে তোমার নিজের গন্ধ। বোধ হয় এর নাম নেশা, এর নাম আনন্দ।

অমরেশ বললে, কেন তুমি চ'লে এলে সুরপতিবাবুর ওখান থেকে?

কেন এলুম? আ, কী নরম চুল তোমার, কী গভীর!—মায়ালাতা অমরেশের মাথার চুলের মধ্যে হাত চালিয়ে বললে, তিনি যে তাড়িয়ে দিলেন!

কেন? অমরেশ নড়ে উঠল।—ও জানি, জানি, সেই কারণ। সুরেশদার সেই চিঠি। ওরা সবাই মিলে তোমাকে নীচে নামালো, কেবল তাই নয়, তোমার কপালে দিল কলঙ্ক। কিন্তু মায়াদি, সুরপতিবাবুও—?

যেতে দাও কবি, যেতে দাও। দেবতা তিনি দেবতাই রয়ে গেলেন, নামলেন না মনুষ্যের স্তরে। যেতে দাও।

তুমি যে তাঁকে ভালোবাসতে, মায়াদি?

ওধু তাই? পূজা করতুম! তিনি পূজারই যোগ্য, তিনি অনেক বড়। যাক্, ডুবে যাক্ অতীত, বিদ্রুতির মধ্যে তখিয়ে যাক্ অভিজ্ঞ ইতিহাস। আর জানাবো না অভিযোগ, আর করব না অভিমান। পৃথিবী অনেক বড়, জীবন তার চেয়েও বিশাল। বন্ধু, আর আমার ডুবে নেই।

ব্যাকুল কণ্ঠে অমরেশ বললে, কেন তুমি ব্যর্থ হ'লে এমন? তোমার ঐশ্বর্য্য যে এদের সকলের চেয়ে বেশী। মায়াদি, তোমার কী না ছিল?

## অঙ্গামী

তোমার শিক্ষা, চরিত্র, ব্যবহার, অন্তর্পূর্ণার মতো তোমার রূপ—ওদের চেয়েও কি তুমি ছোট ?

ক'বু ক'রে মায়ালতার চোখ বেয়ে অশ্রু পড়লো। গলার স্বর তার ভেঙে পড়েছে। চুপি চুপি বললে, ওদের চেয়ে আমি ছোট, অনেক ছোট, অতি নগণ্য। ভিক্ষে ক'রে বেড়িয়েছি, সম্মান খুইয়েছি, সন্ত্রাস হারিয়েছি। কত যে ফাঁকি ছিল তুমি ত জানো না বন্ধু ; নিজেকে জানিনি, জানতে দিইনি। বঁড় ব'লে নিজেকে জাহির করেছি, বড় হবার চেষ্টা করিনি। ভালোবেসেছিলুম তাঁকে ? মিছে কথা। দৈত্য দেখিয়েছি, ভিক্ষে চেয়েছি, ভালোবাসিনি। আ, কবি, ইচ্ছে হচ্ছে তোমার সামনে নিজের সকল দরজা খুলে ধরি। বন্ধু, ভালোবাসতে গেলে একটি মহৎ শিক্ষার দরকার।

গলার আওয়াজ পাওয়া গেল। অমরেশ সাড়া দিয়ে বললে, ভিতরে এসো।

চাকর এলো গরম দুধ হাতে ক'রে। মায়ালতা দুধের পাত্রটা নিয়ে ঢেকে রাখলে। চাকর চ'লে গেল।

অমরেশ বললে, তুমি এতগুলো টাকা খরচ করলে কেন ?

বেশ, ভালো হয়ে টাকা শোধ ক'রে দিয়ে।

শোধ করব তোমার দেনা ? আশ্চর্য, তুমি যেমন তেমনি আছো, পাঁচ মাসে একটুও বদলাওনি। আমি কি করেছি জানো, এই পাঁচ মাসে তোমার ওপর এক খাতা কবিতা লিখেছি, ছবি এঁকেছি অঙ্কন। এঁকটিও কিন্তু তোমাকে দেখাতে পারব না, ভীষণ লজ্জা করবে। আর শোন শোন, সুরেশদার বিয়ের খবর পেয়েছ ত ?

মায়ালতা সব কথা চেপে বললে, পেয়েছি।

আমি তাঁকে পথে একদিন অপমান করেছি জানো ?

জানি।

সবই ত জানো দেখছি। আচ্ছা, ইতিমধ্যে দু'একটি মেয়ের সঙ্গে আমার প্রেম হয়েছে জানো ?

## অগ্রদূত

মায়ালাতা বললে, সে ত চোখেই দেখলুম।

অমরেশ তার হাত ধরে বললে, কী দেখলে ?

দেখলুম, তোমার লাস নিয়ে হাসপাতালে যাবার চেষ্টা, ওরা এলো আমার কাছ থেকে ছিনিয়ে নিয়ে যেতে। জানে না যে আমি ডাকিনী! দু'এক কথা বলতে প্রেম তাদের ধোঁয়া হয়ে গেল।—বলতে বলতে মায়ালাতা হেসে উঠল।

অমরেশ বললে, ওদের আমি গান লিখে দিই, তার বদলে ওঁরা আমার কুশল জিজ্ঞেস করে, এর বেশি এগোয়নি। কিন্তু তুমি কি বলতে চাও আমি প্রেমের যোগ্য নই ?

মায়ালাতা দুই হাতে আদর করে' তার গলা চেপে ধরলে, তারপর হেঁট হয়ে তার উপর ঝুঁকি বললে, কেবল অসভ্যতা! খুব—খুব যোগ্য তুমি। আগে সেবে ওঠো, তারপর দেশে আঠারো কোটি মেয়ে আছে? পাগল তুমি।

অমরেশ বললে, ভুল বুঝছ আমাকে। আঠারো কোটি মেয়ের পাশে তুমি। তারা মেয়ে কিন্তু তুমি যে আমার কবিতা। তারা রক্ত মাংসের স্তূপ, তুমি আমার চিত্র। আঃ কী বিচিত্র গন্ধ তোমার সর্ব্বাঙ্গে, যেন অমৃতে ভরে উঠছে আমার সমস্ত প্রাণ।

মায়ালাতা মলিন হাসি হেসে সম্মুখে তার হাত ধরে, বললে, শীতের রাত, এরই মধ্যে সব নিশ্চুতি হয়ে গেছে। এবার আমি যাবো কবি।

আর একটু থাকো। থাকো আজ সমস্ত রাত আমার কাছে। কতদিন পরে দেখলুম। তোমাকে দেখি যেন জন্ম জন্মান্তর,—আশ্চর্য্য তুমি।

আশ্চর্য্য তুমি, কবি!

আমার কী আছে মায়ালাতা ?

তোমার ?—মায়ালাতা একটু হাসলে তারপর কম্পিত ভয়কণ্ঠে বললে, তোমার আছে বলিষ্ঠ দেহ,—মার্বেল পাথরে গড়া ; উচ্চ শিক্ষা, ভদ্র মন, তোমার

## অগ্রগামী

রক্তের মধ্যে অগ্নিরসের প্রবাহ। তোমাকে ছুঁলে—তোমাকে দেখলে  
সর্ব্বাঙ্গে যেন আগুন ধরে যায়, মধুর রসে অচ্ছিন্ন হয়ে আসে। তুমি  
সর্ব্বনাশ!

• অমরেশ বললে, তোমার বৃকের মধ্যে কী আছে জানো ?

মায়ালাতা বললে, তুমি জানো পুরুষ, কী আছে !

হ্যাঁ, জানি আমি, বলতে আমার বাধা নেই—অমরেশ তার গায়ে হাত  
দিয়ে মৃদুস্বরে বলতে লাগল, এই তোমার হৃদয়, হৃদয়ের পুষ্পপাত্রে তোমার হৃৎ  
বিচিত্র রক্তপদ্ম,—কঠিন, নিটোল, ভয়ঙ্কর। একটিতে জীবনের অমৃতরস,  
আর একটিতে মরণের অতুত লাষণ্য। তোমার দেহের তীরে মৃত্যুর রহস্যময়  
অগ্নিগহ্বর, পুরুষের উন্মুক্ত বাসনায় সেখানে লক্ষ প্রাণবীজ অশ্রান্ত অঙ্কুরিত  
হয়। আরো, আরো কাছে এসো মায়াদি, মুখের ওপর তোমার বৃক পেতে  
দাও।—আঃ কী গভীর উত্তাপ, কি ত্যাগের অনুভূতি,—কান পেতে তোমার  
হৃদয়ের মধ্যে সেই অনাগত জীবন-বাভিনীর প্রাণ-সঞ্চারের শব্দ শুনতে  
পাচ্ছি। মায়াদি, কাঁপছ কেন ?

চুপি চুপি মায়ালাতা বললে, কী বলছ তুমি, বন্ধু ?

অমরেশ বললে, তারা আসবে, আমি জানি তারা আসবে।

কে তাদের আনবে, কবি ? বলো, উত্তর দাও ?—মায়ালাতা মুখের উপরে  
মুখ রাখল তারপর বললে, তুমি ত জান না, তোমার এই কথায় আমার চিন্তা  
আমার মন, আমার ইহকাল পরকাল আমার আয়তনের বাইরে চলে যায়,  
চোখে আর আমি কিছু দেখতে পাইনে! তোমার কথায় আমার সমস্ত  
স্বায়ম্ভুলীর মধ্যে একটা জটিল আন্দোলন জেগে ওঠে, শিরায় উপশিরায় বধীর  
ধারা নামে, সে যে কী বস্ত্রণা তুমি জানো না, তোমার স্তব আর স্তুতিতে  
সে-বস্ত্রণার উপশম হয় না। বাক্ এবার আমি যাই বন্ধু।

বলো সে অমরেশকে ছেড়ে সোজা হয়ে দাঁড়ালো। কেমন একটা  
গভীর অসন্তোষ যেন তার ভিতরে ঘনিয়ে উঠেছে।

## অগ্রগামী

অমরেশ বললে, তোমার আঁচলে রক্ত ! রাস্তার লোক চেয়ে থাকবে, বলবে, খুন করে এসেছ।

মায়ালতা বললে, তাদের জানাবো আমি খুন হয়েছি।—দাঁড়াও কাপড়খানা উড়ে পরে নিই।—বলে সে গিয়ে ক্যাবিনের দরজাটা ভেজিয়ে দিয়ে এলো, তার পরণের কাপড়খানা খুলে আঁচলের দিকটা কোমরে জড়িয়ে নিল, জামার বোতাম আঁটল।

টাকার পুঁটলীটা রইল তোমার বালিশের নীচে। কাল সকালেই আবার আসবো।—এই বলে দুখটা সে অমরেশকে খাওয়ালো।

অমরেশ বললে, যেয়ো না।

ওমা, সে কি ? সারারাত বৃষ্টি ব'সে ব'সে গুনতে হবে তোমার নারীবন্দনা ? কিন্তু এ যে হাসপাতাল। ভালো হয়ে ওঠো, একদিন তোমার কাছে থাকব। হ্যাঁ, যাবার সময় তোমার বাসায় খবর নিয়ে যাবো, শ্রীধর রাজে এসে থাকবে। কেমন ?

অমরেশ সম্মতি জানালো। তার গায়েব উপর লেপটা তুলে দিয়ে মায়ালতা দরজা খুলে হেসে বেরিয়ে গেল।

\*

\*

\*

কয়েকদিন হোলো অমরেশ বাসায় ফিরেছে। কপালের বা গুঁকিয়েছে, দাগটা মিলোতে বিলম্ব হবে। চোখের ব্যথাটা সেরে গেছে। ছেলেমেয়ের দল আর আসে না, মায়ালতার ধমক খেয়ে তারা গা ঢাকা দিয়েছে দেশ থেকে চিঠি এসেছে, বাড়ী-ঘর, বিষয়-সম্পত্তি, খাজানা-পত্র প্রভৃতির ব্যবস্থা না করলে আর চলছে না। শীঘ্রই কর্তার উইলের প্রবেশ নিতে হবে। কলকাতার ব্যাঙ্ক থেকে টাকা তোলা দরকার। শ্রীধর তাড়া দিচ্ছে। কলকাতার বাসা সত্তর ত্যাগ করতে পারলে সে খুশি হয়।

## অগ্রগামী

ফান্তনের সন্ধ্যা। ঘরের দক্ষিণ দিকের ছোটো জানলাই খোলা। মেঝের উপরে ঢালাও বিছানা। মায়ালাতা পুরানো সেতারটা নিয়ে তা'তে ঝঙ্কার তুলেছে। বাগেশ্রী আলাপ চলছে। তার হাত ভালো। অদূরে জানলার ধারে অমরেশ হেলান দিয়ে ব'সে রয়েছে—স্বরের মীড়গুলিতে সে বসে বিভোর। নিজেকে সে চেষ্টা করেছিল, কিন্তু শিখতে পারেনি। অনেক কিছু শেখা তার বাকি রয়ে গেছে।

এক সময়ে সেতার থামল। অমরেশ বললে, তুমি এমন সেতার বাজাতে পারো কই জানতুম না? একেবারে বীণাবাদিনী সরস্বতী?

মায়ালাতা হেসে বললে, গ্রামে থাকতে শিখেছিলুম। দাদাবাবু ছিলেন বড় বাজিয়ে, তাঁর কাছে ব'সে থাকতুম।

অমরেশ বললে, তুমি যেন সোনার খনি! যতই গভীরে যাই বিশ্বয়ের পর বিশ্বয়! তুমি যেন বিধাতার সৃষ্টি-বহুস্তরের প্রতীক।

মায়ালাতা বাইরের দিকে তাকালো। আজ যেন তার মুখে চোখে ক্লেশ আর অবসাদ জড়ানো। জানলার বাইরে পথে সন্ধ্যার আলো জ্বলে উঠেছে, তারই এক ঝলক আলো এসে পড়েছে তার মুখে। চোখ দুটো তার ভারাক্রান্ত। সেই চোখ ফিরিয়ে সে অমরেশের প্রতি নিবন্ধ করলে। বললে, কবি, কবিতায় যা মানায়, বাস্তব ক্ষেত্রে অনেক সময় সেটা ক্লান্তি আনে। প্রশংসায় খুশি আছে, তৃপ্তি নেই।

তার কণ্ঠস্বরে অমরেশ সচকিত হোলো।

মায়ালাতা বললে, দেবীর আসনে আমাকে বসালে কিন্তু মানুষ ব'লে জানলে না। তোমার কথা মনে লাগে, মনে লাগে না। স্তব আর স্তুতি? মেরেমানুষের কাছে ওর দাম কি?

তোমাকে কী দিতে পারি, মায়ালাতা?

মায়ালাতা হেসে বললে, দেবে তুমি? হায় হায়, দিতেও কিছু পারলে না, নিতেও কিছু জানলে না। কী বলব তোমাকে? তুমি কেবল মাত্র কবি,

## অগ্রগামী

কেবল মাত্র কথাশিল্পী ! তোমার চোখ আছে, দৃষ্টি নেই ; কাণ আছে, শ্রবণ নেই। মেঘেমাঝে তোমাদের কাছে মানসী, মানবী নয়। তুমি কেবল স্নেহই নেবে, অন্ধা নিতে চাইবে না বন্ধু ?

শ্রীধর আলো এনে ঘরের ভিতরে রাখল। তারপর বললে, দিদিমণি, আপনার জন্তেই দাদাবাবুর চুলের টিকি দেখা যাচ্ছে, নৈলে একত্ব.....এরা পথে বাঁক'রে নিয়ে যেতো, তুমি ঘরে এনে রাখলে। তুমি থাকলে, আমি নিশ্চিন্ত।

“ মায়ালাতা বললে, আমাকে এত বিশ্বাস, শ্রীধর ?

মুখ দেখলে চিন্তে পারি, দিদিমণি। ব'লে শ্রীধর চ'লে গেল।

অমরেশ বললে, ভারি জ্যাঠা হয়েছে। পুরনো চাকরগুলো ভারি মনিবানা করে।

মায়ালাতা বললে, সারাদিন রইলুম, এবার আমি যাই কবি।

অমরেশ বললে ইঙ্কলেব ঘরে আর কতদিন থাকবে তুমি ?

কাজের চেষ্টায় আছি, অন্য কাজ পেলে সেখানে চ'লে যাবো।

অমরেশ তার মুখের দিকে তাকালো। তারপর সিগারেটে একটা টান দিয়ে বললে, কাজ ? আবার কোন অচেনা জায়গায় যাবে তুমি ?

নিখাস ফেলে মায়ালাতা মলিন হাসি হাসলো। তারপর বললে, এমন করেই ত চলতে হবে বন্ধু, এই নিয়তি।

‘অমন ক’রে তোমায় আমি নষ্ট হতে দেব না মায়াদি। কাজ তুমি নাইবা করলে ?

ছেলেমানুষ তুমি।—মায়ালাতা বললে, পৃথিবী বড় জটিল, সংসার বড় নির্দয় জীবন বড়ই সমস্তা-সঙ্কুল। আজকের তুমি আপন, কালকের তুমি পর। কত দেখলুম বন্ধু ; রং ফিকে হয়ে জৌলুস ধুয়ে যায়, বয়স টিলে হয়ে আসে।—দয়া, প্রেম, বিবেচনা—এরা বড় অস্থায়ী। পৃথিবীতে নির্ভরযোগ্য কিছু নেই।

অমরেশ বললে, কী বলছ তুমি ? কী থাকে তবে ?

## অগ্রগামী

মায়ালাতা কিছু বললে না, কেবল সেতারের একটা তার আঙুল দিয়ে আঘাত করলে। তারিটা ঝঙ্কার দিয়ে উঠল। অমরেশ বললে, তোমাকে যদি আমি আর কোনোদিন কাজ করতে না দিই ?

সোজা মায়ালাতা তার মুখের দিকে তাকালো। চাহনিটা স্থম্পষ্ট, কিছু তীব্র। বললে, তার মানে দয়া করবে ?

একে তুমি দয়া বোলো ?

এরই নাম দয়া, ভদ্র পোষাক পরানো অমৃগ্ৰহ। তুমি অবস্থাপন্ন, আমি দরিদ্র। আমি পথের মানুষ, আমার প্রতি করুণার ছিটে দিয়ে তুমি চাও আশ্র-তৃপ্তি। বন্ধু, তাতে কাজ নেই আমি বলি। পৃথিবী অনেক বড়, আশ্রয় আমি পাবোই। দূরে চ'লে যাবো, তোমাদের চোখের আড়ালে। যেখানেই থাকি শুধু এই কামনা করব, তুমি যেন সংসারে সকলের চেয়ে মাথা উঁচু করে চলতে পারো। তোমার খ্যাতির সংবাদে দূর থেকে আমি গৌরবান্বিত হই।

আমি কি তোমার জীবনে কোনো প্রয়োজনেই লাগতে পারিনে ?— অমরেশ আকুল চক্ষে তার দিকে তাকালো।

কী প্রয়োজনে লাগবে করি ? কী প্রয়োজন হ'তে পারে ? আমি বিবাহিত মেয়ে, চিরপলাতক—

বাধা দিয়ে অমরেশ বললে, তুমি কুমারী, তোমার কৌমাৰ্য্য অকলঙ্ক অক্ষত !

কিন্তু বন্ধু তোমার সঙ্গে প্রভেদ আমার অনেক। আমি বন্ধন জানিনে, শাস্ত্র-সংস্কার জানিনে, জানিনে লোক-শাসন। তোমার সঙ্গে আমার প্রয়োজনের প্রস্নই ওঠে না।

কিছুক্ষণ চুপ ক'রে থেকে অমরেশ বললে, কোথায় তুমি থাকবে বলবে না ?

মায়ালাতা বললে নিজেই জানিনে থাকব কোথায়। যদি ভালো কাজ পাই এখানেই থাকব, যদি না পাই তবে কাশী চ'লে যাবো। সেখানে আছেন আমার বাবার বৃদ্ধ মাসীমা। তাঁর সেবা করব তিনি আমাকে আশ্রয় দেবেন।—সজ্জল কণ্ঠে সে পুনরায় বললে, বন্ধু, নিশ্চিন্ত আশ্রয়ের জন্ত মন লালসিত হয়ে



উঠেছে। ক্ষুদ্র মতন পথে পথে আর ঘুরতে পারিনি। আমি সেখানেই যাবো, একটা ছোট শিক্ষাকেন্দ্র খুলব, বাকি জীবন সেখানেই কাটিয়ে দেবো।

অশ্রুপূর্ণ চক্ষে অমরেশ বললে, সে কাজ ত এখানেও হতে পারে।

পারে, কিন্তু কালী আমার ভালো লাগে। ছোট বেলায় একবার গিয়েছিলুম, স্মৃতিটা আছে। সেই গঙ্গা, অচল্যাবাইয়ের ঘাট, মণিকর্ণিকার জলমগ্ন মন্দির, দূরে রামনগর, ছায়া ঝিলিমিলি অশ্বতলায় সাধু সন্ন্যাসীর ধূনি—জ্বলছে,—ওপারে নদীর বিস্তৃত বালুচর। বন্ধু, সেখানেই বোধ হয় প্রসন্ন জীবনের চেহারা দেখতে পাবো, চাওয়া আর পাওয়ার অতীত কোনো জীবন বোধ হয় একটা আছে, তার আশ্বাদ নেবো।—নিখাস ফেলে মায়ালাতা বললে, এবার আমি যাই অমরেশ।

অমরেশ বললে, কবে যাবে?

চিঠি দিয়েছি, শীঘ্রই যাবো।

তুমি ত বললে না মায়াদি, আমি কি করব?

তোমার কর্তব্য তোমার মনে, সহজ অনুপ্রেরণার নির্দেশ যেনে নিয়ো। তবে তোমার ছিঁ আঁকা আর কবিতা রচনা—এদের ত্যাগ ক'রো না, এরাই তোমার পরিচর।—এই ব'লে সেদিনকার মতো মায়ালাতা উঠে দাঁড়ালো।

অমরেশ দ্রুত উঠে দাঁড়িয়ে তার হাত ধরলে। কঙ্কশাসে বললে, তুমি যে বলেছিলে অন্তত একটি দিনও থাকবে আমার কাছে?

অত্যন্ত অসম্ভব কথা বন্ধু,—বলেছিলুম বটে কিন্তু সত্যি বলিনি। তোমাকে ভালোবাসি কিন্তু তাই ব'লে দু'জনের সম্মত বিপন্ন হ'তে দেবো না।—মায়ালাতা সম্মেহে নিজের হাতখানা ছাড়িয়ে নিল।

দরজা পর্যন্ত এসে অমরেশ বললে, ভগতে আমার কেউ নেই, তুমি ভুলে নিয়েছিলে, তুমিই ফেলে দিয়ে চলে যাচ্ছ। ঝব্ ঝব্ ক'রে তার চোখ দিয়ে অশ্রু পড়লো।—কত ঋণ তোমার কাছে রয়ে গেল। আমি হতভাগ্য, তাই তোমার এমন পরিবর্তন হোলো মায়াদি।

## অগ্রগামী

আর একটা দিক আছে কবি, সেটা যেদিন বিবেচনা করবে সেদিন আমার ওপর অভিমান থাকবে না।—এই বলে আঁচলে অশ্রু মুছে মায়ালাতা পথে নেমে দ্রুতপদে চলতে লাগল।

\*

\*

\*

বসন্ত, গ্রীষ্ম, বর্ষা—তিনটি ঋতু একে একে বিদায় নিয়ে গেছে। শরৎ এসেছে শিশির বিন্দুতে, কাশফুলের শুভ্রতায়, আকাশের উদার নীলিমায়। দিনে উজ্জ্বল রৌদ্র কিরণ, রাত্রে গুরুপক্ষের নিবিড় জ্যোৎস্না। পূজার আর বিলম্ব নাই।

কাশী শহরে এখনও ভিড় হয়নি, দু'চারজন নূতন নূতন যাত্রীর দেখা মিলছে মাত্র। এবার বর্ষা ছিল প্রবল, ঘাটে ঘাটে এখনো স্তূপীকৃত গঙ্গা-মৃত্তিকা, সেগুলি সরিয়ে সিঁড়ি বার করা হচ্ছে। তবুও জলে স্নানের কাঠের তক্তা ও ছত্রীগুলির নীচে কীর্তন, ভাগবত পাঠ ও কথকতা চলে। লোকের ভীড় কম হয় না। বিধবা, বৃদ্ধ ও পেলন ভোগী বৃদ্ধরা এসে বসেন। মেয়েরা সন্ধ্যার সময় নদীর জলে প্রদীপ ভাসায়। আজ কি একটা পার্শ্ব উপলক্ষে বিকালের দিকে বেশ ভীড় হয়েছিল। দশাশ্বমেধ ঘাটের মাঝখানে ছোট মন্দিরে আরতির শাঁখ ঘণ্টা বাজছে।

এদিকের সিঁড়ির ধারে কীর্তন বসেছে। সেই ভীড়ের ভিতরে বসেছিল মায়ালাতা। ঘোমটার ভিতর দিয়ে রুক্ষ চুলের রাশ দুই কপাল বেয়ে নেমে এসেছে, মাঝখানে শাদা সীঁথি। গায়ে একখানা মোটা চাদর জড়ানো, সর্বাঙ্গ ঢাকা। দু'হাতে দুগাছি চুড়ি, পরিচ্ছদে তার আর কোথাও কোনো চাকচিক্য নেই। অশ্রুত নিরাসক্ত তার চোখের দৃষ্টি, কোনো কিছুর প্রতি জ্রুৎসপ নেই। তার বয়স যেন অনেক বেড়ে গেছে। কীর্তনীয়া মাধুরের পালা গাইলেন, মায়ালাতার চোখে অশ্রু নেমেছে।

ওগো বাছা, তোমাকে কে ডাবছে ছাখো পেছন থেকে। বাড়ী থেকে বৃদ্ধি লোক এসেছে।

## অগ্রগামী

মায়ালাতা কীরে তাকালো । অপরিচিত একটা লোক দাঁড়িয়ে ।  
প্রথমটা হতচকিত, তারপর তাড়াতাড়ি উঠে পাশ কাটিয়ে এসে বললে,  
কোন হায় তুমি ? কি চাও ?

লোকটা হিন্দুস্থানী ভাষায় জানালে, সে নৌকার মাঝি । একজন  
বংগালী বাবু ওইখানে দাঁড়িয়ে আছেন, তাঁর অনুরোধে মায়ালাতাকে সে  
ডাকতে এসেছে । বাবুর জরুরী দরকার । মায়ালাতা তৎক্ষণাৎ বাবু  
এ অমরেশ । তার কয়েকখানা চিঠির জবাব দেওয়া হয়নি, উদ্বিগ্ন হয়ে তাই সে  
ছুটে এসেছে ।

ষোড়শঘাটে এসে অমরেশের দেখা পাওয়া গেল । মায়ালাতা হাসতে  
হাসতে গিয়ে বললে, একি কবি, হঠাৎ যে ধর্ম্মে মতি হোলো ? একেবারে কালীধাম ।  
অমরেশ হাসি মুখে বললে, শুনেছি, এখানে অনেক ডাকিনী-যোগিনী  
আছেন, চক্ষুচক্ষে তাঁদের দেখতে এলুম ।

তার কিস্ত তরুণ কবি দেখলে গিলে খায়, মনে রেখো ।

বেশ ত, নিখরচায় কালী লাভ হবে, মন্দ কি ? তারপর, তবু কি  
শুনি । কেমন আছ ?

ভালোই । তুমি কেমন আছ ?

ভালো না । মাঝখানে কিছু দিন ভুগলুম, এখন শ্রীধরকে নিয়ে  
বেরিয়েছি, কিছুদিন দেশ-বিদেশ ঘুরব ।—অমরেশ বললে, বাস্তবিক, শেষের  
দু'খানা চিঠির উত্তর না পেয়ে মনে হোলো, তুমি বোধ হয় বিবাগী হয়ে  
গেছ । এত নিষ্ঠুর তুমি, চিঠিও বন্ধ করেছ !

মায়ালাতা বললে, এখানে ভালোই আছি, দিন চলে যাচ্ছে । চিঠি  
লিখে আর কী হবে, বন্ধু ?—এই বলে সে গঙ্গার ওপারের ঘনায়মান  
সন্ধ্যার দিকে তাকালো । দিন শেষ হয়েছে ।

অমরেশ বললে, ভালো তুমি নেই । চেহারা দেখে মনে হচ্ছে, মাছ  
ছেড়েছে, দীক্ষা নিয়েছে, এর নাম ভালো থাকা নয় । স্কুল চালাচ্ছ ত ?

## অগ্রগামী

মায়ালাতা বললে, বাণীভবনে কাজ নিয়েছি। —এই ব'লে সে হঠাৎ কি ভেবে হাসলে। হেসে বললে, বাস্তবিক, তোমাদেরই বা ভুলতে পারি কই? এই মাত্র মাথুরের পালায় শ্রীমতী কৈদে আকুল হচ্ছিলেন শ্রীকৃষ্ণের জন্ম, তার সঙ্গে কী যেন একটা কথা মন পড়ে আমার পোড়া চোখ আসছিল জল। শেষের দিন তোমাকে ছেড়ে আসবার সময় বক্তৃতা দিয়েছিলুম, বলেছিলুম শাস্ত্র আর সংস্কার জানিনে। সেই কথাটা মনে ক'রে কত দিন হেসেছি। সব মানি, সমস্ত মানি, মানি ব'লেই ত ছেড়ে আসতে হয়েছিল। হায় রে, কে জানে অহঙ্কারের পাশেই থাকে অসঙ্গতি।—একটু থেমে সে বললে, সাত মাস কিন্তু সাত বছর বয়স বেড়ে গেছে।

অমরেশ বললে, কাল সকালে আমি এসেছি। তোমার ঠিকানা নিতে কত খোঁজাখুঁজি করেছি, কিছুতেই পাইনি। আজকাল নতুন নম্বর হয়েছে সব বাড়ীতে। বতদিন না খুঁজে পেতুম, থাকতুম কাশীতে। আজ হঠাৎ পেয়ে গেলুম ঘাটে। তুমি বুকি রোজ কীর্তন শুনতে আসো?

মায়ালাতা বললে, বিকেল বেলায় ভালো লাগে না ঘরে ব'সে। কি-কে নিয়ে বেরিয়ে পড়ি। এ-ঘাট ও-ঘাট ঘুরে বেড়াই।

গায়ে অমন ক'রে চাদর জড়িয়েছ কেন?

এখানে চাদরটাই মানায়, জামা প'রে বেড়ানো শোভন নয়।

অমরেশ হেসে বললে, বাপরে বাপ তোমার এই কুছ সাধনে তুই হয়ে নিশ্চয় বাবা বিশ্বনাথ বয় দিয়েছেন?

মায়ালাতা হাসি মুখে বললে, দিয়েছিলেন গো দিয়েছিলেন, কিন্তু মনের মতন হয়নি ব'লে তাঁকে কিরিয়ে দিয়েছি!

এদিকটা কিছু নিঃসঙ্গ। সন্ধ্যা উত্তীর্ণ হয়েছে, আলো জ্বলছে ঘাটে ঘাটে। বোধ হয় স্ক্রা একাদশী, জোৎস্নায় গঙ্গার জল আর ওপারের বালুচড়া উজ্জল হয়ে উঠেছে। মাঝি মাল্লারা গান ধরেছে। কাছেই

নৌকার ভিড় লেগেছে। অমরেশ বললে, নদীতে বেড়াতে ইচ্ছে হয় মায়াঙ্কি? আমি নৌকো করতে পারি।

মায়ালাতা সম্মতি জানালো। অমরেশ একথানা নৌকা ভাড়া করলে। সেই বৃদ্ধ মালিকই নৌকা নিয়ে এলো। আগে আগে নৌকায় উঠে অমরেশ হাত বাড়িয়ে মায়ালাতাকে ধরে তুলে নিলে। দু'জন পাশাপাশি বসলো। নৌকা ছেড়ে দিল। স্রোতের টান এখানে প্রবল, নৌকা স্থির থাকে না। মাঝি এবং তার লোক—দু'জনে দু'দিকে বসলো। জলের চেহারা যেন ভালো মনে হচ্ছে না। প্রাবনের জলে নদী ভরো-ভরো।

কিছু কিছু দূর গিয়ে দেখা গেল, শহরটা যেন কোনো বৃহৎ প্রাচীরের অন্তর্গত অবশেষ, যথেষ্ট মতো তন্ত্রাতুর। আলোগুলি ক্ষুদ্র হয়ে জ্ঞান হয়ে গেছে। দিক্দিগন্ত—জল, আকাশ, ওপারের বালুচড়া, দূরে কাশী শহরের অসংখ্য মন্দির আর প্রাসাদের চড়া—জ্যোৎস্নায় একাকার। দূর থেকে শুধু ঝাঁক ঘণ্টার শব্দ, দূরত্বত ভজন গানের বেশ, বাঁশীর করুণ-কল্পিত সুর—তাও ধীরে ধীরে যেন দূরত্বের অতল তলে মিলিয়ে গেল। প্রাণী জগৎ কোথায় যেন হারিয়ে গেছে। নদীর ভিতরে জলরাশির গভীর প্রাণ-কহোল ছাড়া আর কিছু শোনা যাচ্ছে না। আকাশ আর পৃথিবী আর জল কী যেন রহস্যভরা!

মায়ালাতা বললে, আমারই জন্মে তুমি এসেছ, তাই ভেবে সমস্ত মন আমার মধুতে ভরে উঠেছে। কিছু কেন তোমার এই পাগলামি, কবি?

অমরেশ নিশ্বাস ফেলে বললে, বিন্দু বিন্দু স্বপ্ন দিয়ে ইন্দ্রজাল বচনা করেছি তুমি তাঁর মূল কেন্দ্রে বসে রয়েছ। জানি অজ্ঞায়, জানি এর মধ্যে নীতি নেই, তবু—

তবু বাধাটা খেকেই যায়, কবি।

অমরেশ : তাই কেবল ভেবেছি এই সাত মাস। সেই বাধা উত্তীর্ণ হবার পরেই অগ্রগতি। থাক শাস্ত্র, নীতি আর শাসন। যারা বীর্ঘ্যবান

